

Bibliothèque numérique

medic@

**BOERHAAVE, Hermann. Praxis
medica, sive commentarium in
aphorismos Hermanni Boerhaave De
cognoscendis et curandis morbis /
pars quarta**

Londres : Sumtibus Societatis, 1738.



(c) Bibliothèque interuniversitaire de médecine (Paris)
Adresse permanente : <http://www.bium.univ-paris5.fr/histmed/medica/cote?30524x04>

P R A X I S
M E D I C A,

SIVE COMMENTARIUM

IN APHORISMOS

HERMANNI BOERHAAVE

*De cognoscendis & curandis
Morbis.*

P A R S Q U A R T A.

Editio tertia, aucta, & accuratissima.



Sumtibus Societatis.

M. DCC. XXXVIII.



Morbi Acuti Febriles.

§. 765. **P**er hoc intelligo omnes morbos, qui ortum ducunt ex causa fixa & permanente, quæ licet distincta sit à febre, tantum febrim facit, & quidem continuatam, quamdiu causa manet; hos morbos voco Febriles. Hi morbi sunt ejusdem naturæ, habent enim omnes, si Acuti sint, inflammationem, si Chronici, Cacochymiam, priores habent febrim & inflammationem pro causa, Febres dicuntur Acutæ, quia velociter decurrunt, secundum genus habet Cacochymiam, hoc est, malignitatem in corpore, quæ quando suppurationem habet, oritur Phthisis, hæc quando Icterum facit, vocatur febris Chronica, Ictericæ &c. hæc complectitur omnes morbos Chronicos & febribles in se. Omnes febres jam sunt absolutæ, nam internæ & externæ inflammations jam notæ sunt, quomodo mutentur vel in diaphoresin, vel in resolutionem, vel in suppurationem vel in gangrænam vel Sphacelum vel Scirrum, dictum est, si jam attendatur ad reliquos morbos, nil differunt nisi primo loco & materia suscepta facilis vel difficilis expellenda; ad primum sit exemplum una inflamatio in manu, altera in cerebro, tertia in cerebello, in manu erit rubor, dolor punctarius, calor ingens, tenitentia in parte, febricula,

Tom. IV.

A

la,

2 *Morbi acuti Febriles.*

la, aliud nihil, 2. erit tumor, rubor faciei, febris, delirium, si in cerebello videtur morbus esse malignus, cerebrum non sentit, æger moritur, quia nil spirituum moventium ad committitur, in manu porro fiet suppuratio, aperio, expurgatio, & postea claudetur, sed in crano hæredit, nec habebit exitum, sic pro loci diversitate diversæ sunt causæ; ad secundum facile vel difficile exire potest materia, ut in capite, unde morborum diversitatem oriuntur; horum omnium idea est inflammatio, sed pars obsessa habet aliam functionem, ergo sequitur, ut hi morbi dicantur ex tot functionibus læpis, non ex causis lædentibus, pütant omnes homines, quod quando inflammatio est in manu, & quando est in cerebro, quod differant, sed per cerebrum cogitamus non per manus, ergo morbus in causa Physica est idem, sed in functionibus non.

Tales. &c. Incipio à capite, in diaphragmate est Paraphrenitis, in ventriculo, Gastritis, hepate, Hepatitis, splene, Splenitis, intestinorum Enteritis, pluresque, in renibus Nephritis, vesica, Cystitis, Ureteribus, Ischuria, utero, Hysteritis, juncturis, Arthritis, externe Erysipelas, vel Variolæ vel Morbilli vel Anthraces &c. ut ante dixi. Tot varii morbi ab eadem causa, sed functionis, loci & evacuationis ratione diversa. Has operæ pretium erit examinare.

Phren.



Phrenitis.

§. 766. Phrenitis, aliis Phrenesis & Phrenia-
sis indigitata est vocabulum Græcum à Latinis
non translatum, originem ducens ἀπὸ τῆς φρενὸς,
siquidem φρένι mentem omnes nominarunt; men-
tem enim ægrotare atque affici dicebant vete-
res, cum partes animæ inservientes lœsas esse
viderent; hinc quoque cerebrum & diaphra-
gma φρένες vocarunt, tanquam φρενῖδη, id est, sa-
pienti parti conferat quippam, iisdem verbis
Galenus dicit, *Phrenitidem mortales omnes eam*
affectionem appellant, in qua mentem lœsam esse
videbant, quam rūpū & Algorizmū vocant; putat au-
tem Aurelianus Phrenitidem dictam fuisse à
mentis difficultate, ut Dysuria à difficultate urin-
næ; Celsus vero insaniam febricitantum vocat.
Φρένες vocabant etiam Anatomici diaphragma,
putabant enim veteres duplicem esse sedem a-
nimæ vel in cerebro vel in diaphragmate, si
in capite esset, dixerunt Phrenitidem, si in dia-
phragmate Paraphrenitidem. *Phrenitis est de-*
lirium perpetuum, ferox cum febre acuta conti-
nua, ortum ab inflammatione cerebri & membra-
narum ejus. Omnis Phreniticus prius deli-
rat, sed in Phrenitide est perpetuum delirium,
sed hoc delirium est ferox, ferox delirium vo-
catur, quod non modo cum obstinato animo,
sed cum nocendi cupiditate seu sibi seu aliis
conunctum dicitur, accidit sæpe ut homo
pro primo morbo habeat ferox delirium cum
febre Acuta, vocatur Phrenitis Vera, si vero
post

A 2

post alium morbum ad cerebrum delatum vocatur παρφρενίτις vel si princeps morbus circa diaphragma & postea ad cerebrum veniat πλευρίτις παρφρενίτις; id est, Phrenitis Symptomatica. Si quis laboravit valida Phrenitide, quarto die accedit delirium, quod vulgo vocatur Phrenitis, sed male hæc vocatur veteribus παρφρενίτις, quia materia febrilis per pætus lapsus transmigrat in cerebrum, vocatur etiam desipientia, non vero fluens Phrenitis; hic morbus differt à Melancholia & Mania per febrim acutam continuam, sic Galenum audimus, ubi dicit μάνιον σικιδημ id est insanire, omnes homines dicunt eos, qui desipiunt citra febrim, Φρενίτις vero, qui cum febre id patiuntur, à morbis soporosis per delirium perpetuum & vigilias: à simplici delirio in febribus Acutis sæpius aborto per ferocitatem, à Paraphrenitide cerebrum, ejusque membranæ afficiantur, in illa vero membranæ pleuræ pars diaphragma ambiens, vel & ipsum diaphragma, ratione affectum; in hac dolor capitidis ingens internus, in illa dolor sentitur primario in dia phragmate, vel locis vicinis, in hac respiratio magna & rara; in illa parva & frequens; vox gravis in hac nunquam statim ab initio fit Hypochondriorum intro sursum contracchio, dum id semper mox à principio in illa observatur.

§. 767. *Dolor capitidis.* Si homines in summa Æstate in regionibus servidisi bene sani toto die caput soli exponant, sic ut calescant, maximopere dolebunt, incident in Phrenitidem Veram à cerebro affecto. Legimus in historia Galliæ Regem Henricum ignominia & contumelia affectum à Principe, cum ipse vellet esse Dux exercitus, ut Ducem debellaret, cum vero

vero estet æstiva tempestas & toto die Soli expositus incidunt primo in capitis dolorem, & deinde in horrendam Phrenitidem. Hi morbi sæpe optimum corpus occupant, & in Asia, America, si homines æstum diu ferre cogantur, in tales morbos incident; hinc causa esse potest, quidquid obstructionem facit, sanguinemque in vasis cerebri, adeoque spiritus animales nimis exagitat ac movet, ut aér nimis calidus & siccus quatenus liquidissima dissipat, & avolare facit; reliquamque cruentis massam tam crassam reddit, ut per capillaria amplius transire nequeat; præsertim si ille aér ad caput determinetur; videlicet à radiis solaribus, quod veteribus insolatio dicitur, quale exemplum refert *Bonetus in Medicina sua Septentrionali*. Si aér nimis frigidus ex improviso corpus arripiens & præcipue caput valde excalafactum, aut fortiter perspirans, subito constringit vasorum, & humores per intensum calorem extravasatos in illis vasculis non tantum retinet, sed & propellit, unde error loci &c. Excreta & retentæ idem efficiunt, ut Hæmorrhoidum in viris, Menstruorum in fœminis suppressio; tum capitis perspiratio subito inhibita.

Dispositio. Omnes homines, qui dispositi sunt, ut facile incident in Pleuritidem & Peripneumoniam &c. facile Phrenitici sunt. Si imprimis vero ille dolor est punctorius vel lacinans, tum est dispositio inflammatoria, rubedo oculorum & faciei, vultus torvus, facies vultuosa, ut dicit magnus *Hippocrates*, unde rubor vulgo dicitur ab obstructione in iis locis, sed hoc non ita est verum, at quia arteria Carotis obstructa, sanguis per cervicales pulsus per internas carotides transire nequit, hinc

A 3

plus

plus fluit, per externos ramos carotidis, & plus rubent.

Somni turbulentii. In omnibus morbis, ubi primus impetus febris incipit habere somnum turbulentum, cogitate, quod adsit levis incipiens inflammatio, hæc si per dies aliquot perrexerit, dabit perfectam Phrenitidem, & desipientiam : *Hippocrates* dicit desipientia levis sensim increscens in Phrenitidem furibundam abit, homines primo leviter delirant, postea penitus desipiunt, non multum post incident in summum furorem, suum cerebrum vix sentiunt, sed morbus cognoscitur per functiones lœfas, si ergo hoc in primo febris initio fiat, & adscendat, licet æger postea de capitis dolore non conqueratur, tum certum est, quod Phrenitis fieri incipiat. Somnus nimius & immodicus volatilia auferendo, reliqua inspissando, illa ad vasa capillaria accumulat, aggravat: hinc cerebrum & caput replet, maxime intempestivus & variis in locis captus, sic contra vigilæ si nimis absumento spiritus animales, non nisi quiete reparandos, & tenuissima corporis fluida, acres humores gignunt, unde huic affectui facile nascitur occasio.

Adolescentia. Huic ætati morbus hic est frequens, in senectute vero nullus forte est visus.

Calidorum usus. Abusus potus & cibi, quemadmodum est nimis calidus cibus & aromaticus, diu sèpe continuatus; potus halituosi ut vini generosioris & spirituosi, ut spiritus vini, imprimis ex seminibus oleosis, & inde repetita ebrietas. Opii intempestivi usus, aliorumque remediorum calidorum; motus nimius merito huc recenseri debet, cum motus muscularis quo-

cun-

cunque modo factus sanguinis circuitum promovet, auget, & hinc omnia dicta producere potest.

Insolatio vocatur diurna capitis æstivo Soli expositio, quando forte tempore æstivo per arenosa loca ambulavit homo, tum vesperi totam cutim faciei inflammatam habet, si reflexio arenæ etiam hoc facere possit, quid faciet Solis actio nimis diu durans in mollem cerebri substantiam.

Vigiliae sunt motus cerebri, haec ergo nimis diu durent, inflammant cerebrum, haec primo magnum dolorem capitis conciliant, deinde accidente febre *Continua* & *Acuta Phrenitidem*.

Ira summa licet furor brevis dicitur, perfecte tamen inde summum furorem, id est, *Phrenitidem* oriri Auctores observant, idem facit amor immoderatus & omni conamine, ardente desiderio quæsusus.

Mæror, ut vidi in optimis hominibus pressis per calamitates & conquerentibus sua infornia penitus redditos fuisse Phreniticos. Non possum oblivisciccasum, quem vidi: Vidua orbara suo marito relicta sine subfidiis, erat tranquilla, cum aderam, sed altero die accersebat ab ejus infantibus, ut viderem, quoniam eorum mater inquietam noctem egerat, vidi & tantum intelligentiae aderat, ut delirium adesse animadvertere non possem, abivi & post unam vel alteram horam advocatus inveni eam sic, ut tota nuda cum furore debaccharetur (postea quidem sanata fuit, sed non sine exquisitissimis remediis contra morbos acutissimos, quia Melancholia in Phrenitidem abierat) *Hippocrates* dicit, mæsticiæ diu suppressæ in morbum penitus.

tus contrarium abeunt; quando homines ingenuosissimi adversis fortunis jactati ægritudines & tristitias secum diu concoixerunt, nec manifestant, sed tantum inde habent magnam febrim, signum est, Phrenitidem esse metuendam. Terror vel motus gravis maxime ex improviso accedens eundem producit morbum, memini me novisse generofsum juvenem ac robustum, qui ex terrore incidendi de nave in aquam adeo percussus erat, ut paucos post dies, neglecta Venæ Sectione, in Phrenitidem delapsus sit lethalem.

Protervia. Si invetercundus fiat homo, qui ante meticulosus, si ferox, qui ante sedatus, si protervus, qui ante obsequiosus, brevi post Phrenitide laborabit, si videam ægrum & rogum, quomodo vales & respondet, quid tua refert, certi estote, quod tum intra unam horam erit ferox, hoc Medicum monere debet, ut tum adhibeat medicamenta contra Phrenitidem nondum natam.

Oblivio. Si petat poculum vel matulam vel simile quid, & si detur, dicunt, cur affertur poculum, & nescit se petivisse, intra horam laborabit Phrenitide.

Siccitas. Oculi pulverulenti, siccitas oris interni, faucium, narium, si inflammatio præcesserit, & collectio floccorum, venatio avicularum, raptus muscarum, hæc si adsint, notant Phrenitidem orituram. Huc quoque referuntur applicata, ut vapores, odores, suffumigia calidissima, imo venenata naribus apposita; sic linimenta, unguenta, emplastra, pinguisa, ad capitis partes, quæ ea ferre nequeunt, applicata, unde primo Erysipelas, hinc inflammations & Phrenitides ortas fuisse Practici testimoni-

tantur, sic ex sola Odontalgia à causa externa frígida oborta, duobus parvis emplastris de Mastiche &c. ad tempora applicatis lethalem Phrenitidem secutam fuisse observavi.

Non Pleuriticus, id est, non perfecte Pleuriticus, tunc denotat ibi abundare in sanguine illud viscidum inflammatorium, cui si succedat perturbatio animi hoc denotat Phrenitidem Symptomaticam futuram.

Animi, id est, inflammatio ad arterias Intercostales sine vero morbo diaphragmatis, si inflammatio diaphragmatis fiat, ubi adest Phrenitis, vocatur Paraphrenitis, hæc est pessima omnium.

Urina & fæces. Hippocrates ubicunque nos docet, quod si æger in febribus habuerit urinam satis coloratam & crassam & fæces alvinas & excrementitias satis coloratas, si reddiderit in illa febre fæces albas, ut in Ictero, urinam albam, ut in Hystericis & Hypochondriacis, erit intra duas horas Phreniticus, tum enim est decursus & inversio omnium humorum. *Urina suppressa* denotat tanto magis ferrari ad superiora. *Fæces albæ* sine causa manifesta, cum antea essent coloratae. *Pallida* itidem nisi nullum potum haustum sit. *Suspensio nigra*, quando olea & salia urinæ in diathesin cadaverosam eunt. *Signa* Hæc denotant præfertim siccitas partium internarum.

§. 768. Hic quæruntur omnia symptomata omnem Phrenitidem perfectam concomitantia, seu quæ signa præsentis sunt hujus mali.

1. Est depravata imaginatio, tum leviter tantum delirant, sæpe cum risu & sermone tantum inconcinno ac inepto, ut vix risum teneant amici atque adstantes, tum sensus de-

A §. 768. De præ-

Pravantur, & ideas à causis internis formant ac ante habuerunt de externis, persuasionibus, tamen & rationi adhuc auscultant, cum vero ratio læsa est, pejus habent; si jam affectus accedant, ita ut rapiantur in quamcunque sævitiam & offensionem proprii corporis, vel & adstantium, est pessimus, & quartus delirii gradus, adeo tinnitus aurium, omnia gustui apparetur amara.

2. Ferocitas vocatur maximi motus lædendi vel sibi vel aliis, Phrenitis impetus est maximus vindicandi sibi male acta, est inquietus perpetua in somno, sæpe alta voce clamant, adeo dentium stridor, ut sæpe per fragmenta rumpan- tur.

3. Pulsus durus vocatur, quando digitus ap- politus arteriæ non patitur pulsus se comprimi, & videtur tanquam baculus transire per arte- riæ, non vero liquidum, hoc tum fit, tam præ nimia siccitate in arteriarum minimaram membranis, quam inflammatoria obstruzione in capillaribus, accedit vis cordis, qua sanguis citius per vasa trajectum arteriarum latera for- tius extrorsum pellit. Est certe mirum, quod Hippocrates hic fecit, & ubique commemorat, hic Prosper Alpinus de præagienda vita & morte repetit hoc dogma, sæpe docens, quod si æger febri Continua laboret cum levi delirio, & profunde respirare incipiat, quod paulo post Phrenitis subsecutura fit, qui enim febri arden- te laborant, citissime respirant, si profunde & tarde respirare incipient, tum credite mihi, quod secutura sit Phrenitis; qui non peritisunt Diagnoseos morborum, putabant, ægros suos tum optime se habere, sed hoc fit, quoniam cere- brum sic afficitur, ut non sentiant molestiam respi-

respirationis, quoniam etiam tum sanguis collectus in pulmonibus maxima copia violentissima respiratione promovetur.

4. Si verus sanguis ex corde trajectus per arterias Vertebrales fluere impediatur, ibit per Carotides externas, hinc hic major rubedo oculi, labii, narium, & tota facies rubicundior apparet, hæc est propria imago Phreniticorum, quia quo plus sunt Phrenitici, eo magis inflammatur cerebrum, eo minus sanguis per cerebrum, sed magis per externas Carotides fluit, ut diximus in Apoplecticis, ubi pituitosi etiam fiunt valde rubicundi, & hujus ratio est clarissima, quia pituita tum exstillat in cerebri ventriculos, quia jam oppleti premunt cerebrum, sanguis non admittitur (hoc addidi, quia multi negant) fit Hemorrhagia narium paucis guttis nigris exstillantibus, quia sanguis non transire potest propter obstruktionem & inflammationem, qua data porta ruit.

§. 769. *Prognosis.* Morbus hicce periculosus est habendus, tum ob nobilitatem partis læse, tum ob febrem acutissimam brevi determinantem; sed & periculi plenus est propter inflammationem hujus loci, ejusque dira & gravia symptomata, Suppurationem videlicet & Gangrænam, quæ sæpe præcaveri nequeunt, denique ob difficultatem auxilia applicandi. Phrenitidein Veram cum febre ardente ægros intra tertium, quartumve diem (raro enim septimum, vel undecimum transgrediuntur) è medio tollere afferunt Practici, nam est verus talis morbus in cerebro, ut in manu Erisipelas, unde ponit validum motum in hac parte interceptum, septimum diem non transreditur, quia cerebrum tamdiu cavere non pos-

possimus, sed quia dum cerebrum non admittit sanguinem, ille magis agitur in cerebellum adhuc liberum, quo destructo sequitur mors. Si saeva fuerit Phrenitis, transit saepe in Maniam, est fere æterna observatio in Medicina, si Vera Phrenitis forte transierit septimum diem, relinquit in cerebro tales dispositiones fibrarum depravatarum vel obstructarum, ut dein tota vita maneat ille furor, scilicet Mania sine febre.

Paulisper &c. Hoc est aureum monitum *Hippocratis*, plurimis neglectum, si quis laboraverit prius molestissima Cephalalgia, fit febris Acuta, simul delirium cum furore, si Medicus hoc quam primum advertat, sapiens medebitur, si non, hoc malum ejus adscribitur ignorantiae, sunt saepe nimium jocosi, prompti, alacres ad omnia, tum scito incipere inflammationem, dein oblivio aliqua accedit, quo facto incipient delirare, tandem furere; hinc bene dicit *Hippocrates*, delirium paulatim adscendens terminatur in immanem furorem & ad hoc bene est attendendum, ut æger servetur.

Lethargus vocatur somnolentia perpetua cum obliione sine febre, hoc sit, si caput in ægris à Phrenitico morbo sit infarcitum, ut per corticem nil transeat; sit corpus debilitatum, ut vires abesse incipient, sanguis non movetur, cortex est oppressus & oritur somnus; hic morbus orihi intelligitur, si species inflammationis scirrhosa maneat, est vero *Lethargus* somnolentia perpetua, superabilis utcunque sine febre, & cum omnium rerum obliuione, qualia ut plurimum leguntur exemplia post Phrenitidem in summa rerum obliuione viventium, prius doctissimi, dein nil scientes, nec nomen proprium nec

nec sua scripta cognoscunt ægri; tanta sæpe in cerebro post validas Phrenitides oritur mutatio, quæ facile intelligitur ab obstructionibus scirrhosis remanentibus. Coma est somnolentia cum vigiliis. Catoche est subita corporis immobilitas retinens totum corpus in eadem dispositione, quam fuerit tempore invasionis, Quando in Phrenitide sanguis & humores pulsi sunt in initio nervorum, tum totum corpus est immeabile, & est pessimum signum, quia statim mors subsequitur.

Vomitus & æruginosus vocatur, quando æger vomit materiam coloris viridis, uti est ærugo æris, si fiat ab inflammatione cerebri est pessimum signum, Hippocrates dicit, si aliquis percudit caput, & scire vis, an interius caput lœsum sit, vide an vomet æruginosa, sic si in febre Acuta scire vis, an interius caput sit affetum, uti affici potest à percussione, vide an vomitus adsit, si vomitus adsit, tum caput violenter afficitur ab effuso sanguine, sed effusus sanguis facit vomitum quatenus cerebrum comprimit; hinc in omni mala cerebri affectione fit vomitus, si cerebrum penitus non obruatur, et si in ventriculo nihil esset, hinc in incipiente Apoplexiæ vel Vertiginis insultu ægri vomunt, qui vomitus, si ad bilis viridis ejectionem usque duret, notant pessime se habere cerebrum. Sputatio frequens & indecora in adstantes, est pessimum signum quod faciunt, si adstantes non possint contingere vel nocere; si vero tremores vel convulsiones apparuerint, ægrotos certe morituros prædicunt Auctores; & Wepferus in Tractatu de Apoplexiæ notat, tum malum ad medullam usque pertingere; & Hippocrates Phrenitica vehementer.

ter trementia finiuntur, & Galenus non Phrenitici omnes tremorem incurront, sed qui deterri-
me habent, & de convulsionibus Galenus iti-
dem dixit, succedit maxime exitiali Phrenitidi,
nec sanatum quempiam, ita convulsorum aut ip-
se vidi, aut alium narrantem audivi; quare &
singultus ob eandem causam, ut Aurelianus
notavit, erunt in Phreniticis pessimi, notat e-
nim nervos affici, cerebrum ad medullam us-
que lœsum esse, si valde inquieti, anxii & ja-
ctabundi sunt ægri, plurimum est timendum;
urinæ color rubicundus fit ex soluto oleo cum
sale, quod ex motu & calore causticum acer-
rimum evadit, si jam illud oleum cum aqua
simul exeat, sæpe spes est restitutionis; si ve-
ro sola aqua fecernatur & egeratur instar lym-
phæ pellucidæ, remanet pars crassissima acer-
rima, unde tenella cerebri stamina facile cor-
roduntur ac destruuntur; quare non immerito
lethalem pronuntiavit. Galenus dicit nullum vi-
di Phreniticum, in quo talis urina apparuisset,
servatum.

Venatus floccorum. Galenus de se ipso dicit,
cum eram Medicus junior, incidebam in fe-
brim, quæ dabat diathefin ad Phrenitidem, Me-
dici accecebant, qui dicebant, videtis eum
floccos venari, ergo brevierit Phrenicus, nunc
dicit Galenus, ego nesciebam me floccos vena-
ri, monebam tamen Medicos, ut Phrenitidem
averterent, & sic dicit se Venæ Sectione cura-
tum fuisse, hoc symptoma notat jam ideas per-
turbari.

Pulverulenti. Prosper Alpinus in Tractatu de
præsagienda vita & morte optime colligit locos
ex Hippocrate de ægrotantium oculis agentes,
& ibi invenitur esse pessimum, si pelluciditas

in aliquibus punctis appareat, & in quibusdam remaneat; tantus enim est calor circa has partes, ut oculus non depurari vel detergeri possit, quia tunc quasi mortuus erit, & absentiam mentis indicat; si acuti sint siccii, hoc notat cæteras partes longe magis esse exsiccatas; hinc malum est signum, si ægri habeant superioris membranæ oculi inæqualitatem vel scabritiem. *Adiutor* in febribus ardentibus ægri semper bibunt, si nunc non sitiant, febre tamen remanente pessime se habent notante *Hippocrate*, mentem i. e. cerebrum laborare indicat.

Dentium stridor lethale. Signum semper est qui saepè stridor est tantus, ut dentes atterantur, oritur, quia musculi Temporales cerebro proximi & Maxillares convulsione afficiuntur, vidimus à talibus Phreniticis una pressione, dorsi apicem abscindi.

Permutatio symptomatum. Hoc notat œconomiam animalem esse totam perturbatam.

Ulceris tumentis subsidentia. Quod saepius observavi, tumores siccantur, & evanescunt, quod sumnum, periculum denotat, & sunt plerumque mortis præfigia.

A Peripneumonia lethalis est. Hic morbus impedit venam Cavam in cor dextrum evacuari ob pulmones obstructos, hinc Peripneumonici oculi tument, venæ & caput inflatæ sunt, dum hoc fit, sanguis aggregatur in cerebri sinus, & oritur Phrenitis, hinc indicat pulmones inflammatos sanguinem non posse transmittere, eumque in cerebrum conservari.

A Variolis admodum mala est, vidi tamen ægros inde liberatos, sed raro hoc fit, nam plerumque moriuntur, quod signum est Variolas pustulatim hæcere ad cerebrum, ut docuit Anatome.

Ab-

Ab Ileo lethalem prouinciat Hippocrates, Ileus est inflammatio intestini, & si talis etiam fiat ad Meninges, cito perdi sunt ægri; cum enim materies acerrima, ad intestina prius collecta, ad cerebrum vertitur, nulla revulsio valet & exitiale est indicium. Omnes morbi capitis, qui ab inflammatione intestinorum procedunt ut causa & signa, pessimi sunt.

Inflammatio, id est, nec in resolutionem nec in suppurationem nec Gangrænam vel Scirrum abiens, erit mortifera, hoc noscitur, si palpent circumquaque & laboriosissimi sunt pugnare & proficisci, & dicant se habere multa negotia, licet vix se movere possint, perpetuo se moveant, semper noctes diesque aliquid agant, nec ab ideis suis amoveri possint, & sibi persuadeant se aliquid exequi debere. Sic vidi domicellam, quæ perpetuo nitebatur adigere filum per acum, etiamsi utrumque non haberet, & studiosum, qui semper se vestire & arma capere volebat, quia se nomen dedisse militiæ credebat; si talis inflammatio ascendat ad cerebrum, lethalis est juxta Hippocratem, in hac parte interpretes se tam misere tormentant.

Asperitas ab inferioribus ad superiora assurgens facit Phrenitidem, à qua semper moriuntur ægri, hactenus intelligunt interpretes, dicit porro Hippocrates, hi palpitan & laboriosi sunt, quando palpitan sunt semi-phrenitici v. g. si dicant se velle in bellum ire & se debere festinare, quia illa hora adesse debeant, hoc semper est lethale signum.

Necessarium in morbo vocatur id, quod requiritur ad morbum curandum, pessimum est, si æger non velit id, quod requiritur & petat, quod

quod nocet v. g. quando æger non vult bibere, non recusat id, quod ipsi maxime est necessarium & sine quo curari nequit; hoc dicit *Hippocrates*, sed sensu Laconicæ dictioñis; nempe in Phrenitide & Pleuritide requiritur quies, sed pessimum est, si velint semper videre imagunculas, papyraceas picturas &c. hæc omnia sunt Prognosis morbi, interim tamen aliqua curationis spes effulget, & symptomata sunt mitiora, inflammatio levior, delirium non tam vehemens & cum risu, si crit icæ evacuaciones per loca convenientia, debito tempore & satis magna copia obseruentur, vel per sudores constantibus viribus, remittentibus symptomatibus, de quibus *Galenus* per sudorem atque somnum solvi delirium docet, per alvi fluxum, *Hippocrates* ait, ab insania Dysenteria, aut Hydrops aut mentis emotio bonum, aut per uinam de qua idem auctor, urina multam subsidentiam habens, solvit deliria, vel per largas eruptinoes sanuinis, quales sunt à naribus, de quibus *Galenus*. Sic menstruæ evacuaciones cum & post delirium conspectæ, ut observavit *Hippocrates* in virgine Larissa &c. ita & Hæmorrhoides delirium secutæ salutem prænuntiant, quas venerandus Medicus meminit, dicit, ex Melancholia insanientibus, si varices aut hæmorrhoides supervenerint, insanæ fit solutio, dolores vehementes ad pectus, ad coxa, crura, pedes, manusque, solvit sæpe malum, signum enim est, quod humores peccantes à partibus nobilibus ad minus nobiles per metastasis sint transituri, qualia exempla sparsim apud Hippocratem, si ægri dormire incipient, & à somno reficiantur, & inde pacatores evadunt, optimum est indicium.

§ 770.

§ 770. Anatome ultra quinquaginta Phrenitum apertorum exhibet exempla, in quibus hæc varia observatio occurrit, inventæ sunt inflammatae meningæ & cerebri, ac ichores acres maxime in Lue Venerea erosa tabula inferiori crani ad cerebrum prolapsi. Quando Dura Mater inflammatur, oritur capitis dolor, unde postea delirium, hinc ubi est dolor capitis, ibi affecta est Dura Mater, sed si dum hæc pars est affecta, vitium ad Duram Matrem feratur, tum delirium oritur.

§ 771. Proxima hujus morbi causa est cerebri, Duræ Piæque Matris inflammatio, quæ oritur ex sanguinis arteriosi rubri in vasis minimis stagnatione & à vi cordis in obstructum ulteriori pressione & attritu: hæc fieri possunt vel vitio vasorum vel vitio humorum vel utrumque vel denique errore loci, hæc ut plurimum oriuntur & augmentur ab impedito per minima vasa transitu, motuque nimio circulantis sanguinis ad caput & superiora rapti, quo enim humor celerius per canalem propellitur, eo major humoris copia intra datum temporis spatium transire debet, unde necessario in fine ejus fit resistentia, qua nata statim fit in vasis obstructio, nam reliqua huc appulsa sistentur, horumque excipientur ab his actiones, dum interim continuus ad hæc loca manet cruoris appulus compingitur valde obstructum, exprimuntur tum subtiliores sanguinis particulae, relictis modo crassioribus iplius fluidis, ad obeundum circulum haud amplius idoneis, unde tandem major vasis exoritur obturatio, dilatatio & extensio: sed eo ipso quoque difficultior fit cruoris per minima vasa trajectus, unde tum illa functio tollitur, quæ à canalium in-

Integritate pendebat scilicet vasa liquidis irriganda deplentur, & vasorum in transmittendis fluidis minuitur capacitas, hinc major humorum copia per vasa libera fluens horum velocitas augetur, dum eadem cordi remanet exprimendi facultas, orietur validus in vasa & vicissim vasorum in humores nixus & tenexus, adeoque ingens partium attritus, calor, & aestus. Dum haec ita sunt, vasa lateralia magis obturantur, & distenduntur ab impasto per vitæ vim sanguine, unde tumor, pulsus & rubor augmentur; quin imo ex ipsa vasorum distensione expanduntur simul eorum nervuli, omnium vasorum genere mirifice intertexti, imprimitur cum mente doloris quidam sensus, eo quidem exquisitor, quo a perseverante sanguinis motu magis dissolvitur nervorum continuitas, hinc vellicantur cerebri quoque ac cerebelli vascula, feruntur spiritus ad villos cordis majori impetu, & duplicatur crux per vasa velocitas, ita ut verus quasi ignis caput & universum corpus depascatur. In his equidem non subsistit immanis illa simplicissimæ labis ferocitas, sed contagii instar, saluberrimæ prius machinæ structam subito destruere conatur: namque eodem tempore, quo humores celerius feruntur per libera vasa, dissolvuntur una cum solidis fluida, atque dissipantur ab attritu mobiliora ejus corpora, quantum aqua & spiritibus erant ditissima, sed & humores residui in densitatem coguntur inflammatoriam, hic sales & olea nimis attenuata, trita & volatilia facta, redundantur maxime acria, imo exaltantur quasi in putredinem, dum interim crassa & tenacia accumulantur olea, exustive sunt similia humoribus,

quos

quos non immerito hujusmodi in casibus billem flavam, atram & exustam vocarunt veteres, hæc omnia ubi quis secum reputat, atque præterea animadvertisit, quod nulli in cerebro hæreant musculi, nulla adsit pinguedo, quæ humorum impetui per dictas causas in corpore accelerato, resistunt, certe clarissime videtis, quam multa diraque symptomata inde oriri possunt.

Primario orta. Non dico inflammationem cerebri, quamvis non negem subesse, sed quoniam illa est adeo subtilis, ut non appareat, dico tantum illam membranam esse affectam, sed inde intelligitur, quod interiora per Piam Matrem affici debeant, hic morbus sæpe oritur a translatione materiæ ex aliquo loco prius natato. Quando videtis ægrum Phrenitide laborantem, cogitate, quod in tenui membrana cerebrum & cerebellum obvolvente nata sit talis inflammatio, vel membrana Pleuræ in Pleuritide. Symptomatica est, si inflammatio sit prius in alia corporis parte, sed postea laxata illa parte fertur in cerebrum, unde fit metastasis, & hoc est proprie Paraphrosyne sive Phrenitis Epigenomenes.

§ 772. Si rogarem, quomodo cognoscatur, quod æger Phreniticus sit, quid tum responderetis? inflammatio Piæ Matris adesse deberet, quænam certa signa, ex quibus cognoscitur Vera Phrenitis? hoc est dolor capitinis manens in uno loco, subito incipiens, non attenuatus ad externum attackatum, doloris comes est febris Continua, cum pulsu duro & febre Acuta, deinde si delirium successerit post immannem dolorem, & ad delirium accesserit furor, & omnia manserint, ibi est Vera Phrenitis, sed quo-

quomodo sciemus, quod Phrenitis incipiet? si præcesserint causæ Phrenitidi generandæ aptæ, quæ § 772. recensui. Futura Phrenitis est melior quam præsens, quia præsens raro curatur. In omni fere critica metaptoſi pulmo maxime anhelat, ut se liberet, & coquat materiem.

§ 773 *Hippocrates* omnes morbos Acutos accurate rimatus notavit, per quas vias natura ſibi commissa hunc morbum sanet, nil de cauſa nec de effectibus ratiocinatus.

Varices. Si Anus doleat cum varicibus, & varices turgidæ ſint, ceſſat furor, vel si incipient venæ Saphænæ turgere, & fieri varicosæ, vel ſi ſolvantur Hæmorrhoides; & fluant, haec notant minorem ſanguinis preſſionem versus cerebrum.

Alvi fluor bonus. Scilicet qui fit in Phrenide in primo morbi tempore perpetuo levans, vires non tollens ſolvit, ſed ſi alvi fluor oriatur à viarum angustia, ab inflammatione, à præcordiorum anxietate, non juvat, ſed eſt lethale ſignum, verum ſi primis diebus fluat cum levamine, & vires conſtent, morbus ſolvetur.

Dolor. Omnia ſequentia ab *Hippocrate* ſunt obſervata, ſi doleant pedes, brevi futurus eſt minor impetus ad caput, & ſi dolor ſit ad petus cum tufi ſignum eſt materiam e cerebro deſcendere ad pulmones, & ibi procreare tuſſim.

Hæmorrhagia. Si oriatnr narium ſtillicidium cum paucis guttis, eſt ſemper lethale ſignum, ſed ſi ſtillicidium fiat, antequam morbus eſt debacchatus & vires conſtant, ſi tum ſanguis pleno rivo prodeat, ſolvit malum. *Severinus*
ſecta

secta arteria Temporali millenos curavit, ergo Hæmorrhagia aliter solvit, quam Venæ Sectio, quia hæc tantum demit de viribus fluentibus versus cor, sed Arteriotome sanguinis ex corde effluxi impetum tollit.

§ 784. Utinam considerassent Medici, utinam ipse non neglexisset, si Phrenitis Vera non curetur, antequam morbus adoleverit, postea nunquam curabitur, sanguis enim impensus vi cordis in corticalem cerebri substantiam vel cerebro vicinam, nunquam introduci potest, quia nulla est elasticitas in cerebro, non enim est corpus magis molle, magis iners & magis paralyticum, quam cerebri cortex, hinc omnes iuflammationes post mortem cessant in cerebri membranis, manent circa cerebri medullam, ergo curatio citissime est instituenda, antequam morbus invalefacat. Omnis inflammatio tollitur, vel resolutione, quæ sola hic possibilis, vel suppuratione, unde Apostemata, Erosiones, Gangræna, Scirrhus & mors oriuntur.

§ 785. Sola curatio indaganda restat, quæ hisce facile absolvitur indicationibus, 1. ut impetus irruentis in cerebrum sanguinis minuantur, 2. ut sanguinis fluiditas concilietur, 3. ut vires vitæ conserventur. Impetus sanguinis minuitur minuta copia, minuta pressione, copia minuitur Venæ Sectione statim in initio instituenda; cum enim axioma sit Medicum, periculosissimi morbi, & qui valde cito decurrunt, citissime validissima requirunt remedia: ita in Vera Phrenitide, cum periculo plena sit, & brevi citoque decurrat, subito summa sunt tentanda remedia, hinc Venæ Sectio larga sit, ad animi deliquium usque, id est, donec pallescere

lescere aut deficere incipient ægri, magno & ampio vulnere, sæpe per plures venas simul, ut tanto educatur citius, cum interdum periculum sit in mora, idque teste *Riverio*, in morbi principio bis, terve repetendum, prout impetus morbi, ægri conditio, ætas, tempes- tries & vires permittunt, sæpe instituetur missio sanguinis per plures venas simul, ut faciebant Græci. Si Phrenitis sit in initio, nil plus juvat quam Venæ Sectio ad pedes insti-tuta, tum enim totus impetus à capite tollitur, sed si morbus cerebrum infarciens ob-struxerit, tum commendari solet venarum Ju-gularium vel Frontalium apertura, quoniam tum spes est cerebrum levaturum iri, si hæc non juvent ad sectionem arteriarum perve-niendum est, imprimis Frontalium & Temporalium, quæ digito sentiuntur & facile secantur, hæc quomodo inveniantur & cum optimo successu secentur, vide apud *Aurelium Se-verinum de Efficaci Medicina in Capite de Arte-riotome*, ille clarissimus Auctor observavit, ægrotos, qui per repetitam Venæ Sectionem restitui non poterant, per Arteriotomen in arteriis Temporalibus peractam statim esse resti-tutos, id quoque meminit *Paracelsus*, & modum peragendi vide apud *Dionis Cours d'Opera-tion de Chirurgie* si hæc cum audacia fierent, plurimi sanarentur, nam sanguis ex vena mis-sus minuit saltem copiam, quæ per pulmones fluit, hinc missio sanguinis per venas non sa-tis minuit impetum, sed arteriarum sectio om-nem impetum ex corde factum tollit, si mor-bus sit vehemens, post duodecim horas repe-tendum erit; hinc missio sanguinis magnæ cer-te est utilitatis in hoc morbo, quoniam im-petus

petus sanguinis non tantum & ulterior vasorum destruetio impeditur; verum etiam in vasis saepe impactum resolvitur, hinc nunquam negligenda est quidquid Chemici ex suis operibus promittunt, bona essent eorum verba, si in facta transirent. Alvum laxantia etiam prosunt, quæ humores nec acriores reddunt, nec validius movent, cum tamen eos solvunt, ad intestina derivant, atque educunt; qualia sunt purgantia antiphlogistica cum multo potu diluente nitroso danda, ut Cremor Tartari, ejus Crystallus, Tartarus ipse. Sal Polychrestus, pulpæ Tamarindorum, Tamarindi ipsi decocti cum succo Limonum & Nitro. v. g.

℞. Tamarindi	3vij
Aquæ puræ	pint vij
Coquantur simul Colaturæ	
addatur Nitri puri 3ʒ	
Rob Ribesir.	3ij
Succi Limonum q. s.	
ad gratiam.	

Hoc bibat æger, vel pulpæ Cassiæ Fistulæ & in decocto Rob Sambuci, Mel, Manna, Cassia &c. ex quibus unusquisque pro modulo suo formulas concinnare potest, de his imprimis de Tamarindis tutissime tanta ægris propinari potest copia, donec Diarrhæa laborare incipient, qua saepius Phrenitidem solvi visum est, nullumque inde periculum timendum. Clysmata similia injecta quoque summopere juvant, multoties, omni sexta hora si fieri possit, seu bis terve de die, ut perpetuo madeant intestina, laxentur vasa, & huc deriventur humores; possunt fieri ex sola aqua, fere

fero lactis, lacte ebutyrato, melle cum aceto vel oxymelle vel fero lactis cum aqua & melle, additis laxantibus & emollientibus.

Anus fovendus mollissimis fomentis aut pulmentis ex bulbis Liliorum alborum coctis cum fero lactis, haec noctes atque dies apponantur ano, ut tumeant, tum asperis Ficuum foliis leniter perfricandum, si enim prius tumeant vel laxatae sint, à minima causa rumpuntur, aut applicentur hirudines, vel paululum salis inspergatur; vel sedeat æger nudato ano supra vaporem aquæ calidæ in sella proforata, ut partes illæ humectentur & emoliantur, imponantur tunc suppositoria ex Melle & Aloë subtritis iu substantiam scissilem cocta & inspissata, donec incipient dolere, si sponte non rumpantur, apponantur huic loco cum lacte dulci prius depurato hirudines, tum sanguinis copia est educenda, donec æger desiciat, si vero satis fluxerit, huic imponendus est Spiritus Vini, quo pars lavetur, hoc est inter omnia remedia furori Phrenitico sanando optimum.

Collutoria sunt balnea corporis, sorbetur decoctum avenæ, & hoc os colluatur, quo ipso efficitur, ut præter humectationem arteriæ carotidis laxentur, per quas sanguis tam violenter & tanta copia ad cerebrum non fertur.

Nares, oculi &c. Spongiæ aceto vel aqua madidæ his partibus præsertim circa aures applicentur, quæ ibidem quasi trahunt, observatum est dudum Cantharides post aures in ejusmodi casu optime juvasse, ergo quo magis trahens ibi applicatur, eo melius promovetur. Emolliuntur & laxantur, vasa per balnea immersio-
nis, imprimis vero vaporis, & totum corpus,

Tom. IV.

B

quod

quod in talibus penitus fere aridum nullum sudorem transmittit, humectetur & per vasa absorbentia liquidum in majora vasa deferatur, atque ita emoliantur; fomenta naribus, oculis & auribus applicata huc spectant, ita ut totum fere caput madescat, id posca, hoc est, aceto cum decuplo aquæ peragitur v. g. potest sumi sequens.

R. Aceti Rosacei

— Sambuci ana ʒj

Aq. Rosar.

— Sambuci ana ʒiv

Aq. pur. cum aceto q. s.

M.

Immittatur pannum, & eo penitus madido obvolvatur caput, in multis casibus, ubi cætera vix profuerunt, hoc solo remedio sanati sunt; hinc simile fere remedium clarissimus *Sydenham* in his laudat; ac plus quam *Narcotica* quævis prodesse dicit. Collutoria oris fiunt ex decoctis diluentibus, ut radicibus Graminis, Acetosæ, herbis ejusdem, Malyæ &c. hinc etiam gargarismata componantur, nam nisi os & fauces madidæ sint, sanguini non tam facile conceditur transitus, & liberum humorum à capite versus inferiora iter impeditur, summopere laudat *Sydenhamus* caput radere, nil adeo confert post repetitam venæ sectionem & purgationem, idque semper in Phrenitiide commendat, nullum emplastrum admovens, sed piloleum tantum, quod ablatum rasura capillarium spissitudine quadantenus compensat, aut caput à frigore externo muniat; quando deraduntur capilli, tum quoque millena vascula ab.

abscinduntur. Hoc remedium in Gallia, Hispania, Lusitania, & omnibus locis calidis Medici faciunt in Phrenitide. His omnibus ita peractis & per aliquot dies frustra tentatis, nec tamen cedente malo, ad Opiata confugendum, non ut per ea causam tollas, sed majora inde symptomata prohibeas, quæ nunquam, in principio aut ante dictas evacuationes exhibenda sunt; aliter sæpe pessime cedunt, ita ut ægri magis furibundi & inquieti moriantur, putat antem *Sydenhamus* non nisi in declinatione hujus morbi Opiata seu Narcotica medocri dosi abhibita cum successu dari: quin imo nunquam ante duodecimum diem prospere hæc exhibita fuisse se scire afferit, quantum non nocebunt, quia, vires sunt imminutæ, tum datur granum semis Opii in succo Citri vel acetato dissolutum, tum exspectatur, an juvetur, si juvet, post semi horam datur adhuc granum semis.

Pediluvia. Sæpe feci, ut pedes ab inferioribus usque ad futuram mitterentur in pediluvium, quod constabat ex lacte ebutyrato cocto cum foliis Malvæ, ut venas eo usque laxarem, ut omnia tumescerent. Impetus sanguinis minuitur, minuta pressione; id fit re-vulsione & repulsione in alias corporis partes, tantis encomiis in his affectibus ab antiquitate elata; nec aliter in his sonant oracula *Hippocratica*, sed ea esse revellenda, quæ quo oportet vergant, ad hanc ergo revellentium classem spectant cucurbitæ sine scarificatione attrahentia, epispastica, imo & vesicatoria, quæ in applicata parte minorem faciunt resistantiam, & sic humores huc derivant; in hunc finem panis secalinus fermentans

tans cum sale aceto mixtus, additis Ruta, semine Nasturtii Hortensis, Erucæ, Sinapi, Cæpis Assatis &c. plantis pedum, poplitibus & cruribus applicatus maxime conducit; si ab his forte rodantur inferiora, & quasi urantur, parvi pro tempore est habendum, dummodo à nobilioribus ad magis ignobiles partes trahuntur humores peccantes, ad repellentium classem recensentur omnia refrigerantia & constringentia, forma cucuphæ, emplastri, epithematis, oxyrrhodoni &c. quæ vasa constrin-gendo sanguinem istis partibus appositis arcent, à multis hic maxime commendantur pisces fluviatiles Tineæ dictæ, splen vitulinus, & alia nimis sordida pedibus & capiti applicata, omnia hæc applicui, sed nil inde præstitum vidi; ratio hujus opinionis est, quia hæc cito putrefiunt, & putant Medici, sic putredinem à corpore educi, verum sanis idem fit; denique sanguini in vasis impacto fluiditas est concilianda; redditur sanguis fluidus eum diluendo vel vasa laxando & emolliendo: nam sive vasa laxaveris, sive sanguinem dilueris, eodem modo res redit, sanguis optime diluitur venæ sectione cedendo reliquæ sanguinis massæ, porro præcipuum in hisce diluens est aqua, cætera tantummodo diluunt, quantum ut plurimum sunt aqua; hinc quoque serum lactis, lac ebutyratum ad temporem sani corporis, forma potus, fatus, balnei, vaporis, clysmatis, maxime diluunt, addi possunt attenuantia & resolventia, qualia sunt Sal Marinus, Gemmæ, Nitri, Ammoniaci, Polychrestus, Prunellæ, huc pertinent decocta ex radicibus Acetosæ, Graminis, Lapati Acuti, Scorzonerae, Tragopogonis, foliis Aceto-

fæ;

fæ, Acetosellæ, Cichorei, Laetucæ, Endiviae, Agrimoniæ &c. floribus Buglossi, Borruginis, Violarum, Sambuci, sic fiunt in hoc casu decocta ex fructibus horæis bene maturis, addito Saccharo vel Melle ut & Nitrofis attenuantibus supra memoratis.

Corpus. Credo, quod nil magis noxium sit, quam hominem Phrenitide laborantem includere lecto cortinis subducto, & simul vitare, ne surgat, ægros furentes jussi, ut surgerent, immisi pedes in cucupham cum aceto paucō & sale, tum desierunt furere, quando iterum in lecto veniebant, iterum furiebant, ergo potius erecti teneantur, sed in loco obscuro, & dum erectus sedet, sedeat cum inferioribus in balneo, si æger surrexit ex balneo, & velet petere lectum, tum antequam immittatur, epispasticum ex aceto, pane, Ruta, Allio & sale ad pedes, poplites & inguina est applicandum, ut non modo laxet, sed stimulum faciat, capiti embamma est applicandum ex oxycrato seu aceto rosaceo & aqua rosarum addito sale & nitro, multos tales ægros curandos habui, quibus si hæc applicarentur, primo die omnes sanabantur, si secundo, sæpe moriebantur. Hinc nisi corpus subinde à lecto abstineat, & erectum in moderato frigore teneatur ac reficiatur, frustra, quidquid sæpe tentas, tua erunt in levando ægro molimina; nil adeo laudatus Sydenham in morbis inflammatoriis, maxime in hoc inculcat, quam iſtud; digna sunt ejus verba; dicit: *Hoc in casu (nempe ubi Phrenesis &c. aut alia quævis effera-tæ inflammationis indicia ægrum febricitantem obfederunt) quantumlibet sanguinis detrahatur, quantumvis leviter tegatur corpus, quicunque de-*

mum liquores refrigerantes ingerantur, non prius sedabitur febris, quam æger se lectulo interdiu abstinuerit, cum calor circumambientis aëris inter stragula conclusi, sanguinem plus exagitet & præcubantis corporis situs vehementiori impetu eundem in caput impingat. Quod si usque adeo debilitati à morbo fuerint, ut erecto corpore per duas tresve horas sedere nequeant, quin deficerent, omnia ita accommodari debent, ut facile sedeant, & simul quasi sedere & jacere videantur; à Clarissimis in arte Viris observatum est, tales ægrotos vix delirasse, cum à lecto abslingerent, cum vero se iterum lecto addixissent, rursus delirio correptos fuisse.

§ 776. Si adsit Peripneumonia & sequatur Paraphrenitis, si tum sputa prodeant, & æger furat, tum non mitto sanguinem, nec suppri-mo sputum, sed si hoc non juvet, mitto sanguinem & facio ut dixi. In morbo Acuto cerebri & cerebelli per derivantia est agendum, & si in morbis Acutis hæc instituerentur, vix inde aliquis moreretur, cum vero hic nil est differendum, omnia illico sunt instituenda, nam sequenti die nil prodest; deinde et si Medicus præscriperit venæ sectionem, aut aliud quid adhibuerit, attamen si morbus nimis duraverit, inutilis erit curatio, & æger moritur, hinc in talibus morbis semper advocandi sunt alii Medici; effeci etiam ut plutimum in illis casibus, ut totum corpus inferius ambiretur cataplasmate emollientissimo, ita ut fere pure excoriarentur. Tandem his omnibus diæta exactissima, ut vitæ vires conserventur, est adjicienda, aër itaque sit purus, frigidiusculus, arte vel sponte ita factus & (ut Sydenham dicit) focus non sit luculentior in cubiculo,

quam

quam cui æger nunc, cum sanus erat, assueverat. Cibus sit tenuissimus, levis ex farinaceis in Phtisanam &c. coctis, ex quibus ut & ex seminibus quatuor frigidorum majorum, minorum emulsiones præparari possunt; huc referri queunt fructus horæi subacidi maturi, cum pauxillo Vini & Saccharo decocti. Potus sit copiosus ex aquosis diluentibus tepide assumptis; ut aqua Hordei, avena tenuissima, sero lactis, lacte ebutyrato, cerevisia tenui &c. his addi possunt succi fructuum horæorum maturorum. Quies & somnus omnibus modis concilietur, utpote Phreniticis utilissimus, cum somno deliria mitescant, ægrique convalescant: ille arte fit, si sponte non subsequatur; scilicet remediis huic scopo propriis, ut aqua florum Rhæados, ejusdem syrupo, syrupo Papaveris albi, Diacodii, Laudano liquido & solido; alvus quodammodo respondeat; admoneantur, ut urinam reddant, cum id saeppe obliviscantur. Nunquam negligenda est eorum custodia, quamvis quieti ac pacati pro tempore videantur; fallunt saepius custodes; retineantur, quieti, quantum fieri potest, omniaque objecta, quæ, curam aut molestiam parciunt, arceantur, neque his obloquantur vel irascantur: verum si nimis ferociant, ut non contineri possint, vincere eos oportet, dicit *Celsus* ne vel sibi vel alteri manus infligant, ac noceant; *adversus omnium sic insanientium animos se gerere pro cuiuscunque natura necessarium est.. Si his efficere nequeam, incurabilem pronuncio. Hac ratione juxta Hippocratem curatur Phrenitis.*

Angina.

§ 777. Vox Angina à voce ἄγκη angere, quia morbus est, quo ægri valde anguntur. Unde *Plantus*, ad anginam ego me velim verii *veneficæ illæ fauces prehendam*, atque enecem *scelestam stimulatricem*: sic *Festus* dicit eos habere anginam vinariam, qui vino suffocantur. Commode quoque derivari posset à verbo Latino *angor*; hinc dicit *Plinius occupat Panthereæ fauces angor*. Belgis dicitur *een ontsteekingh in de keel*. Græce à veteribus vocabatur οὐραγχη, λύραγχη & συράγχη. οὐραγχη & λύραγχη dicta est, quia frequenter hæc animalia afficiantur canes οὐραγχη, & lupos λύρας vocaverunt quorum quoque similes voces sive ululatus in Synanchica passione constituti, cum præfocari cæperint, emittunt, ut dicit *Cælius Aurelianus*, οὐραγχη vero, quia hominem laquei instar strangulet & suffocet; nam vox συράγχη oritur ab ἀλκολη laqueus vel ἄγκη non autem à συνέχειν continere, ut dicit *Cælius Aurelianus*, hoc enim clare patet ex historia Demosthenis, quam *Gellius* describit, ubi ille Milesorum Legatorum postulatis acriter primo respondet, sed cum postridie ab illis pecunia correptus se contra Milesios lœqui nequire dicebat, quia συράγχη pateretur, tunc unus è populo exclamabat, *Demosthenem non συράγχη sed ἀργενταγχη* (id est, non anginam, sed argentanginam) pati. Exinde vero multæ ortæ sunt differentiæ à *Galen* ad quatuor species reductæ, quarum

+ B

pri-

primam vocavit *συράγην* à *σύρειν* canis & *ἄγκα*^a strangulis quia in hac specie (ubi musculi interni laryngis sunt inflammati, licet nullo apparente tumore) ægri ore hiante, cum maxilla & lingua extorsam pressis, ut canes æstuantes aërem hauriunt: secundam speciem dixit *παραγανδήγην* cum externi faucium musculi sunt inflammati cum notabili tumore; tertiae nomen *συράγης* dedit, quando afficiuntur musculi pharyngis interni vel ambitus faucium interior: quartæ nomen *ῳδησυράγης* tribuit, tuncque musculi faucium externi inflammati sunt; tumore aliquo externe apparente. Angina ab Hippocrate & Veteribus appellata ut plurimum est omnis inflammatio. quæ in gutture & faucibus fiebat, Hippocrates tamen videtur distinguere faucium inflammationes ab angina, cum dicit. *Quibusdam raro faucium inflammaciones aderat, aliis vero anginæ.* Ubi per faucium inflammationes intelligere videtur, si partes faucibus vicinæ, ut tonsillæ, uvulæ, vel musculi linguae inflammentur, per *anginam* vero, si ipsi musculi laryngis vel pharyngis inflammati sunt, nunc vero pro angina habetur valde dolens & impedita respiratio & deglutitio, ortum trahens ab inflammatione faucium vel adjacentium partium cum febre Acuta, & cum vel fine aliquot interno vel externo tumore. Dico faucium vel adjacentium partium, quia non semper fauces, sed aliquando adjacentes partes inflammantur, quæ deglutitionem & inflammationem impediunt, ut inflammatio glandularum asperæ arteriæ & æsophago ita vicinorum, ut hæ fistulæ ab iis comprimi queant, ut ipsæ thyroideæ vel etiam aliæ inflamatæ. Alii, ut ipse Galenus, his supra dictis.

addere volunt quintam speciem ex Hippocrate quando nempe vertebra luxata est cum inflammatione, & huic speciei tria dant nomina, quorum primum est λορδοσις, si vertebra in anticam partem, 2. κυφοσις, si in posticam, 3. σκολιοσις si in hoc vel illud latus sit inclinata, verum si tali modo vertebra sit luxata, incurabile est, ut testatur Paulus Aegineta. Fit etiam in pueris talis affectio, colli verticulis ex elapsu ac discessu affectis; verum illorum velut incurabilium curationem non aggrediemur; & Ipse Hippocrates, quibus cum febre, hi multo magis & difficulter spirabant &c. & paulo post, quot autem ego novi omnes mortui sunt. Generalis anginæ definitio est impedita vel dolens deglutitio vel respiratio vel utraque simul facta à causa, quæ hæret circa pharyngem vel laryngem, si enim inferius hærebat non est angina.

§. 778. *Sine ullo signo &c.* Hæc est angina non apparens quæ ab Hippocrate dicitur pessima, nam est plerumque lethalis.

Tumore. Hæc dicitur vel in palato vel tonsillis vel epiglottide vel larynge, vel intermedia parte laryngis & pharyngis vel in ipsa pharynge vel in musculis harum partium, vel in glandulis vicinis; si vero in fauces inspiciatur, nil videntur.

§. 779. *Evacuationes.* Qui in quartana nimirum purgat, sanguinemque nimis mittit, deprehendet ægrum incidere in anginam scilicet tumorem, & si æger nil deglutire possit, hoc Hippocrates pro pessimo signo habuit, & idem accidit post maximum Diarrhæam in Phthisi; credo, quod post magnas evacuationes angina oriatur à spiritus animalis defectu, unde hæc partes para-

paralyticæ fiunt. Hic morbus à veteribus valde examinatus & à Sydenhamo est descriptus.

Pallorem. In gutture est tumor sed potius quædam Paralysis apparet, solum hæc observantur, nempe pallor, siccitas & tenuitas.

Quare. &c. Deglutitio non fit per tubum quasi mortuum, sed per musculos æsophagi, dedentes, & si hic Paralytici sint, nil hic transmittitur.

Ere semper signum &c. Nam in morbo Chronicō videtis aliquot horis ante mortem, dum ægri deglutire volunt, non possunt, & hac ratione moriuntur, quod Hippocrates & Sydenhamus observarunt; hujus morbi cura maxime est distinguenda à curatione anginæ inflammatoriæ. Adfui nuper homini tali angina intensissime cum summis convolutionibus laboranti, jam ante ab aliis Medicis intempestive sanguis fuerat missus, clysmata itidem male fuerant injecta, erat homo tenebris viribus exhaustus, vix juvenis, unde in talem suffocativum incidit malum, videbam male actum esse, tum summa ope nitebar vires reficere cibis nutritibus maxime cum vino, & jubebam ut omni corporis motu caveret, unde juvatus est. Conveniant jura & decocta carnium pullorum cum succo Citri, pro potu vina sunt optima; hac ratione hæc angina curatur.

Replentibus. Hippocrates & Sydenhamus bene observarunt non in omni casu, ut plurimi recentiores asserere volunt & secure agunt, veniam esse secundam, sed tantum in illa anginæ specie, quæ oritur ab inflammatione, altera vero species, quæ oritur ab evacuatione, per Cardiaca replentia est curanda, uti dixi, de Cardiacis requisitis in liquidi vitalis defectu.

§. 780. Mirum est symptomata, quod omnes Praetici notarunt. Nonnulli ægri magno morbo laborare non videntur, tamen moriuntur sine causa manifesta, post mortem horum cavaribus apertis invenitur pulmo pure plenus, unde subito ægrifuerunt suffocati; vidi hac hymen anginam incipientem intra sex horas fuisse suppurata, hinc est periculosissima vixque curabilis.

§. 781. Nonnulli dicunt anginam tantum esse certæ partis inflammationem, sed illi sibi sumunt jus, quod ipsis non competit, nam non à loco, sed ab effectu ita dicitur, hinc dividimus anginas primario à diversitate materiei dicta functiones vel impedientes vel auferentes; unde hæ diversæ anginarum species emergunt. Si aliquis tumor producat anginam, hoc facit, quatenus laedit vel pharyngem seu laryngem.

Oedematosa. De hac specie optime Schneiderus scripsit, gravedine laborans aërem per narres educere nequit, si quid hujusmodi ad glottidem contingat, æger suffocatur.

Inflammatoria. Hæc est pessima.

Purulenta, Inflammatio reddit partem inflamatam postea purulentam, antequam vero pus erit depositum, maximus tumor ægrum suffocabit.

Convulsio. In corporibus exhaustis musculi glottidem claudentes spasmodica convulsione correpti eam claudunt, quæ angina inde ortamenta repletione curatur, hinc danda sunt ea, quæ æqualem sanguinis fluxum ut & spirituum per totum corpus conciliant, & quæ maximum eorum fluxum in hanc partem impediunt.

§. 782. *Linguam.* Si tumores linguam imprimis in postica parte occupent, deglutitionem lœdunt, sic Chirurgi sœpe scirrhosas viderunt glandulas Morgagnianas ad linguæ radicem, vidi anginam factam ex tumore radicis linguæ compingentis epiglottidem in glottidem, tum venæ sectio ilico est instituenda ad raninas ad expediendam linguam; aliquando lingua ad anteriorem partem ita inflammatur, ut sibi ipsi impedimento sit, unde sœpe fauces occluduntur.

Palatum parte postica est pendulum & glandulis mucosis plenissimum, quas adeo intumisse vidi, ut incommodissimam reddiderint respirationem & deglutitionem, idem oritura tumore polypoſo hoc velum ad glottidem deprimeſte.

Tonsillæ plerumque in hoc morbo inflammantur.

Uvula inflammata evadit major, tunc enim ejus musculi agere non possunt & deglutitio impeditur, hinc vocatur uvula pendula, putantum Medici, quod sit relaxatio, & nescio, unde hoc ita invaluerit, nam sœpe à vera inflammatione oritur, hinc medicamenta ex Pipere & spirituofis ad uvulam pendulam non sunt applicanda.

Hujus musculos. Notum est, quod per recentiores demonstratum sit, quomodo velum pendulum & uvula trahant sursum & deorsum, & quomodo musculi solitarii & musculi per pariant. Anginæ sœpe oriuntur, ubi nullum vietum est in pharynge nec ad laryngem, sed quoniam musculi salpingostaphilini &c. qui in prima deglutitionis actione palatum expandere debent tum ægri voletes deglutire sum-

mopere dolent, quod semper fit, quando ve-
lum palatinum cum musculis est inflamma-
tum.

Cava ossium frontis. Hæc est mira anginæ
species à plerisque prætervisa, scitis ex Anatо.
mia, quod hæ cavernæ sint cavæ & peristro-
mate membranaceo vasculoſo cinctæ, & quod
in his cavernis ex tenuissimis membranis fecer-
natur humor, qui collectus vocatur mucus,
si nunc vasa in his cavernis sic dilatentur,
tum non coerceri possunt, hinc per foramina,
quæ mucum collectum evacuant, pars trans-
mittitur, & hac ratione nascitur pessima po-
lypi species, quæ sæpe deprehensa fuit explic-
atio membranæ musculoſæ, quatenus occupa-
verat cavitatem, quatenus intumuerat, eatenus
in cavo detineri non porerat, tum etiam cir-
culatione per angustiam deducebatur, & tum
conveniens se satis explicabat, vel iens antror-
sum vel rettorum, velum pendulum decum-
bens deorsum, sed sæpe sic increscit, ut velum
pendulum palatinum & fauces opprimat, hoc
vidi in homine, ut horrem, habebat à po-
lypo maxillas deductas, cum introspicerem,
erat primo corpus lividum, velum palatinum,
quod ab incubente polypo, qui pugnum ma-
gnitudine æquabat, sic erat pressum, ut ille
erectissime duceret animum, tum propone-
bant Medici, ut, si vires constitissent, tran-
scinderetur velum palatinum, ut imminueretur
materia ibi hærens, sed post horam suffocaba-
tur; hinc talis polypus oriri potest, quod ma-
lum, si negligatur, ita extenditur, ut velum
palatinum adeo comprimit contra pharyngem
& laryngem, ut hæ partes occludantur; cui
morbo nullum adest remedium, nisi excisio tu-
mois

moris palati; vel talis polypus est consumen-
dus escharoticis ut Alumine usto, &c. vel ex-
trahendus, si factus sit à membrana mucosa
Schneideri protuberans & luxurians propter in-
flammationem &c.

Hoc considerare debemus in Praxi, nam sæ-
pe Medici advocantur ad difficultem respiratio-
nem, vident nil nisi elongatum velum palati-
num, ille morbus curatur pro malo gargaronis
vel simili, sed facile cognoscitur, si nempe
respiratio per nares cum deglutitione impedi-
ta non bene peragatur, tum enim semper est à
polypo.

Musculus. Omnis musculus inflamatus se
ad nixus contrahit, unde dolorem incompara-
bilem parit, si infetur, gangrenescit, si etiam
musculi ossis hyoidis inflammati sint, tum ægri
intrusum bolum bene ferunt, sed deglutire vo-
lentes non possunt, unde patet vitium in his mu-
sculis hærere.

Aliquos. Imprimis stylohyoidei & stylopha-
ryngæi si inflammati sint, & deglutitio fieri de-
bet, patiuntur dolorem intolerabilem, & in
hac anginæ specie omnia ex pharynge ejiciun-
tur.

Laryngis &c. Scitis, quod alii musculi in-
serviant pharyngi & claudendæ glottidi, hinc
videtis, quod non modo in respiratione, sed
in deglutitione morbus oriatur, si musculi,
quæ glottidem claudunt, inflammentur, tum
oritur *κραυγὴ*, hi homines non rauci, sed al-
tissima voce loquuntur, sic vidi nobilem vi-
rum, cui sæpe convulsio accedebat, quo ad
vocem uno momento in puerum mutatain,
quando enim hi musculi conveltebantur, acu-
tissimam edebat vocem. Talem anginam nu-
per

per vidi, ubi nil apparebat tumoris aliusve signi manifestioris, suffocabatur æger cum voce clangosa, missus erat sanguis, sed cito moriebatur, crediderim ibi membranam muscularem tracheæ & musculos internos lœsos, quibus semper hic appetit nullum vitium.

Asperæ arteria. Nam ipse larynx investitur membrana, quam solus *Morgagni* bene descripsit reserta mucosissimis folliculis & lacunis dispositis in membranæ formam, si hæ glandulæ inflammatione tumescant, arctant glottidem, ita ut à contractione claudatur, hæc est altera anginæ species.

Pharyngis. Scilicet musculi dilatatores eructores, depressores, constrictores aperturæ pharyngis, ad quas quatuor classes, omnes referuntur; in ultima deglutitionis actione, quando pharynx accipit cibum & potum, incomparabilis oritur dolor. Musculus æsophagi forte inflammatus arctaret cavum æsophagi, unde nil transire poterit, & pessima fiet deglutitio.

Glandulæ. Si parotides immaniter turgeant, glandulæ, quæ vocantur παρωτίδη, id est, glandulæ in medio æsophago positæ & à solo *Vesalius* descriptæ, faciunt deglutitionem & respirationem impeditam, hinc morbi mirabiles, habui casum in quodam celebri viro, ille accipiebat cibos & potus usque ad dimidium æsophagi, ibi hærebant, & post magnos labores & conatus, iterum emittebat, parum remanente, huic glandulæ æsophagi erant infarctæ. Si tonsillæ valde tumeant nulla fiet respiratio, sic etiam hic esse potest talis tumor in hac magna glandula, quæ respirationem impedit.

Thy.

Thyroideæ. Hæc est idea anginæ, quare nunc Clari Viri uti & in hac Academia Professor voluerit, quod omnis angina nullam aliam ideam habeat, quam tumorem glandularum thyroidearum, hoc certe nescio, cur ille sibi hoc persuaserit; hæc est quidem unica causa sed longe pejor fieri potest in glandularum arytenoidearum fastigio, si hoc tumeat, glottis clausa est, hinc glandularum thyroidearum non est unica causa, plures anginæ ortæ sunt à glandulis salivalibus aut parotidibus maxime intumescentibus ab iis, quæ ad æsophagum & circa laryngem jacent, plures etiam thyroideam sæpe in causa esse notarunt, quæ tum per se non faciunt ad anginam, sed quatenus ab aliis partibus premuntur, rarius ibi fit, quam quidem creditur, sed potius ad loca propiora hæret.

§. 783. Si tumor inflammatorius illos musculos occupet, quibus per voluntatem claudimus glottidem, illico mors oritur, hic morbus adeo est periculosus, 1. quia materia est tam diversa, 2. loca affecta tam diversa. Medici recentiores incusarunt veteres, longe abest ut dicam jure, quod de tot speciebus anginarum scripserint, angina, Synanche, Parasyananche, Cynanche & Paracynanche, sed puto eos optimè ita distinxisse, quoniam hoc à sedis diversitate dependet.

§. 784. Ut detur distincta quædam species hujus morbi, recensui quidquid boni Autores super hac re dixere, concludo tandem, quod materia, locus, ac exinde cura est multiplex, quam jam explicabimus.



ঢ় ঢ় ঢ় ঢ় ঢ় ঢ়

Angina Aquosa

§. 785. *Aquosa* vocatur, quando tanta aquæ fit collectio in vasis circa fauces, ut à tumore deglutitio vel respiratio oritur.

Catarrhus est liberæ circulationis per membranæ Schneiderianæ vasa impedimentum, unde illa tumet & assurgit, si vero talis catarrhus fiat in faucibus, tunc oritur angina catarrhosa, hinc tumor lymphaticus deglutitionem & perspirationem impedit, quod fieri potest in Hydrope scroti, testium muliebrium, abdomen ut in Ascite & Anasarca, ut quasi omnia inter se sepeliantur, idem accidere, potest ad tonsillas, glandulas bronchiales, & salivales.

§. 786. Omnis tumor lymphaticus hæret vel in loco, ubi lympha est extra vasa, colligitur, vel ubi vasa minora lympham distendentia turgent, & hæc ut plurimum in glandulis.

§. 787. Si ambæ jugulares venæ ligentur, ut in experimento *Loweri* in capite fit Hydrocephalus, fauces & palatum tument, laxato vinculo ille tumor disparet; jam si glandulæ vicinæ post æsophagum inflamatæ venis compressant, fiet oculorum stillicidium salivæ effluxus.

Enatis. Glandulæ lympham tenuem naturâliter fundunt, sed aliquando hæret materia grisea terrestris lenta, quæ vasa adeo obstopat, ut aquei humores se evacuare non possint, sed tumescunt glandulæ, unde fit angina; hoc ple-

plerumque oritur ad glandulas ſalivales; vidi in Domina Hagana obſtructum emissarium glandulae ſalivalis per calculus, unde hujus glandulae evacuatio impeditur, hinc glandula intus regurgitans per fauſum vafa tumores efficit; hinc ſæpe haerent in emissariis lapilli ut inductu hepatico, unde vafa comprimuntur.

Compreſſio idem efficit, unde videmus ſuspensos adeo tumere circa has partes.

Frigus. Vidi tumores inde factos, ut peperint ſuffocationes anginofas. Si homo habeat has partes maxime calidas & ſtatim fe committat frigido aeti, haec partes ſe ſubito contrahunt, unde oriuntur tumores & anginæ, qui morbi vocantur vulgo refrigeratorii, ſi hic morbus oritur circa glottidem, eſt lethalis, niſi ſtatim cefſet, conſtitutio anni pluvioſa idem efficit teſte *Hippocrate*, *Sydenham* dicit ruſos præ cæteris his morbis eſſe obnoxios, omnia acria comeſta, quæ ſauces conſtringunt, ut Arum, Lac Eſulæ, Euphorbium, Piper longum, potus frigidus à nobis callentibus aſſumptus; longa harum partium exercitatio, ut cantus, fortis equitatio adverſo vento evacuationes ſolitæ ſuppreſſæ, ut mensium, haemorrhoidum: *Ephemerides* referunt aliquem angina laboraſſe ex retenzione muci narium, quæ cu- rata angina etiam ceſſavit: tandem ſpinæ vel oſſicula improvide deglutita & fauſibus inhærentia, comprimunt enim haec vafa vel pungendo vel irritando ad inflammationem diſponunt; aliquando etiam per Crifin aliorum morborum producitur; debilior & lentior cir culatio idem facit, haec cauſæ ſolæ vel plures coniunctæ faciunt lympham stagnare, tumores creare, vicia vafa obſtruere & coimprime re,

re, unde variæ hujus anginæ causæ oriuntur.

§. 788. Nam si hæc vitia & phænomena appareant, erit humor aquosus, unde vicina premuntur, hinc functiones impediuntur, omnia vasa, quæ naturaliter sanguineos humores transmittere debebant, hoc ita comprimuntur ut accumulent liquida, & omnes functiones, ad quas excernendas liquida ferebantur, destruuntur.

§. 789. A tumore aquoso, pallido, frigido, Diagnosis est anginæ aquosæ; Prognosis est, si videamus tales tumores, nec illorum incrementum præcaveri possit, tum tandem suffocabitur æger.

§. 790. Curatur sequentibus; obstrucțio tollitur vel motu vel erosione vel excisione; tum Chirurgus debet esse peritissimus, nam venæ ibi sæpe immediate sunt suppositæ his tumoribus; tum oportet circa totum caput & collum imponere cataplasma emollientissima ad laxanda quantum fieri potest illa vasa, ut materies obstruens huc diffundi possit; hinc si videam talem tumorem aquosum & pallidum, cogito statim vias esse aperiendas & humorem movendum, sed deobstruuntur & resolvuntur obstructa per aquosa maxime per saponacea & salina, quæ resolvunt & simul subfrigefaciunt, huc faciunt ratione extenorū fokus v. g. Radices Bryoniæ albæ rasæ decoctæ in aceto & aqua, cui immisce pannos laneos extrinsecus applicatos, qui optime anginam tollunt, sicut & Bryonia, ita ex radicibus Jalappæ & aliis purgantibus fit, ac ex aromatibus Mentha, Chamælo, Tanaceto, Pulegio, Hedera Terrestri, Nidis Hirundinum &c. ubi laxandum & ape-

aperiendum est juvant gargarismata ex iisdem, non magna vi movendo gutture, sed quietissime continendo, sensim ad fauces demittendo, expiendo non assumendo, optima autem hic est Fraxinella recens cum aqua, lacte, vel hydrogala cocta in creinorem, quo partes mafactæ maxime emolliuntur, præterea quoque bonum est remedium Ficuum contusarum decoctum, Passulæ exacinatæ, & alia similia, laudatur ut specificum medicamentum herba Brunellæ, tum Bugulæ si decocta & gargarismata non excipere possint ora, nempe faucium constrictione, tum similis liquor est injiciendus, & vapores laudantur & accenso Thure, Benzoino, Succino & similibus, quibus partes stringuntur, & ita roborantur, ut firmæ manent. Frictiones maxime roborant & juvant; caustica sunt optima, quæ ad tunicam cellulofam, ubi ille tumor hæret pervenire possunt; hæc caustica applicantur per cannulam & sumantur ex oleo vitrioli &c. sive erodunt locum, aut per vulgare scalpellum, si accedere possint Chirurgi, tum reliqua sunt frustranea, prius ore firmato, ne comprimi possint, depreffâ lingua pertundendo, aut fiet per cannulam, nempe introducendo scalpellum, tum ictus fit certissimus.

Apopophlegmatismis. Veteres his utebantur ad educendam salivam, nam ex ore & naribus eliciunt mobile aquosum, hinc veteres usurpabant Mastichen, cui admiscebant aliquid radicis Pyrethri, unde fiebant globuli ad in ore tenendum & salivam evacuandam, hinc tum si in sanguine nimia sit aquæ copia, unde angina oriebatur, hæc remedia proderant; vel etiam profundunt radices Pyrethri & Zingiberis cum Ma-

Mastiche & cera &c. si materia ad aures nimis urgeat, tum versus ea loca vesicatoria nempe ad aures & cervicem ponantur, ut eo trahant, diu aperta tenendo, ut liquor effluat.

Sudoriferis siccis. Sudor tunc temporis elici poterit, modo æger teneatur sub stragulis supposito igne inferius; primaria remedia sunt balneum vaporis, aut quod non ita est familiare, impositio in furnum pistorum moderate calidum vel accenso spiritu vini calidum factum solo capite eminente, ut ex toto capite exhalat aqua; vel Diaſcordium Fracastorei, Theriaca & Similia, quæ maxime aquosa dissipant. Errhina etiam profunt in morbi initio immittendo in nates educendam aquam. Huc maxime est attendendum, nam etſi morbus in initio videatur refrigeratorius, attamen ſæpe postea fit inflammatio & Peripneumonia, unde si tunc ægri utantur calefacentibus, (ut vulgo fit; ægri pellum dabuntur.

Diureticis. Quæ multum aquæ per vias urinæ eliminant, ſed aliquando parum profunt, ſumnum remedium eſt succus Millepedum (Belgice *Piffebedden*) qui ex his collectis vivis & contritis cum vini albi pauxillo exprimitur, nec hic succus eſt dandus ad unciam ſemis, ut vulgo fit, unde effectus parcior, ſed ad uncias tres vel quatuor quotidie, aut aqua eliminatur per hydrogaga per alvum per Jalappam, Scammonium & Trochifcos Alhandal &c.

3 Si angina fit ob nimiam aquam, aquæ vel liquidæ parum assumantur, edant ægri panem biscoctum, Raphanum Rusticanum, bibant parum vini meraci, & brevi corpus crescit & humida abibunt.

4. Si æger aqua abundans ſe movere poſſit,

id

id paulo plus solito semper faciat, fricet corpus pannis asperis calidis siccis, donec partes rubescant & caleant, utatur salibus oleosis stimulantibus aromatis, hac ratione aquosa tolluntur, simulque aqua obsidens guttur vel laryngem.

*Angina Scirrhosa.*

§ 791. Angina Scirrhosa vocatur, si palatum, velum posterius, tonsillæ & salivales glandulæ in magnum scirrhosum tumorem convertantur, qui tantum increscit, ut respiratio & deglutitio impedianter vel intercipiantur, hoc facile cognoscitur, quia adeat tumor, durus, palpabilis vel conspicuus cum respiratione & difficile deglutitione. Post curam inflammatoriæ anginæ, si haec partes aëri frigido vel frigido potui committantur, nisi post unum duosve menses, nascuntur scirrhi, sed tunc oportet emollire illas partes emollientibus gargarismatibus & fovere potu & aëre tepido, alioquin nascentur scirrhi, qui summopere hic caveri debent, alioquin non facile erunt medicabiles. Cura fere sola perficitur erosione, specie suppurationis, tunc sumitur causticum violentum v. g. lixivium ex Cineribus Clavellatis, & Calce Viva, quod per cannulam applicatur, hacque ratione locus suppuretur, & sic morbus curatur; tamen aliquando hoc succedit, aliquando non, & ægri ideo sibi committendi sunt, modo impediamus, ne malum excrescat, nam per caustica fæpe oriuntur pessimæ & lethiferæ inflammations;

tiones; si scirrus sit malignus, cancer s^epe oritur multo pejor, hinc dico cum prudentia fieri debere, aliter moriuntur ægri. Excisio scirri hic fit ore deducto parte scirrhosa filo ferico constricta & paululum anterius pertracta, bacillo supposito, linguæ depresso, tum pars abscindatur. Hæmorrhagia hic maxime est incommoda, quæ collutorio ex Vitriolo tollitur &c.



Angina Inflammatoria.

§. 792. *Acutiem.* Musculus manus vel pedis inflammatus felicius curatur, quia manus & pes in quiete retineri possunt, verum si inflammatus sit, v. g. stylohyoideus, curatio non est levis, dum enim deglutitio fieri debet, semper movetur, & quia hæ partes musculosæ ob dolorem ingentem, in quavis deglutitionis actione exacerbatum saliva humectari nequeant, ut pote quia deglutitio maxime est læsa, hinc arescunt, & ad quamvis deglutitionis actionem dolorem immanem creant. Musculi anginæ subjecti imprimis sunt illi, qui serviunt claudendæ glottidi, & movendæ, dum vox fit. Anginæ oriⁱ solent intra annum vigesimum quintum & quinquagesimum in flore ætatis, & etiam hominibus plethoricis & rufum capillarium habentibus.

§. 803. i. *Inflammationem* *voco*, *sanguinis rubri* *vel* *cujuscunque generis liquidi arteriosi* *in canalibus arteriosis* *stagnationem* & *virium vitae* *in stagnantes partes* *ulteriore* *pressionem* *cum febre* *con-*

conuncta: hincque ignis collectio in loco inflammato, tumor, rubor, dolor, &c. attendenti ad hanc definitionem statim appareat, causam inflammationis proximam esse stagnationem: igitur quid sit stagnatio & per quas præcipue fiat causas, ut inquiramus necesse est: liquidum stagnare dicitur, quando per vas, per quod transire debebat, transire nequit, sed in illo remoram patitur, Talis stagnatio producitur imprimis ex quadruplicibus causis. 1. Vasorum compressione 2. Vasorum nimia contractione. 3. Sanguine nimis crasso, errore loci. Primo itaque fit vasorum compressione liquidi stagnatio in vasis: quia per compressionem vasorum diametri minuantur, unde partibus liquidorum ante satis facile transeuntium idem transitus nunc denegatur; impedito autem liquidi transfluxu fit stagnatio. Examinemus, quibus ex causis vasa comprimantur.

Tumore: Tumor vocatur partis aut totius corporis in magnitudine naturali augmentum. Concepta hac tumoris definitione sponte patet, si tale præternaturale augmentum fiat circa vasa, illa vasa debere comprimi, & à tali compressione vasorum capacitatem minui, hinc & fieri humorum stagnationem. Lucide illud affirmant plurimæ observationes: sic dantur, ab aqua in membrana cellulosa pedis collecta, vasa ad musculos pedis tendentia ita compressa fuisse, ut nullus sanguis intraret musculos, & hinc omnem pedis motum fuisse deletum: sic & dantur observationes, anginam aquosam (quæ est tumor lymphaticus faucium vel qua-

Tom. IV.

C

rum-

rumcunque adjacentium partium) excitasse inflammatoriam.

2. *Plethora.* Quæ vocatur humoris boni in corpore abundantia; in illo enim statu vasa plus solito distenduntur, hinc & vasa his vicina comprimuntur: exinde, quam optime omnes fere Auctores scribant, corpora sanguinolentissima inflammationi esse proxima, patet.

3. *Liquidi stagnatio* fit inflammatione vasorum minimorum, vasa majora pro parte constituentium; illa enim vasa minima inflammatum tumescunt, eosdemque, ac binæ superiores causæ, producunt effectus.

4. *Luxatione.* Luxatio præsens dicitur, ubi os sedem suam naturalem in totum, vel pro parte excidit: ubi jam talis luxatio adest. 1. vasa ossi annexa, ut plurima sunt, (annectuntur enim vasa ossibus, ut in longitudinem essent porrecta) elongantur, & hinc necessario in suis capacitatibus minuuntur, 2. docuit Anatome, omnia ossa habere circum accretam membranam admodum vasculosam, periosteum dictam, cuius vasa in tali luxatione necessario debent comprimi: hinc intelligitur, cur talem vertebrarum luxationem inter anginæ inflammatoriæ causas posuerit *Hippocrates* Lib. 2. Epid. Sect. 2. Dantur adhuc aliæ causæ comprimentes vasa, sicque stagnationem producentes; sed quoniam illæ ad scopum nostrum absolucionis non ita spectant, illas transeo, & explicare suscipio, quomodo vasorum nimia contractilitas stagnationem faciat.

Hic pro re demonstrata assumo, vasa impritis arteriosa, instructa esse fibris musculosis fatis fortibus.

Ni.

Nimiam fibrarum contractionem voco tam fibratum vim, per quam haec fibræ non cedunt illi vi corporis vel humorum transcurrentium, cui vi cedere deberent, ut fierent in tali parte illæ conditiones, quæ ibi sanitatem faciunt. Posita tali contractilitate, magis angustantur vasorum, non enim cedunt latera vasorum vi irruentis liquidit: unde liquet, humores ut ante transfire non posse, ut mox de vasis compressione arctatis vidimus. Talis autem fibrarum cohæsio conciliatur.

1. Motu nimio & diurno: illo enim vires consolidantes partes plus applicantur ad partes consolidandas; sic enim fibræ fiunt fortiores, & majori vi se contrahere valent sive angustant cava vasorum, & sanguinem transfire non permittunt. Hinc dicit Hippocrates, *Corpora exercitata à Pleuride difficile liberantur, quietia faciliter.*

2. A liquidi nervosi vel sanguinis majori quam naturali per fibras vasorum distributione: constat enim certis experimentis, musculum moveri ab influxu liquidi nervosi & sanguinis arteriosi; quo itaque majori copia talis humor ad fibras musculares fertur, eo major erit illarum actio, omnis autem musculus agens se accurat, fibræ itaque orbiculares arteriarum agentes vasis diametrum minuant, & hinc stagnationem causant.

3. Adstringentibus: quæ sunt talia, quæ habent vim augendi fibrarum contractilitatem, hinc & ex superioribus stagnationem producendi; talia sunt plerique fructus immaturi, vina austera &c.

4. Omnibus stimulantibus contractilitas nimia fibris muscularibus conciliatur: per stimu-

Iantia intelligo illa, quæ fibras motrices ita irritant, ut motus oscillatorios augeant, & spasmos inducant, talia sunt omnia acria &c. v. g. cadat gutta una alcoholis putissimi in oculum, statim musculus depressor palpebræ superioris ita spasmodice se contrahet, ut, quidquid tentet homo, oculum apertum tenere nequeat; talia si fierent in fibris vasorum muscularibus, quosnam producerent effectus, ex dictis patet.

5. *Imminuta vi vasa extendente:* si v. g. arteria dimidiate discissa, tantum aliquando stilabat sanguinis, ut lœsus inde ad orcum deduceretur, sed monent optimi Chirurgi, & quotidiana experientia confirmat quod, si arteria (non nimis magna tamen) dimidiate sit discisa, & sanguinis effluxus sisti nequeat, pars adhuc cohærens abscindi debeat, tunc enim arteria se ipsam musculosa sua vi contrahit, stagnationem facit, sanguinisque effluxum prohibet: hæc videtur causa, quare omni fere vulneri inflammatio superveniat.

Huc usque vidimus, per quas causas vasa ita possint peccare, ut fiat humorum stagnatio; jam sequitur, ut describamus, quomodo vasis, licet bene se habentibus, ex solius liquidivitio talis status fit, qui dicitur stagnatio: ille autem fit, vel 1. ex mutatione figuræ partium sanguinem constituentium, vel 2. ab incrassatione aut expulsione liquidissimæ sanguinis partis.

1. *Mutatio figuræ &c.* docuit Leeuwenhoek omnes particulas sanguinis nostri esse sphæricas; omnis jam sphærica figura pendet deinde, quod pressio ab omni parte æqualis corpori flexili applicatur, hinc sequitur, si pressio

pressio ab omni parte non sit æqualis, liquidi particulas ex sphærica in aliam figuram mutari: demonstratum vero est à Mathematicis, quod omnis alia figura ex sphærica facta, majorem semper acquirat superficiem. Inde sequitur, talem liquidi partem ex sphærica in aliam figuram, vel non posse transire per vas, solummodo (uti multa sunt) unum globulum sphæricum transmittens, v. g. si in cubicam figuram mutata sit, vel non omni ratione posse transire, ut v. g. si in cylindricam, sphæra autem omni ratione transire potest.

2. *Incrassatione* &c. Sanguis incrassatur coadunatione globulorum sanguineorum antea seorsim fluentium; v. g. ponamus, quod, ut liber sanguinis transitus maneat, requiratur, ut per datum quoddam vas unus globulus sanguinis rubri fluat: si ergo duo tales globuli, ex quacunque sit causa, sunt uniti, non transibunt per tale vas, sed stagnabunt. Illa vero sanguinis crasis variis ex causis oritur: sic a quiete, quod apparet in sanguine e corpore licet sanissimo misso, si stet per aliquod tempus, serum suum dimitit, in fundo manet massa rubra sanguinis, placentæ ad instar concreta, constans ex moleculis antea sphæricis jam coadunatis: 3. calore maximo, omnis enim calor magnus majorem sanguini motum conciliat, hinc & auget attritum ad vasa, hinc fit liquidarum partium expulsio; remansio crassarum & minus mobilium tunc coëuntium; quam egregie itaque agant Medici illi, in morbis inflammatoriis præscribentes calida medicamenta, hinc liquet: 4. frigori expositus concrescit cito; ita quoque observatur, quod homines, qui sese maximo frigori exposuere, fiant somnoque

nolenti, siveque moriantur, cadaver tale aper-
tum sanguinem polyposum concretum ostendit: d. omni motu excretorio aucto, quo li-
quidissima humorum pars eliminatur, ut sit
nimis purgationibus, sudoribus &c.

Jam describi debet, quomodo errore loci fiat
stagnatio; per errorem loci intelligo, liquidi
ex vase suo in vas subordinatum fluxum, ut si
globulus tuber sanguinis, qui (demonstrante
Leeuwenhoekio) constat ex sex serosis globulis,
flueret in vas aliquod laterale, solummodo
sanguinis serum vehens, praesens foret stagna-
tio errore loci. Fit talis error loci praeципue
1. plethora, 2. motu nimio diuque continuato,
3. debilitate vasorum.

1. Plethora est abundantia boni humoris in
corpore; hinc in hoc statu vasa plus solito li-
quidi continent & dilatantur; adsit v. gr. in cor-
pore quodam plethora sanguinis rubri, tunc
eo magis impletæ & dilatatae erunt arteriæ, ar-
teriæ autem habent vase lateralia osculis patu-
lis in arteriis hiantia, solumque sanguinis serum
admittentia, ergo & eo magis erunt dilatata ora
illorum vasorum serorum ita, ut aliquan-
co loco solius sanguinis seri, globulos sanguini-
neos rubros admittant, quod si fiat, aderit in
tali vase stagnatio errore loci.

2. Motu nimio &c. quod sic probo, docuit
Anatomia maximas venas esse locatas circa mu-
sculos, qui, si agunt, premunt venas, hinc
& earum contentum sanguinem; sanguis vero
ita continuo pressus debet subito vel adscende-
re versus cor, vel descendere ad inferiora,
descendere autem propter oppositas valvulas ne-
quit, versus cor ideo citius pellitur, quo jam ma-
jor est sanguinis motus, eo majori copia dato
tempore

tempore sanguis per vasa fluere debet, hinc necessario eandem pati debet, ac in plethora, dilatationem, effectus vero hic major erit à magna vi, qua sanguis impingitur in ora dilatata.

3. Si paulo cogitationibus nostris hæreamus in illis binis causis errorem loci producentibus, clare concipimus, illum fieri à sphincteribus (ut ita loquar) vasorum illorum, ad impedientiam dilatationem in validis: hinc hic pro tertia generali causa addo, omne, quod facit vasorum debilitatem, erroris loci causa esse potest; ideo sæpiissime observatur, quod homines laxissimæ & debilis structuræ, ut Hydropici &c. circa quædam loca inflammationes patientur.

Enarratis plerisque causis stagnationem excitantibus, sponte ducimur, ut inquiramus, an illa stagnatio fiat in arteriis, venis, vel ambus simul.

Omnis stagnatio humoris tanta, ut possit excitatæ inflammationem, sit in arteriis, nunquam in venis, (portarum vena tamen excipiatur) hoc nos clare docent arteriarum & venarum figuræ. Arteria est vas conicum, scilicet ex lata basi in angustum extensum, hinc liquida in illis contenta à majori diametro in minorē truduntur: contrario modo sunt venæ, quæ figuram coni inversi habent, scilicet ex angustiori principio in latissimum finem desinentes; vas autem tale obstrui nequit, quia suos humores yehit à minori diametro in majorem, qui eo facillime ducuntur, ubi resistentiæ minus habent.

Quæritur tandem, si talis stagnatio, qualem descripsimus, adsit in arteriis, an tunc adsit inflammato? Respondeo nequaquam; contraria-

rium enim nos docet cadaver, in quo est quidem stagnatio humorum in arteriis, nunquam tamen inflammatio fit, necessario virium vitæ actiones in stagnantes partes requiri.

Jam restat, ut dicamus, unde febris, ignis collectio, imprimis in parte inflammata, major tumor, rubor, dolor &c.

Febris illa inflammationis soboles adest dupli- ci ex causa.

1. Quia per obstructa vasa nihil sanguinis fluit, hinc certo per aperta eo majori copia transit.

2. Adest quoque febris, quia fibræ muscu- lares vasorum, magno nixu conantes obstruens transjicere, irritantur, ut citius fese contra- hant.

Ex binis his causis clare patet, quare in omni morbo inflammatorio adsit pulsus plenus & durus.

Ignis collectio fit exinde, quia hic adest febris, & naturæ maximus conatus ad obstruen- tem materiam transmittendam, hinc augetur attritus: constat autem, omnem corporis nostri calorem pendere ex attritu, qui fit inter solidas parter & fluidas nostri corporis; aucto er- go hoc attritu, patet, quod debeat augeri ca- lor, id est fieri collectio major ignis in parte inflammata, ubi attritus augetur.

Unde tumor, dolor, rubor adsit, sponte ex dictis deduci potest.

Præmissis his de inflammatione, transeo ad ipsum morbum explicandum.

2. Causa quæ materiam inflammatoriam de- terminat ad certam tum inflamatam par- tem.

Sz.

Superiora. Hæc enim si prius accesserint, malum faciunt.

Rufis. Hisce tribus hic morbus est familiaris.

Exercitium. Maxime hinc obnoxii sunt Ora-tores, ut sunt Advocati causarum ministri pu-blici, & omnes, qui multum clamant. Qui citatis equis adverso feruntur vento, quia ven-tus equitatu cito fit fortior, unde sëpe accidit, ut integræ turbæ equorum evadant anginosæ, ventus enim frigidus contrahit & mole resisten-te premit, hinc pars inflammatur, hæc est ra-tio, cur equites in casulis tam sëpe post ex-pe-ditiones in anginas incident. Tubicines & Mu-sici vocales corripiuntur pluries angina, dum Hyberno tempore in sphæristerio luditur, quia à motu calefcunt, aër frigidus in os irruit ab antiperistasi, sæpius fit angina, si post magnum concubitum calor accedat, postea subita refrige-ratio, tum plerumque oritur hic morbus, ut fauces siccatae & constictæ sanguinem ex-cludant.

Labores. Qui Hyberno tempore in summo frigore laborant, ut incalefcant, angina cor-ripiuntur, nam nunquam sanguis magis inca-leseit, quam circa cor & fauces, hinc aër fri-gidus accedens facile anginam creat.

Verno. Ver calidissimus subsequens post Hye-mem frigidissimam anginam facit, sic postquam ultimum frigus habuimus, cum tam subito re-gelascet, plurimos in anginas & catharros incidisse vidi.

§. 794. Symptoma maxime variant pro va-rietate causarum & loci.

§. 795. Si membrana musculosa seu mucosa in-flammatio adsit, tunc illa membrana ad

sinulos respirationis actus distrahitur &c. verum si adsit talis inflammatio, non videri poterit, sed cognoscitur i. quia febris Acuta inflammationem in corpore adesse denotat, 2. à loci dolore cognoscetur, 3. à voce per parvum foramen exeunte, 4. propter respirationis difficultatem,

Ulla. Notum est, quod tota aspera arteria ad bronchias & ad vesiculas pulmonales sit obducta tunica interna musculosa, quæ vasculis sanguineis plenissima inflammari potest; omissis locis inflammati dolet, calet, tumet, verum cartilaginea substantia impedit tumorem exterrè conspicuum, hinc potest esse sine tumore frustra contradictibus multis. Hæc Hippocrates dicit pessima, melior vero quam cum tumore.

Vox sibilans. Cognoscitur adesse, quo fistula pulmonalis constrictior, eo auctior sonus, quod Musici norunt, quo amplior fistula, eo magis Bassum sonat, hinc quia fistula angusta altum vel gracilem sonat, ergo anginosis vox est fæminea.

Inspiratio. Nam in omni inspiratione aër se maxime extendit, & proinde squammas removet, unde acutissimus oritur dolor, si æger, dum inspirat, in ipso inspirationis sensu sentiat has partes sine tussi maximo dolore affici, tum ibi est malum, dolor maximus esse debet, quoniam liquidum eo temporis spatio per canalem angustatum tanto velocior transgredi debet, ut *Keilius* bene demonstravit, hinc æger tanto vehementius laborare debet ad expirandum aërem, quanto angustior trachea facta est, & ille dolor est æque magnus ac in gravidine.

Res-

Respiratio parva. Parum aëris simul exspirans & emittens frequentior, aliquando erecta summo cum molimine humerorum, costarum & scapularum, quia per tam arctam rimam aëris sufficiens non intrat, sed paucior quam ut sanguis transeat, nisi violento hoc motu.

Circulatio difficilis. Omnis enim causa, quæ aërem ad pulmones ire impedit, etiam circulationem per pulmones impedit. Circulatio fit bona, quando pulmo lente & æquabiliter extendi & deinde lente & æquabiliter collabi potest, sed cum aëris pulmonem recte expandere non possit, hinc homo fit Peripneumonicus, tunc enim per Peripneumoniam, non vero per anginam moritur.

Vacillans. Tum pulsus vix tangitur & decies magis vacillat, quo reliqua violentiora sunt, & ipsa febris est acutior, proinde Medicus hujus rei ignarus non judicaret ægrum in tanto periculo versari, sed hic status proximus est suffocationis, quæ suffocatio ad aëris s' ingressum in pulmones impeditum oritur, quia hi tum sanguinem retinent; hinc vix audemus sanguinem mittere; ratio clara est, quia pulmo aërem sufficientem non recipit, sanguis transadigi non potest, hinc cor sinistrum nil accipit, nec arteriæ, unde pulsus adeo fit debilis.

Citæ mors. Quoniam in his ægris sanguis per pulmonis arterias in venas pulmonales, non fluit, nam inflammatio non permittit, ut musculi Mesochondriaci tantum extendantur.

Lethale. Hoc clarissime intelligitur, nam apertura laryngis non est in tota fistula, sed per parvam rimam in cartilagine, hinc ibi periculosior, sed interius ob amplitudinem tantum

non facit malum, lethale est, quia ibi summa est angustia.

§. 796. *Dirissima angina.* Potestis ipsi, quando vultis sic claudere aërem, ut nullus aér ex pulmonibus ire possit, organa, quæ hoc faciunt, sunt cartilagines arytenoidei uti musculus albus *Dodartii* & musculi carnosí alii, si nunc inflammatio hoc faciat sine imperio mentis voluntario, glottis perfecte clausa esse debet, hi homines subito moriuntur sine ulla febre, omnis enim aér, qui dilatat pulmones, per solam rimam glottidis ire debet, jam per pulmones transire non potest, ibi accumulatur, ergo vix ad sinistrum cor perveniret, vixque in arterias, unde ægri moriuntur. Sola apertura pulmonis est glottis; hic duplex est genus muscularum carnium & album; carnes veteribus cognitæ fuerunt, claudentes rimam; sed præterea Academia Regia Parisiensis aliam demonstravit, contrahentem album fibrosum, si hic inflammetur statim claudit rimam & subito mortem infert hæc est revera *Cynanche Hippocratis* seu *rráyya canina*, quia instar canum æstuantium ore hiante aërem hauriunt; sibilant, & oculos rubicundos & protuberantes habent. *Dodartius* demonstravit glottidem non modo moveri per alias musculos, sed etiam per illum musculum album.

Dolor inter loquendum &c. Talis est constitutio soni non humani, sed est sibilis quasi avium acutissimus, hæc angina citissime necat cum maximis angoribus, quia ægri respirare non possunt, & laborant, quasi suspenderentur, nil tamen exterius apparet, quia parvi interni musculi totam fistulam constringunt.

Siridula. Instar limæ in terrum agentis, ac pue-

puerorum recens natorum; talis vox etiam fit in summo motu, sed clare patet hoc ita esse debere, quia aër transit per minimum foramen, quod est præcipuum signum; hinc ad minimum nixum deglutitionis aut vociferationis fit maximus dolor.

Mors plerumque accidit intra unam horam.

Omnium pessima. Hanc vocant Auctores Cynanchen, ægri hoc morbo laborantes linguam ex ore exserunt, pinnas narium attollunt, facies livescit, ut in suspensis, oculi protuberant, si eorum corpora aperiantur, nil in his conspicitur, quia in morte inflammatio remittit.

§ 797. Alia iterum anginæ species, tum larynx non elevatur, deglutitio primo maxime dolet, ille dolor, si larynx sursum trahatur, est in musculis laryngis vel ossis hyoïdis, dum enim deglutimus, musculi stylohyoïdei sursum & ad posteriora trahunt hyoidis os, musculus thyrohyoïdis inflammatus simul trahit illas partes, unde tantus dolor in incipiente deglutitione, in secunda deglutitionis actione scilicet trusione infra laryngem omnis dolor evanescit ob laxationem, sed observatur tumor, rubor, dolor ad collum, aut ad posteriora linguæ; quando musculi deglutitionis afficiuntur, respiratio est satis libera, sed quando deglutitio fit, & cibi & potus versus sauces delati sunt, tum musculi ossis hyoïdis sursum elevant hoc os, si nunc hi musculi inflammati sint, summus in hac actione oritur dolor, in hoc casu est febris longe major ac in prioribus, licet tantum non adsit periculum.

§ 798. *Apparentia.* Pharynx non habet musculos

sculos dilatantes unum constringentem, si tumor in sphinctere, æsophagus clauditur, hinc impossibilis est deglutitio, si musculi dilatantes inflamentur, tumentes claudunt proprium iter, sed in deglutitione explicantur, hinc dolor maximus in deglutiendo oritur; assumpta per nares redeunt, larynx non afficitur, cibus in laryngem trahitur, bolus eo usque delatus non transiens per nares regurgitat, si potus in eo isthmo perveniat, per nares truditur, irruit in epiglottidem complicatam, epiglottis elevatur repulsione assumpti, unde aliquid cadit in tracheam, hinc tanta tussis & molestia defectu alimenti, quod æger assumere nequit.

Exsiccatio. Quia nil novi humoris accipitur, febris non est tanta, quia adest defectus humorum, hinc clysmata vitam diu sustinere possunt, sicut *Helmontius* aliquis hoc rideant, injeci saepe plures libras jusculti carnium, quæ omnia in sanguinem, sudorem vel urinam abiierunt, hac ratione vitam sustinere possunt æ gri eo usque, donec angina suppuretur, vel aperiatur, vel rumpatur apostema.

Mortem. Quia nono die apostema rumpitur.

§ 799. Vix quispiam nostrum est, qui hunc morbum non habuerit, inflammationem scilicet tonsilarum & veli palatini, qui enim aperito ore dormiant, ab aëre has partes exsiccatas accipiunt, tum magna salivæ copia opus est ad has partes leniendas. Homines si respirationem habeant difficillimam per nasum, tum nullam vel paucam per os habent, tamen non per nasum loquuntur, ut vulgo falso dicitur, sed velum palatinum contra narium foramina cedit, ut aëris non transire possit, materia as sum-

fumpta & saliva per os redit, & hæc est angina salivosa, hinc excreatio perpetua, hinc sillicidium.

Per los. Quia loca inflammata ad velum pendulum & tonsillas convelluntur, hinc si æger bolum deglutire velit, tum ille per os retropellitur.

Dolor in aure. Musculi pterygo-staphylini interni & externi & salpingo-staphylini vadunt ad musculos Falloppii & Eustachii ad internam aures, nempe ad tubam Eustachianam, quo musculi inflammati claudunt orificio tubæ; yix unquam videbitis hominem, qui angina seu venerea, seu catharrhosa, seu inflammatoria laboret, quin aures doleant, & quidem adeo, ut dolor ad aures major quam in faucibus oriatur, quia dolor adest in parte, ubi adest tuba Eustachiana, & dum ægri audire volunt, membrana tympani videtur quasi crepita.

Crepitatio oritur in deglutitione, quia tum velum palatinum expanditur à musculis Fallopianis, qui simul tument & membranam trahendo faciunt sensum crepitacionis; surditas est frequens imprimis inflammato palato & tonsillis, unde ægri diu surdi sunt, nam demonstravit Valsalva, quod à tuba Eustachiana obstruta surditas oriatur, hinc si hæc pars claudatur à tonsillis veloque tumente, tum surdi sunt ægri.

Surditas perfecta. Ægri atroci angina à faucium inflammatione laborantes sunt surdi, sed sanata angina perfecte audiunt, docuit per experimenta Anatomica Valsalva, quod si tuba Eustachiana, quæ post velum pendulum palatinum jacet, per valvulam claudatur, quod tum oriatur surditas, si ergo per inflammacionem

nem iter aëris intercludatur, auditus perit; hoc malum iis est frequens, qui Lue Venerea laborant, tum enim ad faucium posteriora prope colli vertebrae ulceræ conspiciuntur, si hic loci ulceræ appareant, & de dolore aurium ægri conquerantur, tum si non statim iis adjuvetur, auditus & nasus ob vicinitatem membranarum pereunt.

§. 800. Si hæc bene cognovistis, non opus erit, ut diversis nominibus vos gravetis, nam statim videbitis, quænam anginæ sunt conspicuæ, nam istæ, quæ non conspicuæ magis periculose sunt; quod ad Prognosin hujus morbi attinet, est, quod sit morbus acutissimus & periculosisssimus, cito ægros suffocans, ratione tamen partis affectæ periculum vel increscit vel decrescit; sic illa angina, quam dixit Galenus *αγνία* est omnium periculosissima, hæret enim in illa specie inflammatio ad illas partes maxime respirationi inservientes, hinc libera aura vesci nequeunt tales ægri, homine autem non libere respirante, cessat liber sanguinis transitus per pulmones ad vitam continuandam adeo necessarius, unde tunc oritur Peripneumonia, hæc que est causa quare raro hi anginosi moriantur, nisi superventa prius Peripneumonia; hanc subsequitur secunda species, quæ quoniam externos laryngis musculos inflammatos habet, non ita periculosa observatur, minus tamen periculi habent binæ posteriores, his enim modo impeditur deglutitionis actio, & illa licet impedita vita aliquantis per superestes manet; inter bona signa habentur omnia illa, quibus morbi interni inflammatorii levantur; ut sunt spuma bona scilicet libera copiosa, flava, crassa, cum strigmentis sanguineis mixta, vel alvus aut urina

na talis, diebus criticis cum levamine excreta, sic & hæmorrhagia aut fluxus hæmorrhoidalis similis, tumor in collo ab Hippocrate pro bono signo describitur, dicit enim *ab angina detenta tumorem fieri in collo bonum & addit ferrox enim vertitur morbus;* melius enim est fieri transmutationem à partibus nobilioribus ad ignobiliora; idem testatur Hippocrates, quibusunque simul fauces rubent & cervix, sunt hæ anginæ diuturniores, maxime vero ex his servantur, si & cervix & pectus traxit ruborem, nec ignis sacer introcurrat.

§ 801. *Vultus.* Tum venæ post hæc loca concurrentes comprimuntur à tumore interno, sanguis à capite rediens impeditur & colligitur, unde tumor faucium, labiorum & linguæ & vultus, ut in animalibus suspensis lingua exercitur, quia sanguis non rediens vel transiens linguam trementem rigidam & exsertam reddit, unde frequens linguæ intorsio & oculorum inflammatio, rubor semper appareat, quia oculorum venæ maxime protuberant, ut in suspensis oculi eminent ex orbitis, clare hoc percipitur, nam licet jugulares venæ comprimantur, carotides arteriæ non, hinc vasa implentur usque ad distensionem & cerebri suffocationem, sæpe nec videre nec audire possunt ægri; toto cerebro suffocato & obfuscato, delirium superveniens quoque mors sequitur, hinc sæpe delirant, dum sanguis per carotides allatus capitis vasa maxime distendit, medullam comprimit, reditu per venas jugulares impedito.

Horrendus. Simulac enim venæ jugulares paululum adstringuntur, hæc phænomena illico fiunt, tum enim sanguis per pulmones nec per

per venam cavam ire potest; unde jugulares se evacuare non possunt, quæ est causa quare hæc symptomata oriuntur, solum hic est remedium, ut inflammatio tollatur.

Visus, auditus. &c. Quando nil sentiunt, nec se mala habere dicunt ægri, tum pereunt, sanguis enim per jugulares redire non potest ob inflammationem, manet in cerebro, & in cerebri sinibus, & in magnis cerebri venis, totum cerebrum comprimitur, hinc nil sentientes pereunt, simulac ergo hebetudo incipiat, intra momentum moriuntur, & quidem quando minime creditur, nam facies appetit ruberrima, sed hæc facies est quasi suffocatorum, unde veteres vocant anginam strangulantem.

Stertor. Quia apoplectici fieri incipiunt.

Raninæ tument. En causam errorum omnium Medicorum, & Chirurgorum, qui quoniā venæ raninæ tument & distentæ sunt sanguine nigro, putant, quod hic est causa mali, & hinc has venas incident, sed illæ tument, quia jugulares in venam cavam sanguinem evakuare non possunt, quæ vena est sanguine plena, & sanguinem cordi dextro dare non potest, nec hæc pulmonibus hinc horum incisio nil juvat, nam hic non est malum, sed inflammatio interna circa glottidem est fistenda. Venæ raninæ dictæ adsunt ad linguæ radicem, in quibus uti & in frontalibus venæ sectio condicit, quia cerebrum allevat, sed introducta est ex malo principio, quod quidem sanguinis circulatione non satis intellecta, veteres putarunt sanguinem in his venis stagnantem esse anginæ causam. Mala signa sunt secundum Hippocratem, si cocta celeriter excernantur. Sic enim scribit: *angina laborantes, nisi celeriter cocta*

cocta expuant, malum denunciant; hæc enim si justo tempore justa forma adessent, resolutio-
nis signa darent periculosisima, illa quoque ipsi
habetur angina, quæ subito accedit, nil con-
spicum facit, & maxime statim lœdit actio-
nes respirationis vel deglutitionis; sic enim di-
xit; *Angina horrendissimæ sunt & citissime acce-
dunt, quæ neque quicquam in faucibus aut cer-
vice conspicuum faciunt, verum plurimum dolo-
rem exhibent, & erecta cervice spirationem in-
ducunt, hi enim eodem die suffocant, secundo
item ac tertio ac quarto, & addit, quæ vero an-
ginae similiter dolorem exhibent, sed attolluntur
& in faucibus rubores faciunt, perniciose quidem
valde sunt, verum prædictis longiores si rubor fiat
magnus. In prima hujus Prognoseos parte ve-
ram κυριακην descriptionem dat, nempe cum
musculi vel partes laryngis internæ sunt inflam-
matæ; cujus inflammationis tumor statim om-
nem aëris per asperam arteriam transitum im-
pedit, unde misere mori debent; hæc angina
vocatur tecta, & observatur a nunquam satis
laudando Sydenhamo, illam homines multum
natura vel arte evacuatos plerumque vexare,
hinc in posteriore vult indicare, quod si tumor
ad externas partes transeat, ægrum quidem in-
terficiere possit ob magnitudinem inflamma-
tions, sed saltem jam major spes fit in *angina*,
qui abs re prorepunt dolores ad caput cum febre,
sunt mortiferi; lethalem quoque prædicere even-
tum tumores evanescentes absque levamine
dixit Hippocrates, sic enim ejus verba sonant;
tumores absque ulla ratione evanescentes lethales
sunt; malum etiam exstium observavit idem
Auctor, si dolores ad caput vergant, malo
que violento manente, hæc enim docent mor-
bum*

ORIEN

bum esse admodum pertinacem, quia illa absque levamine contingunt, & simul indicant cerebrum sanguine gravari. Memorat etiam *Hippocrates*, quibus anginam effugientibus ad pulmonem vertitur in septem diebus moriuntur; si vero hos effugerint, suppurati sunt: hoc si accidat, vult denotare *Venerandus Senex*, adest inflammatio, quæ si fiat in corpore prius angina inflammatoria corrupto plerumque necat; in illo enim omnis sanguis jam est inflammatorie densus factus, in septem diebus tales moriuntur, dicit *Hippocrates*, & non mirum est, omnis enim Peripneumonia Vera intra septem dies resolvitur, suppuratur, mortem inducit, vel transit in aliud morbum. Si angina oritur per crisi alterius morbi, est mala; quia æger jam magno morbo debilitatus, hunc novum ferre non potest.

§ 802. Angina est inflammatio partium in hoc loco non major quam in digito; sed hac functione carere non possumus, abit in resolutionem, scirrum, ut omnes aliæ inflammations.

§ 803. *Pura* inflammatio vocatur, quæ ne cum suppuratur, nec gangrænescit, vel ubi vaſa ſeſe habent, ut nondum facta fit perfecta gangræna, nam si gangræna facta fit, licet ſanguis mittatur, æger moritur, & dicunt ignari, quod æger mortuus fit à venæ ſectione, tum igitur debeimus amicos monere, quod æger fit in ſtatu unde moriturus, fit, ſed tamen ſi ſanguis mitteretur, ſervari poſſet, quamvis non certiſſime.

Citiffime. Nam ſæpe ſi dimidium quadrantis horæ exspectas, æger moritur, vocatus fui ad hominem, qui in dolorem circa guttur
mane

mane & mox in vocem gravissimam inciderat, hic æger non credebat se magno morbo laborare, accedens videbam statim ægrum moritum, venæ sectio instituebatur, quæ non juvabat, cum de remediis disceptatio oriebatur inter disceptandum æger suffocatus periit, ergo quæ tentantur illico, & audacter tendanda sunt. Si angina in partibus periculosis sit, statim advertatur, an parva adhuc inflammatio, si hæreat interne in fistula pulmonali vel circa laryngem, an nondum tendat in suppurationem vel gangrænam. Cognoscitur pura inflammatio, si morbus non multas horas duraverit; si febris vel summus dolor præsertim pectorius adsit, & tunc citissime est tentanda resolutio, suppuratio hic mala est, quia hæret in larynge & prius extinctus esset æger.

1. In hoc morbo sanguis est educendus, docent tumor collabatur, vel si opus sit, repetaatur, nil autem præstantius est missione sanguinis, nam omnibus indicationibus satisfacit; multi volunt incidi venas jugulares vel rani nas, & dicunt multos anginosos venarum jugularium apertione à se curatos esse, sed alii non male putant venæ sectionem in brachio sufficere, quoniam nostra præcipua intentio tantum est sanguinis evacuatio, & quia non semper in nostra potestate est sanguinis fluxum illis locis sistere; hinc venæ sectio larga (non parva, nam illa motum accelerat, & magna inhibet) è lato vulnere in brachio, ut sanguis, qui motu suo nimium ad fauces incendum facit, minuatur, quæ venæ sectio symptomatibus nil remittentibus repeti debet, ut magnus suadet *Sydenham*: hac peracta, ut magis adhuc à faucibus revellatur sanguis, juberem, ut æger pendibus

dibus sederet erectus in aqua calida, sic enim & situ corporis & vasorum ampliatione raptum sanguinis ad superiora minuo. Quo hi ægri sunt fortiores, eo sunt debiliores quo ad pulsum, quia sanguis in pulmone per Peripneumoniam sistitur. Deberet in hoc casu potius institui Arteriotome.

2. Simulac missio sanguinis est instituta, vasa mesenterica & intestinalia laxare studeo ad levem. Diarrhæam obtinendam, hinc bis, ter, quater, quinques de die injiciuntur clysmata ex Tamarindis, Sale Prunellæ, Saccharo fuso; vel simile v. g.

R. Flor. Alth. 3*iv*

— Malv.

— Violar. ana 3*ijj*

— Par. Hortens. 3*iv*

Herb. Malvæ

— Bismalvæ

— Verbasci ana M. iij

Coq. in S. Q. Aq. puræ, ad Collatur. 1*bij*

adde Elect. Diacatholic.

— Diaprun. solutiv. ana 3*j*

M. F. Enema.

Hac ratione intestina fiunt laxissima, ut nil contineant, purgantia non sint violenta, mordentia ex Jalappa, & Scammonio, quæ hic mala sunt, sed lenia, quasi intestinis Paralysin inducentia nempe pulpa Cassiæ Fistulæ, Tamarindorum, Rheum &c. vel simile.

R. Se-

Rx. Seri Lactis ℥ij
 Pulp. Tamarindor. ℥ij
 Nitri putri ℥j
 M.

De hoc potu bibat æger pro lubitu; vel Serum Lactis, magna copia haustus satisfacit, nam est blandum admodum diluens, putredini resistens & admodum nutriens, ejus tamen loco, quoniam non ubique præsens illico est, optime conducunt decocta blanda diluentia, ut ex. g. sequens.

Rx. Avenæ decortic. ℥j
 Coq. in f. q. Aquæ communis
 Colaturæ ℥ij
 adde Syr. Diamor. ℥ij
 Sal. Nitri ℥j
 Pulp. Cassiæ Fistulæ ℥ij
 M.

Bibat de hoc decocto æger, quantum ipsi lubet. Clysmata possunt esse ex aqua Hordei, Mili, tantuin ut abstergeantur intestina, dum peti possunt ex lenibus purgantibus antiphlogisticis, & eadem per os dari, ut decocta Prunorum, baccarum Sambuci & Ebuli.

3. Deglutitio hic est possibilis, quia ad laryngem non ad pharyngem hæret malum, hinc dentur potus tenuissimi nempe aqua vel serum lactis coctum cum pauxillo farinæ avenaceæ, Nitri, Sacchari vel Mellis; in primo initio de vietu adeo solliciti non esse debemus.

4. Nitrum palmam hic præ omnibus reliquis habet, ut morbus fere solo Nitro curetur, si addatur acidum tanto melius v. g. posca acetum

tum Sambuci &c. in hoc morbo subacida sunt optima, v. g. si æger imponat linguæ pulpam Tamarindorum cum Nitro, ut illud liquefcens delabetur ad fauces, succus Sempervivi recens pressus cum succo Citri permistus & linguæ impositus est summum remedium &c. in tali casu do semper meis ægris placentulas ex Nitro, ut eas teneant in ore.

5. Omnia maxime vapore aceti, dicetis quidem acetum tuffim facere, sed hæc humitas, si fauces alluantur, optime resolvit; quidam sacerdos hic multos anginosos hac ratione curabat, quod medicamentum mihi ipso posse revelavit, habebat nempe multas herbas in aceto cum aqua permisto, hujus aceti vaporem calidum in fauces dimittebat, hoc remedium herbis arcanis adscribatur sed illæ talem virtutem non habent, sed acerum cum aqua faciebat talem resolutionem, hac ratione cura est instituenda, ægro os est tenendum supra vaporrem aceti, illeque hauriendus & per nares efflandus, tum aër ad glottidem provenit; certum est, quod in omni inflammatione vapor aceti sit optimus. Potus optimus est sequens.

6. Rad. Apii

— Lapathi Acuti

— Acetosæ

— Graminis ana 3j

Fol. Acetosæ

— Agrimonie

Becabungæ ana M. ij.

Sem. quatuor frigid. major. ana 3j

Coq. in aq. com. colat. pint. iij.

adde

adde Nitri 3ij

Rob Sambuci 3iij

M.

De quo æger singulis horis capiat uncias
tres vel quatuor, vel

℞. Decoct. Hordei 1bij

Syrup. Violar. 3ij

Sal. Nirri depurat. 3j

M. Bibat pro libitu.

Nihil tamen ad obstructa vasa faucium emollienda & dilatanda antecellit sequens nobile remedium ex aqua pura & aceto mixtis. Talis mixturæ calidæ factæ vapores attrahuntur (ope infundibuli vel mantilis &c.) ad fauces, quæ hinc maxime alluuntur, & ab exsiccatione liberantur, tale remedium est optimum v. g.

℞. Aq. stillat. Sambuci 3vj

Aceti Sambuci

— Calendul. ana 3jß

M.

Iterum externe applicentur fomenta & epispastica; hæc *Hippocrates* maxime commendavit, ideoque aures, cervix, collum & pectus madida teneantur fomentis, ex farina cocta & herbis emollientissimis, ut decocta florum Verbasci, Hyperici & similiū, vel fermenta panis, & ego illa calida applico, 1. ad pedes, 2. ad poplites, 3. ad inguina, 4. sub axillas, 5. ad parotides, cum superimpositis tegulis ad impediendam exhalationem. *Tachenius* saepè Nitri usum inculcat, nam fane mire hoc facit,

Tom. IV.

D.

id

id vero vulgo risui committitur, quia nimis parca copia datur, sed dandum est Nitrum ad uncias duas vel tres, optime sane hic acida conveniunt ut Spiritus Salis, Vitrioli, & imprimis Spiritus Sulphuris per campanam, quæ tantum aqua diluitur, ut illa sit grata. Per fomenta anodyna & Emollientia v. g. ex sero lactis cum pannis calidis ad pectus applicatis possum ut cunque nutrimentum suppeditare ægro.

§ 804. Si occurrat angina inflammatoria pendens ex eo, quod musculi elevantes os hyoides inflammati sunt, tum sequentia sunt agenda. Primo instituenda sunt ea, quæ in paragrapho 809. dicta sunt, secundo curandum est, ut omnes oris partes multum perspirent, & vasa laxentur, ex. gr si vocemur ad ægrum, qui dum quiescit, non sentiat magnum malum vel dolorem, sed si deglutiet, sentit summum dolorem; spongiæ aqua calida plenæ, parti affectæ externe applicatæ, multum quoque præstant: restat, ut inquiramus, quæ cura ad resolutionem obtinendam adhibenda sit in angina inflammatoria, ubi deglutitio est læsa; instituatur primo venæ sectio, balneum aquæ calidæ, & loco purgantis injiciantur clysmata ex decocto Hordei cum pulpa Cassiae, Manna, Melle similibusque, curari oportet, ne partes oris exsiccentur, sed ut laxæ maneant & perspirent, ad hoc præstandum sequens præscribitur gargarisma.

Fol. Scabios.

— **Violar.**

— **Taraxaci ana Mj.**

Flor. Sambuci

— **Rosarum pallidar. ana Mj.**

Coq

Coq. in sufficienti aquæ quantitate
ad Colaturam unc. xx.
adde Mellis Rosacei

Syr. Diatom. ana ʒij

Sal. Polychrest. ʒij

M. F. Gargarisma.

Contineat æger hujus gargarismatis aliquam
copiam in ore, dimittat sensim ad fauces, non
gargarisando tamen; gargarisatio enim nimium
faucium motum creat, expuat dein & repetat
subinde sœpissime: sic optimè prospicitur (quod
hic necessarium erat) ne partes oris exsiccen-
tur; sic locis laxatis inflammatoriam musculo-
rum materiam in se trahunt nitrosa, sapona-
cea, subacida, cataplasma etiam conducunt
similia.

Flor. Malvæ.

— Althææ ana ʒiv

— Pap. Hortens. ʒij

Herb. Bismalvæ

— Verbasci ana M. iij

Coq. in aq. pura sub finem

adde nidum Hirundin. No. ij

Sem. Lini. q. f.

M. F. Cataplasma.

Hoc cataplasmate calido adhuc totum col-
lum & cervix obrui debet, semperque quan-
tum potest, tepidum retineri, calor enim
emollit maxime & certe ob aliam rationem
hoc cataplasma calidum retineri debet, di-
cit enim *Hippocrates*, ubi calor, maxime de-
terminabunt diluentia ante præscripta; tale
etiam cataplasma est optimum v. g. ex semi-
nibus

D 2

bus Lini cum sola aqua adde sub finem parum aceti, parum salis, Mellis rosati violacei vel Mercurialis; fomenta quoque externe prosunt ex floribus Malvae, Verbasci & Violarum &c. in Lacte cum Nitro cocti.

§ 805. Aër transiens exsiccat partes, nunc si homo gravedine laboret, aër per nares non hauritur, si tunc per os hauriat, brevi omnia in ore exsiccata sunt, sic etiam hic in angina contingit, sed omnis locus inflammatus, qui exsiccatur, fit strictus & citissime in gangrenam abit, ergo exsiccatio est impedienda, sumatur omni momento aqua cum aceto & melle, & gargarisando retineatur locus madidus, & quando dolor est tantus, ut expuere non possit, tum sumatur fistula seu syinx & acetum cum multa aqua, Nitro & Melle rosaceo vel simili immittatur in fauces; ut hac ratione colluantur; erat hic æger, cui fauces sic erant tumefactæ, ut vix fissura calami transfire posset, sed Chirurgus industrior tota nocte assidebat habens miscelam ex Oxycrato, Melle Merciali & Nitro, immittebat omni quadranti horæ in fauces, unde æger fuit servatus, credo certissime, quod longe ante noctem mortuus fuisset, nisi hæc essent exhibita, tamen ægri hæc non libenter admittunt, sed periculum vitæ iis est proponendum, quando phlegmone est in tertio gradu, per venæ sectionem resolvi non potest, sed tum sumendum est Lac & Nitrum cum herbis emollientissimis, & per tubum perpetuo & identidem est injiciendum ad faucium locum inflammatum, ita ut tandem per suppurationem rumpantur. Si nihil bibere aut edere queat æger, auxilium petendum est e nutrientibus dictis clysmatibus (prius expurgatis)

gatis fæcibus) nempe ex jure carnium, decocto panis, talibusque, adde parum Cinnamomi; clyisma ex illis debet ter quaterve de die ad uncias quatuor injici.

§ 806. Si oriatur violenta inflammatio, qua organa respirationis superius comprimuntur, unde suffocationis metus, & remedia descripta si nil juvant, de alio remedii genere cogitandum est, nec relinquendus æger, vel si post aliquot dies accedat Medicus, & tumor jam minor sit, quid tunc agendum? Sciatur, quod si tumor sit tantus, ut glottidem contra Epiglottidem comprimat, citissime suffocabitur, quid ergo supererit? vel enim morietur, vel respirare debbit æger & nutrimentum capere; hæc si apparent, manifesta instituenda est Bronchotomia, sive apertura tracheæ, quæ citissime sine periculo institui potest, si hæc signa adsint, 1. frustra acta sunt priora, 2. si materia sit nimis crassa vel infarcta, 3. si respiratio fere plane impediatur, ut pulsus minuatur; 4. si inflammatio supra tracheam vel annulos sita sit, jam prædicenda est acerba Prognosis, demonstrandum est ægro, & adstantibus mori certo debere, nisi anceps hoc & ultimum remedium permittant, idque cito, nam si diu duraverit, pulmo erit plenus; & licet tunc respiratio reddatur, pulmone sanguine jam obstructo Peripneumonia oritur, hinc incertum est, an juvet hæc operatio, hinc Medicus nunquam solus faciat, sed aliud candidum Medicum-advocet, ad consulendum; antequam hæc operatio instituatur, 1. debetis esse certi summum periculum adesse, ut mors instet, 2. vita tam magna esse debet, ut gangrænæ periculum adsit, 3. quod morbi causa non adsit in pulmone nec

D 3.

in.

in locis profundis, hæc operatio nequaquam est lethalis, sed mors aliquando subsequitur, quia morbus est lethalis ob congregatum sanguinem in pulmone; aliter anceps remedium est instituendum, quam nullum in certa morte, duro enim nodo durus adhibendus est cuneus. *Bronchotomia* vocatur *asperæ arteriæ in membranosa ejus parte intra duos annulos cartilagineos sectio*. Illud dupli modo perficitur, vel prius longitudinaliter integumenta refecantur, hæcque fuit methodus *Cafferii*, vel recte scalpellum transmittitur intra annulos cartilagineos, hæc fuit methodus *Dionis & Aquapendentis*, in aperturam tali modo in aspera arteria factam truditur cannula plumbi, per quam aer intrare & exire libere potest, & sic liberior fit respiratio. Hæc cannula ibi manet, donec suppuration fiat; vide de hac re *Hildanum & Severinum in libro de Efficaci Medicina & in libro aureo de Chirurgia Trimenibri* & in omnibus ejus operibus, frustra hic mors metuitur, nam sectio non est molestia; & magna arteria non aderit, postquam resoluta est suppuration, cannula educitur, tum vulnus apertum teneatur, aliter enim species bronchoceles oritur, sed plumaceola sicca imponatur, ut si concretio fiat, nullus sit metus.

§ 807. *Clysmata nutrientia* ab *Helmontio* explosatunt, qui dicit nil admittendum esse specie nutrimenti, nisi quod per vires ventriculi, intestinorum, bilis & succi pancreatici mutatum sit, sed certissimum est per experimenta, quod clysmata ex solo jure carnium cum sale in corpus injecta ad uncias duodecim, si viginti quatuor horis retineantur, quod unciae tres tantum redierint, jus carnium in sanguinem ire & per nares redire

dire certe poterit, ut vidit Lowerus, ergo non
ridendo clysmata nutrientia, nam cur explode-
mus id quod nocere non potest, si non juvat.
Hac ratione curatur angina inflammatoria, si
in initio, & tempore hoc fieret, nemo morere-
tār, sed plerumque nimis diu exspectatur, par-
tibus jam v. g. gangrenosis vel suppuratis.


Angina suppuratoria.

§ 808. Suppuratio vocatur canarium obstru-
ctorum & materiæ obstruentis vi vitæ reductio
& commolitio in album, blandum, spissum,
æquale liquidum; causam suppurationis proxi-
mam inflammationem ponimus, ubi ergo in-
flammatio non resolvitur, ibi suppuratio acce-
dere potest, hinc & angina inflammatoria in
suppuratoriam transire potest. Signa anginæ
inflammatoriæ in suppurationem vergentis sunt
symptomata non graviora, sed pertinacia, &
quoque si inflammatio jam per aliquot dies du-
raverit, resolutione non facta, sique simul in
faucibus videatur tumor subalbus, mollis, levi-
ter calens & dolens certi sumus adesse angi-
nam suppuratoriam. In illo statu indicatur,
ut emolliamus membranas pus continentes &
alcalescentiæ & acrendini resistamus, quod præ-
cipue cataplasmatibus & fomentis ex floribus,
foliis & farinis conciliatur. Si suppuratio fa-
cta sit, quod scitur, si inspiciatur os & appareat
tumor albus, habens superficiem albissimam,
mollem, in acutiem desinentem, hæc si appa-
reant, & abscessus sponte non rumpatur, per-

D 4

tendi

tundi debet lanceola Chirurgica ; sedente ægro capite prone , ne pus exiens ad pulmones ruat; pure sic omni per se aut levi compressione expulso , inundatur ulcus Melle Rosaceo , decocto hordei similibusque, mundatum ulcus aqua Plantaginis, Rosarum Rubrarum talibusque leviter adstringentibus consolidatur. Antequam fiet pertusio , oportet ut adsit matratio , nam aliter vulnus augeret inflammationem ; in pertusione hæc sunt observanda applicanda est cannula , intra quam hæreat scalpellum , quod tamen ita hærere debet , ut nimis profunde adigi non possit. Si hæc angina hæreat supra partes laryngis & suffocaturus sit æger , à tumore augescente non exspectare licet , sed Bronchotomen adhibere oportet.

§ 809. *Karo.* Id est , illa , quæ hæret circa laryngem.

Angina Gangrenosa.

§. 810. Omnis causa inflammatoria si valde augeatur , abit in gangrenam.

1. *Ex signis.* Præstertim si oriatur in corpore juvenili plethorico , & si alia quoque adsint signa.

2. *Tumor.* Hippocrates dixit , si Erysipelas extrorsum vergat bonum , si introrsum malum.

Si gangræna oriatur in larynge , glottide , & opiglottide , est plerumque lethalis , quia sunt loca nobiliora , sed in tonsillis , uvula & velo palatino non adeo , quia hæc partes non adeo sunt.

sunt nobiles. Gangræna adesse noscitur, si æger difficulti respiratione aut degluritione laborans simul dolorem habet in primis diebus acer- rimum cum febre violenta, totius corporis æstu, siccitate, nec ulli remedio auscultat; si tumor, dolor &c. sine resolutionis vel suppurationis signis disparuerint. Hic nullam medelam scio ob loca nobilia, & præterea causam inflammatoriam tam diuturnam, qua fiet gan- græna, quin simul sanguis in pulmone hæreat accumulatus & concretus, unde oritur pul- monum gangræna.

§ 811. *Circa tonsillas.* Quia omnia hæc loca constant folliculis & cryptis glandulosis, atque hæ glandulæ sunt etiam subditæ scirrho, qui fit per inflammationem aut per contusio- nem, loca inflammata nimium frigidis tracta- ta fiunt scirrhosa, vel medicamentis vel aëre vel potulentis, quando ulcerus est alicubi a- pertum, si aër accedit, humidum ex ulcere avertit & oritur scirrus, si Medicus non caveat, ne aër frigidus huc appellat, quan- do angina in ulcerum apertum reducitur, ergo illæ anginæ scirrhosæ sunt curandæ, ante- quam exulcerentur, hinc post curationem an- ginæ inflammatae æger per aliquot dies non exeat in aërem apertum, adhibeat emollientissi- ma fomenta in ore, etiamsi inflammatio absit, tamen omnia tepida sumantur.

Angina Convulsiva.

¶ 812. Hunc morbum vidi summa cum admiratione & terrore, hinc (quia rarer continet) ad vivum eum depingere conatus sum. In paralytica angina impeditur respiratio vel deglutitio, quia musculi contractores pulmonis non possunt sursum trahere pulmonem, multi deglutire non possunt, quia collapsa est pharynx & æsophagus, hinc à vi vitali vitiata complicatur. unde assumpta hærent, aut per nares exirent, aut cadunt in laryngem epiglottide elevata, hac ratione respiratio impeditur.

Talis &c. ut dixit Hippocrates. caput corpori hæret per os oœcipitis, quod juxta medullam spinalem habet duo rotunda tubercula, quæ vertebrae primæ sinus ingrediuntur, supra hoc rotum caput vertitur, validum ligamentum dentem cum atlante continet, hinc agitur, & hæc secunda vertebra cum capite, & caput non supra primam, sed caput cum prima supra secunda vertitur, jam si ligamentum dissum sit ruptum vel laxatum, ut à nimis pronox cubitu capitis sèpe sit, dens ex prima vertebra exit retrosum, comprimit medullam spinalem. Hoc si unquam certe admodum raro contingit; qui legerunt nobilem Eustachii Tractatum de Motu Capitis, illi norunt, quod ligamenta, per quæ prima & secunda vertebra capitis necuntur, sint adeo fortia, ut potius totum corpus dilaceraretur, quam hæc rumparentur; hinc luxatio dentis fit rarissime, luxatio

xatio vertebratum cervicis dicitur contingere, quando homo equo validissime motus totum corpus valide movet & fortissime impingit, tum oritur tam subita totius corporis circum, duictio, ut vertebrarum fiat excusso, ille morbus dicitur venatoribus contingere & curari, si uno momento caput arreptum in longitudinem maxime trahatur, si modo, medulla non sit nimis compressa. Ægri hoc morbo labrantés dicuntur eo tempore esse anginosi. Hic mihi angina muliebris est exponenda, vulgo dicta angina à vapore, quia Medici putarunt vapores esse hystericos vel uterinos; nostis, quod simulac dragma una vini vel cerevisiae per organa tua appulsa sit aperto pharynge, quod tum musculus æsophagi stringat pharyngem apertam contra partem posticam laryngis, & quod hinc nulla gutta potus eat sursum, ergo hæc pars arête clausa esse debet. Nunc omnes musculi voluntarie agentes convulsivi esse possunt, & dum musculus æsophageus constringens pharyngem convellitur, tum homo nil deglutire potest, venti sursum eunt ex tendunt æsophagum, hoc producit talem sensum ad fauces, quem vocant mulieres adscensum matricis, guttur instar pugni tumet, si hæc convulsio ad illam partem accedit, producit hæc symptomata, sed talis convulsio potest quoque esse ad glottidis musculos; vidi centum mulieres hystericas vel vires hypochondriacos, simulac aliquod accedit, quod obest, animam non ducunt, & paulo post suffocantur, hic morbus vocatur Passio Hysterica, unde nunquam moriuntur mulieres, causa, qua convolutionem faciebat, transit, tamdiu mulier in animi deliquio tenetur, sed simulac sanguis

D 6

mo-

moveatur, redit morbus; in multis doctis vi-
ris & hypochondriacis perfecte idem obtinet,
curatur hic morbus omnibus, quæ in genere
motum spiritum mutant, immitatur aqua frigi-
da in pharyngem aut Spiritu Salis Ammoniaci,
qui naribus supponatur, idem ab omni fætido &
odorato contingit.

§. 813. *Hippocraticarum* Distinctio in tot
diuersas species anginæ omnino requirebatur,
hinc generalem anginæ definitionem maxime
dedi, quæ vera est, aliter omnia phænomena
ad unum nomen contrahi non possunt quod
jam fieri potest.

Signo conspicuo. Nec tumoris, nec doloris,
nec caloris, nec inflammationis, qua æger e-
rectus sedere cogitur.

Dolore capitis. Quia sanguis per jugulares re-
dire nequit, notat etiam, tunc sanguinem per
cerebrum trajici non non posse.

Lethalis. Scilicet plerumque primo die mo-
niti estote, æger v. g. ante $\frac{1}{4}$ horæ satis bene se
habebat, nunc sedet cum febre Acuta, cum
magno capitis & intenso crurum dolore, tum
intra $\frac{1}{4}$ horæ morietur, antea liber respirabat, sed
cogitate inflammationem oriri in arteriis in-
tercostalibus, tum ægri respirare non possunt,
hoc saepè intra $\frac{1}{4}$ horæ contingit, si nunc talis
inflammatio ad musculos constrictorios glotti-
dis contingat, an non illico esset contracta,
hæc est ratio, cur illi ægri collum extendendo
rimam dilatare conantur: nam rima glottidis
nunquam plus est aperta, quam ut calamus
scriptorius intrare possit. *Hippocrates* anginam
distinxit in triplicem, Idiopathicam, Sympa-
ticam, & *inflammationem*, Idiopathica est simplex

an-

angina, Sympatica, quæ ab eodem malo, prægresso est orta, hinc est pessima, quia designat, materiam inflammatoriam translatam esse ad fauces.

Exprimens. Vide *Harvæum*, *Lowerum*, *Nuckium* & aliorum experimenta docentia, quod ligatis venis jugularibus materia serosa tenuis per os exiret, non aliter quam si salivarent.

Spumam. Hæc oritur ab affrictione partium pulmonis inter se ab aggesto sanguine, nam tunc sanguine non volente redire in cor, vesiculæ pulmonales inter se confricantur, unde hæc spuma in similibus casibus notat obrui pulmonem. Peripneumonia oritur ab angina, quia sufficiens aëris quantitas in bronchia ingredi non potest, unde sanguis intra arterias pulmonales accumulari incipit, quia pulmo propter aëris defectum apte distendi non potest. Statim atque anginosus incipit fieri stertorosus & Apoplecticus brevissime moritur. Si inscio ægro exoneretur alvus, is fere semper moritur, signum enim est, caput interne à sanguine suffocatum iri, pulsus sit lenis, & rubor &c. abeant, & tamen dolor maneat, idem est, quod breviter suo more dicit *Hippocrates*, angina retrocedens sine bona causa est lethalis. Si ad radicem linguæ summus dolor hæreat, est pessimum signum.



Peripneumonia Vera.

§. 814. Πνεύμα spiro, πνεύμα juxta veteres non designat materiam spiritualem, sed aërem inflatum & efflatum è pulmonibus, hinc πνεύμων pulmo, & πεπνευμονία inflammatio palmonum,

vel quasi circa pulmonem affectionem dixeris, aut, si præpositionem *περι*, particulam saltem augmentationis (uti Græcis familiare est) & nomen *περιπνοής* ad affectionem pulmonum denotandam sufficere velis, tunc eodem hoc vocabulo composito ejus atrocitatem, frequentiam & vitæ, quod innuit periculum, expresseris. Quidquid sit tam prisci quam recentiores Medici per eam ut plurimum denotant *φλεγμονὴ* seu *inflammationem in pulmonibus susceptam cum febre Acuta & spirandi difficultate*. Quibus addunt nonnulli *doloris parentiam*: quando (uti dicunt) solus pulmo affectus fuerit, & recte, nam hic eatenus dici potest pulmo, quatenus sanguinem, tanquam follis trajicit ex corde in cor; viæ autem, per quas talis tractio fit, sunt satis molles & flaccidæ, & proinde tensioni in fibris non adeo obnoxiae. Nonnulli thoracis gravitatem, sputum suberuentum, generum raborem &c. pro signis Pathognomicis hujus affecti habent. Peripneumonia ergo est vera inflammatio in vasis sanguineis pulmonum, sed vasa sanguinea pulmonum sunt duplia, scilicet arteriæ pulmonalis & bronchialis, utræque habent vasa omnium serierum arteriosarum, nam bronchiales arteriæ habent sanguinem serosum lymphaticum & sic ad ultima usque, hinc videtur tota pulmonalis arteria habere omne genus arteriarum per successivas series, ergo omne inflammationum genus in pulmonibus erit possibile, vulgares Medici putant, quod sanguis stagnet, cur non serum, cur non lympha, stagnare potest, Peripneumonia Vera aliter dicitur *περιπνοήσις*.

6. 815. Vasa pulmonis sunt duplia vel pulmonalia vel bronchialia, notum enim est, pul-

mo-

monem ut omnia alia viscera accipere sanguinem, qui mutatur, aliumque sanguinem, qui nutrit juxta bronchia, unde bronchialis dicitur, vaditque ad externam superficiem vasorum pulmonis, unde totus nutritur, & secundo pulmo interne accipit omnem cordis sanguinem in arteria pulmonali, ergo inflammatio ori potuit vel in vasis bronchialibus vel pulmonalibus, aut tandem in vasis lateralibus lymphaticis utriusque, hinc itaque triplex Peripneumonia vel sola in arteria bronchiali ejusque ramis, vel in vasis ipsis Peripneumonicis vel in utriusque simul, raro enim accidit in uno vasorum genere, quin accidat in alterum.

§. 816. Peripneumonia ad vasa pulmonalia, quæ omnem sanguinem à corde pulsum suscipiunt, erit periculissima, nam hinc sanguis transfluere impeditur, & cor sinistrum nil accipiet, hinc actum est de tota circulatione, ergo de vita; sed minus periculosa est in vasis bronchialibus arteriosis, quia non omnem sanguinis transfluxum impedit, ille enim sanguis tantum pro nutritione, humectatione pulmonum & omnium vasorum minimorum inservit, quibus pulmo eget ad nutritionem; sed hoc verum est, quod si bronchialia inflammatur, pulmonalium fines etiam facile inflammatur, nam bronchialia extensa comprimunt etiam pulmonica, inde brevi à bronchialium fit pulmonalium inflammatio, bronchialis inflammatio non per se lethalis fit, sed postquam adolevit minimis vicinis vasis compressis.

§. 817. Ipsa inflammatio constituit causam proximam hujus, id est sanguinis rubri arteriosi in vasculis minimis, stagnantis attritus & vi sanguinis retro prementis in partes ob-

st. u.

structas; dein quidquid in genere hunc statum producere poterit, hunc igitur producit, quidquid sanguini circulanti intra pulmones obicem ponit, & quietem inducit, quietem autem conciliat, quidquid vel incrassando sanguinis motum tardiorem reddit, vel quidquid canales constringendo, vel (ne quantum opus dilatentur) prohibendo, sanguinis motum impedit; ergo haec causa vel potest in vasis, vel in sanguine haerere: in vasibus scilicet quando haec sanguinem transmittere nequeunt; huc spectant contusio, compressio, elongatio, exsiccatio, & ut brevis sim, quidquid illa ita angustare vallet, ut sanguinis globuli rubri diametro eorum majores existant, unde cogetur subsistere. In sanguine vero, quatenus latus, spissus, acer inflammatoria & cacochemica quadam diathesi instructus vasa transmeare ineptus sit, vel quatenus copia nimia vasa plus accipiunt quam ut naturaliter transmittere possunt, quod quomodo fiat in causis procatarrcticis sive remotis jam videbimus.

2. Aëris per os in pectus ductus mox ad pulmones labitur, hoc est ad contactum canarium, ergo pro variis ejus qualitatibus hic diversimode afficeret & Peripneumoniæ causæ existere poterunt. Itaque aëris solito frigidior, nebulosus aut humidus simul, præterea, quod vasa constringendo coarctet, humores incrasset, & condenset, etiam poros claudit & transpirationem naturalem inhibet, unde particulae lentæ & serofæ sanguini manent permixtæ, adeoque sanguinis crasis debilitatur, condensatur, & lentius movetur, sicque circa fines vasorum pulmonalium facile stagnare, tumorem & tandem inflammationem, id est, Peripneumo-

neumoniam causare valebit, eandem ob causam
constitutiones anni, venti, loca, ut & appli-
cata frigida mali hujus causa existunt, quod
Hippocrates testatur, Hyeme vero (inquit) Pleu-
ritides, Peripneumoniae & cetera, ut & frigi-
da velut nix, glacies pectori inimica &c. si aër
nimis validus vel & siccus existat, per conse-
quens tenuior ac mobilior sanguinem agitando
attenuabit, ejusque motum augendo vasa ni-
mium distendit, sicque vias intercludendo ob-
structionem causabit; quin & alia ratione san-
guinem nimis attenuando, ejusque motum ac-
celerando in causa erit, quod per corpus uni-
dique instar cribri valde patulum liquidissima
& spirituosissima discutiantur, oleosa acria red-
dantur & crassissima (ob dissipatas ad circulatio-
nem maxime necessarias particulas fluidissimas)
minus apta & terrestria remaneant, quæ per minu-
tissima pulmonum vascula transire haud potentia,
stagnant, unde infarctus tumor, seu fiet vera
inflammatio. Quin & aër nimis gravis Pe-
ripneumoniae Auctor existit, occlusis scilicet
per nimiam pressionem canalibus: aër si levi-
tate nimiam gaudeat, respirationem etiam plus
minus impedit vel plane intercipit; unde Perip-
neumonia vel quandoque subita mors oriri
poterit, quod in vacuo Boyleano videre est. Si
hæc Peripneumonia à talica causa ex natura resolva-
tur, tum sanantur ægri, nisi autem resolvatur,
necessè pereunt, ut videri potest in agricolis,
qui in agris laborantes sub injuria cæli Peri-
pneumonia afficiuntur plerumque lethali. Aër
nimis calidus augenda motum latentes quan-
doque humores crassos & inspissatos in
actum deducit, unde non raro post Hyemem
validam prægressam, quando nempe per frigus

nimum humores crassi & inertes redditi sunt, (subsequentetunc Vere & Æstate calidis humores illos in motum rapientibus) Peripneumonia oboritur plurimos interimens ; tandem aërem effluviis suis malignis scatentem, puta causticis, adstringentibus, aut coagulantibus & venenatis pulmonibus applicatum Peripneumoniam & citem saepe mortem producere posse, quis dubitat v. g fumus Sulphuris, fumus ex Mercurio Sublimato &c. plura tristi satis exemplo non-nunquam comprobarunt, nam omne animal, quod exponit fumo Sulphuris (nullo excepto) illico moritur, pulmone spasmodice contracto, non est ulla pars in toto corpore post oculum sensibilior, quam pulmo, talia sunt venena, quæ uno halitu sic constringunt pulmones, ut necent Acria ut Spiritus Vini aut aromata simul sumpta cum glutinosis adhuc pejora illa reddunt, nam acriora partes viscosas adhuc magis infarciunt & in minora vasa protrudunt.

Cibus quantitate peccat, vel quatenus (qualitate licet bonus) nimia copia assumptus, & ingluvie ut sic dicam nimia devoratus ventriculum ultra modum distendit, & diaphragma sursum premit, siveque debitum pulmonum expansionem inhibet, vasa comprimit, liquidorum motum impedit, concoctionem & chylificationem turbat ; & cruditates producit, vel quatenus major chyli copia, quam ut subigere valent, ad pulmones desertur, unde æqualem massæ sanguineæ permixtionem prohibet, unde sanguis ad incrassationem, & inde ad stagnationem & obstructionem aptus evadit ; & quomodo inde Peripneumonia patet ex praecedentibus ; hinc ratio in promptu est,

cur

cur ut plurimum homines paucis à pastu largiori horis Peripneumonia vel quadam ejus specie laborent. Quod eo facilius fieri, si quoddam in qualitate vitium accedit, id est, si talis eibus viscidus nimis vel crassus, glutinosus vel tenax, crudus vel coctu difficultis existiterit, unde etiam talis producitur chylus, ut v. g. si quis nimium farinaceis lentorem inducentibus usus fuerit &c. ut in equis Tritico vel Hordeo vel Avena admodum diu pastis multum quiescentibus & parum bibentibus clare ad oculum patet, qui scilicet inde Peripneumonia corripuntur, hic morbus in equis vocatur Belgice de *Droest*. Nunc idem homini accidere potest de pisis flatulentis, fabis &c. imo qui tempore Pestis præ summa paupertate nil assumperent præter Triticum non molitum in Peripneumoniam incidunt, & omnes Phthisi moriuntur, nam chyli pars frangim non potest, quod malum vocatur Pestis sed est morbus ex malo victu, nisi labor fortissimus accedit, qui illum superat, & in naturam nostram assimilat, Hippocrates hic etiam piscium capitonum & anguillularum ingluviem maxime incusat. Aviculæ cantantes talibus farinosis vescentes pulmone inflammato fere semper moriuntur. Præterea cibus acrimonia oleosa vel aromatica peccare potest, quatenus assumpitus stimulando vasa sanguinis propulsum celeiorem reddit, sicque calorem nimium ab attritu liquidorum in vasa & vasorum in liquida producit, qualia sunt piperata & aromata acriora omnia, huc & medicamenta quæcumque acria, nimis oleosa & calefacientia nimia copia ingesta revocentur. Potus etiam blandus & diluens & qualitate bonus Peripneumoniae vias sternere valebit, si nimis scilicet copia

pia assumatur. Quod quibusdam forsan primo intuitu paradoxon videbitur, qui mihi id circa objicere poterunt, quod talis potus humores diluat, vasa laxet, obstructiones reseret, & sic potius Peripneumiam curet, quod & hoc sensu negare bona fide haud possum; iis tamen respondebo potum talem, eo ipso, quod diluat & vasa laxet, etiam diuresin & diaphoresin maxime augere, sicque per has vias subtilissima & liquidissima e corpore expellere & crassiora relinquere, ex quo fonte tandem, quemadmodum ex paucō vel nullo assumpto potu, inflammatio, sicque Peripneumonia non-nunquam oriri poterit; potus denique qualitate nocere poterit, quando nempe multo sale acri & spiritu tenui & volatili praeditus ingeritur, ut e. g. vinum generosum, aromatibus conditum, Spiritus Vini ex eo, quod motum humorum acceleret, vel eos incrassando ad lentorem & stagnationem deducat, quod contradictionem videtur, at sane res se sic habet, motum enim accelerabit, quatenus voluntate & spirituositate spiritus suscitat, acrimonia sua vasa stimulat, sicque calorem auget; lentorem autem inducet, si tanta copia sumatur, ut quasi vi siptica tolleat & sanguinem coagulet, vel quatenus fugatis tenuibus crassiora relinquat, quod in Apoplecticis à tali potu supra modum assumpto liquidissime cernere est: huc & quæcumque demum medicamenta vel incrassantia refero, ut & quamcumque frigidam præcipue corpori calido vel æstuanti applicatam & subito haustam, quia vasa quam citissime constringendo, sanguinem incrassando, subitam humoribus quietem infert, huc revocetur usus in aquarum stagnantium. Quæ siq.

mo-

motum corporis totius augendo vel imminuendo humores vel glutinositate seu crassitie, vel tenuitate seu acreidine crudos in toto corpore generant & ad pulmones, iis subigendis vel mutandis non valentes, deferunt, neosque & ipsum cor obruunt, aut nimis citoper ea trahiciunt, & hæc sunt exercitia vehementia, cursus, calypodiorum usus (Belgice *schaatsen*) idque imprimis vento adverso & post largum pastum vel diuturnam quietem: Iucta uti & nixus sæpe Peripneumoniam inducunt, nam v. g. homo, qui pondus de terra elevare vult, primo applicat manus, secundo omnino nixu elevat, capit multum aëris, hunc ita retinet, ut pulmones non expandantur nec contrahantur, tum omnis sanguis à corde dextro hic stat, & qui à corde sinistro suppeditatur est quietus, si nunc ille nixus aliquamdiu duret, tum sanguis ruber primi generis it in vas a secundi generis & inflammationem facit, unde sæpe homines in summam Pleuritidem & Peripneumoniam incident, qui spiritum semel haustum nimis diu retinent, unde hic quantillus etiam fuerit, rafactus extendit vesiculas ultra terminum suæ contractionis, atque hac ratione vasa nimis elongando angustant & comprimunt, uti sunt omnes contractionis spasmodicæ hypochondriacorum seu hysteriarum, risus, clamor, nixus validus in elevandis & ferendis ponderibus gravioribus, ut & in deponenda alvo vel urina. *Hippocrates* dixit à nimio otio subitus labor, neque à nimio labore, subitum oium absque gravi noxa fit. Quies nimia cum motui opposita sit, eam hic ut causam tradere ne quam difficile erit, in omnienim corporis quiete, humores tarde moventur, ergo minus

att.

atteruntur, ergo tenacius cohærebunt, & inspissabuntur, oleosa crassa terrestria augebuntur, hinc & ratio dicit; humores enim corporis nostri dum quiescunt, virtutem concrescendi possident, quandiu nempe mixti sunt inter se, sic videmus sanguinem sola quiete & stagnatione in thrombus polyposum concredere, ergo quo major in corpore quies, & per consequens quo minor humor metus, eo etiam plus concrefent. Equitatio maxima in castris in vento adverso Peripneumoniam producit, quia aër plus obnitens extendit pulmonem, unde circulatio impeditur. Excreta & retenta tragedias suas in corpore ludunt, si enim sudor, perspiratio, saliva vel urina & cætera liquidissima per suas vias nimia quantitate quacunque de causa eliminantur è corpore, reliqua inspissata fores Peripneumoniae pandere poterunt, hinc est quod Diabetes interdum hanc ob causam malum hoc producere potest, hinc & ratio liquet, cur senes & jam fere vita exhaustos (dissipato vel consumpto omni blando & diluente vehiculo) morbis ardentibus & inflammatoriis detentos saepe videamus. A retentis denique evacuationibus consuetis idem posse contingere attendenti facile patebit. Puta à menstruis suppressis, hæmorrhoidibus, hæmorrhagiis, quibuscumque, saliva, urina, semine aliisque similibus solitis, quibus accedit impedita Sanctorina perspiratio, quomodo autem hæc impediatur & quid producat, vide *Sanctorium*, materies enim illa in corpore operabitur, perinde ac si illud corpus esset cochylicum & plethoricum. Huc & plethoram refero, copia enim sanguinis major erit, quam quæ fluere possit per vasa pulmonum etiam

etiam naturali amplitudine patentia, unde subsistet & inflammabitur pulmo, hinc ratio in promptu est, quare Peripneumonie ut plurimum (cæteris paribus) à 20. ad 30. aur ulterioris annum invadat, quia scilicet homines tunc temporis, unus citius, alter tardius statum & ~~anum~~^{anum} sui incrementi adepti sunt, unde vasa non amplius sufficienter cedere poterunt, liquida tamen crescent & augebuntur, unde plethoricus noscitur status, id est, vasa plus liquidici recipiunt, quam naturaliter transmittere possunt; hinc rursus patet, cur maxime Peripneumonie subjecti sunt, quibus vasa sunt rigida & (ut cum Poëta)

Duro sunt membra fracta labore.

hinc rustici operarii, bajuli & similes facilius hoc mali genere laborant, pueri autem & qui sunt laxioris temperiei minus, quia vasa flaccidiora cum liquido intus premente facile extenduntur & cedunt.

Venena. Observatum est, quod liquor venatus non noceat, donec venit ad pulmonem, sed postquam in illum transit, tum fit Peripneumonia; nullum animal notum est ab insectis ad elephantem usque, quin uno momento moriatur fumo Sulphuris; simulac enim hoc venenum membranam musculosam pulmonis asperæ arteriæ & vesicularum pulmonalium attingat, erodit, & irritat, unde in cartilaginibus oritur spasmus, quæ tum spasmodice contrahuntur, & pectus violenter dilatatur; qui modo bauriunt vaporem Mercurii Sublimati incident in pessima mala & mortem, hæc de Antimonia-tis & Sulphuratis quoque vera sunt; si

im-

immittatur *Spiritus Vitrioli* in venam pedis animalis vivi anteriorem vel jugularem, facit coagulum, & transit ad vasa pulmonalia sine incommodo, sed si istegrumus pulmonem non transire poscit, facit Peripneumoniam, sed si intret, statim oritur mors, verum membrana pulmonis se contrahit & avertit se ab omni venenato sanguine, ut vasorum lacteorum sphincteruli se contrahunt, quando aliquid venenum ingerimus; immisi in veniam canis dragmam unam aquæ fortis, tum animal paulo post anhelavit, spumam & lacrymas ex oculis emisit, post mortem in ejus cadavere aperio inventu est in corde sinistro concretus polypus à sanguine concreto, si alcohol vini immittatur, idem fit, sed si sanguis non sit infectus non nascitur malum nisi in pulmone.

Animi perturbationes subitaneæ & vehementes, quales sunt ira, terror, pavor subitaneus & inopinatus, amor, curæ protractæ, tristitia summa, mæror & cætera similia, in quantum sanguinis motum accelerare vel nimis retardare, sicque comprimendo vel angustando, ac viam præcludendo agunt: quod æque terror ac ira potest: nam sicuti ab ira sanguis & spiritus à centro ad circumferentiam magis propelluntur, sic à terrore à periphæria ad centrum solito magis recedunt, unde sanguis, cor & pulmones mole sua non parum premit, anxietatem intensam & spirandi difficultatem infert; nam qui animo subito perturbantur, rogati plerumque dicunt se nil in toto corpore sentire, nisi quasi eorum cor intra duo præla premeretur, ab his omnis fere motus in omnibus humoribus sibi videtur, itaque post magnas illas animi perturbationes plerumque Phthisi potest laborant ægri; de cæteris clarum est, quam ut

ut plura dicam, ipsa enim loquitur experientia, qua febres, Apoplexias, subitam quandoque mortem ab ipsis animi pathematibus violentis ortas videmus, quin imo ergo & Peripneumonia inde fieri poterit. Præter has causas poterit & altera quædam esse, quando nempe pulmo per sympathiam afficitur, & talis erit causa, Asthma, Angina, Pleuritis, Vomica & scirrus pulmonum, in genere autem quidquid motum pectoris reddit difficilem; unum videamus, unde reliqua facile intelligentur, v. g. in Pleuritide Vera, ubi membrana pleura inflammata est, semper aderit dolor pectorius, qui ab aëre hausto pulmones expandente & contra pleuram applicante augebitur, ergo æ gri ut istud caveant, respirationem inhibebunt; & thoracem sive pectus ambobus brachiis compriment, ut dolorem ab inspirato minus sentiant, ergo vasa sanguinis in pulmonibus non discludentur, adeoque fieri poterit à Pleuritide Peripneumonia, absque eo, quod pulmo cum pleura coalescat, vel inflammatio pleuræ pulmonum premat, quamvis etiam tumor pleuræ adeo increscere possit, ut corpus ipsum pulmonis valide comprimat, adeoque sanguinem ad compressam partem cogat subsistere, unde tandem inflammatio. Si ergo hæ causæ vel quædam ex iis pulmonibus applicentur, sanguis ruber in finibus arteriosis plus minus pro ut causa levior vel validior sistetur, stagnabitque pars autem stagnans ope sanguinis à corde pulsi magis & magis impingitur & cum per canales obstructos regressus debitus denegetur, non potest non esse, quin materia obstruens augeatur, arteriæ plus infarciantur, ergo plus dilatentur, sicque vicina comprimant, unde impedi

Tom. IV.

E

tus

tus denuo transfluxus, ergo tumor fiet in illo loco, & quemadmodum corpora (frigidissima licet sint) ex sola frictione & attritione super se invicem calida redditantur, sic & in parte inflammata, liquida stagnantia à retro & lateraliiter prementia se mutuo plus tangunt, atterunt & fricant, ergo fiet & calor major, sic & ab arteriæ tunicis expansis & rupturæ proximis, & febris per consequens in iis hærentibus nerveis etiam fortiter tensis orietur in parte dolor, ergo & fiunt vera inflammationis phænomena.

§. 818 *Effectus varios.* Si bronchialis arteria inflammatum sit, habet omnia inflammationis effecta, nempe interceptionem sanguinis, suppurationem, gangrænam, partis scirrhescientiam.

Inflammationis. Sic videtur plerumque fieri ipsa inflammatio pulmonum, nam non differt mea opinione Pleuritis & Peripneumonia, nisi sede; arteria bronchialis derivatur ex aorta, sed quo loco aortæ? post primum par intercostalium emissarium, saepe quoque dicit originem ex primo pari intercostalium, saepe ex secundo, saepe ex octavo intercostalium pari, ergo videtis, quod inflammatio in arteriis intercostalibus hæreat, dum causa in arteria bronchiali, non sunt rami iidem ejus trunci, ergo credibile est, quod causa Peripneumoniæ in arteria bronchiali potius hæreat, quam in pulmone, quoniam etiam pulmo tam laxus & mobilis est, & quoniam sanguis cordis dextri & venosus, frigidus, habens omnes humores ac liquores permistos, hinc videtur, quod sanguis, qui ad sistrum cor venit, inflammatione magis peraptus sit, quam sanguis ex dextro corde egressus; hinc sedes in secundo arteriarum genere id

id est, quod originem dicit ex corde sinistro raro in primo. Cur hæc præcedentia pulmonum potius quam aliarum in corpore partium inflammationem inducant? respondeo, quod ab his reliquo corpore applicatis inflammatio quoque demum loco (modo arteriis minimis constat) facili negotio creari valeat, eo facilius tamen in pulmonibus, quo hi primo pluribus & infinite minoribus canaliculis constant, quo secundo pulmones aëri magis expositi sunt, & quod notandum hic maximopere, ejusque injuriis; eos enim aér continuo ambit, in aëre vivimus, movemur & respiramus, ac absque aëre ne semi hora (mergos & natatores exceperim) vita nostra integra consistere potest, hinc *Hippocrates* morbos unquam vix aliunde quam ab aëre oriri posse testatur, cum is aut copiosor aut parcior aut etiam plenior aut & malignis inquinamentis infectus in corpus subierit. Nunquam fere oritur mors in Acutis, nisi per Peripneumoniam excepto tantum casu, quo cerebellum tantum comprimitur, & inde cor redditur Paralyticum.

§ 819. Extenditur vas. Simulac enim vasorum fines obstruuntur, impetus urgentis sanguinis vas reddere debet omni dimensione magus, pars liquidissima exprimitur, nam ad omnem locum sunt arteriæ innumerabiles, ipsa sanguinis massa habet partes crassiores & tumidiiores, tum quando pars crassior stagnat, pars tenuior exprimitur per canalem tenuorem, hinc ille sanguis crassus manet in pulmonibus, & liquidior transit per pulmones; tum quando mittitur sanguis in Peripneumonia, invenitur ille sanguis tenuissimus, vide *Baglivium* etiamsi hoc referat ad nescio quandam causam, sed tunc concipiendum est, quod sanguinis pars

crassior remaneat in pulmone transire non potens & exeat liquidior, inde si cadaver inspi ciatur in Acutis hominis defuncti à Peripneumonia, invenietur pulmo aterrimo sanguinere pletus & ponderosissimus, ut ipse vidi & tale quid etiam observavit *Hippocrates*, nam dicit, quod omnis sanguis in Peripneumonia pessima traheretur in pulmones, licet non intellexerit ita ac nos, effectum tamen clarissime vidit, ut pulmo fiet saccus sanguine plenus, hinc pulmo fit gravis, quia plerumque tantum aëre est plenus; quod plerumque paulo ante mortem fit.

Impos. Quando pulmo habet sua vasa arteriosâ tenuia, tum bronchia aperta & vesiculæ capaces sunt raræ, sed si nunc vasa, quæ interstitia vesicularum occupant vel harum superficies distenduntur, tum minus aëris intrare poterit, hinc pulmo se explicare non potest, quia sanguinem non transmittit.

Orbatur. Nam ille transit in arterias, quoniam cor sanguinem accipere non potest, nisi qui tam tenuis est, ut per pulmones transmeare possit, sed qui per has transire potest, per omnes corporis arterias transire potest, si hæc fieri non possunt, tum cor sinistrum orbatur.

Debilis summa. Quæ non est major sine partium jactura quam in Peripneumonia, nam homo, qui ante tantum ponderis ac roboris habebat, nunc à minimo puerο dejici potest.

Pulsus exilis &c. Contra ac in omni alia inflammatione, nam ut *Galenus* notavit in omni inflammatione pulsus est robustus, durus tensus, in inflammatione pulmonis est mollis, vix sanguinem transmittens, hinc cor sinistrum non

non accipit sanguinem, est inæqualis, unde non facile cognoscitur Peripneumonia in Praxi in illo statu, sed tantum in primo statu; unde nonnulli dixerunt Peripneumoniam esse sine febre, sed si sanguis transseat, febris fit violentissima.

Respiratio difficilis. Quia pulmo ob infarcta vasa explicari nequit, non enim hauriri potest aëris, nisi pulmo extendatur in suis cellulis & vesiculis, pulmo autem extendi non potest, nisi cedat aëri irruenti, cum autem canales hic infarcti & exinde pulmo intumefactus sit, aëri sufficienter cedere nec vesiculæ aëreæ satis expandi poterunt, ergo aëris ob resistentiam maiorem difficultius intrabit, ergo fiet difficilis respiratio, cum vero etiam in respiratione vasa obstructa premantur, non potest non esse, quin oriatur dolor vel major vel minor, aut potius gravitatis sensus, eo quidem plus, quo maiorem simul aëris copiam hauserint, ergo ægri, ut istud præcaveant (quantum possunt) citissime exspirabunt, ergo fiet respiratio difficilis & simul celer, quia natura urget, ut pulmo explicetur, & quia hoc fieri non potest, hinc per multas vices suppletur.

Erecta. Nam dum homo erectus sedet, abdominalia viscera deorsum ducunt abdomen, sed simulac æger decumbit, fit tanto pejor; quando vero morbus sic invaluit, ut caput erectum tenere non possit, suffocatur. Deinde occurrit tussis vel sicca plane vel cum sputis variis, quæ signum constituit individuum pulmonum affectionum vel partium iis annexarum, quemadmodum singultus in affectionibus ventriculi, de tussi autem sic habet *Bellus*, cum autem (inquit) assueverimus, quæ

molesta hærent pulmonibus per tussim atripere, conabimur igitur tussiendo molestiam inflammationis amoliri & violentia tussis secum aër aliquid arripere, si materies jam cocta fuerit, vel quomodo cunque se habeat, potuerit in folliculos & asperam arteriam derivari, & ab aëre per tussim acto asportari, eritque tum proinde tussis cum sputo vel purulento, sanguineo flavo vel cuius libet alias coloris &c. vel sine sputo seu tussis sicca, materia enim in pulmonibus hærens ibique molestiam creans erit quasi stimulus, unde homo tussire cogetur, ut hac ratione pulmones liberare materiamque peccantem foras excludere tentet.

Calida. Aër qui pectori ingreditur, est semper frigidior pectori aut animal moritur; quo plus aëris venit in pulmonem, eo minus calet ille aëris, quando exit, & e contra, unde si opponatur manus ori talis ægri, sentitur summus calor exspiratu aëris. Alterum symptoma, quod observamus, est febris Acuta Continua, inflammationis validæ individuus comes, cuius hæc mihi ratio videtur; sanguis pulmonum vascula stagnat (liquidissimum per vasa lateralia absorbetur, ergo tantum crassiora in obstrueto loco remanebunt, quæ ibidem acrimoniam concipere queunt) cor autem sanguinem propellere non definit, ergo fiet continuo impulsus & attritus in locum obstrutum, unde & fiet & major calor, qui reliquo sanguini partibus acribus & infectis (ex loco inflammatu degatis) mixto communicabitur, ergo inde fiet motus præternaturalis & acceleratus humorum, qui mihi febris dicitur, hic Continua Acuta ob causam non intermittentem

a-

acrem, adde quod obstructis partibus quibusdam motus per reliquum corpus liberum sit major; ne autem hoc paradoxon videatur, ligetur vinculis arcifissime arteria quædam puta cruralis, ita ut sanguis per illam fluere haud possit, & observabitur certissimo indicio febrem exinde oriri, quæ solutis vinculis denuo fugatur. Postea adeat dolor gravatus cum suffocationis metu, quia sanguinis in pulmone aggestus ejus molem auget, unde non ita quidem dolorem, quam onus pectori incumbens sentiunt ægri, quod pectus veluti premit, & quia suffocari dicimur, cum premi ita nos ad fauces vel pectus sentiamus, ut nec ducere nec reddere spiritum valeamus, oritur suffocationis metus in Peripneumonia, quod re vera nil aliud est, quam quod pulmo resistat, & ab aëre inspirato haud tatis explicari queat, hoc videmus v. g. si aliquis externe ad pectus nos premit vi quadam, tum quasi suffocati nos dicimus, cum tamen nil agitur, nisi quod costæ cum sterno intus cogantur, sicque cavitas pectoris vel thoracis imminuat, unde pulmo non satis loci obtinet, ut commode ab aëre irruente extendatur, adde, quod *Galeanus* etiam dicat pulmonem non sentire, sed membranam, quæ ipsum investit, sensus non esse expertem; ultimum quod hic annotamus, est faciei rubedo, quia pulmo obstructus & inflammatus sanguinem recipere non potest, & sanguis ante eorū dextrum sistitur (præcipue si inflammatio hæreat in ipsa arteria pulmonali) ergo vena cava tandem se in illud evacuare non poterit, venæ jugulares & vertebrales etiam sanguinem suum expellere non valebunt, ergo implebuntur justo plus, ergo omnes partes

tes (quarum venæ se in has evacuant) à sanguine distentæ rubebunt.

Delirium. Quia sanguis per internas jugulares venas redire non potest.

Mors. Hos ægros mire angi videtis, paulo post delirare incipiunt, hoc delirium per dimidiā horam durat & sunt soffocati. Porro nec inutile erit, ut symptomatum aliorum quandoque non semper tamen præsentium causam & originem investigemus, ut Medicus hac ratione oculatus certus reddatur, quid (si accidant) exinde concludere, quid judicare, quidque tandem agere oporteat, præter ergo jam tradita in Diagnosi dixi respirationem principio magnam & frequentem, mox frequentem & parvam fieri, principio enim morbi magna nondum est inflammatio, crescente autem crescit, & in de pulmo plus sanguine infarcietur, ergo extensioni vel explicationi minus erit aptus; hinc ratio patet, dixi autem cum sterore, quia sanguis in pulmonibus aggestus tumorem creans vias aëri dicatas angustat & comprimit, unde aër majori impetu per angustias transit, sicque sonum producit; exspiratio calida unde fiat ex præcedentibus liquet, dixi enim per frictionem & attritionem in pulmonibus majorem produci calorem, ergo aër iis receptus magis calefiet, ergo calidus exspirabitur: sensus autem gravitatis quandoque ut dixi, sub omoplata ad jugulum & mammam prorexit, si nempe inflammatio eo usque augeatur & procedat, anxietas autem & corporis jactatio fiunt à calore & æstu interno, quam ægri sentiunt, unde se ut plurimum nunc in hoc nunc in illud latus vertunt, ut hac ratione tentent invenire situm aut decubitum quendam,

qui

qui ipsis quoddam levamen adferre potest; sitis ut plurimum magna, subinde tamen minor Pneumonicos infestat & non mirum sane, aër enim calide nimis exspiratus partes humidissimas exore secum arripiet, cui acrimonia humorum tanquam stimulus succedit, ergo os siccum manebit, quam etiam ob causam ægri assiduo potum aëremque frigidum haurire desiderant, ut hac ratione os scilicet cæteræque partes humectentur & æstus internus dometur. Pulsus autem vehemens & celer eadem ac febris ratione oritur; morbo tamen in pejus vergente, non nisi erecti respirare & vix loqui vel deglutire possunt, quia si erecti sedeant, intestina & reliqua infimo ventre posita ut & diaphragma deorsum descendant, ergo capacitas thoracis augebitur; si autem decumbant supini vel in latus, poterit diaphragma à contentis in infimo ventre sursum premi, sicque amplitudo thoracis minui & pulmonis expansioni resistere; si autem nec loqui nec deglutire possint, denotat tantam adesse inflammationem, ut viam aëri intercludat, & æsophagum proxime subjacentem compriimat, unde etiam respiratio sublimis, quia ægri omni modo, quod molestum hæret, amovere aëremque, quanta possint copia, haurire conantur, unde summum thoracem cum scapulis movent, naresque expandunt, oculi autem interdum obscuri vident & quasi exsiccantur, quia à vasis sanguineis nimium repletis nervi optici premuntur, pulsus tandem fit languidus, mollis, inæqualis &c. quia tantum parva eaque fere serosa superest circulatio, crassiori omni in pulmone aggesto, unde & externa frigent, interna vero arden, & inflammatione ad ipsum cerebrum provecta sient de-

E 5

liris,

liria, vel sanguine incerebro subsistente & ner-
vos comprimente sopor & tandem quando cor
non amplius quid accipit, per consequens nil
dimitit, sed omnis in pulmone sistitur sanguis,
pulsus deficiet, & circulatio totaliter subsistet,
& sicut ipsa mors.

§. 820. Si igitur quis consideret ex hactenus
traditis morbi naturam, hoc est, inflammatio-
nem, causam, id est sanguinis stagnantis attritum
& partem, quam morbus occupat hoc est pulmo-
nem, hunc morbum in genere periculotissi-
mum, acutissimum, & nullis fere tollendum
remediis, audacter pronunciare, non est, quod
haeredit, est enim tanto ceteris morbus pericu-
losior, quo pars affecta reliquis præstantior est
& nobilior; quid enim? certe pulmo teneri-
mæ plane & intricatissimæ est structuræ, ut pa-
tuit, ergo facilime destruetur, dein pulmo ip-
si cordi quam proxime adjacet, ergo & illud
cito & facile afficere & infunctorum sua lacerare
poterit; ulterius pulmo maximam crux co-
piam maximo etiam impetu perpetuo suscipit,
perpetuo movetur, præterea pulmo summo-
pere ad vitam sustentandam, respirationem;
circulationem & nutritionem peragendam est
requisitus; tandem pulmo in loco haeret, qui
immediatam medicamentorum applicationem
& revulsionem fere recusat; certe haec matu-
ra mente ponderanti, nullum (quod scio)
poterit esse dubium, quin cum *Celso* mor-
bum hunc plus periculi quam doloris habere
afferat, eo tamen periculosiorem, si inflam-
matio valida in arteriis pulmonalibus haeret,
totumque fere pulmonem infectaverit, tunc
enim cito lethalis, eo tamen minus periculosum,
si in arteria bronchiali solum, vel unum tan-
cum.

tum alterumve lobum occupaverit; in senibus debilibus, gravidis & puerperis (cæteris partibus) periculosior; exercitata & coacta corpora celerius à Pleuritide & Peripneumonia interrunt, quam quæ in otio conflictantur. Exquisita Peripneumonia sedem habet in arteria pulmonali, quæ si per paucas horas duret, producit mortem. Omnes Medici dicunt hunc morbum facile sanari posse, sed a Vera Peripneumonia difficulter credo; remedia antiphlogistica sunt tantum tria, magna dilutio crassi sanguinis, secundo magna dilatatio vasis constricti, tertio magna sublatio impetus vitæ ad vasa obstructa; hæc remedia nil juvant, quia inter arteriæ pulmonalis finem & cor dextrum sanguis hæret, ut transfluere possit, summum remedium est venæ sectio, sed si omnis sanguis tolleretur, non id circa Medicus sanguinem ibi hærentem attenuare, educere & resorbere possit, in omni reliqua inflammatione vires minuantur, sed hic materiam in locum urgens hic retrogredi non potest, & si retrogrederetur, æger in instanti moreretur. Quo plura eaque graviora simul ex causis gravioribus concurrunt symptomata, eo periculosior morbus; sequitur enim illa semper inflammationis magnitudinem, imprimis in hoc tanto viscere pulmone, utpote qui raro medicamentorum vim experit, quoniam hæc ejus actionem adeo necessariam tunc percipere nequeunt & proinde materiæ morbificæ corrigendæ inepta.

§. 821. Pone quatuor ramos esse arteriæ magnæ, pone unum esse obstructum, tum manent tres aperti, ex hypothesi nunc tanta sanguinis copia per tres ire debet ac ante aper-

E 6

tuor

tuor, hinc major attritus, major calor, & pulmo destrueretur, sed si tantum de viribus, & de copia sanguinis demam $\frac{1}{4}$ partem, tum lentius transjicitur sanguis, & æger vivere potest, sed tamen non est certa spes, quia non scimus, an ille locus etiam non sit compressus vicina loca.

§. 822. Si Medicus advocaretur ad duos homines, quos nunquam vidit, quorum unus pessima Asthmate, alter pessima Peripneumonia laboraret, & si nil de historia prægressa sciret, & ille Asthma laboraret, nam in Peripneumonia non sentitur, pulsus, ergo minor febris, sed cognoscitur primo, si æger laboraverit febre, antequam Peripneumonia correptus sit, secundo si febris habuerit symptomata vulgaria febrilia, tertio si nunquam Asthmate laboraverit, & si difficulter respiret cum erecta cervice, livida facie, cum tussi molli & difficultate in respiratione, si hæc signa adsint, & corpus prius non fuit Asthmaticum non est dubitandum. Quemadmodum enim omnis morbus inflammatorius, sic & Peripneumonia vel in sanationem vel in aliud morbum vel in mortem transit. Hic *Hippocrates* adeo certus fuit, ut nemo posterior vel unam micam addiderit, adeoque hæc ex illo auctore contraxi & legibus circulationis applicui, sic dicitur Peripneumonia incorpore nata, aliquando sanatur, id est, restituitur, sic ut sine ullo morbo remanente æger sanus sit, hic egregius vir observavit, annotavit, digessit, & collegit omnes modos, quibus ægri sanabantur.

§. 823. In sanationem abit vel per benignam resolutionem, vel per coctionem & evacuationem criticam materiae morbificæ, quod vel

na-

natura vel artis ope perficitur; per resolutio-
nem benignam, si materia morbifica ita subi-
gatur & attenuetur, ut cum reliquis humoris
bus æquabili circulationi obedire possit; quod
fiet, si æger morbum alacriter ferat, doloris
vacuitatem habeat, facile respiret; nulla sit
fitis, corpus æqualiter molle & calidum sit,
ulterius si æger vasa habeat laxiora, id est, mol-
lis & delicatus sit in otio vitam degens, sanguis
si fit fluidior, alvus haud ita constipata: inflam-
matio non magna & cætera symptomata non
nimis urgentia, vires non prostratæ, sed inte-
græ & morbo prævalentes existant; per coctio-
nem & evacuationem criticam materiæ peccan-
tis, quod contingit, quoties materies fluxilis
quidem redditæ, non tamen adeo subacta est,
ut debite cum cæteris misceri & circumvehiri
possit, sed bonitate naturæ è corpore eliminetur,
quod fit primo per sputum citum, id est, morbi
ipsius principio, ante nempe quartum diem,
liberum, id est, sine tussis molestia ac doloris
acerbitate, flavum & paucō sanguine mistum,
hoc est, in quo humoris morbifici evacuatio cer-
nitur & satis copiosum; sputum cum sanguine
guttatum est lethale, tenue est pessimum, nam
tenax esse debet instar muci narium, coloris sub-
alblicantis, & flavescentis ac si pauxillum tin-
eturæ croci inesset; sanguis, non ibi guttatum
adesse debet, sed sparsim in lineolas, tunc vi-
detur malum hærere in bronchialibus arteriis,
intra quartum diem sputum album esse debet,
nempe prius stigmata, dein flavedo abire de-
bent, hanc anacatharsin vix aliquis cognoscit,
sed *Hippocrates* eam in omnibus observavit;
sputum oportet Pleuriticis omnibus & Perip-
neumonicis tum ex facili, tum cito expurgari, ac

E 7.

fla.

flavum sputo exacto permixtum; & sputum vero flavum paucō permixtū sanguine Peripneumonicis ineunte quidem morbo editum, salutare est, multumque confert, septimum vero diem agenti aut ptovectioribus securitatis minus est; ibidem debet autem & tale sputum dolorem sanare, respirationem faciliorem reddere & in album blandum cito mutari, omne vero sputum, quod dolorem non sanat, pravum est, quod autem sanat beneficium; ergo tale sputum, si quantitate & qualitate debita adfuerit, bonam exhibet Prognosin.

Idfit. Vasa, quæ in cava aërea pulmonum, asperæ arteriæ, bronchiorum, & vesicularum suos humores deponunt, veniunt à bronchiali arteria, & materiam deponunt, uti vasa mucosa in naribus ejiciunt mucum, & illa flavedo muci sanguinem in se habet, quo citius hæc materia in naribus ejicitur, eo citius tollitur, cogitate nunc catarrhum pulmones occupare & vasa, quæ mucum faciunt, tendi, ut non transmittant purum sanguinis, sed materiam flavam, sed per impetum sanguinis vasa tam laxa sunt, ut sanguis ex gutture exire possit, hæc nunquam è corde dextro sed de corde sinistro per bronchialem arteriam deveniunt, quæ in omnibus inflammationibus internis obtinent; tum oritur Dysenteria, sed si materia flava cum sanguine exeat, ægri sanantur, e contra si purus sanguis exeat, pereunt, ergo sedes hujus morbi est bronchialis arteria, & credo, hi ægris semper sanentur, nam à sanguinis missione, frigidis adstringentibus semper moriuntur, sed emollientur vasa, suppeditentur blanda liquida, ut materia oriri possit, tum semper est sanabilis.

3. Alvi

3. *Alvi fluxus biliosus.* Hoc est, ante quartum
diem integris adhuc viribus, satis copiosus,
nec tamen nimium levans, id est, dolorem &
respirationem sanans, omniaque symptomata
mitigans, & ut *Hippocrates* & *Aretaeus* dicit, si
alvus feratur liberaliter biliosis dejectionibus,
quod sit à forti contentione naturæ, cui, cum in
anacatharsi molienda irritus labor fuerit, aliam
invenit viam, qua ducitur ad conservandam sui,
crisimque exhibet insuetum per iter & multis
ignotum; omnes fere Medici, qui jam diu
optimi censemur, dicunt omnem Diarrhæam in
morbo pulmonis esse bonam, at obloquitur
Hippocrates & saepe contrarium videmus, nam
si materia aliena, erit sanguis semi-corruptus,
qui per hepar specie bilis abit in intestina tenuia,
& redditur alvo, tum, non adeo res tuta est,
sed si æger ante quartum diem morbi alvum
habeat laxam reddentem materiam mucosam,
subviscidam, flavam colore intermisso paucis
stringentis, semper sanantur, non ergo ve-
rum est, quod in omni Peripneumonia alvi flu-
xus noceat, sed debet esse ante quartum diem-
nec debet esse serosa, tum enim est expressio,
sed si sit mucus flavus paucus sanguini permixtus,
postea albus redditus & levat ægrum, tum sem-
per sanantur, unde hoc sit? novi, quod Me-
dici dicant, arteriarum bronchialium fines in
pulmone à materia sic fuisse obstructos, ut san-
guis in venas ire non possit, nunc arteriarum
bronchialium fines sic disponuntur, ut mate-
riam obstruentem transmittant; ergo illa mate-
ria sanguini venoso permiscetur à pulmonibus
reducibili, quod ad venam azugos deferri de-
bet, hinc transit per arteriam pulmonalem, &
in aortam arteriam transmittitur, & quia hic
lon-

longe difficilius transit, abit in arterias mesentericas, & ad eorum fines deponitur, sed quod hi fines facile dilatentur, hoc docent dejectiones plethoricæ, quæ per hæmorrhoides fluunt, Quando adest fluxus alvi, tum sputum exit deorsum, ut ita dicam, & per arteriam splenica perpluit in ipsum intestinorum cavum.

4. *Urina copiosa* &c. Secundum Hippocratem crassa, multi sedimenti participem ante quartum vel septimum diem, id est, *antequam suppuration fuit facta*, emissa sanat omnes Peripneumonicos, tum materia subacta transit & facit talem urinam hypostaticam rubram, dein albam, hoc notat pulmones integre esse resolutos v. quoque Aretæus. Hæmorrhagia larga per nares, uterum, vasa hæmorrhoidalia &c. est optima, hac tamen etiam lege, ut sanguis evacuatius sit & quantitate & qualitate bonus cum levamine & cæteris signis optimis. Si respiratio facilis, nec febris magna, laxitas & mollities toto corpore æquales cum libera diaphoresi, calore & somno blandis adsint, Medicus recreari & consolari se certa salutis spe poterit.

Aðr̄ψia. Id est, æger non multum sitit, felix natura, quæ succurrit morbo per unum horum quatuor, & sapiens Medicus, qui disponit corpus, ut natura uni ex hisce viis insistere possit, & felix æger, si non turbetur, nam omnis subsequens curatio est incertissima.

Humiditas &c. oportet præsertim ad hoc attendere, & nullum signum minus fallet quam hoc, quod est optimum, nam hoc denotat jam sat sanguinis distribui per totum corpus.

§ 824. In aliud transit morbum, qui vel pendet ex natura inflammationis ut in suppuration-

tionem, gangrenam, sphacelum, vel scirrum, licet nunquam exspectanda sit Suppuration, nisi sanguis sit blandus, aliter mors fit, vel ex functione læsa ipsius pulmonis munus suum rite exequi non potentis, sic v. g. pulmonis munus est sanguinem à corde dextro per arteriam pulmonalem recipere, per venam demum propellere ad cor sinistrum, ergo si sanguis jam in finibus arteriæ pulmonalis stagnet, ibique inflammationem creet, poterit tandem stagnare ad cor dextrum usque, ergo cor se evacuare non poterit, ergo omnis sanguis à capite descendens per venas sistetur, ergo intra cranium accumulabitur, ibi inflammationem in arteriis duræ & piæ Matri producere, sic que Phrenitidem creare valebit, ergo hac ratione Peripneumonia ex functione pulmonum læsa transibit in aliud morbum, hinc Phrenitidem peripneumoniæ supervenire patet esse malum quod etiam annotavit *Hippocrates*.

§ 825. In aliud morbum transit ex natura inflammationis, primo si suppuretur, quod fit secundum *Hippocratem*, si dolorifica partium istarum mala (loquitur de Pleuride & Peripneumonia) non quiescunt, nec expurgatione sputi, nec sanguinis detractione neque pharmacia simul atque diæta, in suppuratum vertuntur, qui autem Peripneumonici diebus criticis non expurgati sunt, sed eos cum delirio exigerunt, tandem exactis quatuordecim morbi diebus, periculum est, ne purulenti fiant, ergo Medicus si noverit sæva haud tam sævissima Peripneumoniæ jam data symptomata, adfuisse, morbum pertinaciorem, quam ut vi vitæ resolvi posset, existere, nec materiam morbificam bonitate naturæ per liberalem

ralem & liberam anacatharsin vel quamcumque dictam evacuationem criticam diebus criticis id est 3. 5. 7. 9. 11. coctam & expurgatam, nec per artem emendatam fuisse, certa Prognosi instructus praedicere poterit abscessum, id est, inflammationis in suppurationem transitum eminere, adde, quod qui futuri sunt purulentii, primum quædam exspuunt salsa mox dulciora ut & qui perhorrescant, crebro ad suppurationem deveniunt, quin & talium febris ipsos ad suppurationem dicit.

§ 826. 1. Signa Peripneumoniae sunt febris Acuta, respiratio valde Peripneumonica, tussis suffocativa, pulsus mollis, frigus corporis, capitis & pectoris, æstus summus. Si æger laboret Peripneumonia & pulsus & respiratio utcunque constent cum calore æquabili, & morbus ante septimum diem non sit resolutus, cito suppuratur, scitur ergo quando morbus est acris, & non est acerrimus.

2. Ante quartum diem hæc inflammatio resolvitur, si hunc transierit ad minimum, abit in suppurationem, si ante quartum diem non integre resoluta sit, sed tunc adhuc sputo levati potest, quod ad suppurationem tendebat.

3. Si materia morbi in pulmones impacta Peripneumoniam faciens sit adeo vehemens, ut resolvi nequeat, nec sputo copioso faciliter, prout cum crocea vel biliosa hypostasi, strigmentis sanguines ore rejectis, nec simili materia alvo deposita, nec urina stranguriosa solvatur, nec bubones apparent, nec alvi tumores salutares, certo suppurabitur, sed per fermenta, diætam, medicamenta eadem saepè resolvi potest; symptomata à pulsu & à suffocationis vel respirationis læsæ sensu discernuntur,

si hæc signa ultra quatuor dies perdurent, tum in arteriarum fine Vomica fieri potest, quæ rumpitur, tum non est suppuratio pulmonis sed bronchiorum, nam omnis suppuratio pulmonum non est lethalis, imo quod aliqualis suppuratio bona sit, si materia adhuc cocta, docent cicatrices inducitæ, si transierit quartum diem, & non sublata symptomata, morbus non est nimis acris, sed queritur, an pulmo, an aspera arteria, an vesiculæ aëri contiguæ suppurantur? tum tertio vel septimo vel nono die debuissent esse ruptæ, si nunc rupta sit, & det materiam cum pauco sanguine, deinde materiam flavam, sed si tale sputum non accesserit, adhuc laborat.

Medicamentis. V. g. ingenti copia aquæ calidæ cum Melle, nam tum pars est dissipata, ut Oxymel *Hippocratis* & similia, quæ si adhibeantur, in initio multum proderunt.

Nec vidu debito. Id est, alieno ab omni visciditate & acrimonia, hinc si ægro nil datum sit nisi aqua cum pauca farina & melle, tum facile suppurari posset.

4. Hac phrasí *Hippocrates* dicit symptomata non pessima, sed pertinacia, quæ sumuntur & sciuntur à tribus diversis capitibus, 1. anhelante respiratione post tertium diem, non tum pessima, sed pertinaci malo certo scitur suppuratio futura. 2. Pulsu à quarto die undoso, molli titubante, frigore ad extrema, calore ad pectus & caput scitur futura suppuration, 3. si sanguis ita fluat, ut ad cerebrum stagnet, & Phrenitidis speciem faciat.

§ 827. Hæc signa in ægris legere potestis, ad minimum usque ad quartum diem locus est inflammatus, sed quarto, quinto vel septimo die

die elevetur, si tum symptomata maneant, septimo die habeat horrores per corpus, tum signum est suppurationem incepisse quarto die, septimo die maturescere & decimo quarto esse absolutam. Si horripulationes oriantur notante *Hippocrate*, notant pus rumpere suas membranas & in sanguinem infundi, ac proin suppuratio erit facta,

§ 828. Scimus suppurationem esse absolutam, 1. Si signa inflammationis præcesserint, 2. Si pulmo suppuratus sit, 3. Si tussis siccainchoata fuerit, quæ adeo pertinax est; ut nullo medicamento obediatur; si hæc tussis augeatur post pastum, motum, cantum, clamorem, cursum, certissime indicat vomicam vel apostema in pulmone.

Post pastum. Id est, quando novus sanguis majori copia impellitur extendendo & obruendo pulmonem.

Szrepens. Quando homines Phthisici vel Peripneumonici ferunt pus vel aliud liquidum circa vasa pulmonalia, tum hæc materia ita comprimit vesiculos pulmonales, ut quando inspirant & respirant, audiatur fervor, quasi olla fervens in pectore haberet, *Hippocrates* hoc vocavit pectoris fervorem, & fit, quia pulmonis expansio & contractio illud pus per omnia vasa ire facit.

Decubitus tolerabilis. Si in unum latus jacere jam non possit, cum prius in utrumque potuerit jacere, pars seu latus, in quo jacere non possit, est affectum, cum enim jaceat in non affecto, per materiam puris mediastino illapsam, alter locus etiam liber comprimitur.

Febricula. Quia copiosior sanguis & chylus crassior transire debent.

Ru-

Rubore labiorum. Tunc oritur febris Hætica
soboles latentis puris, appetitus est penitus
prostratus, nullo enim ullius rei appetitu fe-
runtur ægri, si pus generatum sit, sed sitis ma-
gna adest, sudor ad cervicem, collum, fron-
tem, non ad aliam corporis partem imprimis
si dormiant paulo quieti, quasi per spongiam
guttæ emergunt, urina spumosa semper crassa
quasi jumentosa, spumæ bullis non dissidenti-
bus, motu novis bullis excitatis itidem manen-
tibus, quod signum semper in Hætica Phthisi
adest, uti & macies & summa debilitas, jam
suppuraus pulmo vel in medio sinum habet,
vel pejus est, si foccus vel sinus adsit, est Vo-
mica vel Apostema, si hoc ruptum sit ad
pleuram, est Empyema, si evacuatum in aspe-
ram arteriam, vocatur Phthisis purulenta cum
sputo.

§. 829. *Apostema.* Latine abscessus, vocatur
materiæ purulentæ coacervatio facta in aliquo
loco pulmonis, si pus inde non exeat, tunc
dicitur Vomica tæcta, cum pus exit & mani-
festatur, vocatur vomica rupta vel Apostema
rupta. Omnis abscessus semel factus omni
momento augetur, hinc fieri potest, ut tan-
dem pulmo sensim penitus suffocetur, æger in
abscessum abeat, & moriatur.

1. Apostema enim sive Vomica ab infarcta
materia & vasis in pus conversis formata & in
tumorem nimis magnum redacta comprimit &
respirationi vias præcludit. Nam contingit a-
liquando, ut unus lobus pulmonis in media
substantia sit exesus, ibi collocetur, pus, quod
primum in parvo cavo colligitur, labia coercen-
tia macerantur, inflammantur, distenduntur,
pus amplius colligitur, tandem fit major Vo-
mi-

mica pulmonem suffocans, & Phthisis sicca adeo suffocans, ut ille iaccus pure plenus alia vasa pulmonalia ita comprimit, ut sanguis ex dextro corde in sinistrum non transeat, hæc est vera Phthisis vel consumptio sicca, à pure collecto viam intercipiente, qualem aliquoties vidi.

2. Ponite tuber instar pugni pure plenum in pulmonibus hærere & fundi materiem, quæ pulmonum & costarum vi in bronchia ire cogitur, tam uno impetu ascendens ruit per nares & os, & suffocat ægrum; postea ex illorum ægrorum mortuorum ore effluit materia purulenta cum sanguine, plura talia exempla videantur apud *Tulpii Observationes*.

3. Id est, si illa vomica hæreat in vasis & ruptura sit in aërea vasa, pars pure plena compressa illud sensim eructat in asperam arteriam, hoc expurgato quiescit, si iterum satis puris generatum sit, tussiunt ægri & iterum rejiciunt, hæc vocatur Phthisis sputatoria, duplex liberans, si novum generatum usque ad totum pulmonem & sanguinem consumatur, hæc vera Phthisis est vulgaris, unde tollitur admiratio materia tam copiosæ in Phthisicis per pulmones eructatæ.

4. A materia acri intus nimis distendente & rodente rumpi poterit, quod fiet, si initio dolor sit fixus & contumax, unaque difficilis respiratio ac tussis cum Ptyalysmo, ad vigesimum diem, eoque celerius ruptionem exspecta, quibus autem hæc leviora serius pro ratione, sed ratio ineunda temporis, à quo fuit primum sævus dolor, aut gravitas aut febris exacerbata, si forte tum rigor invaserit, accedere autem necesse est dolorem, Dyspœsam & Pti-

Ptyalismū ante ruptionem, & plurimæ suppurationes rumpuntur, aliæ quidem vigesimo die, aliæ vero quadragesima. Nonnullæ etiam sexagesima. Vel pus contentum acrimonia sua exedens vias sibi parabit extraordinarias, sicque in cava thoracis & mediastini delabetur, hinc Empyema, Phthisis, Tabesque, vel poterit purulenta materia venis pulmonalibus resorberi & sanguini misceri, sicque ad loca quædam certa perveniens fecerni, colligi, ibidemque novos producere abscessus. Si Vomica jam rupta fuerit suam quoque faustam sinistramque exhibet Prognosin; nam quibus & ipsa febris statim à ruptione discedit, & concupiscunt cibos, ipsum vero pus educitur, facile, album, nil olens, æquale, leve, nec servidum, atque tum alvus pauca & figurata excernit, illi confessim sanantur, quibus autem veniunt inde febres & sitis & cibi fastidiū, atque pus exit liquidum, viride, spumans & servidum, alvusque liquida est, moriuntur, & quibus concutiendo pus educitur cænosum & fœdi odoris ut plurimum moriuntur; quibus à pure colorantur specillum tanquam ab igne, pro maxima parte illi intereunt.

§. 130. Hæc est nobilissima doctrina Hippocratis, qui hanc tam sollicite inquisivit, quomodo natura se expediret, hæc ergo bene est noscenda, si enim Medicus nesciens hanc affectam viam à natura turbet, æger moritur, hinc tam sollicite suos discipulos monuit, ut talem abscessum futurum observarent. Materia in substantia pulmonis hærens vocatur vomica tecta (Vomicæ enim sunt variæ vel ichoræ vel purulentæ, vel saniosæ) hæc materia purulenta venis resorpta, crux mixta creat

dia.

diathesin cacochymicam purulentam sanguinis, unde sanguis emissus continebit pus, si vero illud pus per metastasin in loca quædam depositatur, ibidem abscessus variaque mala pariet, quod si ad crura contingat, tanquam loca minus nobilia, minusque ad vitam requisita erit Prognosis bona, per hanc enim metastasin pulmo liberabitur, unde, teste *Hippocrate*, qui ad crura descendunt abscessus in Peripneumonia multum periculosa, utiles quidem omnes, sed optimi demum illi, qui purulento jam sputo flavo abscedunt, minus autem securi sunt tales abscessus, si ad hepar, lienem, cerebrum, & similia loca nobiliora contigerint, quamvis enim deinde pulmo liberatur, alia nec multo minoris momenti damna machinæ inde parantur. Quibus autem ex Peripneumonia sub auribus vel inferis partibus nascuntur abscessus, ibique suppurant & fistulantur, hi defunguntur morbo, attendere autem sic decet ad ista, si febris detineat, si dolor nondum quieverit, si convenienter sputum non edatur; si alvus non liberaliter feratur biliosis dejectionibus, si urina nec admodum multa & crassa sit, nec multi particeps sedimenti, cætera autem salutaria signa salutaliter suffragantur, abscessus ejusmodi certo sperare oportet; si autem recurrent abscessus, & febris consectoria sit, nec sputum foras exeat, hinc delirii & mortis metus adfertur.

§. 831. 1. *Hippocrates* dedit sequentia signa, quibus Medicus cognoscere potest in Peripneumonia vel Phthisi futuros abscessus ad inferas partes; si haec signa maneant, & tamen æger non succumbat, tum materia fluctuans semper ad aliquem locum abibit.

2, Si

2. Si pulsus sit vacillans non constans uno momento nempe inæqualis robore suo & tempore, ut vidimus in fæminis, ubi sanguis ad mammas per venas uterinas advehatur, tum adeſt hoc tempore talis pulsus; & hoc est certissimum indicium materiem incipere per systema vasorum vagari, crux commisceri, & ejus circulationem turbare, tum Medici doctrinæ Hippocratis ignari multa metuunt, quoniam hæc materia totam sanguinis massam inundat.

3. Tales abscessus futuros ad inferas quidem partes ex *Hippocrate* novimus, quibus scilicet hypochondria incandescunt, hinc si æger titillationem, ruborem levem & tensionem sentiat ad hypochondria & lumbos, tum signum est colligi pus in vasa intra arteriam cæliacam & venam portam.

§. 832. 2. V. g. æger Peripneumonicus decubuit ad tres septimanas, omnia signa fuere futuri abscessus, die vigesimo primo queritur non quidem de magno dolore, sed tensione ad hypochondria, non quidem magna anxietate, sed gravitate, hoc notat ad femur futurum abscessum, molente *Hippocrate*, signat enim non satis ad hypochondria, sed magis ad inferiora vergere materiam.

Levioris. Si æger queratur de dolore & tensione non valde molesta, hoc notat materiam se deposituram ad hepar per cæliacas & mesentericas arterias, ubi fiet malum æque malignum ac factum fuisset in pulmone.

§. 833. Signa 1. suppurationis, 2. materia mollis, hoc est, pulsus fluctuans, dolor non acutus, tum materia abit in vasa hypochondriaca, id est, in arterias mesentericas & cæliacas.

Tom. IV.

F

Mollia

Mollia. &c. Miremini mecum sapientiam *Hippocratis*, qui hæc optime distinxit si æger de tensionis abdomine conqueratur, materia it ad inguina & abdomen, si ad hypochondria mollia & ibi nil mutatum esse sentitur & materiam vacillare constat, signum est materiam non deorsum, sed sursum exitum quærere, scilicet ad aures. Recentiores Medici hanc doctrinam vel omiserunt vel ignoraverunt recipientes circulationem, cui hæc ipsis contraria videbatur, sed necessario hoc efficit circulatio, pus enim resorptum lege circulationis ad omnia loca deponi potest,

§. 834. Cognoscitur abscessus ad hepar futurus sequentibus indiciis, si dolor adsit ad hepar, urina flava, crocea, color flavus, tunica adnata flavescentia, pulsus vacillans, hypochondria tumescentia; tum scimus pus in vena porta hærere, & transitum in hepar, tum totum hepar suppurabitur: 1. triplex est, oculi si abierit in communem ductum per vasa hepatica per porum hepaticum, qui hæntino duodeno exoneratur & solvit alvi fluxu purulento de quo statim dixi: 2. vel retro venam cavam non suppuratione hepatis. Hinc fit diarrhoea colliquativa, purulenta talifica, subibit: 3. vel tandem manebit in hepate vomicæ pars, quæ cum aliis phænomenis simul jungitur.

§. 835. Corpus crudum in sanguinem fluens materia, morbosa vocatur, quæ si ex massa sanguinis abeat, & se recipiat in certum locum, ejus collectio ibidem apostasis Latine abscessus vel secessus vocatur, qui postea, quoniam materia suppurata plenus repertus est, à Chirurgis pro suppuratione receptus est,

Fistula

Fistulosi. Hoc est, à parte superiori novum pus suppeditant.

Semper salutares. De his *Hippocrates* ubique in suis scriptis de morbo Epidemico, de affectionibus internis clamat, nam nullum videt periclitari, quibus hic abscessus affuit, hoc enim notat pus per has vias se evacuare.

Mali. Hi non levant, quia sunt modo ex abundantia puris, nam ad finem Phthiseos quoque ulcera fiunt, sed hæc non levant, sed fiunt, quia totus sanguis pus fit, sed non quia materia purulenta de sanguine fecedit.

Evanescunt. Nam hoc notat pus redire intra corpus & accidentur metastases lethales; si v. g. Peripneumonici habeant abscessum circa aures, qui subito concidunt, & morbus non levatur, æger subito morietur.

Peripneumonia. Si quis valde calefactus subito potaverit, accipit pulmone suppuratos.

§. 836. Si materies impacta crassior terrestris magis & inertior tantummodo remaneat, quidquid liquidissimum est, dissipetur, siveque vasa ampliat & distendit, vicina comprimit, & in callositatem dederit, unde fiet tumor scirrhosus pulmonis, qui ab *Hippocrate* vocatur tuber pulmonis; pulmo ad illum locum obstructum siccior redditur, quia perpetua respiratio, quæ semper in omnibus cavis partibus corporis fit, inter duas membranas impeditur, und pleuræ quandoque pulmo adnascitur, tum pulmo motum diaphragmatis sequi non potest, & inde fit, ut æger tota vita orthopnæa quasi laboret cum tussi, quia illud onus pulmoni molestum hæret, quod tussiendo avellere conatur, hæc autem incommoda semper post pastum & motum et si leviorem pejora fient; hoc maxime

F 2

do-

docuit apertura boum, qui dum specie Peripneumoniæ laborarunt, semper pulmones accretos pleuræ habent; scirrhi in hac parte sæpe sunt magni, ut viderim pulmones à scirrho quasi lapideos. Aliquando etiam oritur materies tuberosa pulmonis, præsertim si æger atrabilarius abusus fuerit intempestive refrigerantibus.

§. 837. Hic est quartus exitus inflammatio-uis, pulmo non dicitur gangrænosus, quando totus in tabem est conversus, sed quando ita est dispositus, ut à corde dextro ad sinistrum non sit humorum transitus; vel ille status partium solidarum, quo vitalis humoris arteriosi influxus, venosique refluxus ad locum reciprocus denegatur, hinc in gangrænam abit, si materies inflammans fuerit acris, valde mala, inflammatio vehementissima, omnia symptomata Peripneumoniæ violentissima nullo modo sedata, si vires ægri subito prosternantur, si pulsus sit summe debilis, quod est signum pessimum, quia sanguinem ad cor sinistrum non pergere designat, si extrema frigeant cum ardore ad peccus summo, quod est signum sanguinem non pervenire ad ultima, tunc enim vascula subito rumpuntur & liquida putrescunt, si adsit respiratio difficillima, oculi protuberantes, genæ livegentes, facies tumescens, colores purpurei & lividi; postquam hæc præcesserint, si tum æger sputum ichorosum, tenue, cinereum, lividum, atrum & fætidum excernat; & dolor subito absque causa desinat, quia fit mors partis, quæ cito (licet æger se melius habere exstimet) reliquis partibus communicabitur, ergo tunc gangrænam jam factam, & ægrum morti proximum certo credit Medicus.

§. 838.

§. 838. *Observatio.* Pone hominem tali ægro adesse, qui penitus nesciat, quid pulmo sit, poterit tamen observare, quod laboret impedita respiratione & tali corporis mutatione.

Cadaverum. Nonnulli recentiorum veteribus nimis invidi nobis dicere voluerunt, quod non confitet *Hippocratem* unquam cadavera mortuorum incidisse, sed si attendamus, dum dicit, *Peripneumonia* sic incipit tali decursu, talibus signis, decimo quarto die rumpitur abscessus, ægi bene valere & liberati esse videbuntur, tum fiet Orrhopnæa recrudecens, tuscula, genæ lividæ, appetitus perit, hoc fit, quoniam pulmo puri immersus contabuit, quomodo hoc *Hippocrates* unquam scivisset, si hoc per Anatomicam sectionem non observasset.

§. 839. Ille morbus multo frequentius occurrat ac quidem putatur; Vir Clarissimus, qui nimum se deambulationi dederat, habebat inflammationem circa pulmones, vidi eum tractatum pro hypochondriaco, pro asthmatico & morbo lento, sed pulmo corruptus magnam puris copiam dedit, unde totus consumptus apparuit, licet nunquam puris signa habuerit, minima enim diathesis Vomicam facere potest, & illa Vomica totum pulmonem exedere valebit.

§. 840. 1. Hic morbus est periculosus ob pulmonis functionem necessariam ad vitam, nam corpus pulmone ne momento quidem carere potest, quin pereat nam omnis totius corporis sanguis, ne guttula quidem excepta, per Pulmonem transire debet; 2. materia inflammatoria pulmonis actionis est subigenda, sed illo læso subigi nequit per diluentia; nec impetum minuentia, nec laxantia; 3. hæc inflammatio non distat octo pulsibus à corde dextro, ruit in

locum inflatum; unde ob impetum pessima est inflammatio, 4. omnis sanguis totius corporis continuo transire debet per pulmonem, unde locus ab inflammatione sanari nequit. 5. ob motus visceris pessima est, nam violentus motus statim inducit gangrenam, & pulmo semper movetur, hinc tantum est periculum. 6. ob situm, medicamenta ex corde dextro pellenda & appulsura ad locum inflatum, eo non perveniunt, quia sanguis à corde pulsus sistitur, 7. teneritudo vasorum facillime destruenda, nam pulmo est congeries fistularum, quæ omnium tenuissima sunt, hinc quando per microscopium pulmonem examinamus, tum miramini, quomodo homo vix unum diem vivere possit. 8. revulsio est retractio materiae inflammatoriae, ut revulsio in inflammatione optime fiat, pars affecta quiete debet, quod hic fieri nequit; denique nulla sanguinis missio hic juvat, quia sanguis retroire nequit, cordis enim valvulae obstant, & si retroire posset, animal tamen statim moritur; tandem si materia inflammatoria hæreat in vasis quibusdam majoribus ab aorta oriundis, post triduum se in pus disponit, quanto magis vero in pulmone.

§. 841. Simulac pulmo sanguini fluxum renuit, cor dextrum renuit sanguinem suum, & sinistrum non accipit, hoc inde quoque accidit, quia utriusque ventriculi horizontaliter positi sunt, quam ob rem dextrum repletissimum & sinistrum vacuum cor in latus dextrum procidat, hoc etiam *Hippocrates* scribit, quod ignarus circulationis scribere nequaquam potuisset, nisi ex inspectione cadaverum Peripneumonia defunctorum. Quando pulmo est perfecte inflammatus, tum cor dextrum nullum sanguinem dimittere potest,

potest, hinc tum venæ coronariæ se evacuare nequeunt, unde cor inflammatum sanguine est repletum. Peripneumonia mortem infert, quatenus à sanguine in pulmonibus aggesto ægrumque suffocante producitur, quemadmodum enim signa resolutionis vel alias morbi futuri exhibuimus, sic & ipsius instantis mortis jam tradere lübet, ut Medicus rogatus periculumve mortis sit, nec ne, his instructus judicis instar ægrum certo moriturum pronuncies. Si ergo symptomata hoc morbo enarrata vehementissima existant, hoc est, si respirationis difficultas sit summa, oppressio pectoris violenta cum continuo & intolerabili suffocationis sensu, si corpus refrigerescat cum sudore frigido, pulsus languido, tremulo, iuxæquali & intermittente, si febris sit acutissima perpetuo aucta, cum tussi continua molestissima, & expectoratione nulla, si convulsiones, deliria, vel animi deliquia frequentia & magna ad sint, si tum singulis momentis vires ægri labefactentur, oculi obscurantur, cum lachrymis involuntariis & caliginosi fiant, conclamata res est, & æger certo citius aut tardius morietur, dein à Pleuritide. Peripneumonia detento alvi profluvium superveniens malum dicit *Hippocrates*, ne autem huic contradixisse videar, rationem in hoc capite addidi, hic enim alvi profluvium intelligendum, post quartum aut septimum diem superveniens, ubi jam morbus naturæ prævaluit, & ægri vires extinctæ sunt, denotat enim tantam materiæ morbificæ copiam & acredinem, ut in destructionem machinæ certet cunctis jamine interuis quasi Paralyticis factis; unde talis Diarrhæa plerumque Colliquativa, hoc est; incurabilis existit; dein à Pleuritide, Peripneumonia.

malum & Peripneumonia Phrenitis malum.

Paraplegia. Quando æger nullam partem intra jugulum movere potest ob impeditum sanguinis in cerebrum accessum; Paraplegia est paralysis omnium partium sub capite positarum, cerebrum sanguine obruitur; si materia resolvatur, quia illa statim ad cerebrum ruit, hinc extrema frigent, & si cerebrum ita sanguine obruatur, ut nil sentiant, tum ægri à Phrenide brevi moriuntur.

Sensu expers. Quia caput sanguine est repletissimum, quod non mirum est; nam simulac sanguis in pulmonibus stat, tum etiam stat in jugularibus & in cerebro, & ex cerebro redire nequit.

Tenuis. Quibus in Peripneumonia urinæ continuo crassæ mox ante quartum diem tenues fiunt, mortiferum, nisi ægri forte aquosa portaverint, aliter notat sanguinem tantum stare ut serosa tenuis per cor sinistrum pellatur.

Si cogitur. Si in vigore, dum symptomata maxime urgentia sunt, sint orthopnoici, pessimum est signum, nempe quod totus pulmo sanguine sit repletus.

Strepitus in pectore fit, quando vasa aërea sic premuntur à sanguineis vasis, ut membranæ supra se invicem rodantur.

Secessus. Tum signum est totum pulmonem esse abscessum, omnia in pus conversa jam per hepar excerni.

Strepente. Ut semper fit ante Peripneumonicorum mortem, & videntur illi semper excrare debere, sed non possunt, tum vesiculæ pulmonis inter se fricantur.

Stillicido. Nam hoc notat sanguinem esse compactum, nec meare posse. De peripneumonia sicca iis verendum, qui pauca expiunt, &

& cocta paulisper & pectora rubris maculis persparsa, talibus mortem subesse testantur auctores, periculosius tamen est, in qua nil exspuitur.

Aspersis. Designat ibi fieri gangrænam.

Coryza vocatur humoris acris per nares & fantes stillicidium perpetuum, hoc est lethale signum, quia designat ibi partes jam inflammari

Febres. Docet enim sanguinem ita esse exasfatum, ut per vasa fluere non possit.

Sputum biliosum. Hoc damnat *Hippocrates*, sed ipse sputum cum sanguine laudat, notat enim inflammationem cum suppuratione increscente. Sputum album rotundum quasi substantiale compactum, cœnosum quasi esset luteum aut amurcosum, quasi fæces olei in vasis in fundo residuæ, una parte alta inæquale, altera alterius coloris, æruginosum, subviride, tum hoc notat fracta esse vasa pulmonalia, unde omnes ægri moriuntur, nam omnibus his casibus gangræna vel præsens est, vel ejus finis designatur.

Liveus. Hoc *Hippocrates* accuratissime annotavit, ratio est, quoniam perfecta Peripneumonia necessario intercipitur iter sanguinis ad cor sinistrum.

Mors. *Hippocrates* optime dixit, quia pulsus deficit, quamdiu arteriæ vi sua contractili adhuc premunt, sanguis carotidum adhuc premitur versus cerebellum, sed si cor non pulset, sanguis ad cerebellum non amplius fertur. Præterea frigus adeat madidum cum fudo re viscido ad genua, pectus æstuat, genæ rubent, quia venæ jugulares non evacuantur; hæc omnia sunt dicta *Hippocratis*, & quod valde sit mirum, hæc convenient cum hodier-

nis Anatomicorum descriptionibus.

§. 842. His itaque præmissis tandem ad scopus Medicum me accingo, puta curationem, quam quidem fere arduam in morbo tam acuto & periculoſo, tam varios habente exitus, ideoque nec ſolum pro varietate cauſarum & ſymptomatum variam, ſed & pro qualibet morbi conditione, ſtatu & exitu, mutandam, quiſquis vel minime in arte versatus facile ex dictis judicabit, quiſ enim quæſo tam audax, ut temerarie, unum idemque remedium in principio, acme & fine hujus morbi adhiberet, cum ut vidimus tam mirifice variet, certe, quod reor, nemo niſi ſummum vellet & periculum & infamiam incurrere: agite ergo videamus, quid natura expetat, quidque *Hippocrates* nos moneat, & inde concludamus, quid per totum morbi decurſum agere, quid omittere, incumbat Medico, ut felix & prudens evadat, nec ſe, nec ægrum in periculum conjiciat.

§. 843. Si signa ſint futuræ resolutionis, quid aget Medicus? cogitabit in ægro eſſe diſpoſitionem, licet ſanguis per va'a pulmonalia diſſculter tranſeat, ſed omnium signa quidem illum ſanguinem tranſitum docent, nempe respiratio non ſuffocans, pulsus ſatis adhuc fortis & regulatis, febris quidem, ſed totum corpus æqualiter calens, nempe caput & pedes, tuiſis quidem ſed tam mitis, ut pulmo explicari poſſit, ſanabilem tunc morbum pronunciabit, hinc ſi adſint hæc signa, id eſt, ſi na- tura resolutionem vel ſanationem per anacatharſin conetur, caveat ſibi Medicus à venæ ſectione, ea enim adhibita, ut jam dudum no- tarunt Practici, anacatharſis ſæpe ſiſtitur, mor- buſque in pejus ruit, & ſane hic quam veriſi- mum,

mum, quod toties monet *Hippocrates*, Medicum tantum obsequi naturæ, nec eam cogere debere, Medicus enim tantum est naturæ minister; ergo si illa resolutione aut crisi sanationem intendat, cur quæso Medicus illam venæ sectione aut pharmacis turbaret, *Hippocrates* nos monet, aut quod quæ judicantur & judicata sunt perfecte, neque movere neque innovare sive purgantibus sive aliis irritamentis sed finere oporteat, ergo & hoc nolumus, sed curabimus, ut æger corpore & animo quiescat, ut sanguis majoris impetu ad cor dextrum venire non possit; aëris non sit nimis calidus, ne pulmo exsicetur, nec nimis frigidus, ne vasa constringantur, sed tepidus, humidus; æger se exponet balneo vaporis sub pallio, &c. tum maxima spes erit resolutionis propter laxitatem vasis conciliatam. Applicantur ad os & nares spongæ aqua parum calida plenæ; foveantur manus & pedes in pelvibus aqua tepida & calida plenis; victus sit tenuis, potus levis, non gravans pulmonem, hinc serum lactis sufficit his ægris, hoc enim vires satis sustinet, sed quando æger debilitari incipit, tum bonum est signum & pulmo liberatur, nec opus est similem victum continuare; tum medicamenta aquosa conducent, nam in hoc statu arteriarum fines sunt obstructi, & materia impacta morbum creans disposita est ad materiam transmittendam & ad vasa aperienda, ergo teneamus sanguinem mobilem non tamen nimis mobilem, non acrem & vasa nimis laxa; medicamenta optima sunt aquosa ut decoctum Hordei, vel feminis Lini, tam tenues ut serum lactis vel lacticbutyratum per Manicam *Hippocratis* filtratum in morbis Acutis est optimum diureticum &

sudoriferum nutrimentum renuissimum & sufficiens in his casibus; saponacea etiam sunt optima ut Rob Ribesiorum, Sambuci, Mororum, Oxymel simplex, Nitrum methodo nostra paratum; Farinosa cocta usque ad spissitudinem Lactis, Mel multa aqua dilutum; Peripneumonia laborentes his applicatis brevi transnanuntur, talem Peripneumoniam plures saepe patiuntur, ut si quis obtuso pectore laboret, paucis horis hac methodo curatur.

§. 844. *Adest.* Scilicet quando materia per sputum prodire incipit, dixi quid illud sputum sit, non enim ex ruptis vasis prodit; sed fines extreimi paulo plus dilatati nunc incipiunt transmittere materiam per dilatata vasa, non sit diabrofisi, nec diaerifisi, nec crisi, sed anastomosi, cave, ne frigus pulmones occupet, cave ab omni potu frigido, aer sit blandus, pulmones teneantur in molli, tepido & humido aere, utatur aeger mollibus medicamentis; capiat vapores ex sequentibus decoctis v. g.

P. Semin. Lini integr. 3j

Coq. in tb iv Aquæ puræ
spatio $\frac{1}{4}$ horæ aut paulo
longius addatur

Sal. Polychrest. 3j

Syrup. Althææ Fernelii 3ij

M.

Hoc est lenissimum & blandissimum decoctum, idem efficit decoctum seri Lactis cum floribus Althææ, Sambuci, Hyperici, sed sine caliculis Borraginis, Buglossæ, Betonicæ absque caliculis aut foliis, vel decoctum Ficuum, Jujubarum sine nucleis, vel decoctum Glycyrrhizæ;

rhizæ; vel decoctum foliorum Parietariæ, Agrimoniarum, Taraxaci, cum seminibus Papaveris, Fæniculi cum Glycyrrhiza, potus sit decoctum Hordei solum juxta Hippocratem vel ptisana, vel sequens remedium.

R. Aq. decoct. Hordei pint j.
Nitri puri 3j
Oxymellis 3ij
M. pro potu.

Vel sumatur decoctum seminis Papaveris Rhæados vel florum Althææ, vel seminis Oryzæ, Avenæ, Scabiosæ vel Malvæ &c. in unciis duodecim dissolve unciam Mellis recentis, Nitri puri dragmam unam, admisceatur Mel Rosaceum, vitellum ovi, syrups Violarum aut Capillorum Veneris &c. siat eclegma. Emulsiones fieri possunt cum Melle, sic uti possumus Prunis maturis, Passulis majoribus, minoribus, & Jujubarum decoctis, non spissis; decocta quinque radicum Aperientium cum Oxymelle & Acetosa sunt optima; medicamenta reficientia sunt Hydragoga, quæ constant ex tribus partibus aquæ & una parte lactis, si morbus sit gravis, verum si levior ex duabus partibus aquæ & una parte lactis, si adhuc levior tandem æquali copia. Venæ sectio est vitanda, tali sputo sanguineo apparente plures ignari clamant, mittendum esse sanguinem, quod si fiat, tum tollitur tota dispositio tam benigne secernens, nam vasa tum sunt dilata-
ta, quæ materiam inflammatoriam ab extremis transmittunt; sudor non est promovendus, nam non promovet expectorationem, sed subtilius educit & impactum relinquit, hinc no-

cet, quāvis sēpius sed male promovēatur, hinc vitanda sunt omnia hanc expurgationem impeditia; hac enim ratione, nec naturam in suo opere molientem turbamus, sed auxilium blandum suppetimus, quo crisi inceptam facilius absolvere & perficere valet.

§. 845. Si ante quartum diem oriatur alvi solutio cum levamine & fæces alvinæ mucosæ flavescentes cum strigmentis sanguineis intermisisti, tum Medico est cogitandum, quod materia inflammatoria in pulmone hærens soluta, mobilis reddit, ita determinata sit per arterias cæliacas & mesentericas, ut subeat cava intestinorum, tum adhibenda sunt lenia clysmata, non ut æger purgetur, sed ut totus intestinorum tractus disponatur, ut materia melius obediatur, hinc scopus Medici esse debet, ut alvus laxetur, non vero violenter subducatur, quod est efficiendum per lenissima medicamenta; hinc valde errarunt *Bellinus* & *Baglivius* aliquique summi viri, quando dixerunt in omni Peripneumonia alvi fluxum esse lethalem, hinc eam alvi solutionem per adstringentia nequam sistere licet Medico, si scilicet non nimia sit, nec vires exinde nimis exhaustantur, natura enim hanc invenit viam, ut se liberet, pessimum ergo & monito *Hippocratico* maxime contrarium esset, hoc per medicamenta impedire, viamque sic salutis intercipere, sed potius per lenissima & blandissima emollientia clysmata naturæ succurremus, v. g. ex decocto Malvæ, Verbasci, Parietariæ, Mercurialis, Althææ, seminis Lini addito paucō Nitro vel Mellis, vel ex solo lacte cocto cum Saccharo vel Melle Mercuriali, hæc enim nequam alvum irritabunt, sed vias tantum lubricas servabunt,

yabunt & balnei instar erunt, simul & ex iisdem vel quibuscumque demum emollientibus fomenta lenissima semper calida servanda per pannum vel lanum suppositum abdomini imponemus.

§. 846. Si æger laboret stranguria, id est, si urinam emittere non posset, eaque sit crassa, pura, lenta, interim pulsus, respiratio melior, tussis sedata, febris minima, dentur medicamenta quæ renes & omnes urinæ vias laxas tenent, optimum dedi remedium in *Materia Medica*, nam tale decoctum tuto adhiberi potest, non inflamat, sed deterget & determinat, si æger simul assumere velit lac recens, lac ebutyratum, serum lactis ebutyrati pro potu tanto melius procedit; ego eodem morbo laborans sumebam radices Fæniculi cum aqua fervida infusas, & lac recens cum decuplo aquæ pro vietu; radices Apii hinc sunt suspectæ propter acrimoniam; radices Graminis sunt bonæ, si cum multa aquæ copia infundantur; hinc si materies morbifica critice per urinam expellatur, nec tum corpus venæ sectione vel purgatione nec sudoriferis mouebimus, sed adhibeamus præsertim balnea pedum, si æger v. g. per aliquot horas pedes immerserit aquæ tepidæ vel laeti dulci vel ejus sero, vel decocto cuidam emollienti calido, ut ad hæc loca molliora & laxiora redditæ, quasi revulsionis species fieri possit, & simul materia illa blanda per poros laxiores & apertiores in corpus deduci, sanguini misceri, cum eo ad pulmones deferri, sic vasa emollire, & humores diluere valeat, nec tamén clysteres emollientes utpote summi hic usus omittemus, injicimus enim clysmata in intestinum colon, quod suo flexu

vel

vel arcu anibobus renibus accumbit, vel quandoque membrana tenui jungitur, ergo si quodam emolliens calidum per illud injiciatur, poterit suo calore & vapore humido calido fomenti vel cataplasmati instar renes emollire, & hæc est ratio cur in omnibus fere renum morbis clysmata per alvum injœcta valde profunt; simul tamen & cataplasmata emollientia vel linteo decocto emolliente imbuta calida externe regioni lumbari applicabimus, ut hac ratione renes cum suis annexis relaxentur, & materia morbifica, qua data via libere exire queat, dabimus interim, ut naturæ operanti succurramus, decocta e. g. ex radicibus Althææ, Petroselini, Malvæ, Imperatoriæ (hujus ultimæ minoritatem dosi) feminibus Bardanæ, Petroselini in sufficienti aquæ quantitate decoctis, addito colaturæ syrupo Althææ Fernelii, hæc enim levissime abstergendo, diluendo, pellendo & emolliendo diuresin promovent; hæc est methodus *Hippocratis*, qui dicit, quo vergit materia (si bonam viam insequatur) eo est ducenda si autem videamus naturam in eo occupari ut per loca §. 830. N. 4. sanationem intendat, tunc ei similiter suppetias feremus, nec fluxum nimis cito sistemus, sed illa loca per fomenta si- ve vapores emollire & laxare conabimur, si ergo v. g. nueret larga narium hæmorrhagia, spongas aqua tepida madidas naribus continuo admovebimus, vel naribus admovebimus olliam quandam lacte dulci vel ipsius sero calido repletam ut hujus beneficio vapor humidus & calidus naribus continuo attrahatur, sicque resistentia ad illa loca vel tollatur, vel saltem diminuatur, sic & de locis reliquis, puta ute-

ro,

ro, vasis hæmorrhoidalibus &c. par est habenda
ratio.

§. 847. *Corpore robusto.* Vidi ægros fuisse perditos, quia in Peripneumonia fiebat missio sanguinis, ægri qui a Phthisi pulmonali moriuntur, pulmones vomicis plenos habent, sed fere nullum sanguinem, qui tamen per pulmones transire, debet, hinc si in hoc casu sanguis mittatur, æger intra horam moritur, istorum cadavera aperui, in quorum toto corpore non erant duæ sanguinis unciae, qui hic missione sanguinis instituere auderet; omnes ægri, qui tali Peripneumonia laborant cum Vomica, habent Pleuritidem, id est, ad latera dolores intolerabiles, quia pulmo lateri accrevit, pulmo patitur anxietatem, plurimi vero ægri habent dolorem, hi sæpe rogant Medicum, ut iis sanguis mittatur, sed si Medicus horum petitioni faveat & sanguinem mittat, sub lanceola Chirurgica moriuntur, hanc ob causam dico in corpore robusto, ne ullus moriatur, non ergo demus cum Leonardo Botallo insanire, non est enim Medico permisum, ut hac ratione ægro faveat: si itaque Medicus in principio morbi hoc est tribus primis, quo morbus cepit, diebus vocatus, invenerit hominem valida Peripneumonia laborantem cum præsentibus signis Pathognomicis aliisque hujus morbi vehementibus satis, corpus pariter esse robustum & plethoricum recentem hoc est absque prægresso alio morbo, & paululum ante bene sano corpore, nullaque signa resolutionis adesse animaduerterit, quid ipsi quæso agendum? statim scio, omnes dicent, venæ sectio adhibetur, nec enim est, quod repugnat: fateor & venæ sectionem primarium totumque inflammationis esse auxilium probe

probe novi at si inflammatio hæreat in arteriis pulmonalibus, quid quæsto inde lucri obtinebitur, tota enim venæ sectionis intentio est, ut revulsio & resolutio materiæ inflammantis à parte affecta fiat, quæ certe hic vix sperari valet; inciditur enim ramulus venosus, qui sanguinem ex aorta recipit, aorta vero ex sinistro cordis ventriculo, qui vel jam fere sanguine destituitur, vel saltem copiam non accipit sufficientem; vena enim pulmonalis ex obstructis arteriis vix, nisi tenue quidquam & serosum recipere & per consequens ad sinistrum cor deferre potest; sanguis etiam ex arteria pulmonali in cavum dextri cordis retrogredi vel relabi haud valet, obitant enim tres valvulae sigmoidæ, quomodo ergo hinc revulsio accidet, quod *Bellinus* demonstrat, parvam sanguinis missione, celeritatem & impetum ejus augere, missio autem ad animi usque deliquium, præterquam, quod vires vitae ad morbum subigendum summopere requisitæ & cito & nimis prosternantur, etiam reliquum libere adhuc fluentem sanguinem in pulmonibus accumulari & flagnare facit, quod *Aretæus* etiam optime monet, quodque ex animi deliquio, quasi reviviscentibus liquidissime patet, primum enim, quod agunt est, quod quam possunt profundissime respirent, ut sic sanguinem in pulmonibus hærentem rursus propellant, quodque etiam ex eo patet, quod *Aetius* ex *Archine* refert, succedit autem (inquit) lateris dolori, hoc est, Pleuritidi Peripneumonia, quod animi usque deliquum sanguis detrahitur &c. quid ergo agendum, si enim dimittamus, metus est, ne æger suffocetur, non tamen is sum, qui in hoc statu venæ sectionem remitterem, minime, sed

Me-

Medio tutissimus ibis.

Inquit Poëta; ergo ægro in lecto decumbenti ex amplio & lato vulnere sanguinem ex vena quadam mittimus pro viribus & gradu mali majori, minorive copia, usque dum æger levetur; si autem prima missione facta malum non imminutum & vires ægri persistent, nullumque resolutionis signum adsit (eodem vel sequenti die repetatur, at forte quis mihi objiciet) hoc modo juxta dicta statim potius nocebis, vel saltem non multum proderis, quod quidem fateor, sed rogo an Medicus diversis casibus tali modo procedere non cogatur, si v.g. telum tricuspidatum alicui perforaverit pectus, an non Chirurgus, prudens si sit, primo vulnus lanceola vel cultro incisorio dilatabit, ut sic tuto telum per vulnus magis amplum educat, & vulnus sanari commode possit. Primo tamen etiam nocere videtur, pari & nos ratione, quidquid enim sit (molem crassi minuimus & spatiū diluentibus lucramur, adeoque ansam resolutionis præbemus) si vires autem nimium debiles venæ sectionem inhibeant cucurbitulæ vesicantia &c. subsistui possunt, vide *Bellinum*. Post venæ sectionem statim adhibenda sunt decocta; emollientia, humectantia, antiphlogistica, & diaphoresin blande promoventia parva copia sæpe repetita valide assumenda v. g. ex radicibus Graminis, Parietariae, Scorzonerae, Althææ, foliis Tussilaginis, Malvæ, Althææ, Hyssopi, Mercurialis Tragopogonis, floribus Papaveris erratici, Meliloti, Rosarum, Violarum; Sambuci, Chamomillæ & similibus, ex quibus hæc vel similis paretur formula.

R. Rad.

Ez. Rad. Gramin.

— Parietariae

— Scorzonerae

— Althaea ana 3ij

Fol. Mercurial.

— Malvae ana M. j.

Flor. Melilot.

— Chamomil.

— Rosarum Rubr. ana p. j.

Conscissa & confracta coquantur

in f. q. Aquae communis.

per $\frac{1}{4}$ horae Colaturae pint ij

adde Nitri puri 3j β

Rob Baccar. Sambuc. 3ij

M.

Affumat calide de hoc potu æger

singulis diei horis uncias duas

vel tres.

2. Ex iisdem decocti residuis poterit fieri cæplasma pectori dolenti applicandum & calide servandum, quod externe quemadmodum decoctum interne partes laxat & humores diluit, interim æger quam potest sæpiissime balnea vaporis pulmonibus applicet, quod fit haustu vaporis per os, ope infundibuli, aquæ calidæ vel simplicis, vel lacte dulci mixtæ, vel cum herbis & floribus quibusdam emollientibus coctæ, vapor enim ille quam pimum ad partem affectam venire, ibidemque stricta laxare, ergo cito medelæ esse potest.

3. Summum diluens est aqua, & optimum resolvens est Nitrum Crystallizatum, optimum emol-

emolliens est semen Lini, tum Avena & Hordeum, reliqua nimis viscosa sunt, laxantia maxime sumuntur ex herbis emollientibus antiphlogisticis, optimum est Nitram, tum decoctum ex quinque radicibus aperientibus, Taraxaci recentibus incomparabile censemur, decoctum Cichorei, Endiviae, Chondrillae, Sonchi, Lactucae recentium imprimis convenient, anodyna semper addantur, quo facit semen Papaveris, haec omnia parva copia dentur, ne obruatur pulmo, & calide forbenda sunt, nam liquida frigide assumpta vasa constringunt, unde in hoc casu ægri morerentur; optima sunt sequentia nempe radices Graminis, Fæniculi, Folia Althææ cum Glycyrrhiza & Melle,
v. g.

R. Fol Cichorei Man. j

Rad. Gramin. recent. effossi ʒij

Coq. in f. q. Aquæ ouræ Colat. libj

addatur sub finem coctionis

Glycyrrhizæ decortic. ʒj

De hoc potu æger tantum bibat quantum vult, hoc enim decoctum prodest vi saponacea. *Baglivius* universaliter commendat decoctum ex radicibus Imperatoriaæ & Angelicæ, quod quidem prodest, si sputa jam præcesserint, aut si motus requiratur, sed si laxatio requiratur, obest.

4. Nonnulli clari viri hoc ægre tulerunt, quia in morbis pectoris nocet alvum movisse, sed totus intestinalum tractus est mihi alterum os, nolo purgare, sed volo balneum vaporosum insinuans, sanguinem diluens & vasa laxans corpori conciliari, sed illa purgatio nocet,
quæ

quæ liquida subducit, & crassa relinquit, sed clyisma est optimum, quod vasa laxans liquida non subducit, hinc adhibetur, ut balneum internum subministretur, videmus enim ex uncis duodecim talibus injectis vix unciam unam aut duas redire per alvum, ergo reliquum in corpore absorbetur, & hac methodo fervidus humorum motus temporatur, & sanguini inspissato blandum & diluens vehiculum subministratur. Hæc clysmata præparantur ex decoctis foliorum Malvæ, Althææ, Parietariæ, Mercurialis, Brancæ Ursinæ &c. cum sero lactis vel jure carnium &c. vel cum Melle Mercuriali vel syrupo Fernelii cum sola aqua v. g.

g. Aquæ puræ & coctæ $\frac{3}{x}$

Syrup. Althææ Fernelii $\frac{3}{ij}$

M. F. Clyster blandissimus.

§. Hic cautissimi esse debemus, Peripneumonia jam nota est adhuc sanabilis, sed fiet insanabilis, si quid chyli crassi adferatur, hinc nil edat æger, quod est crassescens vel viscosum, nempe nec carnes, nec ova, nec lac, sed serum lactis recentissimum, hinc in hoc casu victus sit solum decoctum Hordei, Avenæ vel emulsiones vel lac ebutyratum caseo inde separato &c. victus enim multis haud requiritur, ægri namque facile ferunt ad diem nonum, qui est decretorius.

§. 848. Si autem inflammatio fuerit valida & morbus satis validus, jam dies tres quatuorve duraverit, nec æger per resolutionem, nec evacuationem criticam, nec sanguinis detractionem, neque Pharmaciam atque diætam libe-

liberatus fuerit, sed signa §. 833. &c. data inflammationem in suppurationem transire designent, tum prudentia Medici maxime requiritur, quamvis enim morbus longior futurus, spatium curationi præbabit non tamen ita facile adipisci poterit; fateor si ex inflammatione abscessus bonæ notæ fiat, in locis minus nobilibus, & ubi prudentis Chirurgi manus, vel medicamenta convenientia advenire, abscessus tuto aperiri, pus libere exire, & ulcus commode mundari possunt, per bonum artis auxilium facili marte curatur. At hic in pulmone, parte tam mobili & nobili, tam teneræ structuræ, ubi nec medicamentis, neque manui Chirurgicæ datur accessus, nec pus aggestum facile excerni & educi potest, semper multum discriminis secum fert, quid ergo hoc in casu præstandum? an venæ sectio adhibenda; certe suppurationem & turbationem humorum per venæ sectionem vel purgantia prohibet, ergo nec illa adhibemus.

2. Ut Chirurgi tumoribus externis in suppurationem tendentibus applicant blanda cum acrisibus, ut semen Lini, quæ suppurationem promovebunt, sic quoque hoc in casu convenient olera emollientia ut atriplex Spimachia, Avena, hordeum, & similia cum jure carnium & sero carnium & sero lactis cocta; hoc repetitis locis *Hippocrates* jubet, vult enim tum blandum chylum ingeri pulmonibus, dabat decoctum piscium aut Cancerorum Fluviatilium, quod non refrigerat, licet multi ita putent, vires tantum auget, vide *Materiam Medicam*.

3. Balnea vaporosa sunt optima, præscribimus emollientia & maturantia v. g. ex lacte cum floribus Sambuci & Calendulæ vel Hyperici,

perici, Malvæ, Bismalvæ, Altææ, seminibus Lini (etsi hæc farinosa non multum pro sint; sed tantum adhibeantur ad satisfaciendum æstimationi Medici & opinioni ægri) cuius vapor calidus ope infundibuli in fauces hauriatur, ut sic immediate cum aëre per asperam arteriam ad pulmones deveniat, dabimus viatum & medicamenta lenia, sed paululum incrassantia, farinosa, quare & hic emulsiones, gelatinæ &c. coveniunt.

4. Septimo die in inflammatione acuta factum est pus, ille dies fere certus est, si nunc Peripneumonia sit fortis & tu ad diem quintum emollientia maturantia & cibum, quæ nocere non possunt dedisti, septimo die habebis mutatum pulmonem, qui facile crepare potest, tum sputo curantur, si vero nondum ruptum sit, æger plus comedat sumat vaporem acetii, vinum austерum, & tussim facientia, ut pus in bronchia abeat, hoc fiat oxymelle vini & pulvere sternutatorio, sicut enim Chirurgus in abscessibus externe apponit debilissima, sic *Hippocrates* interne, tum, ad diem septimum facillime rumpitur abscessus, si Chirurgus videat externum apostema à se ipso non ruptum, tum lanceola pertundit, hac etiam ratione Medicus medicamenta tussim promoventia adhibere debet, ut ulcus pertundatur; medicamenta tussim moventia sunt acetum mulsum, acetum squilliticum cum oxymelle, vel vapo res ex aceto Sainbucino, Rosaceo & Calendula to, adhibitis tamen alternis vicibus pectorali bus demulcentibus & bechicis, nam hæc sola non ita quidem expectorationem faciunt, sed tantum laxant, demulcent, & accidente stimulo expectorationem facilitant, ergo pro stimulo,

lo potest esse acetum vel ejus vapor, ut hæc ratione æger per tussim & excretionem septimo aut nono die purgatus sit.

§. 849. Si abscessus factus sit, cujus signa data fient sequentia, miræ super his & similiibus hujus libelli locis à quibusdam interpretationes & cavillationes factæ sunt, sed dices an non ad pleuram? certe eo, ubi rumpitur, empyema fiet, ad pulmones Phthisis, ad asperam arteriam sputo reddetur, si jam citius rumpatur, tanto minus de pulmone & ejus functione perditum est, hinc nil est agendum, vel abscessus disruptio est tentanda, quod per modo dicta maxime autem per concussionem & cibos multos fiat, ut Chirurgus jubet ad manum apostema esse aperiendum & pus evacuandum, nam si linquatur & non rumpatur, pus collectum hærens acrius tandem factum totum pulmonem exedere & infinita mala producere poterit, ergo ut quo jam factum apostema citius rumpatur, eo melius, quo facto ut externe à Chirurgis fit, deducetur & curabitur ad naturam vulneris depurando & evacuando sive evanescere faciendo.

§. 850. Juxta præcepta *Hippocratis* exspectatur tempus ex dictis, quo pus factum est, nempe. 8. 9. 10. ad summum quatuordecim dies, tum jubet *Hippocrates*, ut ægro dentur cibi molles, pingues, lenes, donec ventriculus sit repletus, bibat multum Vini Græci aut alias fortis, edat de piscibus coctis, assatis, suffocatis, (Belgice *gestoof*) vel oleribus, superbit illud vinum, tunc hauriat vaporem aceti, ut tussiat, vel similes concussions cantando &c. quid enim fit? ventriculus plenus pellit diaphragma sursum intra pectus, ergo pulmo

Tom. IV.

G

com-

comprimitur, si jam paulo concutatur, spes est, ut rumpatur in cava bronchiorum, non dico, quod hac ratione sanationem promittere possimus, sed diu adhuc supervivent ægri, sic fuit hic una ex splendidissimis hujus urbis persona, quam colligebam fædo pulmonum ulcere laborare, unde fere suffocaretur, suasi, ut eum deponerent in rhedam (non certe sine calumniis) & per strata veherent plenis concusibus, sed prius repleto ventriculo, ut omnia introrsum premantur, & ut pus tanto liberius in asperam arteriam protruderetur; vix quidquam progressus fuit æger, quin statim magnam copiam puris expueret, & longo adhuc tempore supervixit; hac ratione Clarissimum Professorem tractavi, qui adhuc vivit optime curatus; si hæc non succedant, nil est agendum; adversarii dicunt, forte apostema non rumpatur extrorsum, sed ego sic dispono, ut hoc necessario accidere debeat, denique dicunt, sic fieri sputum sanguinis lethale, sed tali concessu non rumpetur pulmo adhuc habens tot vitalia vasa tam fortia, citius pars mortua rumpetur, necrupto pulmone sanguis solus exit, sed totus pulmo ingentibus fistulis decedentibus ejicitur, ergo hæc sunt bona.

§. 851. Si juxta præcepta prioris paragraphi actum sit, ac tum certum apostema esse ruptum, quid est agendum? notetur, quod pulmo sit fistulosum, fungosum viscus; puris apostema est saccus in valde spongioso corpore, nisi præveniatur, pus regenerabitur, & totus pulmo consumptus postea ejicietur, ergo labia ulceris depurabuntur, hinc danda est bona substantia regenerans, sic non redibit pus, sed ulcus coalescet, an vero sunt talia medicamenta,

solum in hoc casu aliquid efficiet victus lâcteus, hydrogala constans tribus partibus aquæ & una parte lactis, & quantumvis frigide potetur, parum nocet, tertio vel quarto die optime illud placet, vel comedat lac crudum cum pane, huic pro gustu addi potest quævis de Oryza, Avena, Hordeo &c. vegetabili lenissimo, scilicet animalium pastorum fæno, gramine, nullo carne; cur hic præscribo lac? quia jam transit per pulmones animalis, sed dicitis lac coagulari in ventriculo, quod verum est, sed serum tamen ptæterabitur, non danda sunt putrescentia; si enim Vomica recens rupta sit, nil est metuendum, tum fac, ne chylus putrescens versus pulmonem feratur, adhibe optima deterativa, sed talia ne cruda ulceris labia in Hæmoptoen concidant; hinc pessime egerunt Medici, qui talia adhibere debere scientes à fortissimis inceperunt, sed primo danda sunt mollissima & sensim fortiora, præscripsi vobis in *Materia Medica*, quæ tuto in hoc morbo Adhibentur, & non solvunt vasa sanguinea: qui hic sola emplastica adhibent, obruunt pulmones, quæ deterativa nimis detergent, omne uleus quoque non nimis saepius est detergendum, sed aliquamdiu quiescendum, ut labia ulceris tempus habeant, quo coire possunt, sed omne ulcus quoque non nimis diu apertum est retinendum, ne aere fiat, si ergo hic pus relinquam, fit nimis acre, si nimis moveatur, nunquam partes suppuratae coibunt, sed vapore humido pars est emollienda, per molle decoctum excreatio promovenda, pec equitationem expellenda, & noyo aëre depuranda, nam solus aér depurat, sed vesperi medicamentum opiatum est dandum, ut inanis

titillatio sedetur, hæc enim nocet; quia pulmones discerpit & dilacerat. Aperientia deter-
siva sunt optima, quæ sunt herbæ partes tam
lenes & penetrantes possidentes, ut per san-
guinem eo delatae per fistulas ruptas pus col-
lectum expellere possint, tales sunt, stipites
Dulcainaræ seu Solani scandentis lignosi, si ho-
rum libra una contusa decoquatur in quatuor li-
bris aquæ per unam vel alteram horam cum un.
cia una Glycyrrhizæ, hoc decoctum multum
præstat, uti & decocta ex radicibus Bardanæ,
Veronicæ majoris, vulgaris Hyperici, Hederæ
terrestris, Marrubii albi, Hyssopi, Salsapa-
rillæ, radicibus quinque Aperientium, ligno
Sassafras, floribus Centaurii minoris, Agric-
moniæ, Betonicæ & similibus, addito Melle
vel Glycyrrhiza; tum ex Myrrha, Spermate
Ceti, Camphora, ex quibus cum Vitello ovi-
fiant pñlæ, hæc sunt sola aperientia, quæ
novi: vesperi levia Opiata dentur ut v.g. Opium
ad granum semis vel syrpus Diacodii ad un-
ciam unam cum aqua Hyssopi & parva quan-
titate Aquæ Vitæ Matthioli mixtus, vel fiant ex
massa pilularum de Cynoglossa, Corallio rubro
& Olibano pilulæ, & vesperi in pauca dosi ex-
hibeantur, nec enim scio, quod noceant, quam-
vis sint, qui obloquuntur, quiue expectoratio-
nem impedire credunt, indeque ægrum pure suffo-
rari posse ajunt; quod fateor, si ingenti copia da-
retur, sed certe hoc à dosi tam exigua, ut gra-
no semis Opii metuere absque ratione puto;
si enim æger sufficienter dormiat, nec dabi-
mus: verum si continuo vigilet, somnum ca-
pere nequeat, & perpetuo tussiat, ut materiam
molestem excreet, certo quam maxime delaf-
sabitur, & tandem vires excreationi haud suf-
ficient;

sient; quo enim plus tussit, eo magis semper mucum naturalem aér in & exundo abripiet, ergo ut ajunt, tussis tussim faciet, quod hac ratione impedimus, si enim æger tussiendo lassus de nocte placide dormiat, habet, unde vires paululum recuperet, & secernitur denuo mucus vias illas naturaliter inungens, ergo mane evigilans faciliori marte, minori tussi, atque molestia expectorare poterit; pure jam educto vulnerata labia, si possibile, reunienda sunt, ergo curabimus ut æger corpore quieteat, & quantum possibile pulmonibus, dabitur victum blandum cum lenissimis Opiatis, cæterum naturalis nutritio perficiet; sed miremini me hic non commendare balsamum Lucellæ, quod componitur ex Cera & Terebinthina, balsamum Peruvianum, in quo basis est oleum Ligni Santalini, balsamum Sulphuris Succinati, Anisati, & varios: omnes nocent, tot feci experimenta & semper in his casibus nocuisse animadvertis, & pinguia illa indigestibilia prodesse nequeunt, sæpius olim usas sum iis suasu *Helmontii*, sed omni spe semper frustratus sum. Si Peripneumonia curabilis sit, sanatur hac methodo, non vero curantur omnes, nam aliquando saccus fuit nimis profundus.

§. 852. Si materia deponatur sursum vel deorsum, daudus est statim vietus aromaticus, tum vinum album, ut stimulus augeatur, maturantia danda sunt uti & emollientia, ut omnia laxentur, sic determinabitur & dissolvetur materia à pulmone.

Obtinere. Hoc est, si materia Peripneumoniae mobilis fuerit, & in se non determinet.

Levi fluido &c. Nam cum materia sit in du-

dio, illud sustentat naturam, ergo tota tua prudentia in eo est occupata, ut materia reddatur mobilis.

Quietem. Hoc est arcanum, hac enim ope materia sequenti die cocta & assata redditur, ad quod Diaconia profunt, sed si æger tussiat per integrum noctem, nil boni est sperandum.

§. 853. Si de dolore aurium conqueratur æger, ille locus cataplasmatibus emollientissimis ex Althææ foliis, feminibus & floribus, addito butyro insulso applicatur, ut materia huc versus alliciatur, natura enim hanc viam affectat; si vero dolor circa hypochondria hæret cataplasmatalia, uti & clysmata similia injiciantur; forribus & balneis vaporibus eadem ratione determinabo, ad aures etiam spongiæ madefactæ & fomenta perpetuo applicentur, ut alliciantur humores, sublata hic resistentia.

§. 854. Si ad hepar exitura sit materia, tum sanguis prius disponendus est fluidus, advoidanda aperientia, saponacea ex recentibus Lactucis, Taraxacis, Endiviis, Fumariis, Gramine, Scabiosa, coctis in fero lactis addito melle vel syrupo quinque radicum aperientium, potissimum autem si harum herbarum succi expressi porriganter; hæc enim ex longa priscaque observatione visa sunt maxime determinare ad hepar, clysmata laxantia ex iisdem fient, externe balnea fomenta juvant.

§. 855. Supereft scirrhosum tuber, quod insanabile est, nam scirrum alibi vix resolvere possibile est, multo minus in pulmone, si autem spes aliqua sit, aliquid efficient sequentia, si æger per aliquot menses uti velit solo lacte, addendo subinde parum Saponis Veneti, si tum velit equitare vel rheda vehi, balneis uti, spes una

una est, sensim posse atteri materiam scirrhosam & obstructum resolvi, aliud nil novi, hæc dicta, si parum prosint, tamen nil nocent, sed è contrario multum boni promittunt.

§. 156. Si gangræna facta sit, prævidenda mors, quæ intra paucum tempus orietur, tum dicunt plerumque amici & adstantes, fac quod fieri potest, & juva aliquomodo, hinc Medico in promptu aliquod remedium est habendum, quod non nocet, sed si aliud quidquam prodesse possit, hæc sunt nempe quæ sumuntur ex Myrrha, Oxymelle, Nitro, diluendis in aquis Stillatitiis Rutæ vel Scordii, unde æger assumat omni quadrante horæ cochleare unum, superbibat cuivis Cochleari testulam infusi Scordii vel Veronicæ instar Thee, hæc sunt omnia antisepatica, quæ non nocent, nam sic bonus Chirurgus externe faceret.

§. 157. Si ægri optime spuentis sputum subito supprimatur, tum si illi statim non succuratur, moritur, ut homo aquis submersus.

Prodeat. Id est ut expectatio excitetur.

Frigus. Subito admissit, vel frigida potavit.

Exsiccatio ingens. Cum modo discessisset ab ægro meo, & ille cardiaca sumpsisset, fere exsiccatus erat.

Febris calida. Quam Medicus avertere non potest, v. g. æger tuus liberaliter sputit, accedit inflammatio non visa, nec videnda sit febris.

Medicamenta calida. Ut Vinum & similia, quæ exsiccant & pessime cedunt, quamvis hic vulgo in usum veniant apud vulgus medicorum.

Sudor ingens liquidissima nempe dissipans, alioquin exsiccans.

§. 858. Oritur hic recens inflammatio, quæ cum suppurationis signis jungitur.

Lethalia. Nam si cesseret expectoratio, æger sæpe perit, sic vidi ægros intra duas horas necatos, qui optime sese habere putabunt.

§. 859. *Vapore.* Hoc est summum, quod facere potest, ille æger in aëre nebuloso hættere debet, hinc incubat pronus im amplam pelvim aqua calida plenam, unde vaporem in suum pulmonem hauriat; nempe ut Chirurgi crustam externam obturantem spongiis madefactis cedere faciunt, similiter humida calida emollientia cum aëre admittenda sunt.

Usus. Hoc *Hippocrati* debemus, dicit se expectorationem promovere Melle & Aceto, quod sæpius observavi sumpto Oxymelle cum aqua Hordei quovis $\frac{1}{2}$ horæ hausto redibat tussis & sputum; hinc, si usquam conveniat Oxymel, certe hic conveniet, si sumantur duæ unciae Mellis in aqua dilutæ & potentur, creat mollem tussim, & interne levem stimulum, unde nova expectoratio exspectanda est.

Medicamenta. Optimum hic inveni Nitrum Antimoniatum factum ex Sulphure Antimonii & Nitro alcalisato cum decocto Hordei, est blandum suppurans, aperiens & emolliens, præsertim si cum mellitis & saponaceis uniantur, & cum iis, quæ tussim faciunt. Opiata, id est, omnem motum sedantia sunt optima, præsertim ut sudor evitetur, nam post sudorem (pulmo plerumque raucus & constrictus, ut sputum transire nequeat) hinc audeo syrum Diacodii ad unciam unam & semis vel syrum Papaveris Rhaeados ad eandem quantitatem

gem & Opium ad granum unum, ut constrictio in pulmonibus tollatur. Decoctum florum Althææ, Verbasci, Papaveris Rhæados, Hyperici, Jujubarum, Uvarum passarnm &c. cum Melle, optima sunt ex quæ pectorantia, non vero calida calefacentia, quæ potius exsiccant plerunque pessimo cum successu adhibentur; *Hippocrates* addit Acetum ad levem tussim excitandam. Quies maxime est concilianda, aliter incassum laboratur, homo enim sanitissimus conturbatus sentit gravem pulmonem, quod fieri vidimus ex accumulatione sanguinis in pulmone, & non satis cito transitu, hinc animi perturbationes sunt cavendæ; hæc sunt, quæ ex solo *Hippocrate*, ejusque egregiis commentatoribus & Anatome sciuntur de Peripneumonia, hinc ejus causa lethalis cognoscitur, ex his dictis vidimus, quam varius sit hujus morbi decursus, uno tamen Peripneumoniæ titulo ubique & semper notus, quamque fallantur illi, qui huic semper nomini insistentes eum per totum detractum una eademque methodo, unis iisdemque remediis curare satagunt, cum viderimus ex singulo exitu singularem oriri indicationem curativam unamque alteri maxime repugnare, ut id, quod in principio proficuum, in fine noxium sit, & quod rursus principio proficit, medio noceat.

*Peripneumonia Notba.*

§. 860. De Peripneumonia pauci scripserunt, à solo *Sydenhamo* fere distinete cognita est, ab aliis titulo catarrhi explicata habetur. A fri-

gore seu Hyberno tempore corpus humanum & pinguedine & pituita eit oppressum, tempore Aestivo & Verno calor accedit, tunc oritur subito humorum solutio, quæ miscetur venis & ad cor dextrum pulmonesque defertur, hinc pulmo obruitur non inflammatorio, sed frigido pituitoso sanguine, hinc Peripneumonia semper oritur post magnum frigus Vernali tempore.

Calor resolvit pinguedinem, quæ dein sanguini affusa & ruens in pulmonem sistitur in arteriæ pulmonalis ramulis, hinc nascitur illa causa Peripneumoniæ ex humoribus aggestis per Hyemem intra corpūs & deinde in sanguinem affusis.

Infarciente. Ut non animadvertisatur, nam homines paululum anhelare incipiunt.

In peccatum. Quod solus Sydenhamus animadvertisit, quem si non legisset, nescivisset, unde hic mors oriretur, quo plurima hominum pars laborat, pituita oritur circa membranam cellulofasam & alibi, ibi accumulatur, & hærens producit torporem, pigritiam, ægri sentiunt se torpidiores solito, tum oritur stimulus, oppressio ad pectus, lenta tussis, vel anhelitus ad minimum.

§. 861. Illa pituita augetur & in corpore & præsertim in pulmone retinetur, quia obstructionis vitia ubique jam nata sunt, unde peior oritur morbus; hinc si addatur consideratio Peripneumoniæ lentæ malum est curatu difficillimum, quibusdam sanguis adhuc lente circulatur, sed si icausa paulo magis movens vel pulmonem constringens accedat, fit Peripneumonia solum ab infarctu, hinc à præcedentib[us] est distinguenda.

§. 862.

§. 862. *Nocet.* Nam pituita venit à sanguine debilitato, statim cognoscitur, si ab educto paucō sanguine malum augeatur, nam omnis cibus, omnis chylus & potus, quo homo utitur, est sanguine specificē levior, sed Phthisicorum est ponderosior aqua, lacte & proprio chylo, hinc in omnibus morbis, ubi morbus ex sanguine compacto originem dicit, venæ sectio minuit causam impingentem, & auget causam, quæ sanguinem rarefacit, ergo nocet in hoc casu; hinc si subducatur sanguis ruber, coctio illius materiæ pituitosæ impeditur, vide *Sydennum.* Materia pituitosa seu pinguedinosa mucosa viscera debilitat.

§. 863 Omnes homines tali Peripneumonia Notha laborare incipientes dicunt se refrigeratos esse, & ad spiritum Vini cum Saccharo, ad Vinum Hispanicum &c. refugiant, sed punto hunc morbum à perversa medicina sæpe lethalem fieri potius tincturis, spiritibus stillatiis, quam per ipsum morbum, nam sanguis est talis, ut vix per vasa pulmonum ire possit, vires adeo sunt fractæ, ut se vix movere possint, sed si viæ non expeditæ & humores non meabiles sint, tum fit ex Peripneumonia Notha Peripneumonia Vera. Hinc si dentur Theriaca Andromachi, Diatesteron, Diascordium, Spiritus Vitæ Mathioli, Spiritus Salis Ammoniaci, Volatilis oleosi & limilia fortia medicamenta, tum sanguis propeliunt ad cor & pulmones, & moles augetur in vasa obstructa, hinc arteriæ tumefactæ venas compriment, & ægri moriuntur, in eorum cadavere aperto inventus est sanguis intra cor dextrum & fines arteriæ pulmonalis hærens; nullus est morbus, unde plures moriuntur ægri.

G 6

§. 864.

§. 864. Si senex aliusve pituitosus multum currat, aut valide clamet, & cantet, incidit in hunc morbum, aut post ebrietatem, aut à vino caustico Saccharato, quod Septentrionales putant bonum esse remedium in febre Peripneumonica; hinc sæpe adhibentur in iis, quibus lento est sanguine, sed inde plerumque moriuntur juxta *Sydenhamum*. Commessatio sæpe in causa est, nam in conviviis semper apponuntur cibi difficilis coctionis (nam levia ibi vix applausum habent) ut Lepores, Phasani, Cuniculi cum butyro assati, jura carnium mera- cissima, his vinum admisceri solet, tum comeditur lagena ex ovis & farinosis non fermentatis, unde sæpe hæc Peripneumonia ori- tur; pituitosis ad hanc Peripneumoniam dispo- sitis nil periculosius est, quam si ex camera hy- pocastri calefacta in aërem frigidum veniunt, tum vasis obstruetis & pituita accumulata ad nares coryzam, gravedinem vel ad pulmonis bronchia vel ad pulmones inferiores Peripneu- moniam Notham accipiunt

§. 865. *Nec opinantes.* Hic homo se pingui- oreum & ad motum minus aptum dicit.

Caloris. Nam materia inflammatoria ibi non est, sed tandem faburra interna pulmo suffo- catur, & hinc in hoc morbo concipiendum est, quod lentissimum malum influit & sensim ob- repit, tandem obruit; mortemque inducit in- pinatam.

Febris. Nam non est inflammatio nec acrimo- nia, sed tantum pulmonum oppletio non à ma- teria labente, sed extendente & capacitatem va- forum minuente & gravante.

Mors. De quo nil certi credebatur, nam nec in urina erat signum mutatorum humorum,

nac

nec in pulsu erat præsagium, nullus est morbus, ubi Medici, qui non periti sunt, magis falluntur, credunt enim ibi subesse aliquid maligni, cum tantum sit pulmonum oneratio, quo enim pulmo est levior & rarius, eo celerius sanguis per pulmones ibit quo pulmo plus accipit in arteriis & minus dimitit in venas, eo gravior est, sed quo vasa sanguinea graviora & magis impleta, eo magis vasorum vasa aërea depleta sunt, hinc inspiratio prohibetur.

§ 866. Curatur hic morbus sequenti methodo.

1. Dixi paulo ante venæ sectionem nocere, nec diffiteor, sed tantum una vice est instituenda, ut humores minus urgeantur, & ut pulmonum infarctio minori pressione tempore ipsius pulmonis resolvi possit, dixi enim, quod tempus, tempus, & quies saepe resolvant id, quod coagulari inceperat, sed non tanta venæ secatio est instituenda, ut in inflammatoria diathesi, sed tantum ad vitam protrahendam, licet morbi causa augeatur.

2. Clysmata sunt optima, ut intestina fiant laxissima & avertant molem sanguinis arteriosi & venosi à pulmone in se, scopus ibi tantum esse debet, ut nimis subita pulmonis infarctio præoccupetur; hinc clysmata eluentia ibi adfiant optima sed non purgantia, unde fiunt balnea perpetuo laxantia & dilueutia, hæc tamdiu repetantur, donec signa adsint pulmones levari, nempe si æger plus aëris quam ante capiat, si pulsus durus & major, si hæc duo signa adsint pulmo fit melior.

2. Hic non utimur mere inspissantibus, inertibus frigefacientibus mucosis sed jure carnium

cum levi acido, adhibetur potus tenuis ex aqua & melle, quia hic saepe optime diluit. Mel magna aquæ copia dilutum pituitam optime fundit.

4. Solum decoctum Dulcamarae seu Solani scandentis hic est primarium, nam constat tam subtilibus partibus, quales fere in ullo alio vegetabili, non adeo acribus, quam quidem resolventibus, tum decoctum Santalorum trium, Sassafras, radicum Graminis maxime Canini repentis longius radicati, Fæniculi, Polypodii, Petroselini, Eryngii, Asparagi, Iresos Florentinæ, Imperatoriæ, Rusci, Consolidæ majoris, Chinæ, herbarum Althææ, Parietariæ, Pulmonaræ, Capillorum Veneris, Malæ, Tussilaginis, Cynoglossæ, Agrimonæ, Scabiosæ, Hyssopi, Verbasci, florum Melioti, Althææ, Sambuci, Hyperici, Chamæmelini, Papaveris Rhæados; seminis Lini, Papaveris, albi, Fænugræci, Bardanæ, Fæniculi, Petroselini; fructus omnes fere horæi maturi, Amygdalæ Dulces, Baccæ Juniperi, Mel, Mel Rosarum, Manna, syrpus Papaveris Rhaeados, Althææ Fernelii, Violarum, Diacodii; Capillorum Veneris; oleum Olivarum, Amygdalarum Dulcium; aquæ Hyssopi, Cardui Benedicti, Fæniculi; hæc omnia sunt optima; nam in his sunt tenues volatiles, moventes non acres partes, fortia non adeo commendare audeo, sed hæc lenia tutissima sunt; sumum & lenissimum aperiens est syrpus quinque Radicum aperientium, balnea nunquam plusquam hic convenientia; & plerumque sumum curationis faciunt.

Vesicantia. Ad phlegmatis phlegmonodes dissolutionem vobis commendare non potui epispastica, quæ sanguinem dividendo agunt, licet,

licet ille mos in Gallia & Britannia obtinuerit, non enim vidi successum, quem hi viri jactabant, sed in illa Peripneumonia, ubi humores sunt inertes, & non in putrefactionem tendunt, sed in gluten amylaceum iners, & ubi vasa sunt laxa, ibi vesicantia mirifice juvant, in tali Apoplexia, in tali Paraplegia, in tali Hemiplegia, in tali Paralyse, in omnibus morbis soporosis, & lethargicis convenient; hæc vesicantia non sunt adhibenda, nisi præmissa venæ sectione & dilutione, ergo adhibenda sunt, quando sanguis fluere incipit. Vesicantia larga esse debent, quæ fere palmam manus quadratæ occupant, hæc interius applicantur ad femora supra genu; non dubito, quin multi vestrum sint cogitatur, quomodo methodus refrigerans & laxans in omni morbo formatur, ubi nescitur, quid sit causa refrigerii & laxitatis? causa remota hic non consideratur, sed proxima, à qua mors oritur, si ergo hic attenuantia & roborantia adhibeantur, æger morietur, si per evacuacionem, tum vires deficerent; hæc est sola methodus gravedines, coryzas, refrigeria, catarrhos & tusses &c. curandi, quando tussis infestat, dato Saccharo & Glycyrrhiza &c. comode tolluntur, sed gravedo quatenus vasa infarcit, non alia methodo tollitur.

§. 867. Quædam interrogata ab Hippocrate circa hæc pleraque proposita enodantur.

- *Cur pueris?* Quia hic sanguis est tam rarus & tantum ab inflammatoria diathesi distat, ut metus non sit.

- *Rarior?* Quia magna laxitas est in vasis, & minor inflammatoria diathesis in liquidis, nam inflamatio maxime oritur à strictis vasis & sanguine compacto, ut materia suscepta hic trans-

fit

sit ob laxitatem, & vires in solidis minores sunt non adeo sanguinem compingentes.

Laxa &c. Dicit *Hippocrates*, quod illi, qui acidum eruunt, raro Pleuritici, raro Pneumonici fiant, hi enim habent debiles fibras & minus compactum sanguinem.

Sanetur. Omnes concretiones sanguinis facillime resolvuntur, si illæ inflammatoriæ non coriaceæ, sanguis pituitosus, mucosus, phlegmaticus aqua dissolvitur, sed sanguis ex brachio Pleuritici exceptus coriaceus factus non resolvitur, sed ita manet, at quia pueris ac mulieribus coriacea indoles non est, hinc facile resolvitur, si modo paululum materia mitificetur.

Contra robustis &c? Musculosi multum viuum habent, hoc oritur à sanguine compacto viscido & vasis rigidis constrictis; omnibus exercitatis cursoribus, rusticis sanguis est compactus, concretus diathesi inflammatoria, viscidus, vasa strictissima, vix dilatanda, hinc illi Vera Peripneumonia laborent, non est magna spes humores transmittendi, nam vasa non transmittunt, nec humores bene resolvuntur.

Peripneumonia. Dubitavi, an ullus homo moriatur, nisi per Peripneumoniam, nam omnes moribundi hoc morbo laborant, unde moritur æger febre Ardente laborans? quando ita anhelat, ut animam ducere non possit, peretus miserrime moveatur & sic suffocetur, hinc vix à morbo interno moritur æger, nisi à Peripneumonia, si pulmonum vasa adhuc transseat, per reliqua etiam transbit, hiuc Peripneumonia est omnium lethalium morborum, ultima tragœdia, hoc patet ex ultima morientis

actio

actione, quæ anhelatio, motus scapularum & clavicularum elevato, abdomine sursum presso; hic morbus per $\frac{1}{4}$ horæ ante mortem fere semper oritur; tum sanguis à corde dextro expulsus per pulmonis angustias transire nequit. Istos morbos chronicos, ubi evacuatio, id est, spirituum defectus adest, excipio in omnibus agoniis.



Pleuritis.

§. 863. Pleuritis vox, uti multa ex schola Medicorum nominā, à Græcis originem ducens derivatur à πλευρή Latinis *latus*, vel à voce πλευρα, quæ veteribus dicebatur membrana, quæ costas intus succingit; (quo nomine hodie adhuc ab Anatomicis indigitatur) quoniam hæc membrana pleura totum thoracem intus circumvestit, & patiens Pleuriticum dolorem plerumque in latere sentire solet, sicque à corporis parte, qua magis patitur, hic morbus nomen sumpfit; *Telum* etiam apud quosdam vocatur, quia teli instar membranam pungit. *Latinissimus Celsus* non dixit morbum Pleuriticum, sed morbum lateralem, hinc quando dicitur Pleuritis, non est credibile esse inflammationem pleuræ, sed inflammationem laterum; error enim natus est ex eo, quod in elementis Anatomicis pleura pro tunica accipiatur; definitur vulgo hic morbus a Medicis, quod sit inflammatione membranæ costas intus succingentis; verum cum hæc definitio non perpetuo constans observatur in legitima Pleuritide, igitur

tur melius erit signa & phænomena (quæ hunc morbum indicant & ejus essentiam circumscribunt) considerare & per hæcce quasi morbum definire; cognoscitur itaque facile si adsit febris Acuta, aliter non est Pleuritis, sed etiam non est, si adsit dolor lateris sine febre prædente, nam in sæminarum morbis & in Phthifis brevi morituris oriuntur dolores, qui non ab inflammatione, sed à stricturna vel dilatatione fiunt, ergo febris semper adest, antequam Pleuritis fiat: nam hæc febris sic latere potest, licet non appareat, æger enim tam ac iter dolet, ut occidi potius quam dolorem ferre peccat, tum totum pectus tenet immotum, & in pulmonum angustiis sanguinem intercipit, unde æger Peripneumonicus moritur; hinc multi Medici putant, in sævissima Pleuritide non esse Pleuritidem, sed si sanguis mittatur, ut plus respirare possint, tum pulsus accuratissimus deprehendetur, febre Acuta distinguitur ab omni alio morbo inflammatorio pleuram occupante ut & spasmodica passio, podagra &c. in definitione porro occurrit, quod sit *dolor lateris punctorius*, qui aliquando utrumque latus afficit, & oritur à sanguine membranam pleuram musculosque intercostales acrimonia sua vellicante, distendente, disrumpente in parte valde sensibili, minorque dolor iste observatur in exspiratione & animæ retentione quam in inspiratione, & major vel minor existit prout major vel minor aëris copia una vice admittitur, membrana sensu exquisitissima prædicta magis vel minus extenditur. &c. ac dolorifica sensatione afficitur; hinc ille dolor est tam magnus, quasi aciculis pectus interne pertunderetur, imprimis si ægri animam ducant & thoracem di-

dilatent, hinc patet maxime hærere in musculis intercostalibus, qui tum contracti costas in se mutuo trahunt, sed pleura non distrahitur, si animam retineant ægri, levantur, sed si respiratio fiat ope abdominis, minuitur dolor, sed ope thoracis augetur; adest summa respirandi difficultas, quæ ordinario celer, frequens & parva observatur; illa difficultas originem ducit à pleura ob inflammationem cedere nesciente, unde pulmones libere extendi nequeunt, nec sufficiens aëris quantitas adiitti, unde continuo hanc membranam inflamatam ferunt; oritur quoque, quia omnes musculi inflammationi inservientes debite officio suo fungi non possunt. Pulsus adest durus propter nimiam crispaturam partium membranosarum, non tantum durus, sed etiam fortis & celer ob febris præsentiam, observavit tamen sæpius *Baglius* in Pleuride pulsus intermittentem & quidem sine periculo, non obstante tamen hoc pulsū bis, terve venæ sectionem celebrari impetravit. Tussis plerumque perpetuo adest, quæ tamen in omni Pleuride non observatur, nempe levior existit morbus, ea autem oritur, quia pulmones munere suo libere fungi nequeunt propter membranæ inflammationem, sicque irritantur; mirum est, quod Clarissimi Viri dicant, tussim ad Pleuritidem non requiri sed in Pleuride Peripneumoniam, si non adsit tussis, fieri, sed si adsit, tum fit concussus, hinc unico iectu in Peripneumoniam incident ægri, sed in Pleuride tussis est fere perpetua, ab initio sicca, quæ mox humida evadit, ac ex loco affecto spuma flavedine tincta postea sæpiissime sanguine colorata, dein matura inflammatione purulenta observantur.

§. 869.

§. 869. *Duplex est Pleuritis humida & sicca,*
humida facile curatnr; sicca fere mortem mi-
natur, hinc hæ duæ sunt distinguendæ; humili-
da habet sputa symptomatica ex pulmone nem-
pe motu valido, à loco inflammato educuntur
sputa crassa, viscida crocea cum strigmentis
sanguineis; sicca est, ubi hæc absunt, si scili-
cet sputum tenui, tunc est Pleuritis sicca, nam
non ex pulmone, sed ex faucibus excreatur,
quod signum est materiam inflammatoriam non
expectorari.

§. 870. Veteres nos docuerunt Pleuritides
 esse duplices, primo exquisitam, quam dicebant
 habere sedem in pleura, sed vox πλευρὴ significat latus, hinc crediderunt veteres Pleuritidem
 sedem habere in pleura, cum tamen *Celsus* vo-
 caverit Pleuritidem dolorem laterum; Pleuritidem
 laterum vocabant, quando non erat inflammatio in pleura; verum jam hæc aliter est
 distinguenda, nempe in eo tantum, quod Pleuritis
 Vera hæreat versus interiora, ita ut, si sup-
 puratio fit, cedat pus in thoracem, Pleuritis
 vero Notba fit, quando inflammatio fit supra
 costas non infra & per apostema exterius libe-
 rari potest. Nec credo fere unquam, quod Vera
 Pleuritis sit in membrana pleuræ, quia tantus
 fit dolor in respiratione, quod denotat inflam-
 mationem esse in musculis intercostalibus; er-
 go liquet, quod arteriarum intercostalium ad
 musculos intercostales videntium inflammatio
 sit vera Pleuritidis causa, Pleuritis etiam ubi-
 que fieri potest, quo tendunt arteriæ, illæ imo
 & intra sternum, ubi pus quandoque colli-
 gitur post Pleuritidem ibi loci & intra media-
 stinum atque pericardium, vide *Aurelium Se-
 verinum*, verbo dixerim, Pleuritis fieri potest
 in

In omnibus thoracis partibus usque ad scapulas, & quandoque sumitur pro Nephritide, tum falluntur Medici; hinc præter diaphragma, ubique mutat nomen, & omnia hæc loca sunt subjecta Pleuritidi, ergo suspectum habere debemus morbum, statim atque febris Acuta est sequitur dolor maximus punctorius circa hasce partes præsertim in inspiratione. Ergo Pleuritis ubique esse potest, sed acutissima sub scapula; potest esse tam ad anteriora, quam ad posteriora & latera, non semper in sinistro tantum hæret latere, sed tamen plerumque, quia arteriæ intercostales ibi minutissimæ fieri incipiunt: Aretæus Statuit ex apertis cadaveribus Pleuritide denatis, non modo semper pleuram inflammari, sive in latere sinistro, sive in dextro sive etiam diversis aliis in locis; uti in anteriori & posteriori parte thoracis, sed imprimis intercostales musculos hoc malo corripi; quoniam Medici hujus mali sedem tam variam invenerunt, in cadaveribus eorum, qui Pleuriti de fuerunt extincti, non mirum est, quod tam discrepantes, & tam variæ apud Medicos circa hujus morbi sedem & originem foveantur sententiæ. Nonnulli enim, ut *Diemberbroekius*, *Platerus*, aliqui testantur se vidisse in quibusdam Pleuritide extinctis, pleuram solam affectam & syderatam, integro pulmone. Alii è contra dicunt, ubi pulmonem affectum viderunt, illæsa & penitus intacta pleura, inter quos *Riverius* &c. alii iterum, uti *Riolanus* & alii, pleuram una cum pulmone affectam vidisse asserunt; hocque malo laborantes vocaverunt Pleuripneumonicos. Præterea *Willius* dicit se vidisse, quod musculi intercostales hoc malo obsecsti fuerint; putat quoque idem ille

ille Auctor, Pleuritidem & Peripneumoniam esse affectus modo singulares & separatos, modo connatos & primitus coëxistentes, modo sibi invicem succedentes. Plura si quis exoptet circa varias Auctorum sententias de hoc morbo & ejus sede videat *egregium Bonetum in Anatomia Practica*, ubi plurimæ observationes diversorum fide dignorum Auctorum allegantur & describuntur, quinam vero locus prius afficiatur Pleuritide, antequam transeat in Peripneumoniam, operæ pretium erit paucis pendere. Quod ad me attinet, in ea sum sententia, hunc morbum raro oriri ab inflammatione pleuræ, sed potius à museulorum intercostalium inflammatione; quod admodum probabile esse, & omnium maxime ratione consentire videtur; nam evidentissime liquet, ægrum majorem dolorem percipere in inspiratione, dum musculi intercostales agunt, & costæ proprius ad se invicem adducuntur; in expectoratione vero, dum costæ iterum à se invicem fecidunt, & membrana pleura magis extenditur, æger minus dolet; porro quod clari Auctores in modo laudato *Boneti Sepulchreto Anatomico* testantur se plerumque vidisse pulmones affectos illæsa pleura, id quoque militat pronostra sententia, etenim illud clare demonstrat, Pleuritidem prius hæfisse in locis intercostalibus, nam dum inflamatio hæret in interstitiis costarum, tunc æger in inspiratione tantum fere doloris patitur, quantum Podagricus, qui pedem Podagrice inflammatum vult movere; ut igitur aliquantulum levaminis percipiat æger, inhibet respirationem, quantum potest, sic sanguinea massa (partim incremente febre) alteriorem diathesin ab inflammatione in

inducit, partim ab animæ retentione, præ enormi dolore, non propellitur sanguis, uti antea per pulmones: exinde à nimia mole sanguinis in pulmone aggesto, vesiculæ pulmonales, uti & vasa per interstititia harum vesicula-rum decurrentia comprimuntur; hinc nobilis illa, & ad vitam valde necessaria respirationis actio aboletur, & illi homines prius extinguntur à pulmonum suffocatione quam satis temporis habent, ut inflammatio ad Pleuram perveniat, ex hisce merito concludere licet hujusmodi focum præexistisse in intercostalibus musculis, antequam pergeret ad alias thoracis partes; & porro non est dubitandum hunc morbum fuisse Pleuritidem, cum statim allegati auctores omnia symptomata & signa, quæ Pleuritidem vulgo concomitantur, accurate in his de Pleurite observationibus describant; sed cur nullam mentionem faciunt de musculorum intercostalium inflammatione? hoc inde oriri opinor; quod hi viri suam doctrinam firmarent & stabilirent & contra alios Medicos, qui raro pulmonem, sed pleuram plerumque affici docebant; hinc suæ sententiæ acquiescentes forsitan in hujus mali originem non ulterius inquisiverunt.

§. 871. Musculi in his casibus semper labrare videntur, hinc in cadaveribus Pleurite extintis raro pleura inflammata invenitur, sed musculi intercostales; in hoc morbo æger habet acutissimum dolorem dum inspirat, sed dum expirat, pleura minus tenditur, quam dum expirat, si ergo in pleura esset, tum dolor deberet esse maximus, quando nimis trahitur, hoc vero non fit in inspiratione, sed omnis pars inflamata, si moveatur, dolet usque

que ad mortem; ex his duobus argumentis patet rem esse veram, vide *Eustachium in Tractatu de vena azugos*, ubi dicit se vidisse, quod arteriae intercostales essent in pleuram distributae in periosteum costarum; in musculos intercostales, in pinguedinem thoraci incumbentem, & ex pinguedine in cutim, hinc est Pleuritis Vera, quae haeret in musculis intercostalibus internis & externis vel in membrana pleura costarum periosteo; Spuria si partes intercostalibus musculis superiores (quae scilicet decumbunt convexae parti costarum) sunt correptae.

§. 872. Hic morbus plerumque invadit adultos, vix infantes aut sene laute viventes, exercitatos eos, qui acidum spirant aut eructant, raro notante *Hippocrate in Aphorismis*, quia habent vasa debilia & sanguinem tenuem, hinc non tam obnoxii sunt Pleuritidi; quod notamus contra *Helmontium*, qui Pleuritidem à nimio acido sanguine permisso originem ducere vult, sed raro infantes Pleuritide afficiuntur, & quando hoc evenit, vix cognosci potest, nisi attendamus ad signa Diagnostica, quae sunt primo Epidemia causae prægressæ, secundo, quando videmus puerum vix respirare posse maxime pectus contrahere & febre Acuta laborare; hic morbus frequens est iis, qui habent diathesin inflammatoriam succedente æstu post magnum frigus.

Verno tempore. In acerrimo gelu totum corpus est contractum, & compacti sunt humores, si nunc corpus dispositum sit ad inflammationem, & vasa relaxentur, tum oritur error loci, non puto tamen inflammationem semper oriri ex errore loci, hoc enim docet suppuration, quae subsequitur. Tempore Hyberno homines coguntur se multum movere ad frigus evitandum

dum, & tunc aliquando accipiunt intra pulmonem
ærem tam frigidum, ut statim oriatur Pleuritis.

Idiopathica. Pleuritis sævissima oritur, quando
v.g. aliquis in acerrimo gelu ambulans caleficit,
& illico friget, sed hæc non est Epidemica, ve-
rum Epidemica est, ubi à prava aëris constitu-
tione, tanquam à causa communi, in multos si-
mul debacchatur, vide *Sydenhamum*; denique
periodica Pleuritis observata fuit, uti *Verzacka*
in Observationibus Medicinalibus testatur se vidisse
in sacerdote quodam 30. annorum, qui singulis
annis Verno tempore in Pleuritidem incidebat,
à quo quinques liberabatur, tandem cum sexta
vice idem morbus rediret æger è medio subla-
tus est. Præterea est levis sive benigna, si gra-
dus inflammationis non est magnus, nec sympto-
mata magna velocitate & periculo decurrunt;
hinc salutari naturæ actione resolvitur; vel me-
diante majori agitatione seu certamine naturæ
cum morbo, suppuratur locus inflammatus, &
larga excretione materiæ morbosæ per alvum,
urinarias vias, vel per alia huic evacuationi di-
cata loca expurgatur, & æger liberatur à mor-
bo; vel est periculofissima & ægris plerumque
exitialis, ubi febris, dolor lateris &c. summa
cum vehementia increscent, ita ut symptomata
natura potentiora observentur; unde respiratio-
nis utilissima actio (per quam sanguinis trajectus
per pulmones promoveri debet) impeditur: &
hinc pulmo crasso & inflammatorio sanguine
opprimitur, ac brevi suffocatur æger, vel à
validiori motu sanguinis & attritu strangulatur,
ita ut omnis sentiendi facultas extinguitur, &
patiens gangræna pereat.

§. 873. Pleuritis Symptomatica est, si ex mor-
bo prægresso, materies critica vel sanguis ex fe-
bre

Tom. IV.

H

bre

bre Ardente valde æstuans, transeat ad loca intercostalia, qui sanguis vel materies ibidem stagnans inflammationem producit. Pleuritis Idiopathica certa methodo tollitur, sed Symptomatica requirit aliam methodum, porro est Pleuritis complicata, quando alii morbi concomitantur.

Q. 874. Proxima causa Pleuritidis est inflammatio locorum intercostalium, vel pleuræ &c. quæ hasce partes obsidens vehementia illa symptomata producit: causæ igitur, quæ hanc inflammationem producunt, sunt plurimæ; sed hos iterum commode in duas classes distribuamus, uti in internas, quas tres; & externas, quas multiplices & varias statuimus. Prima causa interna est, cum sanguis peccat quantitate scilicet ratione plethoraæ, quia tunc vasa ultra modum ita distenduntur, ut vim suam elasticam & contractilem penitus amittant; si vero vasa se restituere nequeant, tum facile fit obstrucțio; hinc illi homines propter suam plethoramicam diathesin admodum proclives sunt ad morbos Acutos. Secunda causa est, si sanguis peccat qualitate, nempe si certam & requisitam fluiditatem & consistentiam non habet, ut per vasa sanguinea minima transire nequeat, hoc est, si nimis crassus & latus sit, vel cacoehymica quadam & inflammatoria diathesi instructus; tertia sive ultima causa interna fit vitio vasorum, id est, si vasa à tumore vel à vi quadam externa ita comprimantur, crispentur, vel corrugentur, ut sanguinis globulus ruber per ejus capacitatem transfluere nequeat; vel si eorum robur & intentio nimia sit; tunc enim debitum inter fluida & solida æquilibrium mutatur; nam quo fortior est vis & contractilitas vasorum, eo magis coercetur, & compingitur sanguis, eoque pro-

pronior erit homo ad alcalescentiam seu diathesin inflammatoriam, è contra, quo vasorum & viscerum tonus & elater laxior est, eo minus Acutis morbis obnoxius erit, sed omnes illi potius in Chronicos morbos incidentur; hinc illi, qui semper alvum laxam habent rarissime Pleuritide vel Peripneumonia capiuntur, & illi, quibus primæ viæ acido scatent, idemque eructant teste Hippocrate in Aphorismis.

2. *Natura ægri.* Homo, qui semel Pleuritide laboravit, sæpius laborabit, habet enim pulmonem interno thoraci accretum, quod inde factum fuit, quia dum Pleuritis erat, perspirabile illud exhalans desit, cuius beneficio lubricabantur, ac in perpetuo tempore, & madore tenebantur convexitas pulmonum, & thoracis concavitas; si nunc ille tantum patiatur, ac alter homo hoc malum nunquam antea habens, facile patietur.

Non immerito inter causas externas recentur mutationes temporum anni, & in ipsis temporibus subitæ mutationes aut frigoris aut caloris. Sic Hyemali tempore, dum acerrimi & gelidissimi boreales venti nos adflant, sæpe incident homines in sævissimas Pleuritides; nam vasa sanguinea & his multo minora, uti serosa, lymphatica &c. ab acri frigore constringuntur & humores inspissantur; hinc sanguis & de- crescentium humorum motus per sua vasa intercipitur; quod eo citius contingit, dum homines à quocunque violentiori exercitio corporis, vel à quacunque alia causa valde astuentes, sese tali gelido aëri, denudato pectore exponunt; hunc morbum Hyemali tempore magis grassari, quam alio annitempore patet ex Hippocrate, ubi dicit, Hyeme vero Pleuritides,

Peripneumoniæ, Lethargi, Gravedines, Raucedines, Tusses, dolores pectorum & laterum & lumborum &c. sic quoque si Verno tempore post summum frigus subito obortus fuit ingens calor, tunc quoque observamus, homines facilime in morbos laterales incidere; quoniam à subitaneo calore sanguis noster (qui præ frigore quasi constrictus erat) plus justo expanditur & movetur, hinc facile transit in vasa secundi generis, & sic errorem loci producit; cum in vasis alienis stagnat, ab insequenti sanguine a tergo magis impingitur & infarcitur, unde ista vasa, partim à subito oborto calore flaccidiora reddit, partim à sanguine effluente plus justo dilatata suam vim contractilem penitus amittunt; interim à continuo appulsu & sanguinis attritu disparet liquidior & diluens pars & crassa & terrefris, tenax & magis oleosa pars ibidem relicta magis coit, & exficcatur, præterea pro natura & indole nostrorum humorum stagnantium à blanda & balsamica sua natura degenerat & acrimoniam quandam concipit; hinc gemino malo fibras vasorum irritando majorem motum producit, & destruit tenerrima, quibus confiamur, stamina. Est & frequentissima hujus morbi causa, si quis maxime æstuans à labore, itinere, exercitiis &c. ita ut toto corpore fere diffuat sudore subito magna in copia ingerat potum frigidum, tunc enim vasa intercoitalia (quæ ad æsophagum directe sita sunt) sese statim constringunt, & humores coagulantur, vidi optimos equos intra unam horam periisse & Nobilem juvenem intra duas horas potatis gelidis; hoc norunt illi, qui equos alunt, quando haec animalia incaluerunt, tegunt stragulis,

lis, donec sensim frigescant, dant potandum, sed aquam calidam, sed quando frigori expnuntur, paulo post Pleuritie fiunt; quando homo se valde movet & maxime calet, tunc sanguis ex majoribus vasis it in minora, & ut dicit *Erasistratus* in *ασθέται τη πνευμάτων*, ergo tunc si aér vel potus frigidus subito applicetur vasis intercostalibus, illa se constringunt, & oritur Pleuritis, nam sanguis intercostalis est fervidissimus, si vero pulmo aërem frigidissimum recipiens refrigeretur, tum ejus vasa se illico constringent. Hoc fieri posse evidentissime liquet; nam omnes novimus, si dum Hyemali tempore à magno & diu protracto corporis exercitio vehementer incaluimus. & brachium, præ sudore madens, denudamus; simulac frigus accedit, undique asperis & prominulis tuberculis scabrum fieri ad instar anserinæ cutis. Si illud in brachio observetur, quid obstat? ut intus eodem modo non procederet, ubi arteriæ ad intercostalia loca decurrentes nudæ fere jacent; hæc revera est hujus morbi frequentissima causa in iis, qui se multum exercent, aut iis, qui æstate, æstuante cælo, longa itinera pedibus absolvunt; sed omnium maxime in operariis, bajulis, rusticis & in omnibus illis hominibus, qui gravi & duro labore victum sibi querunt; hinc si æstuante corpore pro refrigerio & levamine sitis, frigidum potumingerunt (quo fere nil pejus corpori humano accidere potest) tunc statim ab assumpto tali potu maxime horrescant, & diro hoc morbo corripiuntur; quam pessimum hoc sit, monet optime *Egregius Celsus*, ubi dicit illud nosse oportet, quod ex labore sudanti frigida potio perniciosa; uti etiam itinere fatigatis inu-

lis. Inter causas remotas referri quoque potest, damnabilis ille mos Magnatum & laute viventium, qui ut luxui & voluptatibus suis magis indulgeant, aquam prius coquere jubent, ut postea infusa glacie vel Nitro magis frigesceret; tum potum lagenis inclusum huic aquæ immittunt; quam (postquam frigidus & fere glacialis est redditus) æstivo tempore æstuante cælo, avidissime ingurgitant. Quæ pessima consuetudo in causa est, ut tot homines, quibus nimia vitæ luxuries abundat, in flore & vi ore vitæ periclitentur, aut drepente extinguantur; vel si adhuc evadant, postea miseriam vitam trahant; hinc potum frigidum (corpore calido) assumere absolute damnamendum, præsertim si copiosis spiritibus non abundet. Periculosem itaque est, ut *Hippocrates* monet, plurimum atque repente evacuate, vel replere vel calefacere, vel refrigerare, vel alio quovis modo corpus movere; omne enim nimium naturæ inimicum, sed quod paulatim, tuto fit &c. ad hunc morbum producendum plurimum quoque valet natatio in aqua frigida post violentum corporis motum; quia ab ingenti calore pinguedo in folliculis adiposis (quam provida natura eo destinavit, ut sanguis ab acrimonia & exsiccatione arceatur) liquefit, & sanguini admiscetur, & simulac modo frigus accedit, ilico perspiratio insensibilis impeditur, vasa constringuntur & humores coagulantur, & inspissantur; hinc illi ad instar marmoreæ statuæ rigescunt, & in summo vitæ discrimine & periculo versantur. Ideo optime monet præclarus *Sanctorius in Medicina Statica* natationem in aqua frigida post violentum exercitium esse quidem jucundissimam,

mam, sed mortiferam, nam motibus oppositi nil pejus & perniciosius est.

3. *Metaptoesis*. Si nempe diathesis sanguinis inepta sit ad transfluendum, tunc liquefatio illius materiæ oritur, tunc in alia loca deferratur, ut in arterias intercostales, creat Pleuritidem.

§. 875. Concludo, quod hæc antecedens historia, decursus insequens & dilectio cadaverum doceant Pleuritidem esse inflammationem sanguineam in vasis muscularum intercostalium vel pleuræ, vel alia loca vicina occupare, si enim sit in periosteo costarum, oritur & ibi Pleuritis, hic vero morbus raro hæret in pleura, sed semper in arteriis intercostalibus, quando in ipsis muscularis intercostalibus est inflammatio, tum tantum patitur dolorem, quantum Podagricus, si pedem elevet, sic loquor de vera Pleuritide, nam Pleuritis, quæ sit in homine æstuantissimo, dum se flatui exponit, sit sine febre, sed ille flatus facit frigus, nunquam vidii Pleuritidem, ubi non præcesserit febricula; hæc omnia ex Hippocrate & observationibus, quas ante viginti annes observavi, conscripsi.

§. 876. Primo æger jam prolapsus habet appetitum ingentem, nempe si ægri hora quarta pomeridiana essent laboraturi Pleuritide, hora prima, secunda & tertia summopere esuriebant; dein plerumque hie morbus invadit cum frigore & horrore, quasi ægri aqua glaciahi perfunderentur, postea increscit cum calore, pulsu duro, siti, anxietate, aliisque symptomatibus febrilibus; paulo post æger dolore acerrimo in alterutro latere (sed imprimis in sinistro) circa costas corripitur, & propter partium consensum, dolor ille nunc versus ante-

riora thoracis, nunc ad brachium adscendit & propagatur. Interim notandum febrim hunc dolorem plerumque præcedere; cuius rei causam hanc esse opinor: quoniam materies, quæ vasa occupat & obstruit, non admodum adhuc impacta & infarcta est, nec impetus sanguinis ita magnus, ut dolor notabilis excitari possit; at postea febre increscente fit major impetus & appulsus sanguinis in loca obstruta, quæ cum sanguinem transmittere nequeunt, magis impletur, & distenduntur, & dum jam fibræ vasorum ad illum elongationis terminum sunt perductæ, ut rupturæ sint proximæ, facile intelligitur (quoniam ille fibræ nervosæ statutus est proxima doloris causa) ægrum tunc temporis (postquam febris ita invaluit) dolorem acutissimum debere sentire; præterea cum dolor in inspiratione maximus existit, tum inspirationis actio non leve detrimentum patitur, nam ex Anatome constat, costas in inspiracione sursum & extrosum elevari & musculos intercostales (per quos vasa inflammata & ulteriori intentioni inepta decurrunt) intendi, & quia dolor, dum thorax explicatur, magis increscit; ideo æger, ut evitet dolorem hunc intolerabilem, inhibet thoracis motum, & quantum fieri potest conatur respirationem ope abdominis peragere; interim sauguis (ob dengatam pulmonis expansionem) ex dextro cordis ventriculo pulsus perPELLi nequit per vasa pulmonalia, hinc impletur & aggravatur pulmo, & à nimia mole sanguinis ibidem accumulata premuntur vesiculæ aëreæ, eoque momento, quo æger aërem haurit, intus omnia concutiuntur, irritantur & vellicantur, unde tussis provenit, & quia dum tussit æger, æque

æque dilatatur thorax & musculi intercostales agunt, ac in respiratione, hinc non audet ita ducere aërem propter dolorem, sed suffocat, & inhibet quoque tussim, quantum potest. Interea quoque accidit, ut sputa per tussim rejiciantur; sed hoc in omni Pleuritide non obtinet, nec perpetuum est, nam sæpiissime videsmus ægros Pleuritide laborantes, qui nihil expuunt; hoc *Hippocrates* etiam suo tempore observavit, has Pleuritidis species vocavit aridas, vel siccas; quæ simplices & omnium exquisitissimæ vocari merentur; dein ubi morbus ad summum vigorem pervenit, adeat febris vehementissima, quæ a superveniente Peripneumonia suppressa est, & vix advertitur à Medico pulsum ægri explorante; nam dum pulmo ita obruitur & comprimitur à sanguinis mole, tunc pulsus (qui antea erat magnus & durus) mirifice vacillans & debilis observatur; hinc in statu morbi signa ex pulsu desumpta sæpe sunt fallacia, nam dicunt ægrum præ inopia sanguinis deficere; ubi tamen omnes suos humores & eandem sanguinis copiam habet in suo corpore, uti antea. Hæc est ratio, cur Medici imperiti, qui putant, nullam amplius adesse Pleuritidem nec febrim (ubi morbus vera in pessimo statu existit) quam maxime fallantur, si tum ægro ad virium refectionem (uti perperam prohibenti) propincent cardiaca sicut dicta medicamenta, quæ fibras ad motum maiorem incitant; unde sanguinis motus adaugetur; nam per consequens mortem accelerant, & statim Peripneumonia lethali vel gangrena perire debet, qui forsitan, si sibi relictus fuisset, sponte naturæ evasisset; qui errores gravissimi & sæpe lethales (quod dolendum) quo-

tidie in Praxi ab imperitis Medicis & Empyri-
eis committuntur, cum maximo saepe ægro-
rum periculo. Hisce præmissis evidentissime
patet, hanc veram esse Pleuritidem, quam
Medicus facile à falsa Pleuritide distinguere
potest, si modo hunc morbum ad hæc signa
explore, uti sunt febris assidua, dolor lateris
pungitivus & vehemens, difficultas respirandi,
pulsus durus, tussis frequens; præterea si at-
tendat ad doloris speciem, & ad ipsius initium,
continuationem & magnitudinem, tum vix
falli poterit; sic *Hippocrates* diversis in locis
distinguit dolorem lateris à Pleuritico dolore,
potro in Pleuritide spuria, symptomata mitio-
ra, & numero saepe minora esse solent. Nam
dolor lateris saepissime sine Acuta febre obser-
vatur, & hujus doloris sedes plerumque ad ex-
teriora percipitur; respiratio quoque non adeo
dolorifica, nec ita impedita existit, nec tussis
ita molesta, insuper Pleuritis spuria aliam
quoque materiem & causam agnoscit, quo
plane priori contraria videtur, ut sunt recre-
menta capitis, destillationes salium scorbuti-
corum & irritantium, fatus &c. hinc quoque
longe aliam curam à vera Pleuritide diversam,
exponcit, nam observamus, quod calida, su-
dorifera, discutientia & cathartica medicamen-
ta conducant, è contra in vera Pleuritide
(quæ ab effetu vero inflammatorio oritur) si
talia adhiberentur remedia, exasperaretur ma-
lum, quandoque tamen accidere potest ut ex-
mendaci Pleuritide vera generetur, si sponte non
evanescat, nec tempestive ei succurratur, me-
dicamentis, catarrhosis destillationibus contra-
riis: tunc enim eodem modo uti vera Pleuritis
eportet tractari. Pleuritis differt à Peripneu-
mo-

monia, in qua tantummodo pulmo afficitur, in Pleurite pulmo tantum per consensum laceratur, tuncque hic morbus aliam accipit denominationem; in illa dolor est gravatus, non adeo acutus & in media pectoris cavitate percipitur, pulsus quoque non est durus sed laxus, major etiam respirandi difficultas adest, ita ut ægri saepe erecta cervice & cum pinnarum narium expansione respirare cogantur, in hac vero dolor punctarius & respiratio cerebra & parva observatur, sputa etiam in Pleurite non tam cito proveniunt, quam in Peripneumonia & in hac sunt copiosiora: Peripneumonia periculosior quoque existit Pleurite, saepissime tamen hi morbi coniuncti observantur, ut videtur potest apud *Hippocratem*, tanta enim inter hos est affinitas, ut saepius alter modo huic modo ille alteri superveniat; differt etiam ab inflammatione diaphragmatis, nam in hoc dolor non in latere hoc illove, sed circa diaphragma in extrema costarum ad finem ossis sterni observatur, ac instar cinguli thoracem ambit, in Pleurite dolor in latere vel in alia thoracis parte percipitur; in Paraphrenite respiratio est vel cerebra & celeriter repetita cum in respiratione quasi interdum duplicata vel anhelosa, aliquando cum suspiriis & longis intervallis: in Paraphrenite porro delirium concomitatur, quidam notant respirationem in Pleurite operis muscularum abdominis perfici quiescentibus illis thoracis & in Paraphrenite contrarium esse. Distinguunt quoque ab hepatis inflammatione, ubi dolor circa dextrum hypochondrium observatur in regione heparis, nec in Hepatite dolor punctarius, sed gravans existit, tumorque saepe infra costas spurius notatur, tussis lic-

ca est atque minor, nec respiratio semper adest tam difficilis quam in Pleuritide, quia ordinario pro Iubitu ad omnes partes expandi ac ampliari queat. Inflammationis gradus & progressus sunt obstructio, pressio, tensio, dolor, laceratio, suppuratio, in apostema collectio, ruptura apostematis in empyema, aut exitus inflammationis in gangrenam sphacelumve, in scirrum seu tuber indolens & durum, ergo hic morbus potest abire in tot diversos morbos. Quamdiu in vera Pleuritide pulsus est magnus & durus, tunc optimum est indicium, sed si pulsus sit mollis, nec multum caleat, & æger se non melius habeat, fere semper despero, quia sanguis intra pulmonem retinetur.

§. 877. Hic morbus ut omnes alii terminatur in hos tres modos.

§. 878. In sanationem terminari dicitur, si morbus præsens ita tollitur, ut nil detrimenti retineat homo, sed est, ut fuit ante Pleuritidem, quod præstatur beneficio naturæ vel artis.

§. 879. Primo beneficio naturæ sanari dicuntur, si curetur per sola molimina, quæ in corpore supersunt; secundo per artem, si ibi relicta peperisset alia, sed adjuta sanitatem restituit, sic priori modo curatur vel simplici resolutione vel critica evacuatione.

§. 880. Resolutione sanatur, si Pleuriticus habeat corpus laxum, humores aquosos & blandos non acres, vasa dilatabilia, symptomata levia; multæ enim sunt Pleuritides, in quibus præcesserunt febres & punctura levis, æger in inspiratione non multum dolet, respiratio bona, pulsus lenis & mollis, tum adsunt signa resolutionis, hinc prohibeantur motus, calor, cibus

cibus vel potus augens febrim, aër similis, bibat tepida aquosa non fervida, ut decocta pectoralia & aperientia, nempe decoctum Taraxaci, Lactucæ, Cichorei, radicis Agrimonæ, Bardanæ, Cichorei cum foliis, totius Scabiosæ, Morsus Diaboli, Papaveris Rhædos totius, radicis Graminis recentis, Fæniculi præsertim omnis radicis Scorzonerae & Tragopogonis, specificum est Bellis Pratensis mense Majo decerpta, aut & decoctum Tragopogonis; hæc omnia aperiunt, & dant molliissimos fatus, hæc tamen in magna Pleuritide non levant; fomenta fiant ad latera ex decocto Verbasci, Sambuci, Malva, Bismalva cum laete, quæ intra pannum preffa, vel pannus hoc decocto madidus ponatur circa locum dolentem, ei superimponatur tegula calefacta, quantum fieri poterit, & æger sic hæreat in lecto, hoc incredibiliter resolvit; hinc non opus est perpetuo insigni evacuatione per venæ sectiōnem hunc morbum curare, nam si modo levis sit morbus (quod ex symptomatum benignitate dignoscimus) tum sufficiat applicuisse fomenta, uti & decocta blanda, diluentia & aperientia, saponacea, quæ simul quoque inflammationi resistunt, & impetum sanguinis refrænare valent. Hunc in finem conductit sequens decoctum.

R. Rad. Cichorei

— Scorzoneræ ana ʒij

— Glycyrrhizæ ʒj

Fol. Bismalvæ

— Acetosæ

— Endiviæ ana Man. j.

Flor. Pap. erratic.

H 7

Flor.

- Flor. Althææ
 —— Verbasci ana M. β.
 Sem. contusi Papay. albi
 —— — Melon.
 —— — Lactucæ ana ȝij

Cum Aq. decoct. spatio $\frac{1}{4}$ horæ
 pint. iij exhibe. Capiat æger
 uncias duas calide omni quadrante
 horæ.

Eodem quoque tempore, loco dolenti ap-
 plicetur calide fomentum, quod vires habet
 laxandi, aperiendi, resolvendi, humectandi &
 inflammationi resistendi; quo in casu coquatur
 Hordeum contritum vel Avena in aqua, cui
 postquam aliquantulum coxerit, paululum acel-
 ti addatur, quod facculo vel panno involutum
 calide applicetur. Vel applicetur sequens fo-
 tus, qui etiam egregie laxat, aperit & dolorem
 demulcit.

- ȝ. Fol; Malvæ
 —— Bismalvæ
 —— Parietarie
 —— Verbasci ana M. ȝ.
 Flor. Althææ
 —— Meliloti
 —— Sambuci ana ȝij
 Farin. Sem. Lini
 —— Fænu Græci ana ȝij

Coq in S. Q, Aquæ Fontanæ
 F. Fomentum.

Quod calide mediante panno laneo parti do-
 lenti

lenti applicetur. Interim æger utatur victu
blando, tenui & humido ex hordeatis, juscum
lis carnium tenuissimis, quibus herbæ molles
& saponacea addantur, ut *Lactuca*, *Cichoreum*,
Endivia, addito etiam Nitro depurato vel alio
sæpe refrigerante; cæterum sibi caveat æger
à reliquarum non naturalium rerum abusu, si
quando accidat, ut alvus nimis stricta existat,
tunc danda sunt eccoprotica, ut pulpa *Cassiae*,
Tamarindorum, *Manna* &c. vel potius cly-
ma ex sero lacte calido vel mollissimis herbis,
aut ex aqua mellita injiciatur; vitentur cane
pejus & angue omnia, quæ irritant, & acrimo-
nia sua intestina nimis afficiunt; nam febris ad-
augent, & naturam à salutari suo proposito di-
vertunt.

§ 881. Si Medicus advertat naturam moliri
quandam evacuationem debito tempore, per
alvum, urinas, sudores, hæmorrhoides, nares,
abscessus; aliaque huic excretioni dicata loca,
tum oportet, ut animum attentum habeat,
quam viam natura affectabit, & quo versus ma-
teria critica movebitur; si determinetur ad vias
consuetas, vel ad partes minus nobiles, ut iad
aures, crura, humerum, &c. quod extensio-
ne, stupore, dolore & partis gravitate innote-
scit (de quibus signis omnium optime scripsit
Prosper Alpinus in *Incomparabili illo Tractatu de
Præagienda Vita & Morte*, ubi fidelissime fu-
turæ criseos signa enarrat & describit) tum
illico ille locus est fovendus & laxandus ut
naturæ actio facilitetur, & materies morbosæ
facilius abscessu &c. evacuetur; hoc quoque
diversis in locis inculcat Medicorum Princeps
Hippocrates, cum dicit, quo natura vergit, eo
est ducenda, si per loca convenientia id sit
deinde

deinde si evacuationes perfectæ & proportionatae ad morbi speciem fiant (quod ex levamine symptomatum & constantia evacuationis ad morbi finem usque dignoscimus) tum nil movere, nec sistere, optimum erit remedium; hinc si totum illud negotium naturæ commitamus, & si vitemus omne illud, quod naturaliter à suo salutari proposito revocare potest, tum omne illud præstitimus, quod ab arte defiderari potest, quod egregie monet *Hippocrates*, quæ judicantur & judicata sunt perfecte neque movere oportet, neque innovare sive purgantibus, sive aliis irritamentis, sed sine re.

1. Hoc ab *Hippocrate* fuit observatum & ab omnibus Auctoribus postea confirmatum, quoties intestinum rectum maxime doleat, & brevi post fluant hæmorrhoides præsertim ante tertium diem, tum æger Pleuritide liberatur.

2. Est eadem observatio in Peripneumonia, nempe materia hærens ad arteriarum intercostalium angustias cocta ad aortam profluens fluit ad arterias renales, hacque ratione educitur, tum sicca Pleuritis sanatur; *Hippocrates*, *Galenus* & recentiores putant sicciam Pleuritidem esse lethalem, sed si talis urina fluat ante quartum diem, tum morbus solvitur.

3. Si ex alvo ut Peripneumonia ante quartum diem dimiserit æger mucosum flavum cum strigmentis sanguineis, sanatur æger, licet sit sæva Pleuritis.

4. Si tales abscessus fiunt eo tempore, quo materia solvitur in pleura, tum optimi sunt ut in Peripneumonia.

5. Subitus stupor in brachiis, gravitas, dolor-

Iorque in iis partibus, si oriebatur, cito sanabatur, hoc in Epidemias observavi, tunc enim materia per arterias profluens fluit in cor, tum sanantur ægri, hoc notavit *Hippocrates*, reliqui Auctores putant malum esse signum, sed semper cum illo Auctore hoc bonum esse signum animadvertis, *Baglius* putat singularem esse suam observationem, dum scribit, quod videbit homines, quibus cedebat dolor Pleuriticus ad scapulas semper fore sanaturos, sed *Hippocrates* hoc jam dudum notavit, significat enim, quod materia distribuatur per totum & non in unam partem petat.

6. Si tale sputum appareat, tum nemo Pleuriticorum inde moritur, neque manet Dyspnæa vel Asthma, nemo hoc habet præter solum *Hippocratem*, nec excepto *Sydenhamo*, si tale sputum oriatur, est Pleuritis humida, si ex loco affecto fiat, tum post sputi excretionem locus levetur, nempe si liberale, id est, in magna copia, pulsus dilatator non durus sine *Coryza* præser-tim ante diem quartum, tum ante nonum vel undecimum diem sani sunt ægri, ignari hæc sputa horrent, sed bona sunt, nam illa flave-do sensim albescit, talis æger certissime ita sanatur, ac si nunquam Pleuritude laboraverit.

§. 882. 1. *Quiete*. Ne sanguinis motus & inspiratio lœdat partem ante expositam.

Medicamenta mollia sunt decocta Fæniculi recentis, aut radices recentis Graminis, recentis Scorzonerae, Taraxaci imprimis, Cichorei Hieracii, Sonchi, Lactucæ, nam in his omnibus est vis diluens saponacea, & attenuans, v. g.

Ex. Hord

- Rx. Hord. Mund.
 Rad. Violar.
 inspiet — Buglossi ana M. j.
 — Scabiosæ M. p.
 — Liquirit ʒj
 Pafful. ab arillis repurgat. p. j.

Coq. in Aqua communi ad Colat ffj.

De hoc potu æger assumat, quantum lubet, & nihil aliud, quoniam natura viam monstrat tunc ex artis lege vasa sunt laxanda, sanguis diluendus, ut melius fluere possit.

2. *Hippocrates* dicit, quod æsti sanantur hæmorrhoidum fluxu, si ergo conquerantur de tenesmo, Medicus anno applicet laxantia emollientia, aut si tum non fluant hæmorrhoides, hirudines, vide *Materiam Medicam*. Vel fatus nempe ex decocto lactis cum foliis Althææ, Melissæ, Brancæ Ursinæ, Plumbaginis &c. Medicus omnes humores & omnia vasa ita tenere debet, ut quænam pars disposita sit ad materiam accipendam, exspectet, si nunc videat minimam determinationem, tum per determinantia agere debet, si per sputa se evacuet Pleuritis, tum est Peripneumopleuritis; simulac Pleuritis vobis occurrit, statim est cogitandum, an Pleuritis est in statu resolutionis, an ex parte cocta, an ex ipsa arte juvanda, vel non, hinc quo vergit materia, eo est ducenda, si urina sit valde turbida & crassa, & dolor ante mingendum quidem præcesserit, tum rerum viæ sunt laxandæ, nempe clysmatibus, lenibus diureticis; externe fomenta calida sunt apponenda ut & balnea adhibenda, victus sit ei

ei scopo inserviens, sufficit sola ptisana propositu ex decocto Hordei cum Oxyuelle & pauco Nitro. Quando materies in sanguine oberrat, nec adhuc dum alicubi arietat, vasa tantum laxa sunt tenenda, verum si dolor & alia signa metastasos appareant in aliqua parte, tum adjuvanda est natura, quo natura vergit, dicit *Hippocrates*, eo ducenda, quando etiam natura non vergit ad loca, ex quibus se liberare possit salva vita vel sanitate; tunc inde est avertenda, nam v. g. si homo sit Peripneumonicus, stillet sanguinem e naribus, tum adjuvanda est natura, verum si spueret sanguinem ex pulmone, tum natura inde est avertenda scilicet per venæ sectionem. Si materies obrans veniat in pulmonem, tum ibi species Peripneumonie oritur. Si materiam ex alvo ire videamus, tum dandum est decoctum ex Uvis Corinthiacis, ex Passulis minoribus & Ficubus &c. quæ alvum blande subducunt & laxant, similia clysmata etiam sunt optima; hinc si natura nimis tarde operetur, vel si non satis efficax existat ad illud omne (quod sibi alienum & noxiun est) expellendum, tum Medicus tanquam minister & adjutor naturæ ei succurret, tollendo impedimenta, quæ excretioni obsunt, & excitando torporem & naturæ inertiam partim victricis, partim succumbentis. Huic in finem partes, quo versus critica materies determinatur, laxandæ sunt derivantibus remediis, ut minus resistentes evadant, & ut materia peccans ad hos magis alliciatur; cui scopo conducunt lenes frictiones, balnea vaporis, per infundibulum admissa, fomenta mollissima &c. sic cuilibet evacuationi, non satis magnitudini morbi respondent prospicitur. Diæta

ta sit paululum magis reficiens, ut languens natura ad hoc opus confortetur & excitetur; dein in fine morbi lene purgans exhibeat ad præcavendam recidivam; nam juxta illud monitum *Hippocratis*, quæ in morbis post crisin relinquuntur, recidivas facere solent. Si perturbatio critica nimis vehemens fuerit (ita ut natura impetuosior existat) tum coërceri debet ille impetus, ne æger à nimis strenua lucta naturæ cum morbo statim extinguitur; tunc oportet ut Medicus tantum detrahatur de vim morbi per venæ sectionem, ut tanta vis & copia sanguinis relinquatur, quanta ad bonam crisin absolvendam sufficit, nulla habita ratione morbi temporis, si necessitas & vehementia symptomatum illud exigat: hoc *Hippocrates* monuit, ubi octavo die venam secuit pro nimio morbi impetu moderando.

§. 883. Ubi vero natura nullum indicium præbet & impar sit, mediante coctione & excretione hunc morbum expellere per loca aliquoties memorata, tum opus est, ut Medicus artificiali evacuatione per venæ sectionem hoc malum corrigat; quæ methodus nulla tutior & præstantior adhuc est excogitata; quæ profecto ita utilis & necessaria est (præcipue in hoc morbo) ut nunquam omitti debeat, in quaunque ætate, sexu, imo in gravidis, si urgat necessitas, non est prætereunda; excipiuntur tamen illæ Pleuritidis species, quæ à causa latente uti tuberculo, vel abscessu, vel epidemica constitutione ortum ducunt; sic semper hacce via (si necesse fit) tentanda est resolutio, ne ægri in periculosissimam pectoris suppurationem vel alia mala incident, unde paucissimi eluctantur; hoc auxilii genus, hancque me-

tho:

thodum adhibuit magnus *Sydenhamus* in Pleuritide curanda; qui largissime detraxit sanguinem, de remediis sputa expellentibus parum sollicitus; probe enim noverat, splendidissimum illud nostræ artis ornamentum, quod medicina, quæ ad sputa elicienda sola dirigitur, nihil vel parum proficere posset in sicca Pleuritide, ubi sæpe nil coit ad expuendum, siveque magnus ille vir omnem crisi, à qua tot incommoda exsurgere possunt, anticipabat & demebat, præterea sequentia nobis venæ sectionem suadent; uti crises, quæ hic loci nimis tardæ & sæpe imperfectæ conspiciuntur, nam hisce non ita confidere possumus, uti *Hippocrates* faciebat in sua regione, ubi calor & vigor naturæ erat ad morbosam materiem coquendam & evacuandam. Huc quoque accedit, quod sæpe hic loci ex perverso régimine rerum non naturalium & ex præpostera medicamentorum exhibitione, crisis mirum in modum confundatur & immutatur, unde boni Medici criseos doctrinam & methodum assequentes, fœpissime falluntur, & infelicissime crurant; Porro si venæ sectio rite celebretur, plura evitabimus mala sæpe ex critica depositione orientia; nam aliquoties accidit, ut critica materies transmigret ad caput, aut ad alia nobiliora viscera, unde periculosisimæ suppurationes vel lethalia symptomata producuntur; ne quis patet venæ sectionem ita periculosam esse (ut nonnulli Chemici ajunt) nam si acri circumspetione attendatur ad ægri vires, temperiem, signa præterita & præsentia, & si singula phænomena sedulo inter se comparentur, minime in periculum ægrum conjicies, hinc si Medicus tempestive, id est, in initio, vel morbi incre-

incremento seu ante tertium diem finitum, va-
catur ad ægrum, nullumque obseruans naturæ
molimen, nec dispositionem ad excretionem
per loca accommodata; si sit in corpore ro-
busto, nam sœpe Pleuritis paulo ante mortem
oritur, ita ut mortem impedire non possit, e-
tiam si Medicus venæ sectionem instituat, hinc
tum à minima sanguinis jactura mors superve-
nit, ergo in robusto corpore sta im est insi-
tuenda venæ sectio, nam si bene fixata sit Pleu-
ritis prima hora per venæ sectionem sanari po-
test, sed aliquando post biduum vel triduum
curari nequit; hinc fiet venæ sectio cito, larga,
nam parva velocitatem auget, ergo ad animi de-
liquium est instituenda accelerato fluxu celeris,
si enim sanguis in Pleurite summo cum im-
petu emittatatur, tunc eo magis avertetur san-
guis à cæteris vasis, & quo accelerata magis
erit venæ sectio, eo melius erit; nam si missio
sanguinis non fiat celeris, non prodest, in mil-
le ægris venæ sectio est adhibita, ex quibus nil
sanguinis exiverit, qui ægri non inspirant, un-
de multi pereunt, Chirurgi tum dicunt sanguis
exire non poterat, & Medici putant se satiste-
cisse officio, hinc sanguis est accelerandus, quod
egregie fit tussiendo vel fortiter inspirando, vel
naribus supponendo vinum aut acetum vel
pulvere sternutatorio unde æger tuffier, & san-
guis felicius exhibet; porro inituenda est venæ
sectio ex magno vase per latum vulnus (nam
parvum raro prodest) ex brachio ejusdem vel op-
positi lateris (quod non multum refert) ad a-
nimi deliquium usque; nam si in initio morbi
larga venæ sectio instituatur, tum sœpe accidit,
ut æger unica sanguinis missione perfecte à
morbo convalescat, ubi alias morbus, si al-
tas

tas radices egerit, licet, venæ sectio ter vel quater instituatur, vix auscultare solet. Hæcce toties celebranda est, quoties inevitabilis extorserit necessitas; & eo quidem gradu, ut morbus augeri nequeat: interim respectu habito ad ægri vires, ætatem, sexum, sanguinis qualitatem, anni tempora, morbi magnitudinem, durationem, aliasque circumstantias, quæ omnia à Medico probe notanda veniunt; porro qua copia sanguis sit educendus, ita facile limitari nequit, sed pro diversa ægri conditione, ætate & robore &c. admodum variare debet, sic in adulto & robusto homine mediæ ætatis, educatur prima vice ad uncias decem, vel duodecim &c. sicque plus minusve detrahendum prout ægri vires &c. morbi ratio postulant. Quomodo, quo tempore, & quo usque sanguis sit mittendus, optime docent medicorum Principes *Hippocrates* & *Celsus*, ubi circa hoc nobile auxilii genus insignes regulæ & præcepta præscribuntur. Summe autem cavendum, ne nimia copia detrahatur sanguis, & æger præ sanguinis inopia & exhaustis viribus insuperabiles debilitates & Chronicos morbos incidat; neque licitum erit venam secare in extremo morbi vigore, ubi natura jam jam desistet cum morbo confliktari, sed in initio vel incremento morbi, quando adhuc nulla notabilis critica evacuatio conspicitur: illud quoque monet medicorum Parenis hisce verbis; incipientibus morbis, si quid movendum videatur, move: vigentibus vero quiescere melius est. Præterea ne æger in animi deliquium cadat (ut aliquoties accidere solet) fecetur vena corpore supino & quiescente in lecto & licet uncie quindecim mittantur, non patierunt æger animi de-

liqui-

liquum, vide *Bellinum*, nam æger tum non indiget tanto sanguine ad musculos erectos teneendos, ac si staret; porro si accidat, ut sanguis ex aperta vena non profluat, uti decet (quod oritur, si æger non velit fortius respirare vel tussire præ dolore) tum decipiendum est æger, & loco vini, acetum vel *Oxymel* est dandum, vel jube, ut per nare s vaporem calidum aceti hauriat, ut ad tussim incitetur & discussio sanguinis fiat in pulmone, hoc facto sanguis pleniorisaltu prodibit. Si vero dolor prima vel secunda venæ sectione non cedat, tunc debito temporis intervallo intercurrente; iterum repeti debet; interim bene attendendum, an non æger in inspiratione levamen doloris percipiat, si remittat dolor, statim abstinentium erit; si postea (ut aliquando contingit) redeat idem dolor, repetenda erit missio sanguinis eo usque, donec diathesis inflammatoria in sanguine sit repressa: & licet aliquis exiguus dolor remaneat, nil est metuendum, quoniam sponte evanescere solet; sicque ulterius pergendum.

2. Interim in toto morbi decursu ab initio ad finem usque, fomenta calida & mollia toti thoraci erunt imponenda, ut hisce vasa inhalantia venosa imbibantur, & ut sanguis stagnans iterum ad motum circulatorium adaptetur, certe nullo remedio post venæ sectionem Medicus plus efficiet quam fomentis; cum non solum vasa sanguinea, sed quoque decrescentia, uti serosa, lymphatica &c. obstruantur, tum efficacissimum præstant auxilium humectando, laxando, & reserando vasa obstructa, ad quæ venæ sectio statim pertingere nequit; hunc in finem conducunt omnia mollissima, farinosa &

& blanda medicamenta, uti farina seminis Lini, Avenæ; Fænu Græci, radices Althææ, Liliorum Alborum, Fæniculi &c. herbæ Bismalvæ, Verba ci, Parietariæ, Linarie, Mercurialis, flores Papaveris erratici, Althææ, Meliloti, Sambuci, Chamæmeli, Verbasci, &c. ex his in Lacoste cocta varia parati possunt fomenta; insignem quoque opem præstant vapores aquæ calidæ per infundibulum externe ad locum dolentem admissi. Sic quoque egre-gie laxat & resolvit, si æger ore attrahat calidum illum vaporem, & per nares iterum efflet. Externe quoque conducunt unguentum Althææ, Populei, vel Nutritum, linimenta ex oleo Lini, Liliorum alborum, Lumbricorum, Verbasci, vel simile v. g.

P. Sacchari Saturni

Aceti 3vj

Olei Rosar. infus. 3j

**M. F. Linimentum
ad latus inungendum.**

3. Dein interne pro potu assiduo conducunt decocta, julapia laxantia, diluentia antiphlo-gistica &c. cui scopo apta quædam sequuntur, ex quibus quisque pro lubitu varias formulas concinnare potest, vel quæ omnia ad unum decoctum adaptari possunt, uti

P. Rad. Althææ

— Lapati acuti

— Gramin.

— Scorzon. ana 3ij

Herb. Bismalvæ

Tom. IV.

I

erb.

- Herb. Agrimonæ
 — Acetosæ
 — Taraxaci ana M.
 Flor. Althææ
 — Pap. errat
 — Violar. ana 3j
 Sem. Lactucæ
 — Pap. albi ana 3ij
 Coq. S. A. in Aq. comm. Colat;
 pint. iij adde
 Sal. Prunellæ 3ij
 Rob Sambuci 3ij
 M.

Affummat inde æger omni $\frac{1}{4}$ horæ uncias tres
calidas; vel si magis arrideat Julapium.

- P. Aq. Decoct. Hordei 1b j
 Sal. Prunellæ 3s
 Syr. Pap. Rhæad.
 — Violar. ana 3jβ
 M. F. Julapium:

Bibat inde æger pro lubitu. Vel decoctum
radicum & foliorum Fæniculi, Peucedani, A-
nethi, quæ omnia coquantur in sero lactis &
aqua, & hoc decoctum postea edulcoretur sy-
rupo Glycyrrhizæ, Jujubæ, Capillorum Vene-
ris, Diacodii, Papaveris vel Melle; si adda-
tur Nitrum, tanto melius erit, hæc calida
fumantur, ut sorberi possint; vel decoctum ex
Rusco, Gramine, Glycyrrhiza, Dulcamara, Pa-
pavere Rhæados, Verbasci & similibus. De-
di etiam quotidie in hoc casu oleum Amygda-
larum

larum dulcium recenter expressum ad uncias; duodecim. Nitrum purum vel defæcatum, uti Sal Prunellæ & Polychrestum sunt specifica in hoc morbo, vel Nitrum sola fusione in crystallos præparatum. Interim æger, ne nimis fluida dissipentur, quotidie è lecto eximi potest, ad aliquot horas, quod maxime ad curam contribuit: minime enim obtuendus est nimia stragulorum mole, uti perperam nonnulli faciunt ad sudores exprimendos, sed servetur in æquabili, & leni calore, aliter inflammatio adaugetur, unde pessime sese habent ægri, dein in fine morbi, quando omnia symptomata remiserunt, tum leni clysmate, vel purgante per os assumpto ex Rheo, Cassia, Senna, Tamarindis, aliisve antiphlogisticis purgantibus remediis, alvus sollicitetur, ut relicta materia morbosa, si quæ adsit, expellatur; ex his conspicue patet, quam maxime aberrent à rei veritate & vera methodo curandi Chemici & nonnulli Medici, suis hypothesibus & præconceptis inanibus speculationibus plusquam par est addicti, qui hunc mōrbum ab acido oriri statuunt, ideo calida, & æstum augmentia remedia præscribunt, quid aliud fiet: quam ægrum in summum vitæ periculum conjicere. Hisce enim sanguinis æstuationem non impediunt, sed magis promovent: tandem nullum effugium nec eventum videntes sed omnia symptomata vehementius excandescere & pejus verti advertentes, hoc in statu quid demum consilii capiunt? motu nempe exterriti inque maxima hac angustia positi dum ultro citroque se agere necesse habent, tandem ad sanguinis missio nem, aut ad alia extrema remediorum genera confugiunt, & unde incipere debuissent, id

morbo jam consistente tentant, & ea salutis præsidia alieno tempore frustra adhibent, quæ artis periti inter initia morbi magno cum decumbentium commodo præcipiunt. Hisce rite peractis tum demum ea medicinæ pars, quæ viœ curat, prudenter instituatur. Aër igitur sit humidus, & temperate calidus, in quem finem veteres latas pelves, aqua calida plenas, in cubiculo, ubi æger decumberet, ponebant: cibus & potus sint tenues & molles, ex oleribus mollissimis & leniter saponaceis, uti sunt *Laetula*, *Endivia*, *Cichoreum*, *Braffica*, *Beta*, *Spinachia*, *Borago*, *Acetosa*, *Rapa* &c. juscule angina vel vitulina, quibus addi possunt herbæ molles, addito Sale *Prunellæ*; huc quoque spectant juscule hordeacea, *Avenacea*, *Aquæ Citratæ*, *Serum Lactis*, *Hydromel*, *Aquæ Saccharatæ*; convenit hic quoque omne syruporum genus, quod emollit & laxat, additis aquosis & nitrosis; vitentur potus generosi & spirituosi uti & nimis frigidi: non adsint vehementiores corporis motus, & animi pathemata; somnus & vigiliæ sint moderatæ, alvus sit mediocriter laxa, &c. improbatur quoque à nobis methodus medendi Pleuritidem per diuentia & incidentia sola, omissa venæ sectione, quoniam in Acutis & inflammatoriis morbis sanguis ad instar pīcis tenax & crassus existit, ita ut aquam admittere nequeat; hæc est ratio, cur fere omnes Acutos morbos sanare possemus, si aqua sanguini miscibilis reddi posset, quod sine divisione & subductione sanguinis facile fieri nequit.

§ 884. In Pleuritide ante quartum diem semper est spes resolutionis, post tertium diem semper fit suppuration; sanguis non est mitten-dus

dus usque ad integrum doloris finem; nam si hoc Medici facerent, tum ægri integre exhairentur, verum tantummodo sanguis est detrahendus, donec dolor superfluit non sufficiens esse videatur ad faciendam suppurationem, nam credere omnino debemus, quod quamdiu aliqua & minima superfluit inflammatio, dolor non integre finietur, sed semper aliquis remanebit, nisi æger sit omnino exhaustus.

§. 885. a. Ex signis generalibus dolore, calore, tumore magno in parte inflammata, febre magna & symptomatibus his ultro triduum durantibus, nec malo per naturam vel artem levato.

b. Si post quartum diem dolor adsit maximus, respiratio summe dolens, tussis perpetua, non curabitur æger per resolutionem, & locus suppurabitur.

c. Si nullum oriatur sputum vel alvi excretionis crassa vel urina stranguriosa, nec tumor ichorosus ad aliam corporis partem.

d. Si negligantur medelæ impedientes transitum inflammationis in suppurationem. Si hæc quatuor signa adfint, certo suppurabitur Pleuritis, quæ suppuratio si negligatur, æger misera Phthisi moritur.

§. 886. Quæritur quomodo sciatur à Medico quam certissime, quod abscessus ex inflammatione jam fiat? respondeatur, si cognoscamus omnia signa, quæ döcent omniloco transire inflammationem in suppurationem, si nempe duraverit dolor per quatuor dies, die quarto minuitur, succedit pulsatio, gravitas comprehenditur, febris minuitur, respiratio manet difficultis, quando inflammatio in suppurationem definit, tum semper fiunt horrores (obser-

servante Hippocrate) per corpus, quia pus in san-
guinem infunditur, aliquando hoc apostema
sputo redditur.

§. 887. Abscessus est vel clausus vel ruptus, clausus format cavum, quo pus continetur, labia sanarum partium alliciuntur, hoc ipso interim pus quotidie fit pejus, labia quotidie exenduntur, apostema increscit, quod magis impletum attenuabit & extendit membranas coercentes, unde tuber & tenuitas membranarum, tandem ruptura spontanea & exstillatio puris in cavum pectoris, si sciamus in pectore hærente abscessum; tnm ulcus non detersum novum pus generat, totum corpus consumitur, ut meis oculis vidi, & quod non crederem, nisi ex puerō Pleuritide neglecto post septem septimanarum scytellam pure plenam eduxisset; hinc ergo Pleuritica fomes omnes corporis humores ad illum locum deponit, & ille locus non potens consolidari, augetur, & sic cadit humor suppuratus in pectoris cavum. Æger Pleuritide laborans per septem dies dolet, post septimum melius sese habet, decimo quarto die patitur dolores summos, hic dolor non est à Pleuritide, sed ab apostemate protuberante, quod est in nixu rupturæ, decimo quinto die æger est sanus, Medicus tum scit apostema esse ruptum, vel ægrum per aliquot dies sese bene habiturum, sed eadem tragædia iterabitur, nam pus in thoracem abit. Omnis subita mutatio sine bona causa semper malam metastasis significat, sic & hic phænomenis doloris, caloris &c. cito evanescentibus scitur pus ruptum esse in thoracis cava, simulac hoc factum sit, jubet Medicus ægrum in utrumque latus decumbere, si nil inde sentiat mali, signum est parum

pus

puris exivisse & empyema jam adesse ex his cognosci potest; si dolor qui antea fuit punctarius, jamque fit gravatus, & quo major dolor iste punctorius minuatur, eo magis fit gravatus, respiratio multo fit difficilior & brevior, patiens in latere affecto decumbens melius se habet quam in fano, cujus contrarium ante disruptionem abscessus observatur, dum se mouet æger, de uno latere in aliud contenti humoris fluctuationem in thorace percipere potest, & quid grave ibi hærere observat. Si æger Orthopnoicus fiat, signum est plurimum puris exisse, si omnia rursus adscendant, febris vespertina accedit, oculi sunt rubri, tussis perpetua, sudor maxime adjugulum & ad caput, & quia pus hæret loco calido, clauso & moto, hinc inquinabitur pulmo, qui est viscus tenerrum fungosum, hinc cito putrescit, & oritur Phthisis purulenta.

§. 888. Extrinsicus applicatur cataplasma suppuratorium ex Malva, Althæa cum Melle vel simo Columbino, ex Liliorum alborum bulbis, farina Avenæ, Cæpis sub cineribus assatis cum butyro insulso, floribus Althææ australi simili composito, hacque ratione locus redditatur tenuis & mollis, ut postea abscessus extorsum pellatur, ne in pectus cadat, si per triduum aut biduum hoc fecero, nec tuber assurget, licet caustico inurere, dein vulnus corrosivo reddere profundius nil mali facit, nec (si non succedat) multum nocet, non vero succedit, si nimis profunde versus pleuram hæret apostema, tuncque succedere vix potest hæc methodus; dices non esse exempla, verum est nullum post Hippocratem tentasse, sed ille jubet inuri locum, & videtur hoc attendisse, ut

metus avertatur, ne pus in thoracis cavum c^a-
dat, hoc facto non imponenda sunt plumaceola,
sed vulnus apertum tenendum, vide *Prosperum
Alpinum de Medicina Aegyptiorum.*

§. 889. Si pus jam penetraverit in thoracem,
cito tolli debet, aliter pulmonem erodet, infi-
ciet sanguinem, nemo evadet, ergo evacuan-
dum est per Paracenthesin pectoris, hoc ut fiat,
locus affectus sciri debet, tunc acuto scalpello
pertundatur, ut dictum est in *Capite de Vulne-
re Thoracis*, hoc facto æger jaceat in latus
affectum, tussiat, ut omne pus exeat, vulnus
eluat infuso Scordii, si pus eo usque sit eva-
cuatum, ut aqua injæda non amplius fæteat,
vel immittatur Mel cum pauca Myrrha soluta
in ovi vitello cum sero Lactis &c. & præterea
æger utatur sero Lactis & multis detergenti-
bus.

§. 890. Si abeat in tuber scirrhosum & adhæ-
sionem pleuræ (Belgice *aangewassen*) tum oritur
Asthma, Dyspnea, aut tussis sicca, quæritur,
quomodo sciat Medicus hoc malum abire in
scirrum vel adnatum pleuræ pulmonem? re-
spondetur, si quatuordecim diebus nullum si-
gnum suppurationis adsit, nec æger sentiat ad
latus aliquam molestiam, sed dum multum
movet & currit, fit tussis & dolor.

§. 891. Hoc malum cognitum vix curatur,
quæ hic commendantur, aliquantulum profunt.

§. 892. Pleuritis violentissima decurrat us-
que ad tertium diem sine remissione, fiet gan-
græna; unde intra paucum tempus moritur
æger.

§. 893. Si partes sint strigosæ, densæ stri-
ctæ, humores acres, febris, dolor in pectore
cum pulsu cito titubante, sciendum est, nisi
natu-

natura vel arte suppurretur, debito tempore gan-
grænescere.

§. 894. Hæc omnia ex Hippocrate collegi,
cum olim ejus magnum opus in classes redige-
rem. Hæc docent talem esse diathesin, ut partes
destrui debeant. Funestus & exitialis est morbus,
si respiratio admodum sit difficilis, tussis mo-
lestis, strepitus in pectore, quod notat tantum
sanguinis in arterias pulmonis venire, quinon
transire potest in venas, unde tunc pulmones
strepunt; si sputa nulla vel perniciosa & naturali
colore & consistentia valde recedentia (uti sunt
vires, nigra, fulva, fætentia &c.) quæ si æ-
gerrime prodeant, nec morbum levent, cito
mortem annunciare solent; huc quoque spectat
pulsus languidus, urina aquæ maxime tincta,
lingua arida livescens vel nigra, latus lividum,
nigricans aut virescens, pulsus inæqualis, debi-
bilis, vel dærepente remittens, quæ omnia signa
sunt pessima; alvi fluxus in Pleuritide salutaris
est, at si sit fætidus non levans, ut hic descri-
bitur in Pleuritide, est ichor putrefactus, gan-
grænosus derasus per vasa hepatica, & in inte-
stina depositus. Si Peripneumonia superveniat
Pleuritidi, est malum symptomæ, ut testatus
est Hippocrates in Aphorismis. In Italia, Hispa-
nia & fervidis regionibus magis advertitur, quod
si sanguis ex corpore Pleuritico demptus acci-
piatur vasis puro, brevierit crustaceus, coriaceus,
sed si sit ruberrimus vix coccineus, æger certe
morietur; quando hoc accidit, tum putant Ita-
li & Hispani commentatores hoc fieri à nimio
impetu & fervore sanguinis, sed potius significat
susti crassa ad locum inflammatum, sed tenuissi-
ma & optima excerni, mala ad locum accumu-
lari, quamdiu hoc sustinere nequit. Si sputum

bito supprimatur, pessimum est signum, nam intra paucum tempus æger morietur, hypostasis nigra furfurea est lethalis, nam notat gangrena partes occupari; si adsit fluxus alvi viridis, est pessimum signum, hoc sit, quando matieres biliosa sanissima adeo agitatur per nixum, tunc primo abire potest in colore viridem, vide *Sydenhamum de morbo Hypochondriaco circa Vomitum in navi materiae viridis.*

§. 895. Si sicca sit, ob defectum virium est lethalis, lingua sicca &c. est signum lethale, nam in hoc casu talis est externa pulmonum membrana, qua aërem recipit. Pessima hic sunt laudata Chemicorum remedia, nempe Spiritus Theriacales, Vitæ, Cornu Cervi, Salles Ammoniaci, liquor Cornu Cervi Succinatus, quæ omnia ab *Helmontio* & quibusdam Chemicis *Cartesianis* laudantur.

§. 896. Chirurgi, ubi gangrænam metuunt, hac ratione curam adhibent. Vide *Aurelium Severinum de Abscessuum Natura.*

Foribus emundantibus. Huc conducunt fomenta ex foliis Scordii, Ruthæ, Absynthii, Marrubii, Centaurii minoris, Rorismarini, ex his siant fomenta & cataplasma pectori inducenda, hæc præsertim coquantur in vino, & aceto addito sale, quæ calide teneantur operasorum figulinorum concavitate sua reponentium convexitati corporis, hacque ratione locus per duas vel tres horas servetur perpetuo calidus.

Diluentia. Sumat æger v. g. libram unam aquæ cum uncia una aceti cum Nitro.

Hauriantur. Nempe prius applicatur decoum Scordii, Imperatoria, Marrubii, Alliariae, Thlaspi, Alyssi, aliorumque antipestilentialium

lum & antisepticorum, præsertim si hæ plantæ in vino cum magna aquæ copia diluto infundantur, & postea Melle edulcorentur, vel addatur Hordeum & Oxymel tantum, ut æger aciditate non offendatur, maxime hic convenient succi Citri & Limonum, sic extrinsecus parte disposita tentabo materiam per sudorem expellere, hoc vidi in juvene, cui mens erat sana, mire juvisse, sed plerumque prius delirant aut furunt.

§. 887. Restat inquirendum, quomodo Pleuritis transeat in mortem, qui est exitus frequen-
tissimus.

Pendebant. Id est magnus ille dolor subito tollitur, hæc sunt signa jam imminentis gan-
græna, hinc Medico est attendendum, ut recte suam sententiam ferat, nam æger videtur se bene habere, corpus libere movere & mente constare, sed vix quadrans horæ præterfluit,
qui æger moritur cum perturbatione amico-
rum & ignomina Medici, si ægrum non esse
in periculo dixerit; hinc in hoc casu ad pulsum
bene est attendendum, si sit bonus, æger sana-
bitur, sed si vacillans, deficiens quasi nimis ve-
lox cum frigore extremorum æger brevi erit
moritur, & eo periculosius decumbit æger,
quo magis felicia promittuntur per alia signa;
hoc etiam aliquando contingit in morbo Iliaco-
& pessima Dysenteria, sed tunc tamen brevi
moriatur.


§. 808. Causa mortis in Pleuritide videtur
esse gangræna, quia sanguis spissus in pulmo-
nibus attenuatur, & æger præ doloris metu non
respirat, sanguis in pulmone colligitur & fit
Peripneumonia, unde statim suffocatur æger, in
diseptis Pleuritide mortuorum cadaveribus in-

venitur sanguis coagulatus in dextro corde ad fines arteriarum pulmonalium.

§. 899. *Cur superaccidat?* Hoc sit ex duplice causa 1. ob vicinam loci inflammationem, 2. quia æger metu doloris animam retinet, quæ est causa Peripneumonie.

Lenibus Quia in his, si fiat pleuritis, causa debet esse maxima, adde, quod in his sanguis non ita mitti potest ut in aliis. Puerperæ utrumque simul vix ferre possunt, nempe inflammationem ad uterum & ad pleuram, gravidæ enim non possunt respirare per abdomen, sed tantum per costas, verum dolor pleuræ hoc inhibet, unde cito moriuntur.

Cur thoracicis &c. Illud in multis Asiæ & Italiæ locis est Chirurgicum remedium, dum ægri summopere dolent, sumunt fasciam latam, & constringunt thoracem & foveas linteis carptis implet, hac adstrictione efficiunt, ut thorax una cum pleura inflammatus per exspirationem minus dilatari possit, & æger per abdomen respiret, sed in hac dilatatione tantum cito destrucción impeditur, hinc si non cito adhibeantur alia remedia, tanto citius in gangrenam & pusabit, licet dolor non sentiatur, ideoque est fallax remedium, hinc his remediis quidem uti, sed non confidere licet.



§. 900. *Opus* dicitur mens vel veteribus anatomicis loca diaphragmatis vicinia, hinc dia-phragma ipsum ita est vocatum; veteres voca-tunt

sunt Paraphrenitidem, quia multi animæ sedem esse in diaphragmate putarunt, aut quia inflammato diaphragmate cito supervenit Phrenitis, est ergo Paraphrenitis acuta inflammatio dia-phragmatis sive in parte superiori ad pleuram sive in inferiori ad peritonæum vel in carne vel in nervis.

Occupat. Docuit olim *Eustachius*, hodie Clari-simus *Rayschius*, quod totus musculus dia-phragmatis usque ad centrum penetrat arteriis phrenicis accendentibus ramis intercostalium.

Dirus. Nam costæ diu comprimi possunt; ne moveantur, diaphragma vero necessario est comprimendum, & in exspiratione producit item dolorem intolerabilem.

§. 901. Quam pauci sunt Medici, qui roga-ti, quem decursum habet diaphragma, nemo dicet; novimus, quod diaphragma ad costam quintam ascendat, & quod descendat ad ultimam dorsarium, secundo est tam latum ac homo, nunc Medici non putant, quod mor-bus, qui tam diversa loca & tam diversas sedes occupat, sit unus morbus, hinc putant saeppe ef-fere dolorem ventriculi, renum, coli, hepatis, intestinorum, pancreatis, qui morbus tan-tum est in diaphragmate.

§. 902. *Continua.* Nam omnes inflamma-tiones fixæ habent pro charactere febres non desinentes.

Dolore. Quoniam musculus diaphragmatis est tendinosus, circa omnes partes & in me-dio, hinc ejus centrum est totum carnosum & fibrosum, hinc cum hæc pars sit fibrosa, & tensa, nusquam est atrocior inflammatio, unde dolor est pungens, ardens, & lacerans, si sit

superius ad costas, putabitur esse Pleuritis, si ad abdomen, creditur esse in ventriculo, pancreate, omento, hépate, dum interna est Paraphrenitis. Cognoscitur ibi hæc inde, quod in omni actione, qua diaphragma sursum vel deorsum trahitur, sit dolor maximus in respiratione, tussi, dolor maximus in sternutatione diaphragmā dilatat pectus & dein contrahit, unde tum summus dolor ex eadem ratione oritur, si in nausea, vomitu &c. aquæ fit dolor, hoc semper notat inflammationem in septo transverso. In his mira & vix imitabilis est respiratio *Hippocoati* dicta, in sublime ad superiora trahunt pulmonem, ut caveant impingere ad diaphragma, delictum semper à diaphragmate affecto ob multos nervos à vago intercostali, huc recte tendentes; hypochondria retrotrahuntur, ut diaphragma ad superiora vel inferiora trahi multum opus non habeat, introrsum tracta sunt hypochondria, quod est unum ex perpetuis hujus mali signis. Quo inflammatio est major intra corpus; eo violentior & citior fit motus diaphragmatis; quia dimidium nostri diaphragmatis est tendo pellucidus, unde tam facile ibi fit dolor, inflammatio & gangrena.

Risu Sardonicō. Hic risus violentus fit à mala dispositione cerebri, Sardonicus dictus est à Sardinia Insula, ubi crescebat herba nobis jam dicta Apium, qua comsta homines incident in risum cum convulsione; hi ægri habent convulsionem circa musculos levatores labiorum, & musculi in hisce casibus morosi sunt, qui has partes deprimunt; circa diaphragma vulnerati vel contusi semper risum Sardonicum habent.

§. 203.

§. 903. Omnia sunt eadē, ac in Pleuriti-
de, sed ob motum perpetuum aliquid singula-
re hic oritur, hinc hæc pars inflammata pejor
est, tamen ejus motus est necessarius ad vitam,
& dolor maximus adest ob membranas tendi-
nosas, unde malum exasperatur, est enim dia-
phragma in suo medio membrana nervosa,
pellucida, sensibilitate tenfa instar chordæ
musicæ, at si hæc partes inflammatæ in respi-
ratione semper extendantur, tum dolor fit sum-
me turbans cærebrum, unde oritur delirium,
hinc ob situm, motum necessarium & struc-
ram omnia hic pejora sunt.

Ascites. Multos homines vidi dolore imma-
ni cruciatos, qui postea nil mali habuerunt in
visceribus, sed totum abdomen pure plenum
fuit, sed hic vomica in diaphragmate fuit deor-
sum erupta, si vero in thoracis cavo rumpatur,
oritur Empyema.

§. 904. Hic omnia ut in Pleuritide sunt agen-
da, videndum est, an morbus curari possit per
se resolutione, sputo, coctione, tum hæc
promovenda sunt, sed quædam, quæ in Pleu-
ritide commendavimus, hic fieri nequeunt, sci-
licet inustio, emolliatio, eductio, quæ ob lo-
cum hic institui vel tentari nequeunt. Cly-
smata mollia ob loci vicinitatem valde juvant,
quoniam faciunt balneum internum, hæc om-
ni hora sunt injicienda, & tamdiu donec vi-
scera fiant Paralytica, nam ad tonum facile re-
stitui possunt.

§. 905. Hoc fit post inflammationem dia-
phragmatis, apostema, quod plerumque rump-
itur, evacuaturo in cavum abdominis, unde
pus exit, quod quotidie augebitur, acrevit,
& putrescit, hinc viscera abdominalia mollia,

ibi

ibi hærentia hepar, splen & páncreas corrum-
puntur & intestina eroduntur, omnia maceran-
tur, quasi coquerentur in lixivio ex urina fæ-
tidissima confecto; Medicus in hoc casu qui-
dem palliare potest per antiseptica seu putre-
dini resistentia, sed nunquam curare potest,
ergo Medici vocati ad morbos abdominales
eogitant in diaphragmate esse inflammationem,
nec in remedia calida tam proni sint.

§. 906. Dices, an nil potest ars? responde-
tur vix aliquid imo parum, sed incertissimum
est, dummodo sciatur, 1. esse abscessum, 2. ho-
die rumpi, 3. cadere in abdomen, sic habere-
tur aliquid auxilii, nempe quatuor digitis ab um-
bilico abdomen est pertundendum, cannula
imponenda, pus evacuandum est, sed cum hæc
omnia fieri vix possint, apparet fere multum
insanabile, ibi enim hæc nimis sero post aliquot
septimanias cognoscuntur, jam omnia corru-
pta sunt, sed si possit sciri factum esse pus, tum
abdomen esset aperiendum ut in Ascite, hac ra-
tione pus ibi ut aqua educitur, quo facto om-
nia sunt agenda ut in Gastroraphia, vide *Caput*
de Vulnera Abdominis, hinc mali ejus pericu-
loitas & cura difficilior cognoscitur.



Hepatitis & Ilerus Multiplex.

§. 907. Si mihi liceat de propriis scriptis ali-
quid dicere puto hoc caput esse omnium opti-
mum in toto opusculo, quoniam hic omnia,
quæ Veteres de hoc morbo habent, collegi;
hoc capitulum est fundamentum omnium mor-
bi;

borum Melancholicorum, Hypochondriacorum &c. Icterus est cacochymia sanguinis humani cum colore bilioso diffuso per totum corpus, non dico cum colore flavo, nam si sit atrabilis, tum color est ater, si bilis sit viridis, tum color est viridis. Sequitur hic inflammatio hepatis, cui semper fere conjungitur Icterus; dabuntur hic dogmata maxime singularia apud alios non invenienda, ad quæ ansam & cognitionem solum duo Auctores Hippocrates cum suis commentatoribus & Boëtius in Sepulchreto Anatomico dedere: raro de hoc morbo cogitatur, & forte non ita frequens est ob rationes, quæ hic dantur, habet enim hepar exiguum arteriam respectu tantæ molis, ibi positum est, ubi perpetuo movetur, vasaque ejus sunt satis magna, satis laxa, facile resolvitur hoc motu, cur non sit frequens inflammatio per venam portam? quia ejus sanguis fertur minimo impetu, hinc raro fit 1. ob motum, 2. ob pauca vasa arteriosa, 3. ob venam portam laxam, & per eam sanguinis lentissimum motum, adeoque infrequens, nec tam vehementer est inflammatio. Nulla bilis est in sanguine, sed omnis bilis est in hepate, vesica fellis, poro hepatico, poro cystico, ductu communi, intestinis tenuibus, duodeno, jejunio, venis mesentericis, absorbentibus: si nunc bilis deferens, hoc territorium agatur per venæ cavae radicem, tum totus sanguis fit colore bilioso tinctus, cum bilis naturaliter tantum tingat excrementa. Omnis sanguis venosus ineptus est ad inflammationem, omnis sanguis venæ portæ est sanguis venosus, sed postquam transivit per pulmones, ubi concutitur & compingitur jam ad finem arteriæ pulmonalis com-

-1001

pa-

pactissimus factus, hinc tum aptissimus evadit ad inflammationem, hinc omnis inflammatio in arteriis ab aorta oriundis raro in pulmoni-
cis. Nullus Medicus post Hippocratem hunc morbum bene pensitavit, solus Hippocrates (li-
cet sparsim) notatu tamen digna huc illuc an-
notavit.

§. 908. *Ultimis.* Nimirum in arteriæ hepaticæ ramo cæliaco ad dextrum vergente Clarissimus Ruyshius post Eustachium demonstravit diaphragmatico-hepaticas imo à ligamentis he-
patis & à cysticis deferri arterias, hæc quatuor genera arteriarum veniunt ab aorta. In toto sy-
steme vasorum mesentericorum nullæ sunt val-
vulae in vasis brevibus, & in cæliacis, vide
Ruyshium de injectione per venas mesentericas ad arterias usque: hinc patet, quod sanguis pressus retroire possit ex arteriis mesentericis in ipsas venas mesentericas, & inde patet resolu-
tio problematis, quomodo homo vivere possit toto hepate impervio facto & indutaro, ut ego obseravi, nam inde liquet, quod sanguis tunc in hisce vasis retropelli debuit, hinc illi ægri cum sua hepatide semper laborant ad mor-
tem usque.

§. 909. Nullum verbum hic posui, quin multis observationibus Anatomicis confirma-
tum sit.

Obesitas omenti sæpe Hepatidem produxit, multi Auctores observarunt, quod si armenta in lata pascua ducta maxime pinguescant, tuncque moveant multum, aut ingens æstus oria-
tur, hæc circumrotentur (vocabamus stultitiam boum) & postquam aliquoties sic se verterunt,
& boaverunt, cadunt mortua, tum in apertis
eorum cadaveribus hepar ruptum invenitur, &
mor-

mortis causa fuit, quia oleum omenti circulatur per singulares ductus ad hepar & miscetur bili *demonstrante Malphigio* aliisque, si a nimio motu vel æstu liquefacat pinguedo, tum fertur in hepar, obstruit, infarcit & ruptionem hepatis producit, atque in fine morbi oriuntur Diarrhææ magnæ & dejectiones quasi totum hepar esset fuscum, hinc hac ratione solvit pinguedo, & tum copia olei per vasa epiploica ad hepar defertur, & hepar oleo obrutum non transmittit oleosas partes, & sic vasa obstruuntur ac obstopantur, si equus penitus obesus valido cursu exagitetur, solvit omentum, obruitur hepar ad crepaturam usque & animal brevi moritur; hinc obesi in calore multum moti sæpe ab hæc Hepatitide moriuntur, aut Ictero liberantur, verum hanc esse causam ipse vidi, sed vix advertitur à plurimis, licet sæpe fiat.

Atrabiliaria. Nempe ex oleo & terra simul junctis, diffusa parte spirituosa, & aquosa, quando per cæliaca ad hepar hæc materies atrabiliaria ruit, tum ibi inflammationem producit, qualem sæpe vidi in viris Hypochondriacis multis vectis, currentibus aut æstuosis.

Temperies. Miror sagacitatem veterum, qui nesciverant circulationem; bilis atra vocatur pars crassa fæculenta sanguinis, hæc debet à corpore cum sanguinea massa deorsum ferri & hærente circa vasa cæliaca, & mesenterica, & quidem ex circulationis lege.

Scorbuticæ. Hoc clare patet, quod hic nulla sit vasorum contractio, sed inertia, & simul angustia, hinc ibi fit magna puris collectio, & hoc abit in sanguinem, hinc cacochymia oritur. V. g. mamma exscinditur, scissio non mali facit, sed postea cutis non coit, sed regrediat, retro-

trotrahitur, si tegatur, emplastro glutinatorio, ut pus exire non possit, tum paulo inferius pus aggregatur, & ordinario inde moriuntur ægri, nam pus retrorsum deorsum currit, & it vel in hepar vel in pulmonem; hæc materia liquefacta ruit semper in hepar, quia porta ibi omnia deponit; hinc hepar luit peccata reliquorum viscerum abdominalium.

Calor. Si non accedat calor, tum tantum obstrucio orietur non inflammatio, sed si motus à quacunque re accedat, ex obstrukione fiet inflammatio; hinc optimi Medici hæc corpora vix movere audent, sed usque ad finem sensim removere tentant.

Bilis fiet exusta. Quia violentia circulationis orbatur partibus subtilibus, & in omni violentiæ motu semper fit acerrima, si ergo per febrim Ardentem sanguis fit acrior, eo fiet acrior bilis, sed cum bilis sit omnis humorum corporis post urinam acerimus, eo acrior fiet cæteris paribus ac sanguis &c. unde producet erosiones &c. in hepate.

Lapis. Concrescit sæpe intra hepar, cysti, ductum biliarium vel communem lapillus, qui si magnus congestus impedit omnem humoris transitum, humor accumulatus movebitur & arietabit in lapidem, hac ratione facit inflammationem, hoc sæpe fallet Medicos; sunt, qui certis temporibus, postquam ederunt alacriter, laborant dolore, anxietate, torminibus summis, nausea, vomitu, postquam malum aliquantulum duravit, abit, sed postea fiunt ægri Ictericæ, hoc semper à lapide esse factum inveni, ubi fibræ tandem adeo irritatæ produxerunt nauseas, vomitus, tormina, unde bile tum per venam cavam regurgitante fit Icterus;

in

in hoc millenis experimentis confirmor, sed calculus per se non laedit, sed quatenus moveatur, nam si ibi hæreat calculus in medio hepatis & vomitorium à Medico præscribatur, vel si æget ab alia causa vomat, tum hepar comprimitur, & margo calculo vicinus conteritur, unde oritur inflammatio, quæ etiam ab alia causa oriri potest. Hoc etiam observavit *Sydenham* in *Tractatu de Passione Hysterica*, sed ignoravit causam; si scirrus adsit, vasa vicina recipient attritum, unde inflammatio circa limbos scirri orietur.

Potum. Nam hepar ventriculo incabit, hinc si homo æstuans gelidum potum bibat, tum sanguis in hepate copiosissimus frigescit & coagulatur.

Natationem. Homo, qui in æstuatione à venatione redux in flumen se contulit anteas sanissimus, jam vero totus ictericus factus est, & sic per totam vitam mansit; idem fieri potest à vino & motu, aut si per rimam frigidum ventum accipiat æger, inde facile Peripneumonia vel Hepatitis producitur.

Sitis. Nil pejus est, quam non bibere, nam tum sanguis fit crassus, de natura etiam sanguinis crassi est, quod non in caput, sed in hepar tendat, hinc multi milites pereunt in magna siccitate, ubi vix potum accipere possunt, nam multum laborando sudant, & sic liquidissimum avolat, hi tum accipiunt dolores ad latus, fiuntque icterici, qui morbus, si adhuc sit levis, Dysenteria sæpe absolvitur. Hoc observavit *Hippocrates* in messoribus, viatoribus æstivo tempore, quibus si sanguis insipsetur, per hepar non transit, sed ibi accumulatur.

Febris

Febris &c. Semper fere definit in hunc morbum, hinc quibus non satis potus in febre Ardente datur, si resurgent, diu circa hæc loca se male habent, hinc pessimum est tum à potu abstinere; ego ipse à Medico solis sudoriferis olim curatus sum à febre Ardente, sed diu ibi circa hepar dolui, hinc credo plurimum peccare eos, qui in aëre calido versantur & non potent, sed tamen non fiat nimis cito, nec larga sed parca simul potatio.

Summæ animi perturbationes stagnationem faciunt, hinc polypos creant in maximis vasis ante cor, in sinibus venosis hepatis, falciformibus cerebri, redeunte per periodos Ictero; talem vidi in mercatore, cui nunciabatur eum perdidisse navem & omnia, cui perturbato paulo post oriebatur Icterus, emarcuit, & mortuus est à scirrhofo hepate.

Vomitoria. Nil periculosius est, quam dare vomitoria, quando nescimus, an humores sint meabiles nec ne per sua vasa, notandum igitur, quod si in Ictero à calculo excitetur vomitus, & tum si calculus brevi exire posset, optimè, quidem succedet, sed si non descendere possit calculus, tum vasa in hepate rumpuntur & pessime cedent vomitoria; omnis enim sanguis abdominis tunc maximo impetu projicitur in venam portarum, adeo ut sanguis eat in minora vasa lymphatica, unde errore loci fit inflammatio.

Mala hypochondriaca. Nam si totum sistema arteriosum, vel si arteriæ mesentericæ & cæliacæ obstructæ & sanguinem crassum non transmittant, tum ubi hæc sanguinis crassities solvitur, & it in hepar, Prima sedes horum malorum est in ductu zigmoidio, utrumque scilicet

eet, secunda in hepate, ubi fiunt morbi Chronici & Ictericí.

§. 910. Hepatitis habet 1. causas communes reliquis inflammationibus, 2. prædisponentes in hepate, 3. varietatem causæ alius morbosæ, hinc ille morbus mirifice varius est; quo mala, ex quibus hic morbus ortus, pejora, eo morbus quoque pejor, si simplex sit inflammatio, spes est facilem fore curationem, si ab atra bile sit; vix ulla spes supereft, si ingens febris lethalis hoc semel vidi, aliter non ex *Hippocrate* hæc dicta de hoc morbo intellexissem.

Pellentis. Unde si dicta diathesis in materia atrabiliaria obtineat maxime cavendum est à vomitoriis.

§. 911. *Tumorum elevat.* Quo plus tument vasa sanguinea eo plus coimprimunt vicina minora vasa, quæ compressa inflammantur, & hoc se magis ac magis ita extendit, ut tandem maxime tumeat hepar.

Eadem. Hæc est margo tuberculi iterum inflammatur à tumore comprimente, hujus vero margo ob tumorem marginis præcedentis inflammatur, & hac ratione inflammatio serpit.

Dolet. Demonstrante Ruychio arteriæ phreniticæ multos ramos ad hepar dimitunt, proinde hepate inflammato arteriæ phreniticæ & hepaticæ inflammantur; hinc diaphragma labrat, unde sæpe cito fit Paraphrenitis & mors, Hepar est vasculosum, hinc ejus inflammatio vascula obstruit, silit triplicia liquida, sanguinem arteriosum, venosum portæ, biliosum absorptum forte à venis mesentericis, unde in tumorem elevatur, & inflammatione loca vicina tenera hepatis comprimuntur, in loco com-

compresso iterum fit similis inflammatio, hinc increscit hepar, ut totum fere abdomen s^ep^e occupat, ventriculus hepatis subjacens comprimitur & impeditur, ut inflato ventriculo dolebit, distento ventriculo omnis ejus sanguis fluit in hepar.

Omnem cruentem impedit. Hoc inde sequitur, quia solum hepar omnes humores harum partium transmittit, hepar enim non solum peccat sibi sed pluribus aliis partibus, sanguis totius fere abdominis evacuatur per hepar, quo omnis circulatio jam pervertitur, & depravatur; hinc icterus quibusdam dictus Regius Morbus vel Morbus Augginosus, in quo oculi tunica alba & toti cutis flavescit, ille oritur, si bilis à sanguine venæ portæ secerni impediatur, hinc materia biliaria abit in venam cavam, transit per cor, & miscetur sanguini ad glandulas subcutaneas facit lympham, & serum flavum, hinc ubi lymphatica vasa ibi flavedo fieri debet.

Lymphaticum. Quamvis lymphatica hepatis non inserantur hepatis, sed tendant ad alvum, chyli, attamen quia comprimuntur à vasis sanguineis vicinis inflammatis impeditur in illis fluxus lymphæ,

Circulatio bilis est ex cavo intestinorum in venas mesentericas minimas, unde secundo in venam portæ, tertio in ejus ramos per hepar, quarto in suum ductum ad intestinum Duodenum, & deinde ex intestinis rursus in hepar & sic porro per easdem vias citatus; hæc est tantum via circulationis bilis.

Actionem invertit. Deus enim in hepatis venis nec in arteriis valvulas fecit, hinc sanguis motu inverso ire potest.

Effe-

Effectus. Vidi oculis meis & manibus tractavi ægrum, qui in tota vita Itero omni mense redeunte laboraverat, nam per tres septimanas æger se bene habebat, sed quarto vomitu violento vexabatur, & tum iterum sanabatur, & iterum eodem modo redibat usque ad ipsam mortem, in ejus cadavere post mortem aperto inveni ductum choledochum calculis obstrutum, unde dolor, totumque malum oriebatur, antequam vero vomitus fiebat, oriebantur murmura, & tum sequebatur vomitus color æruginosus, urina aurea, hinc re expurgata sensim abibat, & post collectionem iterum redibat, hocque hic factum est bile retrograda, si vero calculus solveretur, tum oriebatur sanguinis ut & lymphæ disturbatio, & totus homo atra bile flavus fiebat.

Putrefactio. Nam bilis est sapo attenuans & in liquidum subtile humores convertens & sic viscosum tollit; Hydropem & putrefactionem producit, ut clare in illa veteri incola in nostro Nosocomio explicavi.

Mala. Bilis sanguini mixta cum maxime fluidum reddit & resolvit in aquam pergentem in Hydropem, contra quod vulgo putatur, nam dicunt bilem sanguini mixtam creare obstructiones per visciditatem.

§. 912. Exitus hujus morbi est triplex ut in alio morbo. Sanatio vocatur mutatio morbi in perfectam sanitatem.

§. 913. Sanatio fit per naturam vel artem, per naturam, quando in corpore talis est status, ut materia morbosa possit solvi sine ullo alio morbo residuo, nec inde recursuro; morbus solvitur diaphoresi, vel resolutione vel crisi seu coctione benigna.

Tom. IV.

K

§. 914.

§. 914. Resolvitur, si materia sit recens, non-dum actis, ut rodat tenera & friabilia hepatis stamina, si lenis & reliquæ conditiones ante jam dictæ adsint. Ut si v. g. quis febre laboret, ubi color croceus & urina crocea adest, tum fit bilis resolutio, si nunc talis homo habeat talem urinam, & colorem flavum imprimis in oculis & labiis, ubi vasa sunt nudissima, tum scimus Icteri præsentiam, jam vero definiendum est, an hic aliquid sit agendum an non? hoc sic judico, si fæces adhuc sint tinctæ, digestio & omnes functiones utcunque bonæ, tum spero resolutionem, si vero contrarium adsit, nempe si urina valde sit tincta, digestio nulla &c. tum inflammatio abit, in suppurationem & scirrum &c, hinc tunc ars succurrere debet; huic ægro non dabo cibos, qui requirunt bilem, ut temperent, non dabo juxta sententiam non nullorum potus, qui faciunt materiam fluere in corpore, ut Crocus, hæc quidem circumveundo per cutim materiam expellunt, sed morbum non sanant, dabo vero decoctum seri lactis cum Acetosa, radice Graminis, & fomentis similibus, locus tegatur, clysmata injiciantur, ut interne balneum &c. si vero fortiter purgetur æger, plerumque inde male se habebit, potus diluens cum nitrofis maxime convenit, uti & balnea, hæc cum leni motu & frictione maxime promovent, frictiones repetitæ summopere prosunt, quia hæ urgent humores, & eorum transitum juvant. Erat Amstelodami Æthiopissa sanans malum hypochondriacum, dicebat se habere unguentum specificum, quod applicabat, sed semper simul fricabat ad latus dextrum, sic curatio vulgo adscripta fuit vi pene-

ne tranti unguenti , sed frictio hoc efficiebat ,
vid. *Galenum de Uso Frictionis.*

Solvendo per Saponem Venetum , per mel recens cum pauco Vino Rhenano aut simplici aceto aut per succos saponaceos ex omnibus herbis pappescentibus lactescientibus Cichoreis , vel ex succis Horæorum ut ex succo de Bacis Sambucis , Cerasorum &c. tum potissimum ex succo recenter expresso Graminis. Hæc etiam tum semper leniter movent & apponenda sunt primo per epithemata &c. veteres tales ægros in balnea deducebant & nos idem facere possumus per epithemata , fatus , potus , clysmata , ut omnia exteriora & interiora laxentur.

§. 915. 1. Adfui in tali casu domicellæ , cui post ingentes dolores hepatis , ardorem , & sitim , incepit fæx alvina deponi flava , sanguinea , biliosa ; alii Medici putabant esse Dysenteriam , & dare volebant antidyserterica , sed ego oblixi , unde curata est , sed hoc fieri debet ante quartum diem . In hoc casu dabo decoctum Lini Cannabini seminis , decoctum Filicis &c. ut & Saponem Venetum . Fæces inspectæ exhibit strigmenta sanguinea interspersa & sunt glutinosa & hoc idem contingit in hepate ac per sputa ex pulmone , itaque hoc est bonum signum notans materiam resolutam huc ferri .

2. Hoc etiam ante quartum diem fieri debet , ne abeat in suppurationem , nam ante illum diem obstructio sensim potuit dilatare vascula versus intestinum duodenum , ut materia evacuetur , & per urinam exeat ; hoc etiam denotat hanc materiam resolutam per renes excerni , de hæc re in Peripneumonia & Angina dixi .

K 2

3. So-

3. Solus *Hippocrates* hoc annotavit, unde mire torquentur interpretes & commentatores, sed nil obscuritatis habet, nam oritur, quia lien est multo facilius dolore afficiendus quam hepar, & succum dimittit per hepar, itaque hepate male affecto intumescit lien & fit hebes, verum si hepar incipiat liberari & fluxus fieri per illud, tum lien quoque intumescere incipit, & hinc tandem dolore afficitur, ergo fluit sanguis, antea vero nervi erant stupefacti ob vascula nimis eos distendentia jam vero paululum soluti dolent; si vero ille dolor accrescat, ut bene notat *Hippocrates*, tum lien suppuratur.

4. Hoc *Hippocrates* dicit, an forte putaret, quia est hepar dextrum, saltem observatio id confirmat.

5. Nunquam sudor est flavus, factens, viscosus &c. ad diem quartum in hoc casu, quin hoc sit bonum signum, si alia signa adsint, nempe si cessent simul mala symptomata.

§. 916. Primum si fieri incipiat, dabitur optime serum lactis, quæ essentia Graminis, Bellidis, Cardui Pratensis, Acetosæ Pratensis, nam hæc quatuor imprimis vaccarum pabulum sunt, & maxime hic convenientia vi diuretica; si dolor cessen, frictiones sunt adhibendæ, optime conducunt clysmata desumpta imprimis ex Cichoreis, Endiviis, Chondrillis, Sonchis, Lactucis, Traxacis, Scorzonera, ex his parari possunt Epithemata & decocta cum paucō Rhabarbaro.

§. 917. Eadem fere diuretica hic sunt optima; serum Lactis æstate optimum, Hyeme vero non bonum, tunc enim potius exsiccat, quia vaccæ vescuntur fæno.

§. 918.

§. 918. Materia deposita est ad transfluentum, hinc nullus fit potus calefaciens, inflammans, stimulans, sed omnia lenia & sapponacea, quo optime faciunt clysmata, nam colon replere est verum fomentum hepatis, pancreati & spleni ad latera, hinc calore semper sit plenum, ne aliquid remanens scirrum faciat, unde dein oritur morbus hypochondriacus & melancholicus. In hoc morbo hepatico fit dolor pulsans circa dextram partem, cavendum tantummodo; ne ullum frigus accedere possit hepatis, nec etiam calor nimius, qui materiam morbosam accendere posset.

§. 919. Si adsit dolor capitis circa frontem, si oculi rubeant, & nasus dexter titilletur, & nonnunquam gutta sanguinis, tum fomenta ex Lacte calido sunt applicanda, si non nimis fluat sanguis, tum decoctum ex Salsaparilla, Lactuca &c. sumendum, in hunc finem optimæ sunt spongiae humectatæ fronti applicatæ, ut faciebat *Hippocrates*, juvat & vapor aquæ calidæ, si Hæmorrhagia fiat nimia, tum illa est fistenda, nunquam hoc mihi fecellit sequens:

℞ Vitrioli communis 3ij.

Aqua simplicis 3iv.

M.

Postea sumo mantilia vieta ex crassiori filo (Belgice *servetten*) inde facio turundas conicas ad crassitatem dimidiate digiti minoris, ad longitudinem minimi digiti, & tunc flexili stylo tenui plumbeo vel argenteo vel calamo scriptorio has circumpono, hoc facto tingatur extre-

K 3

mum

mum turundæ circumtortæ tubo plumbeo vel
hoc plumaceolum calamo exceptum huic mi-
sturæ, mensurando extrinsecus longitudinem
nasi, tunc impono naribus sursum horizontali-
ter juxta ductum palati pergendo, id est, parte
qua retinetur, intra manum paululum elevando,
postquam jam ad illam altitudinem oculorum
mensurata perventum est, verti debet interne
versus medium nasi, ut tangat arteriolam sub
Crysta Galli stillantem, deinde æger clausis na-
ribus exspuat, si nil sanguinis veniat, sanatio
facta est, hac mixtura illico Hæmorrhagia fisti-
tur, tunc penna extrahitur, plumaceolumque
relinquitur usque ad tertium & quartum diem,
quod postea sponte à natura separatur. In hac
operatione tantum est cavendum, ne ad of-
ficula spongiosa etiam arteria lœdatur.

§. 920. Hoc factò sudores non uno momen-
to sunt movendi sed lente sustinendi, nec san-
guis obruendus, ut per hos sudores exsiccatur,
itaque non una vice magna copia diluentium
est adhibenda, sed corpus sensim replendum
est diluentibus, abstergentibus, & aperientibus,
si nimis fluat sanguis & sudor continuetur, ut
determinem, dabo lenia sudorifera non calida,
Diascordium Theriacalem Philonii, sed non
aquam, detur aqua cum **Lactuca**, **Scorzone-**
ra, **Sonchio**, **Taraxaco**, **Tragopogone**, **Hie-**
racio, **Radicibus quinque Aperientibus**, **Fu-**
maria, vel similibus hepatis, quasi propriis sapo-
naceis medicamentis, coquentur & potentur
ingenti copia, si materia diffluat, ille morbus
tollitur, nempe si febris adhuc adsit, aliter
nimis serum est.

§. 921. Si æger à morbo Acuto Ictero labo-
raverit, tum omnem materiam ex hepate sol-
vere

vere debemus, hoc vero factum esse scimus, si urina per tres dies non habuerit flavedinem, si oculus nec labia microscopio appareant flava, si excrementa naturaliter flava, si in motu paucum majori non sentiatur dolor ad hypochondrium dextrum, tum nil materiae remansit, & salvus est æger, si vero color flatus remansit, & pondus sentiat æger tum æger non est relinquendus, nam aliter abibit in scirrum.

§. 922. Si in febre Acuta valida dolor inflammatorius, pectorius ardens ad locum hepatis & diaphragmatis adsit, hypochondria dura extorsum pressa, cutis flava, albedo oculorum flavescens, tum adest Hepatitis, tum cavenda est suppuratio, hocque fit per venæ sectionem, sed tamen hic nulla fieri potest revulsio, ut in pulmone, verum hoc nimiam vitæ vim infringit, postea per clysmata & fatus partes sunt emolliendæ, hinc saponacea diluentia & putredini adversa convenient; Galenus notavit, quod si acutissimus dolor adsit, tum sæpe ex peritonæo materia externe rupta deponitur, quod si vero in medio hepatis hæreat, tum dolor est obtusus & morbus peior; consideranda tunc est magnitudo symptomatum & degeneratio functionum, quæ tunc in corpore fit, tum igitur vis vitæ est minuenda, mittatur ergo sanguis, donec dolor non amplius urgeat, & febris utcunque sit remissa, secundo statim injiciatur clyisma ex Tamarindis, Taraxaco minutissime conciso in sero Lactis recentis decocto, vel in aqua pura, inde parabo clysmata & potum diluentem, qui etiam instar saponis absterget; hinc veteres omnes ad plantas amaras lactescentes recurrent; Cichorea, Endivia, Taraxaca, recentia optima, magna co-

pia non in syrups, sed, meris decoctis v. g. radices Graminis, Taraxaci sumantur ad partes æquales nempe ad duas libras, & coquantur in quantitate sufficiente aquæ puræ, tum colatura adhibetur pro potu ordinario. Tertio utatur epithematibus, fotibus &c. optimum etiam est Nitrum Stibiatum, Stibium Diaphoreticum vel Sal Polychrestum cum syrupo de Fumaria, de Cichoreo cum Rheo vel syrupo è quinque Radicibus Aperientibus.

§. 923. Omnes febres Autumnales inflammatoriae malignæ vomitum facientes, Acutæ fere sic hærent; signa sanationis sunt, fex non flavæ, sed cocta figurata, naturali colore & urina bona, oculi albi, hinc scitur abesse Icterus. Symptomata sunt gravitas, anhelatio, dolor in loco &c.

§. 924. Secunda Icteri species curatur, ut secunda Pleuritis, & per se est lethalis vel abiens in aliud morbum; hinc maxime errant Practici Icterum nunc describentes & generali curam & universale medicamentum, unus laudat pulverem Martis, alter Camphoram cum Croco, tertius aliud specificum, sed quilibet Icterus, quilibet ejus gradus aliam requirit curam.

§. 925. Bonum pns. Quia totum hepar constat textura vasculorum, hinc nata ibi suppurationis omnia illa vasa corrodi & facit ichorem hepaticum, unde suppurations hepatis tam pessimæ sunt, nam non potest lente procedere inflammatio, ut fieret, si ibi adesset pinguedo, ut in multis aliis partibus; denique nunquam fit suppuratio in magnis arteriis, sed in capillariis, hepar quasi spongia sanguine tumet, quod ruptum est, sanguinem accipit, hinc potius fit ma-

materia ichorosa putrefacta, vel amara (ut dicit Hippocrates) quam album pus.

Putredo plerumque talis oritur, nisi inflammatio aliquando tantum fuerit in exteriori parte, hinc distinctio inflammationis oritur in parte media vel gibba; gibbam bonam dicit *Galenus*, at in media si facta sit suppuration, funestus erit exitus. Hoc vidi in moderate viventibus & lubricantibus, uti & in otiosis domicellis.

§. 926. Prævidetur futura hæc suppuration ex signis sequentibus.

4. Omnis quippe inflammatio, quæ stat, nec retrogradit, habet febrim violentam non pessimam, dolorem non summum sed increscentem, si duret ultra triduum suppurratur,

§. 927. Tum scimus suppurationem fieri, nec resolutionem esse sperandam.

1. Hepar enim est valde friabile & digitis conteri potest dempta membrana exteriori & crepat in cadavere violenta morte extincto. Vires tum deficiunt, ut fortissimus quisque nullas vires habeat, tum jam nata est suppuration.

2. Tumore sub hypochondrio dextro sub costis spuriis.

3. Præcipue si dolor remittat, & si tumor & pondus in loco.

4. Nam homo, qui ulcerus habet in hepate est debilissimus & valde sinit, vidi enim puerum ebibisse pintas una quaque hora, & debilem admodum fuisse.

§. 928. Effectus suppurati hepatis sunt sequentes.

1. Substantia hepatis quasi sponte friabilis est, latera apostematis facile eroduntur, hinc totum

tum hepar corrosivum corrumpitur tunc membrana hepatis, quæ aliter tam tenuis est, fit crassa & dura & hepar tumet.

2. Aliquando per rupturam stillat pus in cavum abdominalis, quod ibi accumulatum creat Ascitem purulentum quem comitatur Tympanitis, tunc enim idem fit ac in Paraphrenite, licet Icterus maneat, si abdomen post mortem ægri aperiatur, tum subcæruleus apparel putrefactus liquor, ut aliquoties vidi.

3. Aliquando materia apostematica aperit oscula minima vasorum biliosorum ad ultimas radices, hinc transit in intestina per ductum communem, corrumpit omnia intestina, tum ex Diarrhœa moritur æger, & fit Dysenteria hepatica, hæc est duplex, dum hepar pus suum expurgare debet, si purget hancque bonam dejectat materiam, sed si ille fluxus perpetuus sit, malum est signum, nam hepar tum consumitur.

4. Ab hac cacoehymia ichorosa creatur perpetua fitis, nam materies ichorosa tunc retropellitur aliquando in sanguinem per penam cavam & fit febris Hæctica pessima, pejorque quam si oriretur tantum pure, nam quod refluxit in sanguinem, est ichor pessimus, unde oritur Phthisis.

5. Sic si abscessus externe rumpatur, sæpe ægri sanantur, hoc sæpius externe fit, ut semel vidi in Pleuritico; tubercula externe vidi orta, quibus ruptis magna puris deposita copia, æger feliciter sanatus fuit, Galenus dicit ad gibbam exeso concreto fit sanatio.

9. 929. Fit Tabes, id est, Atrophia, marasmus, exficiatio totius corporis, Tabes lenta, non tam cito, quam pulmonalis, Ictericæ, id est, flavi

flavi manent ad mortem usque; urina fere nigra;
nam totus sanguis hac amurca inficitur; hinc
Tympanites, quia vapores horrendi elasticí
exeuntes, quasi vento inflant abdomen, ho-
mines, qui per multos annos sunt flavi, assiduo
febricitant, nam cacockymia febrim naturalem
producit, sitis fit intolerabilis ab humorum
putredine; anxietas adeat, quia sanguis per va-
sa hypochondriaca transire nequit.

Tympanitide est tumor admodum elasticus sine
materia hærente in peritonæo, tum in eum tu-
norem pulsus sonum facit.

In Praxi sœpe contingit, ut ægri misere la-
borent morbo anomalo & habeant Dysenterias,
quæ non sunt hepaticæ, sed chylosæ, quia
bilis chylo se immiscere non potest. Vide
Vesalium de Radice Chinæ de viro tali morbo
laborante, qui subito defecit & mortuus est.

§. 930. *Nullam medelam*. Nisi sint herbæ re-
centes virides hepaticæ dictæ, antea recitatæ seu
fontes medicatæ, si vires ferre possint, nam
hæc non agunt nisi per vim vitæ, inde actuosa
reddi debent, aliter ægrum suffocant; acida
blanda sunt optima, uti & fructus horæi. Hæc
Icteri species est lethalis & in hac omnia nil
juvant, quæ aliis profuerunt.

§. 931. *Collectio*. Idem ac in Empyemate
& Pleuritide, nam hic Vomica depurari ne-
quit.

Aseiles est tumor abdominalium à materia in-
tus contenta distentus; est tumor abdominalis
instar utriculi inflati factus, & tunc si abdomen
percutiatur, non resonat.

Tympanitidem est morbus priori pejor, hic enim
omnia vasa ventriculi, intestinorum compri-
muntur, & obstruuntur, & sic nutritio non
fiet;

fiet; *Boyleus* docuit, quod quædam sint corpora, quæ aërem generant, nempe sanguis & alii humores præsertim si putrescant, & inde fit Tympanitis: materies tunc elastica generatur à pure putrefacto, uti semper generatur ex materia putrida, tunc pondus non est majus cæteris partibus & venter percussus resonat; Hanc vocavit *Hippocrates* Hydropem siccum.

Terribilem. Omnia viscera abdominalia, dia-phragma & intestina eroduntur, corrumpuntur, & hoc accidit hominibus, qui post longum Icterum incident in Tympanitidem.

Mors. Nam omne corpus intra fluidum possumus æqualiter præmitur in omni puncto, sic hic aëris in abdomine premit omnia contenta & aëris externe reprimit, hinc in prelo hærent vasorum & intestina & ideo mors. Hic Icterus vix est sanabilis, in quo ægri tot annis manent, & quo cum colluctantur cum variis symptomatis, tandem extenuatis fit cutis primo flava, tum viridis, dein atra; & postea ægri exstinguntur; nec Apollo hic ipse remedium dabit, nisi ulcus mundetur, & pus eluatur, nil proficitur, quod hic loci fieri non potest.

§. 932. Si ulcus adsit in hepate, pus fit quotidie tenuius, rarius, ultimo vascula biliosa erodit, in ea se insinuat, fertur in speciem materiae ichorosæ corruptæ, hoc itinere facto, fætidum pus in intestina delapsum sursum fertur, unde Ictericæ totam vitam vomunt materiam biliosam, horridissimam, sitis est magna; ægri habent animam fætidissimam, ructumque cadaverosum, & quidquid assumunt, semper evomunt, nisi summa acida devoraverint. Ad inferiora si fluat, fit Diarrhæa purulenta, acris materia intestina erodit, oritur Diarrhæa colliquativa.

quativa, biliosa, ichorosa; tales Diarrhoici sunt Ictericī, sed hæc Diarrhæa non ut Icterus cūratur, sed hæret Vomica, quæ se in intestina evacuat, sic ægri consumuntur tali colliquativa vel sursum per vomitum vel deorsum per Diarrhæam & inde cito extinguntur. Si tales vomitus, Choleræ vel Dysenteriæ fiant, morbus brevi est lethalis, quod sæpius vidi, oriebatur morbus Acutus, qui terminabatur in Icterum, in quo omnibus frustra tentatis Dysenteria & Tenesmus oriebatur, quem compescere non poteram, & hac ratione hepar consumebatur, sic vidi quoque nonnullos male semper materiam fætidissimam deponere coactos, antequam vero hanc posuerant, instar cadaveris olebant, si tum darentur adstringentia, tum summa anxietas oriebatur, si vero nimius esset profluxus, tum summa debilitas; hinc ille novus Icterus est maxime metuendus, nam si talia vomant vel dejicient, quidquid agatis extinguntur miserrima morte, nam quidquid est sanguinis, illud se huc evacuat quovis momento stimulati cum summo dolore, parum subflavi depo- nunt, medelam vix capit, solum aliquid efficiunt acida & leviter salsa Diarrhæam promovent, hinc acida meliora, Vinum Rhenanum, cum pauxillo succi Citri, Spiritus Salis Nitri, sed omnia putredinem inhibentia pro potu tenui, & leni, ex Oryza, Milio, ex hordæo sunt optima, nil plus nocet, quam pisces, carnes, ova; & similia, nam statim in ventriculo putrefescunt, sed acida putredinem corrigunt & refringunt.

933. Si materies putrida in sanguinem fertur, tum sanguis fit cacochymicus & putridus, si vero quid alieni sanguinem ingrediat-

tur, tum horremus, ut & hic fit, si tum non dum moriantur ægri, tum novus Icterus oritur, qui per multos annos extenditur.

Mors oritur, quando scilicet ichorosa hæc materies exesit fines vasorum in cerebro vel in cerebello, sed antequam hoc fiat, ægri laboraverunt perpetuo Phthisi ichorosa ex hepate.

§. 934. Hanc medelam jam ante clare exposui, hic morbus tamen aliquando in initio curatur, nempe si balneum præparetur victu tenui, & aquis acidulis utatur æger, & si singulis diebus equo vehere sustinere posset, tunc adhibenda sunt ea, quæ non sunt valde acris, sed aperientia v. g. Vinum Rhenanum cum succo Citri & aqua dilutum & copiose potatum hoc maxime prodest, deinde succi herbarum, ut Taraxaci &c. item Aquæ Spadanæ hic multum prosunt.

§. 935. Si post inflammationem hepatis in dextro hypochondrio nascatur tumor mollis, cogitat Medicus hoc fieri ab hepate, pars gibbosa concrescit cum peritonæo, quæ vi respirationis pellitur extrorsum, tum affurgit tumor, simulac hoc oritur, non repercutientia, sed attrahentia, laxantia & emollientia sunt applicanda, v. g. farina Avenæ in Lacte cocta ad finem addendo butyri insulsi aliquantulum, vel ex ipsis recentibus, Cæpis assatis, floribus Althææ &c. tum Melle, hoc cataplasma ponatur ad locum, interne vero maturantia danda sunt, si tum tuber album fiat prominens in acutum apicem, tum in medio est pertundendum tum locus est inurendus lino crudo (ut Hippocrates voluit, putabat enim Scalpellum esse incertius, denique sensim urebat, non valide urgendo illas partes) nam alioquin nimis

mis cito effluit, tum cuticula suppurratur, & sensim aperitur, hinc *Hippocrates* linum hic adhibuit; quod antea in fimo torquens contundebat, & postea adhibebat; locus vulneratus porro ut ulcus externum curatur; etiam huic loco applicari potest unguentum Mercurii vel Basiliconis, Arcæi, Trochisci de Minio vel Mercurius Præcipitatus albus vel Præcipitatus ruber, ut profundius exedatur, donec perventum sit ad locum.

§. 936. Aequale pus bonum, album est optimum, specillum non colorans, nam colorans significat materiam putrefactam, si tale pus exeat, tum certe æger sanetur, hoc enim notat bonam sanguinis diathesin, & quod totum malum hæreat in parte exteriori gibbae hepatis, & quod intus non sit corruptus; si pus exeat, sumitur sequens remedium.

R. Balsam, Arcæi 3j

Myrrhae cum Vitello

ovi contrit. 3j

M. F. Unguentum.

Hoc ungentum immittatur vulneri, & imponatur plumaceolum, ne concrescat, non vero turunda, si mundatum sit ulcus, tollitur Balsamo Arcæi & sola Myrrha, quod est continuandum usque ad clausionem. Interne adhibeantur depurantia medicamenta ex sero Latetis cum Acetosa & radicibus Chinæ, Salsaparillæ & lignis Santalinis &c.

§. 937. Si vero tale pus adsit, tum hepar consumitur, quia non detergeri potest, nam est pars friabilis, quæ detergeri nequit; hoc pus est signum, infectum esse totum hepar, nec illud

illud pus inde educi poterit, neque ulcus con-
crescere, etiamsi extrorsum depuretur, nam
nihil Chirurgicis medicamentis est depurandum,
nisi quod consolidari possit, atque in his
sinibus pure repletis perpetua consolidatio
fieri nequit; hinc ille ichor amurcosus exedit
jecur, unde æger postea consumitur; hoc vidi
in duobus Studiosis, ex quibus quotidie exibat
fætidissimum pus, & sitis tanta aderat, ut
vulneratis à Dipsade, *de morso milite canit Lue-*
canus

*Ille vero in Tanaïm missus Rhenum potaret,
Sitis exhibat pus, donec consumeret integre
Vix ultimo bærebant pellis ossibus.*

Hippocrates, qui hæc omnia observavit, di-
cit, talem ægrum, si hæc ultima appareant,
nunquam servari, si aliquid hic esset sperandum,
obtineretur modice acidis frigidis, pauxillo sale,
ut putredo inhibeatur, vitandi sunt motus animi
vel corporis, sed tamen tales ægros nunquam
curatos vidi vel legi.

§. 938. Si icterus, in molestia & dolores
aliquamdiu sint sedati, nec tamen omnia Icteri
absint signa, postea iterum oriatur dolor in-
gens, tum fit cancer, ut in cadaveribus ex his
dissectis patuit. Ægri, qui laborant perpetuo.
Ictero & doloribus acerbissimis; circa hypochondri-
um dextrum & intestina vexantur, perpetuo
excernunt ex alvo fætidissimam materiam exco-
riantem intestina, scirrus nec cancer suppurari
possunt, quia hærent extra vasa circulationis
& est tantum in locis glandulosis Scirrus he-
patis sæpe observatur apud Bonetum in Sepul-
chreto Anatomico, quia scirrus impedit bilis se-
cre-

cretionem, unde æger Ictero laborabit, sed vitam diutissime trahit plerumque fere per bienium vel ultra, multi sunt, qui habent malum Icterum, quem quidem ferre possunt, sed non auscultat his omnibus medicamentis, si dentur lenia, nil agunt, si acria fortiora, oritur Hepatitis, sæpe cancer & mors.

§. 933. Si hæc inflammatio nec in resolutionem nec in suppurationem nec in gangrænam abierit, interim tamen tumore & duritie manente, si tum postea oriatur dolor, tum fit cancer.

Mitissime. Nam si irrites, eo pejor agis.

Vix unquam sanari. Potu tamen, quod si hi ægri continuo sumerent herbas mollissimas, ut Gramen, quod hinc scirrus aliquando solveatur, nam armenta Hyeme, ut plurimum hepar scirrhosum habent, ut ex laniena patet, hæc vero Verno tempore in pratis immitantur, ubi primo forti Diarrhæa laborant, unde hepate purgato, valde obesa fiunt; hoc nonnulli efficere volunt per acria fortia danda, sed male, & dicunt, non sanari possunt, nisi in horum usu continent, unde dum hinc fere cadant in animi deliquium; herbæ vero hic convenientes sunt fere omnes ex familia Planipetalorum latifolientium nempe Cichorea, Endivia cum Horræis aquofisis, Cerasis, Ribesiis & Cucumeribus cocta; æger nullo cibo vescido, hordeato, avenaceis similibus vescatur, sed decocto panis, cerevisia tenui; caveat se à facile putrescentibus carnis & piscibus, denique falsamenta & pisces indurati ægro pessime cedunt; æger hoc morbo laborant uti deberes perpetuo & solo sero lactis & balneis, postea frictiones lenes circa has partes sunt adhibendæ, & tum credo,

quod

quod ille morbus curari posset; si illi ægri sero lactis uti nolint, tum aquas acidulas assu-
mere debent, & postea ambulare & lenes fri-
ctiones circa has partes pati, unde vidi in Praxi
optimum fuisse successum in ægro, cui hæc
præscripseram; tales I&eterici §. 946. plerumque
sunt mendici, quos videmus in plateis palle-
scentes & languescentes: hac ratione scirrus
diu gestari potest, ut globus plumbi, si modo
caveatur, ne hepar tundatur à scirrho, sic plu-
rimis annis sine magno incommodo gestabitur
malum.

§. 940. Si in parva parte hepatis vel jecoris
exigua oriatur inflammatio, tum materia petri-
fica, quæ in vasa hæret, dat initium & basin
calculo, pustulæ, scirro (liquido discusso)
vel abscessui, quæ per se non incommoda sunt,
si hic calculus nec à cibis, nec à potu, nec à
motu, nec à febre irritetur, sed si sanguis vio-
lentius moveatur, tum oritur inflammatio cir-
ca scirrum & calculum, quæ tum in suppu-
rationem vel gangrænam abit; inventum est
aliquando, ut totum hepar quasi calculosum
factum fuisset; in hoc casu Aquæ Spadaneæ rite
exhibitæ maxime prosunt, diæta lactis est opti-
ma, serum lactis recens expressum jejunis ma-
ne potatum est laudatissimum, est enim Essentia
Bellidis, Sonchi, graminis &c. hac ratione ha-
betur materia laxans & blanda nutritiens, quod
remedium mane potetur ad pintam unam vel
duas; quibus autem hoc nimis simplex videtur,
iis Eryngi, Graminis, Caryophilli, Apii Palu-
stris, Taraxaci, Cichorei decocta dentur, sed
optimum est serum Lactis, nam de lacte dem-
pto omni lapidoſo terrestri retineo hoc spirituo-
sum detergens, hinc in sero Lactis hæret mira-
hæc.

hæc vis; hinc videtis, quod hepatis inflammatio in varios morbos abeat.

§. 941. *Nihil.* Si nempe nil per vasa hepatica diaphragmatica per cystico hepatica & nil per vasa hepatica proprie dicta pergit in venam cavaam, tum oritur inflammario, quæ vasa minoria comprimit, unde sanguis non transmittitur, nec à sanguine fit bilis, hinc illico oritur Icterus: homines a vipera iicti intra horam quoque sunt tam Icterici, ac si jam per annum fuissent, tum enim sanguis ex hepate uno momento & cum impetu in cavam delatus est simul cum bile. Sic & armenta latissima in pratis comest Ranunculo vel alia quadam herba incipiunt intumescere & se in orbem agitare, hinc rustici dicunt, stultescunt & statim moriuntur, tum hepar rumpitur, & in ea cavitate abdominis invenitur sanguis, vero simile etiam hoc ita fit in hominibus à diuturno Ictero subito morientibus.

1. Si iusuperabilis sit anxietas, dolor in hypochondriis, sitis intolerabilis, subita huc metuenda est mors.

2. Aliquando etiam non in cavitate abdominis, sed in intestina, quæ dicta potarunt, si ibi minor oriatur resistentia, his hominibus paulo ante abdomen circa hepar tumet, & hic morsus non habebit medelam; si tum ille æger laboret febre Ardente, diras patietur anxietates, nam à vasis ruptis subito morietur; *vide Vessalium de Radice Chinæ;* hoc sèpe accidit vaccis, bobus &c. nam in magno æstu, cum hæc animalia cogantur sumere herbas, quas aliter non ederent ut Ranunculum Pratensem, Caltham &c. tum habent oculos turgidos & paulo ante mortem in gyros vertuntur. *Hippocrates & Ds.*

Duretus de Hepatitide optime scripserunt, inde patet, Isterum esse distinguendum in sanabilem natura vel arte, & sanabilem abeuntem in alium morbum vel in mortem.

§. 942. *Malignitatis fabulas Produxit. Hæc vox est infausto nomine introducta in medicinam, vox quidem non nocet, sed ubi hæc auditur, statim Medici ad Alexipharmacum currunt, vel relinquunt ægros, prius fatale posterius neglegitio est, hos non immerito ridet Guarini Italus.*

I bateſſe da maligno

Agni malche non intendo.

Medici enim hac voce utebantur & adhuc tuntur, quando ignorant morbi causam, sed hoc nil est dicere, nam si per malignum intelligunt tantum venenum aut miasma, hoc ibi non obtinet, si vero aliud quid tum est explicandum.

Pendent. Hæc omnia ab hepate pendent, unde hoc læso morbi non fiunt in hepate sed & vasis visceribus Chylopoeticis & Haimatopoeticis, hinc enim oriuntur tot mala, quot actiones ab hepate pendent, ut ex nimia secretione utriusque bilis & ex defectu illius secretionis omnes male afficiunt ægri, hinc & inde pendentes functiones.

Triplex. Hinc tum hic citissime putredo oriatur.

Bilis vesicaria. Tum pessima degeneratio fieri debet, si humores stagnent.

Hepatis vicinitas. Hepar fere vicinissimum cordi supponitur, nam septum transversum & solum pericardium intra cor & hepar sunt.

Finibus &c. Hoc enim facile sit, bilis ex eadem.

dem ratione facile in cavam transit, hinc fit sanguinis cacoehymia.

In cavam. Obstructo itinere in ductu hepatico.

Idea? Hanc rem in toto hoc capite satis dilucide tractavimus, quæ res vix alibi reperiatur, inde patet, quare in morbis Chronicis semper sese Icterus admiscet.

Sanetur. Quia sæpe hoc totum fieri potest solo errore loci à nimis agitato in hepate sanguine, sic videmus multos homines post magnum cursum flavescere, quibus vero deinde, si quiescant, reddit pristinus calor & sanitas.

Quando? Quando bilis inspissata & glutinosens venit in ductum communem & obstruit, cogitque bilem regurgitare in cavam, quod malum tum purgantibus & fortibus vomitoriis tollitur, nam grumus sanguinis apposuit se itineri ad duodenum, ubi tum materia accreta est, sed purgantibus hæc solvitur, tum Icterus sanatus est, hinc in infantibus hoc sæpe accidit, ut ventriculus sit colostro plenus, si prematur in duodeno, tum clauditur bilis iter & regurgitat, hinc tum oritur Icterus, si tum detur syrupus Cichorei cum Rheo vel Mel Sapone Veneto dilutum, infans sanatur, nam tum materia detergetur, si modo hæreat inductu tum per vomitoria & purgantia facile curatur.

Cur pertinacissimus? Si causa non sit resolutibilis, vel si sit à vomica.

Cur sæpe cito? Si nullum vitium sit in hepate & causa inflammationis ingens.

Tarde? Si nempe scirrhus vel calculus hæreat in hepate.

Cur per vices? Vesica si impleta sit bile, eam ob obstructionem ductus biliosi excernere nequit

quit, sed redit in sanguinem, & sic vesica feli-
lis evacuatur, postea vero sensim iterum im-
pletur, hinc idem reditus in sanguinem.

Cur redeat? Omnibus his observavi iter esse
occlusum ad intestina; bilis colligebatur, dein
sufficientibus viribus roborata & aucta perrum-
pebat, vomitu ejiciebatur, tum Ictericī fiebant
ægri, urinam croceam dimittebant, mox ces-
tabant symptomata, sic rediens & abiens erat
morbus, hinc ob stagnationem bilis anxietas
oriebatur, donec moriebantur ægri. Aliquan-
do calculus in ductu vesiculae vel in ejus col-
lo aderat, unde his hominibus bilis accrevit,
vasa tum extenduntur, & sensus anxietatis
oritur, hinc vomitus, quia bilis retrocedit,
tum per illum motum regurgitat bilis in venam
cavam, unde tum fit flavedo.

Anxietatibus. Tunc calculus hæret in ductu
communi cystico sub vesica fellea & ægri tan-
dem post diu passas anxietates iterum afficiun-
tur vomitu, tum bilis retrogressa nempe quan-
do accumulata est, effunditur in sanguinem, &
magna copia in venam cavam, tunc ægri vi-
dentur sibi liberi ab anxietatibus, quamvis toti
flavescant, sed brevi post accumulatur nova
bilis in iisdem locis, & eadem creat symptoma-
ta ac antea, deinde retrogreditur, & cessat
malum, dein redit & sic porro; tum illi ægri
tantum bibere debent succum Graminis recen-
tis pressi una die ad libras, ergo tunc optime
curavi hos morbos hoc remedio, quod quidem
bobus &c. videmus contingere in pratis, qui
per hoc Gramen magna cupia comedunt Ictero
curantur.

Quid. tum denotat? Omnes hi ægri in com-
muni meatu habent obstructionem, in his bilis
qui-

quidem ab hepate secernitur, & tum ab hac secreta bile vesica & meatus oppalentur, quo ergo hoc receptaculum majus, eo plus recipere potest, & eo plus liberi sunt ægri, si vero jam impleta sit vesica fellis, tum facit anxieties, unde ægri vomunt, sed nil bilis deponunt, & fit vel ruptura in abdomen vel in intestinis, vel recta via adigitur in cavam, tum ægri iterum liberi sunt ab anxietatibus, nisi quod sunt flavi; vesica iterum impleta, eadem symptomata oriuntur, quod falso sub nomine Colicæ à multis accipitur, hunc morbum *Sydenbamus* descripsit, sed eum non intellexit, putavit enim sic generari bilem & esse Icterum criticum.

Cur in acutis &c? Quia notat inflammationem hepatis, post septimum diem abivit vis morbi, nec est exspectanda resolutio, sed tantum scirrus; hinc plerumque fit morbus Chronicus.

Cur tam inexpugnabilis? Quia hoc notat, materiam inflammatoriam ad resolutionem non esse dispositam, quod malum est signum, nam causa solvens definit, quia facto scirro non amplius erit spes resolutionis vel coctionis vel excretionis.

Cur Dysenteria? Quia notat humores tam tenues, ut intestina per hepatica vasadilata fluere possint.

Cur missio sanguinis &c.? Quia modo demit de sanguine venæ cavæ, qui sanguis non communicatur cum vena portarum, nisi quatenus ut arteria se in eam evacuet, verum quodammodo tum prodesse potest, quatenus resistetiam sanguinis arteriosi minuit.

Cur in omni morbo acuto &c.? In his Hippocrates

erates nobis præivit, qui semper notat talia & talia fuerunt præcordia & ad hanc rem magis quam ad rithmum pulsuum attendit, & hoc non mirum, nam ubi hypochondria bona, semper bene se habent ægri morbo Acuto laborantes; sanguis nullibi magis per unum vas transfit, quam per hepar, & illud viscus est monarcha abdominis, chyli boni & sanguinis, hac œconomia destructa omnia perduntur, hinc illud non est negligendum, potius quam pulsus, urina, lingua & oculi, ut multi Medici faciunt,

Cur color oculorum &c.? Quia ille humor flatus se aquæ sanguinis facile miscet & per minima vasa irrepit, hic vero vasa minima sunt fere nuda, hinc ibi se primo manifestat; vel quia vasa lymphatica serosa & biliosa ejusdem generis bile tum implentur; mirabilis est causa, quod quando fæces sunt albæ, urinæ croceæ & cutis flava, significat Icterum; è contra fæces flavæ, urina & cutis pallida nullum Icterum pronunciant, videtur, quod bilis flava mæteries plus faciat Icterum, quam illa, quæ à bile hepatica oritur, hinc ratio cutis flavedo oritur, sed illa bilis icterica est amara, quæ tum redigitur in venam cavam per multas vias in Anatome demonstratas, sic humor potest refluxe, transfluere, sanguineasque partes afficere.

Cur infestent? Quia omnem suum sanguinem venosum dant soli hepati.

Cur afficiant? Si hepar afficiatur, omnia illa loca afficiuntur, quia per illa loca tantum evacuantur; nam si scirrhus hæreat in pancreate, & hepar inflammetur, tum oritur cancer pancreatis, quoniam hujus sanguis in hepar pergere non potest.

Cur

Cur jecur tam immensum? Quia si lenta fiat evacuatio; & impedita sit, tum tumescit ob vasa hic valde laxata & extensilia.

Augeri. Quia ob defectum ibi valvularum in venis, sanguis in ipsas venas venire potest, & inde tum tumidum fit hepar. Vel quia vix aliquid coercens corpus invenitur, nam ejus membrana à *Ruyshio* injecta est tenerior epidermide.

Exsiccari? Si duluta fit materia, tum facile profluit & tandem hepatis exsiccatio oritur; hoc ante triennium in Nosocomio ostendebam in homine, qui perfecte habebat contractum & arefactum hepar, in quo nulla rubedo apparebat, nam sanguis per hæc vasa obstructa transire non potest.

Cur Hydrops? Quia omne id, quod facit sanguinem tam tenuem, ut eat in minora vasa, facit Hydropem, hic vero bilis abiens in sanguinem hoc facit; Hydrops vero est seriderivatio in vasa à cordis vi & distantia remota & ibi stagnantia.

Cur ab Hydrope extenuatio? In Hydrope hepar attenuatur, quia sanguis nimis citè transit, hinc fit Diarrhæa sic aliquando incidi cadaver Hydropicum in quo inveni lien decuplo plus solito tumere, hepar vero contractum & aridum, in abdomen hærebat lympha, ac si esset aqua croci cum summo fætore, in liene vero hærebat, quia ibi non multum resistentia est, causa quoque est, quod hydropici habeant lienem multo majorem quam hepar, quia in initio fuit hepar affectum, & sanguis ex liene non admittetur.

Cur præ tumido liene? Tum circulatio fit in hac parte ex arteriis in venas.

Tom. IV.

L

Quæ

Quæ Dysenteria hepatica? Est sanguinea, si vasa biliosa tam laxa sint, ut sanguinem permittant, est serosa, si iterum vel instar laturæ carnium sit, tum vomica putrida biliosa in hepatæ hæret, & mors non procul abest, hinc æger est in magno periculo. *Helmontius* dicit male semper Medicos hic accusare hepar, id quidem ex parte verum est, sed plurimum Tympanitis vel Dysenteria pejor est ab hac causa.

*Ventriculi Inflammatio.*

§. 943. Duplex hic obtinere potest inflammatio, quarum una potest materiam inflammatoriam reddere venis sibi continuis, altera hanc inflamatam materiam rejicere in ipsum cævum ventriculi, unde fiunt sputa sanguinea, quæ in morbis Acutis tanquam ex pulmone continentur. De arteriarum harum binis speciebus vide *Ruy schium in Thesauro secundo.*

Purgens. Tunc si homo v. g. bibere velit simplicem aquam & statim sentiat validissimum dolorem pungentem, est inflammatio ventriculi.

Febris Acuta. Quia sanguis hic magno impetu subministratur per cæliacas, quæ proximæ sunt cordi.

Ingesta, vide *Zwalle de Querelis Ventriculi.* Ventriculi inflammationes præcipue fiunt à nimis ingurgitationibus, nam quo ventriculus plus cibi & potus recipit, eo plus se constringit, & nil dimittit, ideo arteriæ comprimuntur &

& inflammantur, unde fit, ut post magnas debacchationes homines sentiant magnos dolores, & vomitus habeant perpetuos, unde brevi moriuntur, vide *Sepulchretum Anatomicum Boneti de apertione cadaverum morbo acuto defunctorum*. Homines fuerunt adeo audaces, ut in Peste defunctorum cadavera incidere ausi sint, & deprehenderunt tum adfuisse in ventriculo carcinoma, unde per morbum tam horrendi siebant vomitus & dolores; hinc signa inflammationis ventriculi sunt 1. dolor in regione ventriculi, 2. exacerbatio in eo puncto, quo quid cibi vel potus assumitur, 3. vomitus post ipsum punctum assumptionis cum singultu, 4. anxietas, 5. febris Acuta continua violentissima.

§. 944. Anatomici nullib[us] plus offendunt molestiæ, quam in rite explicandis partibus & vasis ventriculi, quia nervi ubique ita impletuntur iis, qui injectiones faciunt, ventriculus quasi mere substantia vasorum appetet, pinguedinem vix habens: nullus morbus acutus sanari potest sine sanguinis dilutione per aquosa, verum in ventriculo inflammatu aqua retineri non potest, sed statim evomit æger, ergo inflammatio in hac parte est pessima, nam bibere nec edere nequeunt ægri, clysmata incommoda, quia iis continuatis adstantes putant ægros perdi, denique totum systema nervosum afficitur ex ventriculi nervis affectis.

§. 945. Hujus morbi exitus est ut in omnibus præcedentibus, triplex resolutione vel à natura vel curatione per artem vel transitu in aliud morbum, suppurationem vel gangram vel in scirrum vel saepe inde in cancerum; hinc sanctur (ut jam dictum est) vel per reso-

Iutionem vel coctionem vel metastasin, excretionem; coctione sanari potest, quando vel materies cocta venit per arterias patulas in ventriculi cavum, vel per venas arteriis continuas, quæ materia in alia viscera deponitur per metastasin, aut excernitur de corpore, unde in hepar & renes &c. derivare potest.

§. 946. Si Cognoscatur ex §. 951. qualis erit curatio, videatur, an levis, an gravis, si symptomata sint levia, sperabimus resolucionem vel diaphoresi vel coctione & ejectione phlegmatum, sed ex febre, siccitate, vomitu magno Medicus cognoscit, an adsit magna inflammatio, si timeat suppurationem, maxime curabit, ne suppuretur; hinc tractandus est æger ut Pleuriticus, vena statim secanda; quo facto abdomen vel hypochondria involventur cataplasmate emolliente, resolvente & soviente, detur cibus tantum humectans & leniens; quies imperetur, clyisma iniciatur, hac ratione curatur æger; hic morbus sæpe oritur, sed vix cognoscitur, ex centum Medicis vix unus qui ex dictis signis inflammationem esse putat, omnes fere acrimoniam incusant, sed inflammatio fieri potest absque acri à sola obstruktione, hinc quando æger perpetuo vomit, optimè scire oportet, an hic vomitus oriatur ex materia semi biliosa fluctuante, ut fieri potest in Acutis, vel alia quavis de causa, tum oportet dare vomitorium, at si sit inflammatio & detur vomitorium, æger morietur. Sæpe accedit in morbo Acuto, ut symptoma inflammati ventriculi materie semi biliosa repleti videantur eadem à Medico, attamen cura debet esse plane diversa; vide *Sydenhamum de Peste Londonensi*, si vero tum hæreat materies hæc biliosa &

& relinquatur, tunc attenuabitur, & attenuata in sanguinem subibit, unde pessime cedet ægro. Cognoscam etiam, an sit materies biliosa, an inflammatio ventriculi; si v. g. in primo casu à simplici aqua epota non statim fiat dolor acutus &c. vide §. 995. Contrarium vero, si ventriculus fuerit inflamatus, accidet.

§. 947. Tum vitanda sunt omnia acria & stimulantia, mire sæpe suppuratur ventriculus, unde fit apostema, accedunt nausea, vomitus, & summus dolor; hinc vix curatur, multi quam primum aliquid edunt, reddunt vomitu puris copiam, unde illa venit, nesciunt ægri, sed est apostema ventriculi, reddunt sæpe pus saniosum permistum quibusdam membranulis, eadem cura requiritur, sed si hoc factum sit, quæ cura est instituenda? Vix scio, nam hoc apostema vix in unum concrescit, locus semper abluitur recentibus sæpe acribus, bilis intrat, æger semper vomet, hinc si ita afficiatur ultimo diu vexatus tabe purulenta moritur. Quænam tum danda sunt remedia & consilia, ut ulcus in ventriculo apertum depuretur? non danda est ægro multa copia cibi simul, sed tantum una semi uncia simul, nam nullum viscus depurari potest, dum expanditur, idem dicendum est de ulcerum vesicæ cura &c. nam si velimus ulcus in vesica depurare non oportet injicere depurantia magna copia una vice, sed parca copia sæpe de die, & sic in ventriculo detur etiam Mel Rosaceum, quod optime depurat; deinde detur cibus singulis duodecim horis tantam, ut pro hoc sufficiat, nam si sic vivere nolint, nunquam sanabuntur, summa enim ope est annitendum, ne ventriculus un-

quam extendatur, nec detur ullum acre vel durum, sed cito transiens, leniens nempe jus carnium, cum Petrofelinò pro solo nutrimento, aqua Hordei, serum lactis, solum pro potu, sed per aliquot dies leve decoctum ex radice Solidaginis Saracenici, aut Symphyti majoris sensim ingestum sàpè prodeat, non ultra unciam semis simul assumendum, quia aliter extenderetur nimis ventriculus, recrudesceret, ulceraretur, & nunquam restitueretur. Vidi mulierem, quæ matulam pure plenam evomuerat ex ventriculi apostemate rupto.

§. 948. Credo me ultra quinquaginta tales vidisse, qui postquam laborarunt morbo violento inflammatorio, de his querebantur, dolor erat ad ventriculum tolerabilis, si nil ederent, sed si quid ingererent, dolebant, quasi ferrum ardens applicaretur, nil ingerere possunt, quia dolor inde intollerabilis oritur; per multa experimenta mihi videoe edoctus olim fuisse inflammationem ventriculi, inde scirrhum, qui in cancrum declinavit, hac re confirmatus sum attendendo ad symptomata; juniores Medici putant se facile sublaturos, sed à medicamentis dolor augetur, amara acris omnia sunt pessima, sed alia affectione vel dolore ventriculi vexati tincturis Succini, Myrrae, Spiritibus Salis Volatilis Oleosi &c. uno momento sunt restituti, hinc hæc dicuntur Stomachica: si cancerosas eadem assumat, pessime se habet; hic moribus imprimis occurrit in fæminis atrabiliariis, melancholicis, quæ habent in toto corpore diathetin cancerosam, multæ in vestra hodierna Praxi accessuræ sunt fæminæ, quæ conqueruntur de dolore exacerbato post cibum in ventriculo, tum abstineant hæc à spiritibus

ritibus aromaticis, nam illi hunc cancerum movent, sed utantur lenissimis remedijis in cancro mammarum exhibendis scilicet jure carnium pro cibo, non tum lac darem, quia sit coloratum in ventriculo, sed tantum aquam Hordei, vel tenuissimam puliculam cum fero Lactis & Hordei & Avenacum paucō Saccharo & Melle, qua methodo optime curavi ancillam, & tunc tantum danda sunt medicamenta ad semi-unciam simul omni quadrante horæ, sed diæta debet esse exactissima, & ego in simili casu dominæ cui-dam præscripsi, ut per mensem integrum nil nisi jucula carnis sumeret, unde multum sedationis in doloribus se sentire mirata est; pro potu utatur fero Lactis, decoctis emollientibus, emulsionibus, & aquis Spadanis, in quibus ferrum adest naturale ventriculo gratissimum, ex his pater, quænam pars est curanda, nam ventriculo carere non possumus, hinc videre debemus, ut item præster suum officium; homines fuerunt ita audaces, ut voluerint indagare causam, quæ in peste efficiat, ut ægri fiant haufeosi, & cur tamdiu vomunt, donec extinguantur, & cur ista regula vomitum curare vomitoriis fallit, tum invenerunt in cadaveribus peste defunctis anthracem verum ob sedisse superius os ventriculi, & pylorum.

§. 949. Vidi puellam, cui post diuturnum & pessimum illum potus Thee & Coffe usum, ortus erat dolor ventriculi, qui plurimum increverat, usa est plurimis medicamentis, sed in cassum, ad me venit, tum observavi, quod à perpetuo illo potu inflammatio & siccus tumor cancerosus factus conciliatus esset partibus illis, aliter concipere non poteram, unde ille dolor oriretur; nam si unum cochleara alicet

jugis liquoris ingereret, statim maximus dolor oriebatur, tum jussi, ut decoqueret Hordeum vel maxime Oryzam, quia non acescit, ita ut illud medicamentum cum aqua sumeret parum, semper per dies aliquot nil aliud sumendo, hoc intra mensem juvat. Medici errant, dum in hoc casu dant acria, vel spirituosa, sed hac ratione sensim per vasa gastrica advehitur illud acre, locus depuratur & concrescit, quies est concilianda, omne acre rodens evitandum, ab impletione cavendum, sola lenia sensim ingredenda, cum alia vix ferri possint.

§. 950. Si deberem describere Historiam horum morborum, tum omnia antea dicta forent repetenda, sed cum parum vel nihil tantum loco differant, & eadem requirantur, de his tantum parum dicam; multi ægri morbis Chronicis laborantes queruntur accidente Medico se habere malum in ventriculis, si rogentur ubi, monstrant fere ad lumbos, dicunt sibi adesse dolorem maximum, adeo ut post ciborum assumptionem bihorio vel trihorio post accrescat dolor, ut ter, quater vel quinquies vomant, licet fere nil accipiant; hæc materies cancrosa venire potest in duodenum vel per vomitum rejici, vel venire ex duodeno in intestina tenuia, & tum creare in intestinis tertiimas erosiones; unde postea ægri Diarrhæa contabescunt; in hoc casu levis febricula adest, externe ad corpus nil appetet, nec ullibi alibi, sed si hypochondria premantur, ægri queruntur de dolore intolerabili, quæ augetur gestatione anniculi constrictorii (Belgice *rygb lyf*) si mulieres sint gravidæ, tum semper colluctantur cum immani hoc dolore. Mulieri cui utraque mamma cancrosa fit, huic & in utero est illi

illi cancer, & etiam in pancreate, nam tum dolor est præcise sub ventriculo, ubi situm est pancreas, licet hoc perperam sumatur pro morbo Hypochondriaco. In hoc casu eadem sunt agenda, quæ in affecto ventriculo, sensim parum simul assumant, eadem edant, donec dolor levatus sit, quies est imperanda, & acria vitanda, lenissima danda; in scirrho pancreaticis usum copiosum Cerasorum optime profuisse deprehendit *Dominus du Ry* & præstare in hoc casu supra Ribesia, quæ licet sint refrigerantia, habent tamen aliquid acrimoniae, quod præfertim nocuisse aliquatenus mulieribus hystericis testatur idem Dominus. Eadem in liene & aliis ibi loci partibus ita affectis observanda sunt.



Intestinorum Inflammatio.

§. 951. Diarrhæam, Dysenteriam, Passio-
nem Iliacam, Volvulum, Miserere Mei, om-
nes hos morbos sub hoc capite revoco, nam
omnes sunt inflammationes intestinorum.

Tenuia. Quia intestina crassa non tam tenuia.
neque tot vasa habent.

Hærente. Intestina inflammantur primo à cau-
sa communi in historia inflammationis expli-
cata, secundo ab ingestis in ventriculum, ut
sunt aér, cibus, potus, medicamenta, vene-
na, denique quidquid ingestum habet tantam
acrimoniam, ut inflammationem producat,
causa hujus mali esse potest; ut omnia causti-
ca, quæ tam facile à Medicis propinantur, ut
L 5 spic.

spiritus Sulphuris per Campanam, Sales alcalini, spiritus Vitrioli &c. possunt creare inflammations in intestinis; idem fit ab humoribus saniosis deglutitis salivosis, aut cariosis ab osibus stillantibus, ut plerumque oritur in Morbo Gallico, acerrimis attrabiliaribus viscerum corruptorum ichorosis &c. *Ruyschius* demonstravit, quod materia ceracea injecta in rehas Mesentericas exsudaverit in cava intestinorum, & quod materia in hepate accepta per arterias cæliacas expressa fuerit in cava intestinorum, hinc fit, quod homines, dum per alvum tantam materiam copiam excernunt, dicant; se plurem excrevisse materiam, quamquidem in abdomen contineri potest, quia omnes humores huc deferuntur per vasa nimis laxa. In intestina se evacuant arteriae cæliacæ, mesentericæ, totum hepar, totum lien, pancreas, totaque sanguinis massa se per intestina evacuare potest, hinc non cogitare debemus, quod in intestina tantum deveniant mala intestinorum, sed etiam totius sanguinis massa & præfertim partium vicinarum.

Convulsione. Nam ab acri applicata vel ingesta convulsum intestinum constringitur utrumque & inflammatur à materia elasticæ contenta ab illa vel inflammatione compressa.

Creante. Omne intestinum vi contractili est præditum, hinc ab assumptis atteritur, vasque sanguinea simul comprimuntur, hinc fæpe inflamatio oritur à spasmo prægresso, nam illa sunt æque sensibilia ac oculus, hic acri ingestio contrahuntur & incitata complicantur, ut sanguis transire nequeat, hinc inflammatione situr.

Sistens.

Systente. Tum intestina dimittunt ne unam guttam aquæ, vide *Institutiones Medicas.*

§. 952. *Contrahit.* Verum hæc contractio naturaliter fit, sed alterne tunc hæc tunc illa pars contrahitur, sed hic illa contractio perdurat.

Transitum. Nam hæc necessario sequuntur, si febris Continua Acuta, si dolor magnus & fixus in abdomine sit, tum certissimum est hic inflammationem esse factam, sed si febris non adsit, tum de alia re est cogitandum.

Irritatur. Unde sæpe homines mirantur, quod qui possent antea satis facile ferre unam libram Aceti, sæpe ab uno pomo assumpto sentiant dolores acerbissimos in intestinis.

Alvum claudit. Unde omnia sursum rejiciuntur, & nil per inferiora secedit, hinc oritur Colica clausa (Belgice *geslotte kolyk*) nam per inflammationem omnis via intercipitur, ut nil transire possit, omne per vomitum retrogradetur, scilicet simulac illi ægri cibos ingerunt, illos statim per vomitum rejiciunt, tum signum est ventriculum esse inflammatum, sed si per $\frac{1}{2}$ horæ retineatur & vomitus oriatur, tum est inflammatio prope pylorum.

Citius tardiusque. Materies aliquando manet per triduum, antequam regurgitat per vomitum, ut vidi in puerò, quem deinde secui, nam vidi hinc quod ab æsophago usque ad ileum omnia erant capacissima, sed ileum ibi valde erat extenuatum & clausum, Ille vero puer ante mortem, & à primo statu morbi, quem contraxerat ex ingurgitatione, dum valde caleret à lusu, vomere incipit ingesta, deinde enim, quod de novo sumebat, retinebat per duos tresve dies, tum demum regurgitabat,

L. 6

quod

quod continuavit ad mortem usque.

Flatus. Omnes homines habent flatus in corpore, si vero non sentiant flatus, istud inde sit, quia æqualiter feruntur, nec ventriculus vel intestina constringuntur, sed si unum ex his constringatur, tum sentimus flatus; hi aliquando nil mali faciunt, & Medici falluntur putantes in morbis Acutis ortum suum habere à materia frigida, quod non verum est, nam ær modo interceptus & rarefactus est.

Ileum. Si nempe intestina ab inflammatione comprimuntur, tum pars, quæ infra compressionem est, evacuatur supra compressionem, vel dilatatur, sicque fit Volvulus seu susceptione unius intellini in illud. Ileus est dolor acutissimus inflammatorius in parte intestini tenuis, unde materies ingesta non amplius descendit in intestina crassa, sed sursum regurgitare & per os excerni cogitur, vide *Ruysschii Observations Chirurgicas*. Volvulus est intestini circumvolutio vel suscepitio, quæ susceptiones sunt frequentissimæ, & plures ægri inde moriuntur, de hoc vide *eundem Auctorem supra citatum*. Non est morbus, ex quo homines plus moriuntur, quam summo dolore Colico, quo robustissimos rusticos & athletica sanitata sex horis mortuos vidi.

Gangrena est omnis conditio, quæ facit, ut humor appulsus transire nequeat, nec illum, qui in parte superest, per venas redire permitit.

Scirrhus. Nam in intestinis sæpe mala pendent à scirrhis ibi natis, viamque ibi intercipientibus.

Cancer. Scirrus fit cancer, quando ejus margo inflammatur, & vasa vicina quoque, & hoc fit semper à motu, cum vero in intesti-

nis

nis tantus sit motus, hinc intelligitur facilitas
scirrhi degenerandi in cancrum.

§. 953. Probe attendendum est in omni do-
lore Colico, undenam oriatur, nam fere sem-
per tribuuntur mala frigiditati, quia plerumque
intestinorum mala oriuntur ex pedibus frigidis,
ventis & usu fructuum Horæorum & ex flati-
bus retentis, unde fiunt spasmodie dolores &
perperam tum adhibentur calida & stimulan-
tia, & spiritus Carminativus *Sylvii*, Anisi,
Carui, oleum Corticum Aurantiorum, nobile
alias remedium, sed hic pessimum & funestissi-
mum remedium ob inflammationem illis Me-
dicis non cognitam, nisi adsit materia frigi-
da; hinc accurate ex signis est examinandum,
an adsit inflammatio, licet æger dicat esse Co-
licam vel Iliacam Passionem, non illico danda
sunt carminantia &c.

§. 954. Si dolor sit ex frigore, ex flatu, ex
constrictione spasmodica, tum non erit febris
& curabitur per calida, sed si febris vel præ-
cesserit morbus vel concomitetur & simul au-
geatur, & sentiatur magnus calor in ægro &c.
tunc calidis malum tractari non oportet, nam
si mulieri Hystericæ similia dem, optime prode-
ro, quia hæc passio oritur à spasmis, & quia fri-
gida est; sed si sit inflammatio intestinalis,
pessime cedent, si sit inflammatio, oportet exami-
nare, an sit à Venere, aut ab Arsenico, Can-
tharidibus, Ranunculo, Antimonio &c. quia
tunc plerumque alia remedia requiruntur, ex
inflammatione malum oriri cognoscitur, si ad-
sint signa sequentia nempe febris Acuta perpe-
tua, sitis summa, calor magnus, pulsus ut in
Pleuritide satis durus, urina ignea maxime
tincta, debilitas summa & cita virium prostra-

tio, quem decursum vidi s^epe in messoribus & in me ipso, id est, primo acerbissimum dolorem, deinde debilitatem summam, quam si paulo nimis duravisset, sustinere non potuisssem.

§. 955. Colicus dolor hæret in intestino cæco veterum sub hypochondrio dextro, deinde adscendit per coli flexuram sub sterno usque ad ingentem capitatem coli, quæ hæret sub hypochondrio sinistro, unde tunc fiunt per hunc tractum dolores hypochondriaci à flatibus retentis, accidit etiam gravidis, ut comprimantur hi duo sacci & intermedius fluxus ab utero pleno, & quando mulier peperit, materies quæ per graviditatem inspissata remanserat in flexu coli, tunc creat Dolores Colicos, sed curabuntur, si detur Sapo Venetus ut & pilulæ factidæ, mel ingenti copia & injiciantur clysmata, hac que ratione optime hos morbos curavi in puerperis & hypochondriacis. Colicus dolor rarior est quam putatur, in hypochondriacis & melancholicis hunc morbum agnosco, sed aliter inflammatio in intestino colo longerior quam in ileo; hinc si homines centies dicant, est Colica Ventosa, tum Passio Iliaca esse cognoscitur, Colicus Dolor esse cognoscitur ex eo, quod statim post dolores alvum deponant ægris, vel crepitus vel sterlus vel materiam acrem dimittant, si Iliacus sit Dolor, nihil excernitur. Hæmorrhoidum dolor est plerumque inflammatio ob materiam induratam, quæ comprimit & excoriat in transitu, vel comprimens venas efficit varices in hæmorrhoidibus, quæ si crepant, dicuntur hæmorrhoides fluidæ. Condylomata & mariscæ nascuntur ex coitu impuro contra naturam, ut Juvenalis canit.

— *Quis*

*Quis enim non vicius abundat
Tristibus obscenis, castigas turpia cum sis
Inter Socraticos notissima fossa cincedos:
Hispida membrana quidem, & duræ per
brachia setæ.
Promittunt atrotem animum: sed podice-
lævi
Cæduntur tumidae, Medico ridente, ma-
riscae.*

§. 956. Statim cogitandum est de inflammazione & curatione antiphlogistica, nam si octo vel decem horis exspectes, nil proficis, si sit in intestinis abscessus, ex centum vix unus resurgit; hinc sanatio cito est promovenda, aliter fit ileus, si non statim efficacissimum remedium adhibetur, aliter vix à Volvulo vel Ileo curatur, & saepè intra quatuor horas fit gangræna, nam Ruyshius, qui multa talia cadavera dissecuit, à me super hanc rem rogatus dixit se semper invenisse Volvulum in iis, qui inflammatione intestinalium obierunt; licet hoc saepè derideatur, hinc i statim larga missio sanguinis est instituenda & saepè ad tertiam quartam vicem ut in Pleuritide.

2. Hæc sunt illa maturantia & præsertim *Faciina Limi* in aqua cocta ad tremoris recentis spissitudinem vel ad dimidiā pultis crassitatem, ex quo decocto dantur clysmata, in potibus etiam talia sunt sumenda, quæ methodus est omnium optima & utraque retinenda, quantum fieri potest; ego quidem omni hora clysmata ex herbis laxantibus & emollientibus injicio: casum notabilem hic dicam. Dolor intolerabilis ad ventrem occupavit virum die afflivo in summo æstu; eratque ileus, statim omne:

ne remediorum genus dabatur à Medico inclinante ad Chemiam, unde sudor frigidus accedebat, & multo pejus se habebat æger, accedit Medicus Italus Practicus veteranus, qui videns ex dictis signis hunc esse morbum, injicit aquam cum aceto, statim ad primam injectionem dolor remisit, quovis bihorio hoc semper repetiit, donec omnis dolor & malum abierit, aqua & acetum videntur iis contraria, cum maxime refrigerent, sed hic curant. Alium in simili casu vidi, cui etiam jam aderant omnia mortis signa, sed Medicus Hispanus Judæus succum Limoniorum expressum dari jussit, unde sistebatur malum adjunctis clysmatibus, ideo post venæ sectionem exhibatur omni hora tale clyisma v. g.

2. Aquæ tepidæ **3^x**
 Syrup. Althææ
 Fernelii **3ij**
 M. F. Clyster.

Injiciendus donec flaccida reddantur intestina & quasi Lienteria laborent; centum quidem tales ægri perierunt ex pauca clysmatum injectione, nempe si bis vel ter de die injiciantur, sed mea est methodus, ut continuo omnibhorio vel hora.

3. Sumatur aqua communis cum syrupo Violarum vel Althææ Fernelii, sed cane pejus & angue fugiantur omnia aromatica calefacientia, tum addatur Nitrum & succus Citri vel Limonum, vel adhibeantur tales potus v. g. decoctum Malvæ, Althææ, Parietariæ &c. hæc decocta Chirurgus externe adhiberet in inflammatione, ut anodyna, laxantia & temperantia, hic quoque

que sumi potest serum Lactis, jus carnium tenui, & nil plus, nisi remedia in Pleurite commendata.

4. Fomenta maxime prosunt, imprimis castuli vivi impositi calidi sunt maxime dissipantes & laxantes, vide *Sydenhamum de Iliaca Passione*. Optima etiam sunt, quae laxant & tepefaciunt, ut decoctum Farinæ Lini cum syrupo Althææ & pauxillum Nitri, quod cum pannis quadruplicatis imponitur, credo, quod hoc magis vel saltem non minus ac animalia viva profutrum sit, vel conducit in eundem finem oleum Lini vel Liliorum Alborum pro inungendo, ut etiam interne prodest oleum Amygdalarum Dulcium recenter expressum vel Lini, vel Olivarum.

5. Acria. Quocunque titulo habentur, semper sunt perniciosa, ut sunt alcohol, spiritus stillatius Fæniculi, Anisi, Angelici, Mentha, Aqua Vitæ Matthioli, Spiritus Carminativus Sylvii, Tinctura Castorei, & Succini, oleum Pomorum Aurantiorum, uti & omnia medicamenta, quae Carminantia dicuntur, fateor quidem, bona sunt pro Hysterica & Hypochondriaca affectione & pro tali morbo spasmodico, verum pro hoc morbo inflammatorio maxime nocent, inflammationem primo augendo & deinde gangrenam inducendo, sed juvant, ubi lensor & frigus adsunt.

6. Persistendo &c. Hoc plerumque negligitur, nam cum primum Medici vident resolutionem inflammationis factam, illico ægris valericunt, sed tum tamen in parte adhuc hæret diathesis inflammatoria, unde subito aliquando redit malum, hinc biduo vel triduo continuanda sunt clysmata, ut intestina laxentur.

Hec-

Helmontius notavit hoc malum redire brevi, licet sanatum sit, id fit, quia ægri cibis duris & fæces generantibus vel acribus piperatis, quæ locum inflammatum irritare possunt, utuntur, ergo abstinendum est à talibus cibis, donec per triduum locus non doleat.

§. 957. *Dysenteria* primo vocata sicca, quæ sæpe fit purulenta, quando nempe transit in abscessum ruptum, non habet igitur aliquid Epidemici; in hoc tamen casu plerumque est Vera *Dysenteria* purulenta, nam quæ ex hepate & pancreate fit raro est purulenta, & ope hujus *Dysenteriæ* non raro vidi hunc morbum curatum. Serum Lactis hic optime conducit, uti Aquæ Spadanæ, quæ optime depurant & ad consolidationem perducunt, cæteroquin sæpe Lienteria subsequitur.

Natura. Abscessus fit in tunica villosa, cum vero perpetuus ibi sit motus & contractus ex abscessu fit sinus, sive fistula; unde ubi sacculus plenus est, materies se evacuat per alvum & fit *Dysenteria* purulenta, quæ modo cessat, quando saccus depletus est, & modo reddit, quando est accumulatum pus in sat magna copia.

Membrana. nam inflammatio hæret in ultimis arteriis mesentericis, quæ ponuntur in tunica villosa intestinorum, hinc hæc tunica sæpe una excernitur. v. *Tulpi observationes.* Si abscessus vel sinus fiat inter duas membranas in intestino colo; tunc sanari nequit, quia ibi aperiri non potest, quæ sola hæc superesset tunc curatio, ut fit in fistula ani.

§. 958. Si æger panem & carnem edat, non sanabitur; sed assumentur ea, quæ sterlus non generant, intestina crassa elysmatibus biduode tergeantur, ut nullum ibi sterlus supersit, tum opti-

optimus cibus est jusculum carnium, & serum Lactis, reliqua omnia generant aliquid steroris, hinc his non utatur, ne quidem hic lac concedi potest, quia abit in caseum, aquæ Spadanæ hic quoque egregii sunt usus, hac ratione curavi tabicinem, qui autem Ille laboraverat, jam vero tali Dysenteria laborans, poterat pus reddere, si modo vellet comprimendo tumorem abdominalem, cogitatis vero, si huic collectioni jam ciborum fæces admisceantur, nonne tum plane foret incurabilis? In tali morbo eo die, quo advoce & novi talem morbum adesse, clysmata injici jubeo ex decocto Fæniculi vel Cumini cum Sapone Veneto, post sex horas iterum injicio, tamdiu continuando, donec nil facis amplius exeat; postea serum Lactis ex Lactis ovillo optime stimulat & nullum stercus facit, cibus sit jus Carnium cum quinque radicibus Apri-entibus vel cum radicibus Scorzoneræ, Sifari Germanorum, Petroselini, Fæniculi, Agrimonie, Caryophyllorum Hortensium & similibus detergentibus; detur hoc decoctum per spatium unius alteriusve mensis, postquam per lintum transiit; ex hisce etiam clysmata detergentia sumi possunt, hac ratione plures hoc morbo laborantes curavi, sæpe etiam optimè curantur solo iure carnium & aquis acidulis Æstivo tempore, ne miramini me hic non commendare illos balsamos, cum de iis, quid sentiam, antea dixerim, cum pinguis plus obfunt, quam profundit, unum hic aliquid juvat oleum Terebinthinæ & balsamus de Mecca.

§. 959. Si Ruychiana præparata videtis, facile percipietis, qualia sint intestina tenuia, jam vero tunica cellulosa per digitæ crassitatem intumescere

mescere potest, unde arteriis & venis compressis totum intestini cavum clauditur, ut & hic accidit, quia nunquam quiescunt, sed per totam vitam moventur, facile fit gangræna.

§. 960. Si febris Acutissima adsit, dolor maximus non mitigatus sine crisi intra viginti quatuor horas, tum plerumque æger moritur, in aperto cadavere invenitur gangræna viscerum abdominalium.

§. 961. Si adsint sequentia symptomata nempe dolor maximus, febres magna, sudor frigidus, & unctuosus, labiorum, oculorum, & nasi pallor, Diarrhæa ichorosa, similis loturæ carnium, ut lymphæ effluens ex bulbis gangrænofis, cutis frigida & humida, pulsus parvus intermittens, color pulmbeus, alvi fæces fætidæ nigræ, tum certissimum est, gangrænam intestina occupasse, sed si quis Medicus hujus ignotus adsit, tum Medico non exspectante æger moritur, nam tum ægrum se optime habere appetet, quia gangræna nondum ad cor vel cerebellum processit, hinc tum est quietus, tamen intra paucum tempus certissime moritur.

§. 962. Hic morbus plerumque est lethalis intra paucas horas, hæc inflammatio emungit intestina humore tenaci, unde alvi fluxus & inde ichor oritur, tum dicunt Medici ægros esse mortuos à Diarrhæa vel Dysenteria, sed vera ratio est gangræna in intestinis tenuibus concepta.

§. 963. Si nempe inflammatio talem babeat materiam & talem locum occupaverit, ut scirrus fieri possit, tum facile scirrus oritur, hic vero in intestinis est commodus lodus & hinc frequentior est, quam unquam putatur.

Vi-

Victus igitur sit ex solo jure carnium, unde nihil fere fæcum fieri possit, & danda sunt nulla, quæ motum excitare aut irritare possint, & tanto magis si scirrus factus sit cancer.

§. 964. Si inflammatio non magna, nec febris sævis symptomatibus stipata, nec signa adsunt resolutionis, coctionis, nec suppurationis se manifestantia, sed æger dein conquerens de stupore ad intestina dilaceratione, gravitate, si præterea fæces intercipiantur, & eæ vomitu surfsum reddantur, si vero morbus inflammatorius sit, qualis hic describitur, tum oritur scirrus.

§. 965. Natura scirri est tumor glandulosus non dolens, si talis oriatur, tum sentitur in hoc loco, quasi lapis ibi hæreret.

Fæcum. Hæc facile transeunt, sed ubi ad scirrum pervenient, stagnant, tum ibi fit putredo, circa scirrum major oritur obstrucio & stupor, pondus, gravitas, incrementum, cavitas minuta, angustatio, hinc si scirrus non tollatur, quotidie augetur, & quotidie magis occludet canalem, chylo resistet, hinc ille stagnat, intestinum occluditur, ventriculus impletur intra scirrum. Quando ætri corporis situm mutant, & ex altero latere in alterum incumbere volunt, tum perfecte sentitur quædam materies.

Oclusio. Hinc oritur vomitus, per quem omnia ingesta surfsum ire coguntur, si hoc fiat in initio tenuium intestinorum, tum cito moriuntur ægri, si vero in fine tum sæpe supervivunt, sic vidi duos pueros, quibus ambobus erat scirrus, hi per tres dies erant sani, sed quarto die omnia in prioribus tribus diebus assumpta per vomitum reddebat, hic suasi, ut nil, quod

quod fæces faceret, assumerent, sed alii Medi ci purgantia & vomitoria præscripsérunt, unde hi mortui sunt, unum horum dissecui, ubi & scirrum loco à me designato in Ileo inveni, quod ex duratione intestinorum prædixeram & hic paulo supra scirrum inveni intestinum Ileum tam crassum quam intestinum Cæcum. Ileus & Volvulus non fiunt ab inflammatoria diathesi sed à solo scirro.

Ab acri. Quando materies putrida vel acris hæret in intestinis tenuibus, tunc non patitur inde tam facile retrocedere, ac si esset in crassis, sed maximos & diuturnos dolores creat;

Mors oritur, quia nil accipiunt æ gri.

§. 966. Scirrum nemo resolvere potest fateor, aliquando ad suppurationem inducitur, aliquando erodit vel excindit, sed hoc hic fieri nequit, medicamenta erodentia hic impossibilia sunt; hinc est morbus desperatus, imprimis si sit proxime ad ventriculum, sed si longius distet, aliqua spes est vivendi, aliquod tempus, superius serum lactis & jus carnium ingerendo, per inferiora clysmata injiciendo. Frustra Chemici jactant se habere medicamenta scirrum resolventia, ipse ego cum Chemicis conversatus & observans eorum efficacia remedia nunquam effectum vidi, hinc morbus est incurabilis, nam externe ubi datur accessus, non curatur, hinc hic longe minus nisi forte benignitate sit resolubilis, sed tum facile sine nostra opera de se ipso curatur, si modo acria & sterlus generantia vitentur deinde adhibeantur summa emollientia.

§. 967. Si scirrus in intestino tenui hærens fiat, status est miserrimus, vix sciendus, quomodo interne se habeat, vel curandus sit, libet

cet centies observatus. Scirrus dein fit cancer, putreficit circa labia, partes erosæ retrocedunt, hinc oritur rima inter sanas partes & scirrhosas, hoc si in intestinis oriatur, fit status m̄serrius concludendus ex natura cancri & intestini, intestinum fere totum nervis est plenum uti & glandulis, quæ si cancroſæ fiant, tum tota substantia nervosa, fibrosa noctes atque dies erodit, eodem modo ac si nervi ungium traherentur, hinc illi dolores abdominales tota vita ad mortem usque perseverant; quod etiam colligitur ex functione intestini, in quo perpetua contractio & propulsio fiunt. In cancro mammarum quantus adest dolor, licet pars non ita moveatur, hinc facile noscitur ad intestina dolorem intolerabilem esse debere; huc omnis chylus, & omnes humores effluunt, hinc est quasi perpetuo effoderetur aciculis nervosum genus, si hæc oriatur, tum fit Diarrhœa acerrima assiduo rodens, dolens, nullo medicamento parens, omnia rodens cum doloribus & maximis convulsionibus ad mortem usque, neque hic aliquid est solatii, alibi cancrum non curamus exulceratum multo minus hic. Tunc male dant Medici purgantia, nam quanto magis tunc temporis cancer ibi exacerbatur, tanto magis materies ex alvo dimittitur cum maximis doloribus.

§. 668. Medici vulgo dicunt, quod si scirrus sit alicubi, dandi sint sales fundentes & attenuantes, sed sum in alia sententia. Hippocrates dicit, quod tunc dandum sit mel cum farinosis, nempe si dolores sint atrocissimi abdominales ex ortu suo, ex fede sua ex affectis praesertim per fæces Dysentericas demonstravit, nobis cancrum intus esse in intestinis, si hæc ita

ita sit, tum sequentia tantum sunt abhibenda; serum Lactis recens defæcatum ab omni caseo, jus Carnium; oleum Amygdalarum Dulcium recenter expressum; decoctum Solani, farinæ Lini, præsertim florum Althææ, florum Papaveris Rhæados, Verbasci, Cyanorum, Blattariæ & herbarum penitus emollientium, de quibus si æger jejuno ventriculo quotidie utatur satis magna copia, optime proderunt; verbo dicam, cavendum ne talia dentur, quæ etsi blanda & dulcia sint in assumptis, acescere, a crescere vel putrescere possunt, hinc hic est laborandum, ut detur talis victus, qui non modo blandus sit in assumendo, sed talis maneat in corpore; ergo danda sunt lenia, non stercorosa, non irritantia; clysmata & fomenta etiam valde conducunt. *Apud Forestum de Morbis Intestinalibus* invenitur, quod qui diu laborarunt doloribus Colicis & maxime pessima Dysenteria, tum tractabatur hic morbus nomine Ilei, unde si parum acris parum Diasennæ aliaque purgantia darentur, morbus tum summopere exasperabatur, inde patet illud malum fuisse cancrum. Quidam putant illud esse acidum acre ex ventriculo huc delapsum; ut *Sylvius*, unde præscribebat purgantia volatilia, quibus morbus valde exasperabatur.

§. 969. *Insuperabiles.* A scirrhis cancrescensibus in his partibus; fui aliquando ante quinque annos in familia; ubi puer quatuor annorum ex mea opinione hoc malo laborabat, alii Medici exhibere voluerunt purgans, sed me illis opposui, nam ex sequentibus symptomatibus patebat esse hoc malum, habebat enim anxietatem, sitim, tumorum abdominis, omnia clysmata nil proficiebant, vomitus oriebatur

ma-

materiæ stercoreæ sine fætore & odore ta-
men, tum se melius habebat, sed postea redi-
bat ab initio susurra malorum; credidi fuisse
scirrum cancercentem; rogavi, postquam
mortuus fuerat, an mihi liceret incisionem e-
jus cadaveris instituere, ut deprehenderemus,
quid veri esset, tum cadavere inciso inveni-
mus in tenui ejus intestino scirrum cancre-
scentem exesum, & adeo comprimentem par-
tem intestini, ut nil transire potuisset. Hæc
doctrina repugnat illi medicinæ, quam plerumque in Academia addiscimus & ab antiquis
continuato more recipimus, ut vix quidquam
hujus rei ibi reperiatur, sed nisi legatur Hippo-
crates, magnusque ille observator & commen-
tator Duretus, quanta hic tenebra adest? Ego in
initio Praxeos fere desperavi de certitudine me-
dicinæ, accusabatur acre quibusdam, aliis aci-
da austera, varia, innumera, sed attendendo
omnia symptomata, alvina excreta &c. &
conferendo hos Auctores observavi esse can-
crum, ubi solum indicabatur, primo demul-
cere, secundo cavere, ne acre vel stercus acce-
dat, hinc diætam præscribere ex jure carnium
sero lactis &c. tertio clysmata injicere; dices;
æger non feret, sed aliter pessima Dysenteria
laboratus peribit, sed si dolores aliaque in-
commoda & ipsam mortem vitare velit, hæc
pati debet, nisi perire velit cum summis tormenti-
nibus & doloribus; qui per Aquas Spadanas &
similia alia remedia curare volunt, illi irritant
malum & sœpe hoc remedio enecant; legimus
dato Antimonio ægrum uno momento periisse,
vidimus fortè purgationem necasse, ichor ir-
ritatus ad mortem usque stillabat, hinc patet
quam variæ Dysenteriæ; si rogemus, quid sit

Tom. IV.

M

Dy-

Dysenteria? Est Diarrha cum dolore, si ro-
gemus, quæ causa? jam fere infinitæ sunt, quid-
quid inflammationem & suppurationem pro-
movet, omne acre juscumentum, potulentum,
venenum, evacuans facit hic Dysenteriam,
hinc patet Dysenterias haec tenus nondum bene
nec plane esse explicatas, sæpe hic morbus ori-
tur, quia arteriæ mesentericæ putridum icho-
rosum deponunt in intestina.

Hæctica. Tunc datur diæta contra Hæcticam
ut magnus motus, equitatio &c. quæ contra
Hæticam quidem bona sunt, sed contra can-
crum damnosa imo & diæta ex lacte Afinino,
quia coagulatur in ventriculo.

Medicamenta nocentia? Nam unus dicit, est
biliofa fracedo, alter aliam acrimoniam ac-
cusat, sed an hic medicamenta ad hanc acri-
moniam tollendam convenient, minime, &
æque hic interne convenient ac in cancro mam-
marum; intelligo hic acidum austерum acer-
bum, quod adeo accusatur, sed utinam illud
videremus! cito sanare possemus, v. g. si as-
sumatur una dragma olei Vitrioli tamdiu, quam-
diu dicitur hic fieri humor acris, statim dato tan-
tum vel duplo Limatura Ferri cum aqua, cito
tolleretur malum; qui dicunt illud oriri ab alca-
lina putredine, paulo plus dicunt, sed hæc non est
causa, sed effectus, & si vellem hic curare per aci-
da, sanguis polyposus fieret, & æger moreretur.

Quanta sit prudentia opus Medico? Nam Medico
est inquirendum, an inflammatio adsit, tum enim
febris Acuta adesse debet, Volvulus vero adesse
cognoscitur, si vomitus adsit, in hoc casu non
danda sunt vomitoria nec purgantia.

Immedicabilis Hypercatbarsis? De hac re vide
Hippocratem, est tam vehementis evacuatio sursum
deorsum

deorsumque, ut compesci non possit & æger moriatur, oritur à Vomica antiqua rupta per vehementiam medicamentorum, hinc dicitur veteribus purgatio continua post datum purgans, illa præsertim oritur, quando cancer intus hæret.

Curandas? Quod curat in una Dysenteria, id venenum est in altera. Rhabarbarum optimum est in Dysenteria à laxitate & fructibus horæis inter milites in castris frequentiori, quæ à levi putredine concepta oritur, solo usu seri Latetis curatur, sed à tali causa difficulter, hinc videmus diversam curam, vidimus nostra ætate plura talia antidyserterica generaliter decantata, qualis imprimis est illa apud Regem Gallorum primo tantum evecta Ipecacuanha, quæ si materia sit fluctans in intestinis, est bona, sed si hepatis putrefactum sit, vel si abierit in saccum pure plenum, tum est mala excitat enim fluxum colliquativum ad mortem usque; sic adfui ægro, qui propter stillicidium perpetuo in intestinis talis acris humoris, ultra vigesies unahora latrinam petere debebat, cui auxilium præstare non poteram, tantum dabam nutrientia & demulcentia, quæ parum proficiebant; Medicus Gallus advocatus suasit Ipecacuanham, dicens se duabus vel tribus diebus curaturum, dixi ego meam sententiam, afferens ichorosum exstillans ex hepate, duo alii Medici adstantes etiam amici annuere Gallo, restiti ego, tandem plurimorum voti datum est illud medicamentum, unde æger prima dosi accepta concussus pejor se habuit, & plus doluit, secunda data usque ad mortem vomuit, æger ipse clamabat hoc medicamento se mortuum esse, inde patet, quod multi valde errent, qui putant hunc morbum specifico quodam curari posse, nam

si cancer vel scirrus adsit, tum Ipecacuanha vel Rheum non convenient, quin potius pefsumdant morbum, sed tantum si materia in primis viis biliosa similisve adsit & viscera sint fortia & sana sed si à cancro tum modo jura carnium & similia requiruntur, Cancer enim est illud verum noli me tangere, neque ullo modo tractari patitur; hinc non novi, si candide fateri oporteat hic ullum arcanum vel specificum, sed ut dicebat *Capivaccius*, disce meam methodum, & habebis meum arcanum.

Aphthæ.

§. 970. Hæ ordinarie post Dysenterias & inflammationes viscerum oriuntur, hinc hic ordine sequuntur. Quia in hoc morbo est inflammatio, hinc bene potest adjungi morbis inflammatoriis viscerum; hic morbus fuit *Hippocrati* notus, sed nullibi dein uberioris enerratus, & in nullo morbo plus erratum fuit.

§. 971. Aphthæ sunt tubercula exigua, squamosa, ulcerosa, parva instar scabiei, occupantia loca descripta, conspicua imprimis ad labia, gingivas, palatum & fauces, hic morbus Belgis est frequentissimus (Belgice vocatur *desprouw*) & oritur ad extremitates fistularum, per quas emittetur humor lubricans in cava oris, æsophagi, ventriculi.

§. 972. Vidi microscopio, quod omnia hæc vasculorum oscula sint pertusa, quæ liquidum salivosum adferunt, si ergo materia hic influat, quæ à vi vitæ non superari potest, tum Aphthæ oriuntur. Quando hic locorum materies ex vasculis exhalantibus exire non potest, & sibi cogi-

& M.

coxitur, tum sunt Aphthæ, quemadmodum Scabies oritur in epidermide ob obturationem ultiorum emissariorum, quæ suos humores transmittere impediunt.

§. 973. Omnia intestina his Aphthis plena sunt, vidi dato Rhabarbaro, concatenatas quasi Aphthas abiisse, hinc Aphthæ omnia hæc loca occupant; in intestinis crassis nondum Aphthæ sunt observatae.

§. 974. Hæ autem Aphthæ, quales descripsi, non apparent in regionibus calidis, sed Hippocrates tamen loquitur de Aphthis, sed hæ sunt Aphthæ, quæ dantur in corporibus senilibus. Aphthæ frequentes sunt in pagis vicinis Belgice (*Veenen*) depressioribus, ubi cespites aquis exhauiuntur, ibi omnes fere sunt Aphthosi, in locis montanis altioribus & calidioribus vix reperiuntur, Galli & Itali vix observant & fere nescientes me rogarunt, ut demonstrarem hunc morbum, senibus frequens est malum.

§. 975. *Diarrhæa.* Tum ad finem Aphthæ erumpunt, si nempe Dysenteria oriatur, tum anomala symptomata oriuntur, solent autem ægri conqueri de valida ventriculi affectione, solent quoque post magnas Hæmoptoës coagulationes oriri semperque ad finem, & hoc plerumque est lethale signum. Omnia symptomata hic descripta Aphthas perfecte pronunciant, & credo quod tunc Aphthæ sint in ventriculo & sensim sursum adscendant, ita ut tandem ad labia deveniant; vidi tamen in hac urbe (quod aliquando contingit huic morbo sine his præcedentibus signis) in mercatore, ante sanissimo à labiis ad fauces & intestinum rectum ortas fuisse, qui quoque sanatus fuit sine ullo malo subsequente.

M 3

§. 976.

§. 976. *Pessimæ.* Nam hæ semper primo in intestinis & ventriculo sunt ortæ, si vero primo in lingua vel ore, tum ordinario sunt bona indolis, nam ægri nunquam moriuntur ab Aphthis in ore, omnes Aphthæ quæ dispersæ incipiunt, non sunt mali ominis. In pueris primo apparent in angulis labiorum &c.

Adhærente. Vidi sæpe has partes fuisse obseffas crustis albis instar lardi, & hoc etiam fit in ventriculo, nam notant gangrænam. Omnes Aphthæ, quæ ex ventriculo adscendunt, pessimæ sunt, nam inde concludimus, quod intestina, ventriculus & æsophagus jam prius obfitæ sunt, ex Anatome patet oscula lactea crusta aphthosa fuisse obseffa.

§. 977. Aphthæ nigræ sunt pessimæ, nam notant gangrænam, quando color est semiopacus perlarum, denotat tantum locum non perspirare, hinc non tantum mali, sed quo Obscurior fit eo pejor.

§. 978. Una Aphtha est modo unum emissarium orificii vasculi, si vero horum mille concurrant, tum fit crusta, quæ si separetur tum Aphthæ cadere dicuntur, si tum cito renascantur, tum Aphthæ sunt pessimæ & contra si dentes renascantur, tum ordinario moriuntur, si fit ab inferioribus sursum, jam raro servantur, imo vidi Aphthas duodecies renatas.

§. 979. Aphthæ sunt ultima vascula corporis impleta materia spissa & lenta, quæ tum protruditur in partes extimas, jam vero vis vittæ languet, hinc non tam cito sed sensim protruditur, & sic tandem decidunt Aphthæ, & materia iterum accedente renascuntur; ipsum tum epithelium seu membrana interioris oris elevatur à subiecta materia ex vasculis exhalantibus.

tibus obstructis veniente, tum sunt ibi species ulcericulorum.

§. 980. Hæc vero vascula obstructa sunt, quæ liquidum emolliens transudare deberent, ut partes ibi positæ humectarentur, quod jam non faciunt, hinc superficie siccitas fit; & tum os aliquando est tam siccum, ac esset corium. Aliquando interna superficies oris, faucium, æsophagi, ventriculi, intestinorum Aphthis est obseffa, ut chylus in lactea ingredi non possit.

Crustis. Inferius dilatatis, resolutis, decidentibus, qua data porta effluit liquor, qui fluxus bonus est, si Aphthæ non renascantur; malus & dysentericus, si redeant, sed si Aphthæ decederint, & dein fiat stillicidium, tum est bonum, ut signum & ut causa, ut signum, quia signat abscessisse, ut causa quia liberatur tractus intestinalis à crusta decidua. Quod eunque enim vasa & finem obstruit, ante finem semper dilatat, hinc sit tumor, qui, si hæreat in palato, tum deglutionem reddit difficultem; totum os internum ut & ventriculus & intesta-
na sunt spongiae bubulæ, si ergo hæc oscula claudantur à crusta aphthosa, tum patiuntur Atrophiam, hinc sanguis fit acer & alcalinus, simulac vero Aphthæ deciderunt, tum saliva copiose profluit &c. Ægri in Aphthis tantoper debilitantur, quia nil in lactea ingredi potest qui ab Aphthis moriuntur, credo, quod ab hac causa moriantur, nempe quia nullus chylus in lactea ingreditur.

Bone. Nam tum materia jam semiputrida exit, & vasa se contrahunt, si vero renascantur, tum pessimæ sunt, nam liquidum adhuc requisitum subducitur. Si Aphthæ palatum oc-

cupantes decies vel duodecies cadant, tum periosteum ossis palati, quod est valde crassum consumetur, & tandem ipsum os cadit, & oriuntur horrenda symptomata, ut in Lue Venera. Vidi ægros matulas aquæ plenas excrevisse, nempe in tam magna copia, quasi salivarent, tunc suasi ut illam aquam deglutirent, ut os ventriculus & reliquæ partes madescerentur.

§. 981. Tristis eventus sæpius docuit, quod crustæ sæpe tam densæ & pertinaces fiant, ut vix à parte, cui adhærent Aphthæ, separari possint, pars tali crusta obsita putrescens plane perit.

Eroso &c. Palatum solum habet coriaceum illud integumentum si illa crusta diu hæreat, & febris adsit, tum infariores partes exulcerantur, & sæpe omnia sub involucro perduntur, crusta ex ore cadit, omnia exulcerata usque ad os apparent; hinc non putandum, ut vulgo quidem fit, Aphthas esse crisim, sed novum symptomata subortum, cum quo sæpe pejus, quam cum priori conficitur.

§. 982. i. *Humorum.* Medicus, quantum fieri potest, naturam adjuvare, vel si sint obstracula, tollere debet, cæterum natura effetrix manet sola, nam ut dicit *Hippocrates* natura sola sibi sufficit in Aphthis, attamen tumores parvi seu papillæ aphthosæ elevantur semper sursum à vi vitæ, ergo præcipuus scopus est, ut hæc materies aphthosa lente & moderate & æqualiter protrudatur, quod fit tenendo motum sanguinis in statu moderato, ergo tunc vires vitæ non statim sunt minuenda per venæ sectionem, ut Medici faciunt, qui credunt tunc adesse quandam malignitatem & omnes ægros

ægros mori. Alii Medici fuerunt præsertim externi à plagis calidis venientes, qui sudoriferis tunc uti voluerunt, sed qui urget materiam non coctam in vasis, ubi hærent obstrunctiones, ille ibi gangrænam procreat, ergo tunc sudorifera non sunt danda; sed quando materies est cocta, tunc per sudorifera curari potest.

Crustæ ulcerofæ. Si hæc fiat, tunc superior pars sensim abscedet.

Resolvente. Nempe aqua cum Nitro puro, Nitro Stibiato, Sale Prunellæ, Polychresto.

Abstergente. Melle.

Ex eisdem. Hoc plerumque negligitur, sed observavi in plurimis ægris adesse Diarrhæam, tum vidi mea medicamenta non penetrasse, deinceps exhibui balnea, fomenta ex aqua tepida, sero Lactis vel Lacte dulci, vapores extrinsecus ex iisdem feci eo proposito, ut, quæ via ordinaria in corpus introducere nequibam, tentarem per poros corpori ingerere, quod optime succedebat.

Lapsus. Omnis enim crusta per vim vitæ est superanda, nam tantum consolidat & cura plerumque subsequitur.

Cibus. Nam si nil detur, moriuntur æ gri, quia nil accedit, balnea externa per totum corpus fieri possunt nempe pannos & spongias hinc illinc ponendo, vel ponatur æ ger in balneo, si sat virium habeat, hac ratione liquidum imbibitur, balnea & fomenta ex sero Lactis fieri possunt; cibus semper sit glutinosus, nempe aqua vel lac cum pane addito pauxillo Vini vel Mellis, sic fit cibus lenis, abstergens, Saponaceus, Nutriens, Amygdalata spissa aliquantulum sunt rejicienda, quia se se non insinuant,

nuant, verum vinosæ & hydromelita hic præferenda, nam inertia peccat; nil penetrantius est quam vinum cum duplo aquæ permixtum & calide potatum, si vero Mel addatur, tum fit optimum remedium. Potus sit talis, in quem ingrediuntur remedia, quæ inferne laxant, hic potus primo in ore est retinendus, tum in ventriculum est dimittoendus.

2. Æger teneat tenuæ liquidum in ore pro gararismo vel fomento, hacque ratione crusta defquammatur; non nulli voluerunt hoc solum curare per remedia detergentia, sed male, nam medicamenta mollissima esse debent, omnibus enim notum est, quod à diurna lavatione epidermis eadat & speciem sordis exhibet, sic & hic hoc dicitur macerare Aphthas, si Aphthæ tantum in ore sint, tum gargarismata sufficiunt, sed & haerent in æsophago, ventriculo, intestinis tenuibus, in crassis vix unquam deprehensæ, hinc non modo in ore, sed in tota hac fistula crux est solvenda, quo faciunt clysmata ex aqua, Melle, Sahccaro, decocto panis, quæ bona sunt ad locum, vitam & victum, ad os omne mucilaginosum maturans & emolliens est optimum, hinc Belgæ invenerunt Raparum & Rosarum succum expressum; quia mira est substantia Rapæ, nam in Rapis est vis lactescens, saponacea, abstergens, tum Mel Virginum non coctum addatur, & in hoc decocto Raparum diluatur, hoc remedium omnia alia medicamenta nota superabit, sed Hyeme vix adsunt, quando Rapæ non valent, tum inventum est decoctum Dauci lutei nostratisbus, licet non tam bonum sit, ut Raparum, si nec hoc adsit tum semina vel farinæ Lini recentia cum aqua decoquantur ad spissitudinem tantum.

tum Lactis dulcis, addatur Mel recens, alii sumunt decoctum Althææ, vel Malvæ, nihil refert, modo sit blandum abstergens, saponaceum, emolliens; talia clysmata sunt optima, si alvi fluxus non adfit, tum crusta laxantur & ad lapsum disponuntur. Chirurgus, qui resolvere vult, febriculam intus excitare & externe emollire debet, tum aqua Hordei est optima, cum syrupo Violarum vel Capillotum Venetis, vel quinque radicum Aperientium, vel Althææ Fernelii &c. si æger tum similia potet & in ore pro fomento teneat, & per clysmata accipiat, tum omnia loca, simul emolliuntur; ergo dentur pro victu jura carnium, decocta cum Milio vel Secali, & nihil magis prodest in hoc casu quam Dauci radices rasæ vel decoctæ cum aqua, quo diutius eo melius, transcoletur per linteum & exprimatur, expressio addatar syrpus Althææ & fiat gargarisma: vel Rapæ crudæ & non decorticatae pressæ etiam sunt optimæ, cui succo expresso addatur Mel.

3. Si crusta ceciderit, tum illico roborandum, nam vasa ibi tum sunt laxissima, vide *Materiam Medicam*; crusta aphthosa e lingua delapsa sanguis saepè pleno rivo salit, idem in gutture, æsophago, ventriculo & intestinis saepè fiet, tum dandum est medicamentum blandum, demulcens, vulnerarium moderatissime roborans, nam postquam crusta decidit, vasa à liquidorum appulsum nimis laxa admittunt & transmittunt partes crassiores, hinc roborantia prosunt; hic egregie conductus syrpus Cichorei cum Rheo, qui syrpus Rhabarbari quoque vocatur, hoc remedium roborat & simul purgando deterget, vitellum ovi cum aqua Rosarum cum pauxillo Terebinthinæ Venetæ etiam hic est optimum, sic

& omnia decocta vulneraria, oleum Amygdalarum dulcium recenter expressum, emulsiones ex Amygdalis & seminibus Papaveris.

4. Hoc omnes Medici neglexerunt. *Sydenhamus* mirabatur, quod in morbis Acutis post Aphthas delapsas omnes morerentur, verum dicit Corticem Peruvianum æque ac febrim Intermittentem id sustulisse; vasa enim sunt nimis laxa, tum requiritur validum corroborans decoctum Rhei parum ustulati, terra Catechu Orientalis, qui succus est expressus ex acerbis immaturis quibusdam fructibus Indorum, Cortex Peruvianus, Tamarisci, decoctum Granatorum, syrpus Mororum, Myrobolani Citrini, Rheum siccatum & tostum, & breviter similia adstringentia quæ huc mirifice faciunt.

5. Hoc fieri potest ex Rhabarbaro &c. si vero quis non purgetur, tum materia relinquitur, pessime hinc agitur, hinc semper purgans est dandum. v. g.

R. Rhei el. ʒij
Myrobolani ʒij

Coq. in f. q. Aquæ puræ
ad Colaturam unciarum v.

Vel

R. Decoct. Tamarind. ℥ j
Syrup. Cichorei cum
Rheo ʒj
M.

Bibat de hoc potu ter quaterve de die, hac ratione sensim roborantur vaſa.

§. 983.

§. 983. Hic multa problemata Præctica solvuntur.

Cur in febre cum Diarrhæa? Quia in initio liquidissima materia de sanguine subducitur, & crassissima relinquitur in vasorum extremitatibus.

Cur in Pueris? Quia ibi natura est languida.

Cur imprimis in senibus? Quia humores sunt lentiiores, & vasa laxa & debilia.

Cur maxime medicamenta? Quia extrema vasorum oscula multo plus constringuntur.

Data? Si Diarrhæa laboranti imprudens Medicus dederit adstringentia, nulla purgatione præmissatum materia, quæ est expurganda, retinetur, quod pessimum est, nam lupus in stabulis includitur unde Aphthæ oriuntur.

Cur in talis morbi initio? Quia tum mala materia educitur & detergetur id, quod oscula vasorum postea obseisset, hinc dicit Sydenhamus, quod in Diarrhæa Epidemica, prius purgante dato, expurgetur visciditas, & materia, quæ Aphthas creare posset, tollatur.

Cur in Pessimis &c.? Quia in his ventriculus obfessus est Aphthis, quæ ceciderunt, & nudæ sunt papillæ, tum hic fit convulsio; hoc signum est, quod pars superior ventriculi nervosa occupata sit crusta aphthosa, qua deinde deglutita nervi hærent nudi, unde postea ventriculus facile inflammatur.

Cur ora aphthosa? Quia hic ingesta non mutantur, & in lacteis non admittuntur, hæc quoque' causa est, quare aphthosa tunica ventriculi Lienteriam creat. Hippocrates hæc tria symptomata simul jungit, quia tum ventriculus Aphthis obfideretur. Vide Forestum de Aphthis, qui omnium optime de morbis Batavorum ac proinde Britannorum quoque scripsit videatur

quoque Ketelaer de Aphthis.

Cur aphthosa tunica &c.? Quia humor diluens in ventriculum non deponitur, & cibus, ut intravit, exit.

Cur aphthæ nigræ? Quia vasa sunt gangrænosa.

Cur aphthosum os? Si in ore sint Aphthæ, vel si vascula uterina his obsideantur, tum certissime oritur abortus, quia uterus non transmittit requisitum nutrimentum, & quia sanguis videtur esse cacockymicus, qui per vasa uterina transmitti non potest.

Cur in putridis? Cur Aphthæ in Phthisi pulmonali occurrunt, ille certe inde moritur, quia illi bullæ oritur in pulmone, & jam simul Aphthæ, hincque idem languor peccat & humor liquidissimus consumitur, hinc idem verum est in hominibus, qui moriuntur ab ulceribus internis, quia materies, quæ ad loca ulcerosa vadit, ad illa oris vasa quoque æque ferri potest.

Cur tumor? Quia spes erat Aphthas decidere posse, jam vero nulla est, nam nil periculosius, quam potum vel aërem frigidum applicare, quia tum loca obsessa à frigore plus arctantur, hinc observatum est, quod homines, qui Aphthis laborabant, si aquam frigidam tenerent in ore, subito mortui sint, quia reliqua viva tum suffocantur.

Cur sudor? Quia Aphthæ calorem requirunt, nam frigus ipsis inimicissimum est, hinc si frigescant, ægri pereunt, hæc vero agunt instar frigoris.

§. 984. Ab his primis æger fere nunquam moritur, si vero Aphthæ sunt opacæ, tum raro evadit, hoc hic repeto, quia vulgo putarunt Mediei, Aphthas semper esse lethales, quod minime verum est, at verum hoc est, quod ante aliquot annos pauci ab his evaderent, quia perperam trahabantur, sed nos jure meritoque jactare possimus.

mus hodie plures servari, quam mori, si secundum hancce nostram methodum tractantur, addatis velim, quod olim in naturam & sedem malorum inquirerent, ad quam sedulo hodie attendimus, hic vero est notandum, quomodo se in ore habeant, nam sic haerent in interioribus nempe æsophago, ventriculo & intestinis.

Nephritis.

§. 985. Inter morbos humano generi non tantum, sed brutis quoque, non raro animantibus familiares, molestos & saepius lethales, non insimi momenti censenda est Nephritis, vox Græca, cuius derivatio non obscura, si modo consideretur, quod *νέφρος* sit *ren*, à *εἴω* fluo & *φέρω* fero, renes enim à sanguine serosum separant humorem, qui per ductus urinales fluit & defertur in vesicam urinariam. Quemadmodum igitur Pleuritis est membranæ internæ costarum superficiem cingentis; Hepatitis externum hepatis involucrum constituentis; Phrenitis piæ & duræ Matris cerebturn omnem ambientis, vel ipsius quoque cerebri substantiam inflammatio; sic Nephritis proprie vocari possit renum inflammationis, juxta veteres quosdam Medicos, ut ex Hippocrate colligere licet, hoc nomen Nephritis, omnibus fere renum affectionibus commune fuit, hinc inter Pleuritidem & Nephritidem nulla est differentia nisi ab emisariis, & quod aliquando calculo in renibus haerent; ex his patet, Nephritidem esse renum inflammationem, renes vero inflammari posse novimus, quia est structura vasorum sanguineorum, primo cognoscitur morbus, si adsit,

de-

dolor punctionis & ardens, nam valde errant illi Medici putantes renes non dolere posse nisi à calculo, atque dolor à convulsione, rene absente venire potest; ille dolor est, ubi renes siti sunt, attamen (licet renes in corpore sano ad dorsum jaceant) Nephritici non de dolore dorsi, sed laterum conqueruntur propter musculos vicinos; deinde adest febris Acuta, continua, urina pauca rubra & flammula vel in magno malo & aquosa, quod præcipuum est symptomata, nam talis urina notat inflammationem renum; stupor cruris propter musculum psoam & nervos decurrentes, porro dolor inguinis quoniam vena spermatica incumbens decurrit versus illa loca, sinister tamen ren habet testem lateris dextri tumentem, quoniam vena spermatica comprimitur, ut sanguinem deferre non possit.

§. 986. I. *Decubitus.* Homo, qui nunquam laboravit Nephritide & coactus est à Podagra vel crucifragio vel simili morbo in dorsum incumbere, accipit Nephritidem.

Nixus. Ut in luctatoribus contingit, quoniam hi homines tantum aëris capiunt, quantum possunt in tali nixu, sanguis in vasa premitur, unde oritur dilatatio vasorum & sæpe inflamatio; secundo quemadmodum omnes causæ, quæ sanguinis circulationem impediunt, creant inflammationem, sic etiam omnes causæ, quæ impediunt urinam, eadem producunt; multi bajuli & agricolæ incident in veram inflammationem renum, quando conantur tollere aliquid de terra, nam tunc multum aëris in pulmone retinent, quod efficit, ut sanguis maxime adigatur in majora vasa, unde mi-

nora vasa comprimuntur, unde errores loci & pessimæ inflammationes oriuntur.

Lapillus. Nil agit in Nephritide, nisi quando ille calculus urgetur in vasis, ubi quiescebat, vel quando vasa urgentur contra illum.

2. Si thrombus sanguineus, calculus, vermis, lapillus, materia gypsea hæscrit in pelvi vel in ureteris initio, ut urina evacuari non possit, tunc renes extensi quasi cera implentur, hinc inflammantur.

3. Hæc omnia aliquando producunt Nephritidem in corpore, ubi nunquam fuit ex. gr cursus magnus sæpe facit miçum sanguinis, ita ut homo tota vita laboret Nephritide, nam sanguis crassus ad vasa urinosa urgetur; urina emunxitur, para crassior manet, sic tota vita suppuratione adest in hac parte vel alia mala.

4. Nam illa vasa quoque habent suos nervos, & fibras, ergo spasmodis affici possunt, ut in Hystericis & Hypochondriacis patet, quando etiam spasmodicam illam convolutionem patiuntur, tum retinent urinam & renes constringuntur, ut ne gutta quidem permeare possit, unde oritus inflammatio.

§. 995. Nulla est pejor inflammatio, quam ubi æger claram urinam mingat propter contractionem vasorum; hoc docet tenuissimum transire, crassum relinquere, sal, oleum, & cætra remanentia putrefascere.

Pessimum. Vide *Sydenhamum de Nephritide*, nam tunc sanguis ruber in vasis primi generis sic stetit, ut omnia vasa urinifera comprimantur, unde nihil urinæ reddunt ægri, si vero tunc mittatur sanguis, observavit *Sydenhamus*, urinam profluere incipere, verum si morbus eo usque processerit, ut sanguis mingatur post

ta-

talem suppressionem urinæ, tum moriuntur ægri, quia vis vitæ tanta fuit, ut vasa fuerint destructa.

Nervis. Vide *Willisium in Tractatu de Nervis*, quod maxime debetur *Lowero*, & *tabulas Eustachii & Vieussentii*; hi Auctores observant, quod nervi renum moventes & sentientes in ganglio maxime convenient cum nervis ventriculi, mesenterici & intestinorum, hinc noscitur, quod his affectis etiam tota œconomia abdominis pervertetur, ut in *Colica Nephritide*, nam illi nervi extensi & irritati agunt in omnes nervos abdominis, hinc brevi hic morbus est lethalis ob dolorem summum, nisi mox juvetur. *Willisi* figura nervorum, qui in abdomine & thorace spectantur, est verissima, & est tantum plexus nervorum, in mesenterio; cæteri nervi in extremis partibus desumpti sunt ex brutis; quando ægti vomunt, nauseant &c. tum bonum est signum si laborant calculo renalí.

§, 988. 1. Si Nephritis per naturam sanetur, tum vel per resolutionem vel per coctionem curatur.

2. Ruffa instar potus Coffé. Homines falluntur, qui quando dolore renum laborant & talis urina sequatur, quod putant se pessime habere, obstructæ enim viae resolvuntur, ut id, quod ibi hæret, expelli possit, ergo hæc resolutio est optima, si hi ægri modo bonum Medicum, qui hæc per balnea promoveat, nacti optime se habeant. *Helmontiani* agnoscunt ad Nephritidem sanandam tria auxilia cognita, missionem sanguinis, laxationem partis obfessæ & materiæ dilutionem ac meabilis redditam, decocta in hoc casu optime prosunt, unde.

de acre mitificatur, crassum diluitur & moderate attenuatur; vide *Materiam Medicam*; clysmata sunt optima, quoniam intestinum rectum renibus subjacet. In historia calculi patebit, quod omnis fere calculus ortus ducat ex parvo grumulo sanguinis posito, ubi urina filtratur, quando nunc ren semel inflamatus est, & ubi inflammatio desinere incipit, tum cave ne aliquid inflammantis materiae remaneat, aliter semper generabitur calculus; ergo Nephritici sunt monendi, ut ab omni graviori vietu, motu nimio & decubitu corporis abstineant.

§. 989. Prudens Medicus, quando ignorat morbum, spectat, quid faciat natura, & quomodo curet, hinc tum cognoscet, quæ morbi curatio sit, si attamen deinde eundem morbum in alio ægro videat, & natura non sanare incipiat, eam adjuvare & impedimenta tollere potest. Si dolor sit fixus punctarius ad renes ortus, flatus, vomitus, febris violenta, urina pauca, & flammea, ren scitur inflamatus, per tot pericula edocetus didici curam, ut in Pleurite solum sufficere, hinc diureticis non tentabo. 1. Venæ sedatio est instituenda, aqua, serum lactis & similia diluentia sunt danda.

2. Serum Lactis recens præsertim, si vero ingens ardor adsit, lac ebutyratum adhiberi potest, uti & decoctum florum Althææ, Papaveris Rhæados &c. in *Materia Medica* exploratisimæ dantur formulæ.

3. Clysmata immittenda sunt pro ratione magnitudinis & fixitate doloris aliquando singulis horis.

4. Alii Medici in Nephrite motum impetrant,

rant, ne calculus concrescat; sed si adsit illa inflammatio, tum illa motu augetur, quia pars stricta stimulatur & magis impellitur, quies contra laxat, & humores non impellit; vitetur lectus calidus imprimis decubitus in dorsum, quo tum moles omnium viscerum dorso incumbit, & solus in dorso eminet ren, unde arctatur & comprimitur, & inflammatio augetur, hinc potius erecti sedeant ægri.

§. 990. *Opiata.* Quia hæc reddunt musculos Paralyticos, nam calculus exit, quando homo est pacatus, vel quando dormit. Emulsiones in hoc casu convenient, vel adhibeantur syrapi Diacodii & Papaveris.

§. 991. Si vomitus adsit, tum signum est inhærere calculus, sed ubi conatur descendere, oritur vomitus, nam Deus hoc posuit tanquam custodem, ut Medicus sciret adesse calculus; hic vomitus tum non est sistendus, sed leni vomitorio sæpe repetendus, donec ex continua concussione descendat calculus, si vero sistetur vomitus; tum cresceret & renes & ureteres comprimeret, & efficeret intolerabiles dolores. Vomitus est concursus illarum causarum Physicarum, quas suscitat natura ad impediendum, ne calculus concrescat & dimittat. Ponatur enim calculum hærere in renibus, qua methodo utar? ut expellam calculus, primum quod faciam, est, ut vias Paralyticas faciam, secundo ut magna sanguinis copia per renes ferratur, & tertio per vomitum, ut descendat ad vesicam, assumenda est aqua tepida. quod tamdiu est continuandum, donec illa in ventriculo hæreat, quod simplex quidem sed Divinum est remedium, aliis nil juvantibus, per Diascordium Theriacalem hoc solum fere ju-
vissé

visse vidi, ab aliis vero ortas convulsiones vi-
di, sed hoc est tutissimum. Aqua tepida est
optimum remedium cum syrupo florum Rhæa-
dos, Althææ, Jujubini vel Violarum, Gly-
cyrrhiæ, Capillorum Veneris, omnes hi sy-
rupi aut Mel cum Aqua & sero Lactis assu-
mantur, donec maneant in corpore, hæc enim
laxant & mirifice juvant, vide *Materiam Me-
dicam*, si nunc calculus vel in reñibus vel
in urethra vel pelvi & tum parvus adhuc sit,
ut per hæc loca transfire possit, quæro quomo-
do expelli debeat. Omnes Medici spiritum
Juniperi, Balsamum Sulphuris, alii Sales diu-
reticos adhibent, unusquisque hic de reme-
diis urgentibus calculum cogitat. Calculus
est corpus mortuum nil agens nisi mole, pon-
dere, vel aspera figura, sed partes, quæ cir-
cumstant calculo, sunt partes vivæ contractæ
sentientes, quando se contrahunt, se compri-
munt; v. g. si tenetur globulus ferreus acu-
minibus existantibus, & si aliquis hunc glo-
bum expellere vellet hac methodo, quod ma-
num versum globum premere vellet, faceret
intolerabilem & desperatum dolorem, sed si
faceret manum Paralyticum, facile expellere
tur, quamdiu æger dolorem habet, nunquam
dimittet calculus, quamdiu mulieres grumum
sanguinis in utero habent, nunquam dimitunt,
quamdiu dolent, cogitate nunc, quod omnibus
stimulantibus partes plus constringuntur contra
calculum, hinc malum exasperator, sed date
huic ægro talia, ut partes fiant Paralyticæ, da-
te tenue oleum, ut flaccescat, date clysmata
& Opium, hac ratione millenos ægros curavi
oleum Scorpionis, Cantharidum, succus Aś-
pii, Petroselini & similia sunt nimis acria-
hinc,

hinc semper cogitate de Paralyſi inducenda & potibus tenuibus & demulecentibus, ut ſic expellatur; omnes herbæ in *Materia Medica* commendatae præſunt ſub forma iuſu cum oleo aut aqua.

§. 992. Calculus non ſemper hæret in rene Nephritide affecto, nec hærens pariet per ſe dolorem, nam eſt corpus iners, ſed viſ vix calculum contra vafa movens vel facit doldrem in calculum liquidum impulſum, hinc calculus non eſt impellendus, ſed fibræ laxandæ, impetus imminuendus, elyſmate laxantur viæ, venæ ſectio impetum humorum minuit, & vafa laxat dolor minuitur Opiatis, hac ratio ne centenos Nephriticos curatos vidi, ſic rem concipio non pellendo calculus, ſed laxando vias curari debere, & nullum eſt aliud Lithontripſicum quam hoc, ſerum Lactis eſt optimum coctum cum herbis emollientibus, hinc totus ſcopus eſt debilitare vires, emollire ureteres & ſimil ſuppeditare magnam copiam liquidi diluentis cum emollientibus. Omnia calida & balsamica nil agunt, niſi fibræ ſint laxæ, tum enim vel ſponte vel profluvio urinæ cadet calculus, nam quid juvat hic balsamus Sulphuris, quid Terebinthinus & Cantharides.

§. 993. Simulac ſciatur hic abſceſſum dari, curatio ejus tendanda eſt, quia pus hæret in loco ſinuoflo vafculis ſanguiferis pleno, unde in tempore exitus ſuppurationi præberidebet, nam ſi ſuppuratione poſt annum hæreat, raro medelam capit, unde cura fit per maturantia & emollientia, & æger ſe mouere non debet, omne acre ſalſum, aromaticum, pingue, acre &c. capere nequeunt, ſed quaæ extrinſecus ſuppurationem promovent ut decoctum Cicerum alborum vel rubrorum, vel radicum Althææ;

Mal-

Malvæ, Parietariæ, Verbasci, & addendæ sunt
Becabungæ, Borragines, Agrimonie, Natur-
tum Aquaticum Caryophilli, Linariæ vel si-
miles herbæ diureticæ & Molles saponaceæ,
sunt optima remedia, per quæ emolliuntur ab-
scessus, si hæc per decem dies fiant, quotidie
ad urinam est attendendum, an sit adhuc rubra,
an fætida, & an pus in ea non subsideat, si
non tum emollientibus pergendum, si vero pus
in urina appareat; tum sequens medela est o-
ptima scilicet sumatur pars Terebinthinæ levis
cum dupla parte Myrræ & pulvere Millepe-
dum, adde Liquiritiæ succum inspissatum, ex
his fiant pilulæ gran. iii vel iv. & æger omni
hora tres capiat, & superbibat serum Lactis vel
lac ebutyratum, non valde acidum factum,
sed acidulum, & hoc fuit magnum arcanum
Medici cuiusdam apud Guilielmum Tertium
in Anglia, vel Aquæ Spadanæ & Acidulæ quæ
habent multum ferri, non sunt pretio habendæ,
sed illæ, quæ habent parum metalli, vide Lyste-
rum; vel decoctum Graminis, Althææ, Fo-
restii ex Althæa & Papavere, quæ omnia sunt
adhibenda, donec urina appareat bona quæ quan-
do bona appetet, tum Aquæ Spadanæ vel se-
rum Lactis per integrum mensim sunt adhi-
bendæ, hoc decoctum cum syrupo aliquo vel
Melle est dandum, & nunquam melius reme-
dium est inventum ad suppurationem & cor-
ruptum renem; hæc remedia diuretica maci-
lentiora sunt meliora, quam illa Terebinthinæ
& balsami Sulphurati; attamen Terebinthina
vel de Pino vel de Laryce optimum hic est re-
medium, sed paucacopia adhibita, repetita dosi,
& imprimis illud, quod prima vice destillatum
prodit.

§. 994.

§. 994. Vidi cadaver dissectum, in quo dexter ren nil erat, nisi saccus coriaceus densus sine vasis, hoc plerumque in canibus mordacibus deprehenditur, qui lumbricos in renibus continent, in quibus tabes renalis oritur, hoc plerumque in ægris invenitur, qui multis annis dolore lumborum laborarunt.

§. 995. Circa renes sunt nervi crurales & musculi Iliaci & Psoas; qui adhuc motum faciunt, hinc his compressis oritur claudicatio, tum ex symptomatibus concomitantibus apparet, an scirrus vel calculus claudicationem faciat.

§. 996. Si parum materiae inflammatoriæ colligatur in uno urinæ folliculo, tum liquido expresso crassum colligitur, quod crassum est rubra sanguinis pars; novissim, quod Clarissimus *Ruyshius*, postquam viderat papillas, renales *Malpighii*, quas non dixit esse papillas, sed corpuscula subrotunda parva, quid esset, ignorabat; hæc corpuscula habere videntur suos folliculos, sed talis folliculus non capit centesimam partem grani sabuli, ergo posito granulo & grumo arenæ deposito, quod hæret exsiccatur stagnando, abeunte liquido, unde materia hæc est quasi thrombus fucus, qui per urinam ibi formatur, & per eam sabulo plenam perpetuo alluitur, unde hæc urina suum sabulum (nam non datur urina sine sabulo) applicat huic thrombo, unde calculus formatur, & quod sabulum sit urina patet, si stet per tempus, cadit enim tunc ad fundum & ad latera vasis accrescit, vel in suprema parte est spuma natans, ac simile appetit in multis liquoribus v. g. si Nitrum solvatur in aqua, hæc aqua filtretur, secum fert particulas

las salinas, quæ Baculo imposito accrescunt; si sumatur materies purulenta & affundatur urina sani sine ullo signo calculo laborantis hominis, parum exsiccata sit materies, affundatur nova, tum crescit crusta circa materiam. Si urina sani hominis à calculo liberi ponatur in vase, tum post aliquod tempus apparent primo scintillæ ad latera vasis concretæ: si diu hæreant, tum fiunt nigriores, & tandem calculus, si iterum nova urina affundatur, tum habetur calculus vitreus, & post tres dies effundendo veterem & affundendo novam, calculus oritur, qui totum vitrum implet, hoc experimentum sæpius institui, sed vidi unicum contrarium casum Rotterdami in urina mulieris, quæ semper mansit aquosa; hinc apparet ex ipsa urina apparere calculos, si conspiciatur calculus, tum in ejus medio est punctum rubrum, quasi sanguineum; Jacobus Fernelius observavit punctum minimum seu basin calculi esse punctum sanguineum, cui fabulosa materia ex urina se apponit, & sensim crustam lapideam apponendo calculum efformat, hinc patet quod si urina calculosa foras non excerneretur, totum nostrum corpus facile rigesceret; deinde illa incrustatio fit circa pus efformatum ex inflammatione in rene &c.

§. 997. *Hippocrates in descriptione morborum Acutorum* dicit, si in morbis Acutis oriatur dolor circa lumbos & urina talis, uti hic describitur, ægri moriuntur.

Nil juvat. Quando hoc videmus, tum optimum remedium erit, magna copia mittere sanguinem, illico dare copiam sufficientem potus,

§. 998. Omnis Nephritis nunquam à calculo
Tom. IV. N

culo; sed semper ab inflammatione à calculo producta oritur; homo generosus *Bruxellis* mortiebatur, cuius corpus ad balsamo condendum apertum fuit, in illo renes calculo obsessi sunt inventi, licet nunquam de miditu sanguinis & de doloribus in renibus conquestus fuerat, hinc patet, quod calculus non faciat Nephritidem, sed tantum si partes nervosæ circa calculum positæ inflamentur.

Curationem. Nam inflammatio creat tumorem, tumor comprehendit calculum, ergo curationem antea docui.

Crisis. Si æger tertianarius liberatus à morbo una vel altera hora ante sudorem reddat urinam nigram & rubram instar amuræ olei vel cerevisiæ, manifestum est signum, quod subita Nephritis est orta; hinc si urina stranguriosa, quæ in omni morbo est copiosa cum sedimento crasso ad fundum delapso, mingatur, tum solvitur morbus, & oritur dolor ad lumbos, tumque nulla convenit venæ sectio, quia vasa sunt nimis laxa. Nephritis in febribus oritur, quia ob morbi vigorem sanguis ruber in rene fistitur & vasa urinifera comprimit.

Ischuria primo oriri potest in ipsis renibus ab ingenti inflammatione hisce vasis compressis, vide *Talpium de hoc malo in viro Britanno*. Secundo Ischuria fit, quando aliquid tophosum occcludit plevium, tertio quando calculus angustiis pelvis elapsus venit in angustias ureteris, ita ut inde exire non possit, & tunc ob compressionem ureteris ibi fit inflammatio circa calculum. Ischuria fit vitio vesicæ primo quando calculus hæret in collo vesicæ, secundo à residuo Gonorrhææ male curatæ, quando ulcus ad collum vesicæ recrudescit, & tumorem ibi

ibi creat, unde tum catheter intrudi non potest, quando vero aliquamdiu mansit. Ischuria & urina non dimitti potest, tum tandem aliquid puris dimittitur, quo dimisso statim urina magno impetu profluit. Quando æger in hoc casu diu detinuit urinam, tunc enim urina sollet viam quandam capere intra abdomen faciens speciem Herniæ in vesica & diverticulum vel decidens in scrotum. Ischuria oritur vitio ureteris, aut à calculo aut à scircho aut à tumore, si vero sit tuberculum, tum suppurari debet, antequam morbus curari possit. Quando calculus in ureteribus hæret, tum vomitus & concussum in Rheda juvat, si spes sit calculum exire posse, sed tamen, quo plus calculus urgetur à tergo, eo minus dimitti potest & tota spes tum in eo consistit, ut calculus frangi possit.



Apoplexia

§. 999. Apoplexiæ denominatio debetur vocabulo Græco, namque venit à Græco verbo ἀπολήσω, seu ἀπολήτω quod Latinis significat percussio, hinc Apoplexiæ percussio, Apoplecticus percussus, cuius verbi vis significat tales percussionem, quæ fit à tali causa lœdente, à cuius illatione homo subito terræ prosternitur, motus & sensus impotentia afficitur, accepta hac denominatione à rebus extra nos positis, ob similitudinis, quæ cum hoc affectu confertur, convenientiam. Unde multa ac varia Aucto-ribus passim nomina huic affectui sunt indita à

N 2

sym-

symptomatibus (quæ in hoc malo accidunt) derivata, quibus voluerunt naturam hujus affectus eo lucidius exprimere & nomen rei denominatæ conveniens facere, vocatur enim *Morbus Attonitus* sic à *Cornelio Celfo*, qui Latinus *Hippocrates* vocatur, ab aliis *Sideratio* appellatur, *Stupor* quoque à multis dicitur, uti *Resolutio nervorum*, *Paralysis universalis*, *Paracelsus* nominat *Guttam*, Belgi utuntur *vocabulis*, de *Graaktheyd*, *Beroertheyd*, *Popelsye*, de *hand Gods*. Apud *Hippocratem* Apoplexiæ *vocabulum* aliquando ad certa saltæ corporis membra, capite libero refertur, sic *Ludovicus Duretus commentator in Coacas Hippocratis*, ait, *Apoplexia νειως* dicta, est *Resolutio universi corporis*, *Paralysis dimidiati*: *Paraplegia autem quorumlibet artuum*. Si in alterutro latere corporis immobilitas, sensusque privatio est, *Hemiplegia* nominatur, atque hæc nomina sunt, quæ ab hoc morbo derivantur; antequam ad reliqua pergamus, vel ulterius de hoc morbo sermonem faciamus, necessario ejus definitio est præmittenda. *Apoplexia* definitur, quod sit *privatio omnium sensuum externorum, motuumque omnium ablato, superstite pulsu & plurimum forti & respiratione magna, & diffici, semper tamen cum stertore una cum somno profundissimo*. Hic morbus vel subito vel accidentaliter quasi invadit, vel subsequitur morbum aliquem, ut *Epilepsiam*, *Lethargum*, *Convulsionem* & *Vertiginem*. *Hippocrates* definivit *Apoplexiā* & in libro *de Glandulis*, inquit si quidem meæatur, multam turbationem habet, & mens desipit, cerebrumque convulsionem sentit, totumque hominem trahit, neque in se vocem edit, sed suffocatur, huicque *Apoplexiæ* nomen est.

§. 1000.

§. 1000. Est ergo Apoplexia secundum vulgarem & satis accuratam definitionem: repentina actionum animalium omnium sensuum scilicet externorum & internorum, motuumque voluntariorum cum facultatum principum laesione ab influxu spirituum in nervos prohibito dependens abolitio. Veritas hujus definitionis ex effectu (ut reor) abunde patet, nam quos hic effuctus adoritur, illi fulmine quasi tacti, nullo rationis vestigio remanente subito prosternuntur (evenit equidem ut plurimum, quod sensuum hebetudo, & aliqualis fatuitas procedat, & debilitato cerebro quasi ad hunc morbum praedispontantur æ gri, sensimque stupidoris evadant judicii, præsertim quod jam longa fatigavit debilitas) superstite licet in principio pulsu plerumque forti, sed cum respiratione debili, magna, ac stertorosa, moribundis simillima, quæ crescente demum & degenerante in pejus morbo, naturamque superante, decrescent & quasi evanescunt, unde corpus una cum imagine profundi perpetuique somni & mens stupefacta, actionibus suis per agendis inhabiles evadunt. Distinctio inter Apoplexiā & somnum profundissimum est, quod hominem profunde dormientem excitare possim, sed Apoplecticum non.

§. 1001. Plusquam centum Auctores fide dignos inquisivi, & ex iis veras observationes sumpsi, quas hic apposui, unde concludo, quod Apoplexia sit status, in quo cerebrum disponitur, ut nulla vel parva sit spirituum secretio vel eorum itus & reditus ad cerebrum impediatur, cerebelli actione resistante, ut ex cordis pulsu & respirationis organis fere adhuc liberis patet; hinc Apoplexia est liber transfluxus, spi-

rituum cerebri in medullam cerebri & nervos inde oriundos, & nervos sentientes & vitales; nunquam est vera Apoplexia nata, nisi præ cesserint plurimæ causæ, quæ tantum non faciunt Apoplexiæ, sed prædisponunt; omnis igitur Apoplexiæ causa est omnis illa, quæ sensorum commune sic disponit, ut functiones animales desinant, efficient nempe ut spiritus animales inservientes animalitati, nec deorsum ire nec motus solitos sursum imprimere possint.

Q. 1002. Inter causas Apoplexiæ Auctores memorare solent caput magnum, tum arteriæ quæ ad caput vadunt, magnam sanguinis copiam ferunt. Collum breve; nam nullum fere Apoplecticum videbis, in quo hoc non observatur, hinc qui collum breve habent, plerumque ab Apoplexia moriuntur nisi forte Peste pereant; omnes vero quibus longum & gracile collum plerumque Phthisi pulmonica pereunt, hinc brutis raro accidit Apoplexia, nisi à contusione. Corpus crassum & pingue ut plurimum adoritur, quia tum arteriolæ vicinæ comprimuntur, & i. sanguis copiosius ire cogitur ad cerebrum, idem est de pituita accumulata. Temperies plethorica & cacochymia pituitosa multum excellens, id est, multum humorum pituitosorum in corpore aggravans.

2. Ad causas referri possunt, quæ sanguinem inspissunt, & lentiorē faciunt, aut lympham viscidiorē efficiunt; quæ quantitatē sanguinis nimis adaugent, ejusque ad caput affuxum incitant & cogunt, vel refluxum à capite impediunt. Quæ omnia à sex rerum non naturalium vulgo ita dictarum diverso abuse pendere veritati consonum est, ut sunt: ni-

mia

mia & frequens vini & liquorum spirituorum potatio, id est, qui per consuetudinem potandi se ad hunc morbum disponunt; unde Pythagoras ebrietatem ajebat esse insaniae meditationem; violentia enim cerebro ebrietatis usu in violentiam transit. Polyposæ concretiones eo usque pelluntur, ut ad arteriam carotidem pervenire possint, eadem concretiones in arteriis vertebralibus sive circa cor sive intra cranium hunc morbum etiam producunt, quæ se manifestant pulsu inæquali, Vertigine, Scotomia, Cordis Palpitatione, nam docuit *Malpighius* plerasque palpitations oriri à polypo intra arterias cordi vicinas, tum illi homines moriuntur Apoplectici, quando illa polyposa materies sursum fertur, & sanguinis transitum in cerebrum impedit. Pulsus & respiratio in hoc morbo increscunt, quia sanguinem copia longe minori transmittit ad cerebrum ac ante, dum adhuc sanus erat; causa aliquando est corticis cerebri meningumque intumescentia, quam ab obstructionibus in hisce vasis natis, fieri posse dicunt alii, & sunt Auctores plurimi, qui ajunt (imo fere omnes Medici sunt in hac sententia) venena atque Opiata sæpiissime nimia copia assumpta facere Apoplexiam; nam ab Opiatis primo in torporem, paulo post in somnum profundissimum, dein in Apoplexiam & ultimo in mortem.

β. Quia cortex cerebri inflammatur, unde sanguis non appellitur, ut spiritus secernentur, sed colligitur, v. g. video in ægro Phrenitem, facies, naresque ejus liquefcunt, stillant & hæc notant cerebrum obstructum, ita ut sanguis per carotides internas transfire nequeat, sed per externas transeat, hinc oritur Apoplexia-

v. Cognoscitur ex voce solito tardiori, si senex sit pituitosus, anhelans, facie inflata, denotat Apoplexiā, sed vix tarda, ut stent quasi meditabundi, antequam vocem edant, his sensibus plerumque fere ausim prædicere Apoplexiā. Pro internis & proximis agnoscō causis omnia illa, quæ excretorios glandularum cerebri ductus, nervorumque orificia, verbo sensorium commune; qualia sunt lympha crassior, tenacior, glutinosa, pituitosa, aut infarciunt, aut comprimunt, unde senes juxta illud Virgilii.

— — Sed enim gelidus tardante senecta.

Sanguis hebet, frigentque effatæ in corpore vires?

Catarrhosī, frigidi, humidi, pallidi, leucophlegmatici huic morbo magis obnoxii comprehenduntur. Pulsus & respiratio in aliis solito fortiores, in aliis debiliores sunt; id tam diverse in diversis casibus accidere opinor, ex illa sanguinis diatheſi, qua circuitu plus minusve vel sit aptus vel impediatur: hoc tamen in plerisque obtinere puto, quo mors propinquior, eo pulsus & respiratio magis infrescant; quod hinc explicare posse puto, cerebrum nempe nunc adeo obstructum, sanguinem copia longe minori transmittit ac ante, qui tamen in plerisque casibus eadem copia ad caput fertur, quare tanta majori copia & impetu per alias capitis partes agitur, unde in multis casibus, genarum inflatio; rubor, spuma ad os & longe majori quoque copia & impetu per cerebellum simul pellitur, unde secretio spirituum ibi

ibi largior, defluxus in nervos functionibus vitalibus efficiundis inservientes, major hinc pulsus & respiratio magis aucta, sanguis autem tanto nunc impetu per cerebellum dum rapitur, attritus in vasa ibi fit magnus, diu haud tolerandus, unde inflammatio oritur, destructio & tandem denique mors. Humores viscidi vel pituitosi vel aquosi in cerebro præternaturaliter contenti, coeunt, & non solum cerebrum, sed etiam ventriculum cerebri oppleut, atque nervos premunt & spiritui animali transitum præcludunt; quando sanguis nimis lentescit mucro, ut ad corticem cerebri perveniens transire non possit, oritur Apoplexia frigida.

Apoplexia etiam producitur iis, quæ spirituum transitum eorumve secretionem intercipiunt; præterea autem in ipsis spiritibus causam morbi sæpe hærere opinor, cum illi vel defectu vel qualitate depravata peccant. Defectu illos aliquando peccare puto, in illa præsertim Apoplexiæ specie, quæ hominibus in summo senio accidit, nec tamen semper, quum manifesto constare videtur, quod sæpe nimia cerebri callositate & ineptitudine hoc vitio nata, ad spiritus transmittendos fecernendos que inducatur, hujus quippe vitii, cui nervi, membranæ &c. obnoxii sunt, cerebrum immune omnino esse, non arbitror. Spiritus qualitate peccare posse verum videtur in iis, qui ab Opio vel spirituosis liquoribus nimia copia assumptis in hunc morbum cadunt, primo nempe in somnum, qui in Apoplexiæ terminatur, incident, cujus rei ratio, spirituosis humores quantum attinet, hæc potissimum esse videtur, liquores spirituosi magna nimis copia assumpti, mobilitate & acrimonia sua totum

N 5

per-

pervadunt corpus, fibrasque stimulant, unde major motus, celerior pulsus, & quæ independent alia, hinc, magnum spirituum dispendium, unde tandem somnus, transpiratione interea mobilissimæ assumptorum spirituosorum partes auferuntur, reliquosque corporis spiritus nunc valde motos maximam partem secum rapiunt, cæterosque humores spiritibus plurimum nunc orbatos, vappescentia & inertia indutos, bonis spiritibus generandis ineptos, reliquosque adhuc præsentes spiritus crassos, torpidos, cerebro rite permeando impares, in corpore linquunt; unde tunc Apoplexia ebrietati summae superveniens, videtur autem & hac ratione aliquando agere, nempe quod nimia copia assumpti calore corporis rarefiant, sanguinem rarefaciant, simulque valde movent, & magno impetu in corticem cerebi adigant, unde ille tumens & se versus partem minus resistentem, medullarem scilicet substantiam, extendens, hanc comprimit, unde omnia, quæ in Apoplexia observantur symptomata; qui statutus certe, vere nunc est Apoplecticus, eodem modo inductus, ac qui tumore intra cranium nato vel sanguine ibi extravasato producitur.

a. A Plethora sæpe Apoplexia oritur, plethora est abundantia sanguinis boni, qui si per aliquam causam parum urgeatur, vel rarefacat, tunc arteriæ distenduntur, & magis reagunt, unde fit major calor, arteriæ cervicales expansæ partes subiectas comprimunt; hinc Apoplexia; quæ quoque oritur à commissatione, Ventriculum nimis distendente, unde Aortæ diameter minuitur, & pellitur sanguis versus caput, idemque obruitur vel a magna ebrietate, homo enim profunde ebrius, pio tempore est Apoplecticus stertit; imo si

eum:

eum uram, non sentit. Ab Opio nimia copia assumpto, Apoplexia s̄epissime nascitur, ratione fortassis, qua spirituum summam volatilitatem infringit; ut ex Phænomenis colligi posse videtur: omnes quippe Opium magna nimis copia qui assumunt, in torporem primo, in somnum paulo post profundum, imo Apoplexiā incidunt; huic vero sententiæ magna Opii penetrabilitas, & deobstruens & sudorifera vis repugnare videntur; quam autem obstructionum sublationem efficere opinor ratione, qua constrictiones vasorum, unde s̄æpe obstrūcio, inflammatiō &c. tollat, imminuto nempe spirituum appulsi & impetu in vasorum fibras circulares, quamobrem quoque vasorum latera humoribus à tergo appellantibus facilis cedant, & particulam ratione vasis diametri nimis magnam, ideoque obstruentem transmittant. Nec magna sua subtilitate, in humorē adeo subtilem, spiritus scilicet nostri corporis, agat, & pondere tam parvo vim suam exerat, nec id verum est, quod omne subtile multum & penetrabile, omnes humores attenuet, quam variæ qualitates spiritus dantur, qui se invicem, cum confunduntur, coagulant, ut Chemia demonstrat. Causa aliquando ab acribus esse pestest, quæ omnia vasa ita solvunt, ut liquor acer exiens cerebrosorum nervorum origines lœdat, comprimatque. *Wepferus* omnium optimus de *Apoplexia* auctor sanguinem inter duram piamque matrem, multum atque copiosum, qui etiam se inter anfractum cerebri insinuaverat, reperit, nullo cruro inter duram piamque matrem existente, eam ortam in aliis iterum vidit; *Willius* invenit abscessum ruptum duræ meningis. Vomitoria Apoplexiā

N. 6.

creare.

creare, hæc in Regno Brittannico frequenter adhibentur, nil tamen est periculosius quam vomitum dare, multis hominibus, dum vomunt, rumpuntur arteriæ in naribus tum iis apparent facies rubicunda, oculi rubentes protuberantes, si nunc his detnr vomitorium, illud quidem evacuabit, & facile concutietur, sed in ipso actu franguntur arteriæ, hinc in plethora non est dandum vomitorium, nisi prius constet plethoram vasa distendentem non adesse, & largam sanguinis missione adhibuisse.

β. Sinus quatuor dicti cerebri abeunt in locum posticum cranii, qui ubi conveniunt, ibi dicitur Torcular Herophili; si jam in osse occipitis oriatur exostosis magna, quæ quadrivium comprimit, sanguis venofus redire nequit, interim cerebrum continuo magis magisque repletur sanguine per arterias allato, unde in initio oritur vertigo, sensus hebes, & capitis gravitas, vel ad Torcular Herophili dantur vasa venosa crassissimas fibras musculosas habentia, unde oritur scirrhosus, sæpe magna inflammatio, tum cortex cerebri comprimitur vel initium medullosum nervorum, sic si exostosis oriatur in Lue Gallica in thecis venarum jugularium oritur compressio, hinc abscessus ferosi, aquosi, purulenti, mucosi, sebacei, scirrhoysi, lapidosi, steatematici, ossi eundem effectum producent.

γ. Si quis v. g. stomachum nimis impletat cibis, tum stomachi arteria comprimitur, imo ipsa aorta, unde gravitate capitis homo laborat, & inde Apoplexia, quia circulatione interius impedita major copia & velocitas sanguinis ad cerebrum datur, unde ejus compressio.

δ. Hoc apparet in suspensis, in quibus venæ jugulares comprimuntur, apparet quoque, quan-

quando tumores strumosi ad glandulas salivales comprimunt venas jugulares. Multis contingit, dum frigus externum accedit, quod sanguis erumpat ex naribus, quia sanguis tum fit compactior, & hinc tanto majorem vim infert, sed hinc omnes homines laqueo suspensi Apoplectici moriuntur, nam in ipsis laqueis respirant. hinc carnifices eorum nares & os obstupant, ergo quidquid externe caput comprimere potest, facit Apoplexiā, hinc compressis venis jugularibus statim fit Apoplexiā, unde si modo utraque vena interna comprimiratur, statim strangulatur homo, ut accidit suspensis, qui omnes nempe Apoplexiā moriuntur, quia sanguis à cerebro redire non potest, hinc genae rubescunt, livescunt, labia fiunt retorrida & sic moriuntur; si strumosi tumores occupent loca circa hasce venas utique homo per Apoplexiā mori potest.

3. Omnis humor, qui intra cranium & duram Matrem, intra hanc & piam, intra piam & corticem cerebri affusus hoc facit; hinc plurimi fiunt Apoplectici ex Hydrope cerebri, id est, venæ resorbere non possunt aquam vaporosam, quæ intra cerebri thalamos semper exhalat.

4. Cerebrum facit quatuor cavitates, quæ sunt rore impletæ & in ea plexus choroideus suspenditur, qui est congeries vasorum sanguineorum lymphaticorum & glandulorum ut *Clarissimus Ruyschius in Tabulis suis* optime demonstravit, hæc cavitates sunt conservatrices sanguineorum vasorum, ibi positus plexus choroideus, & membrana ad cerebrum sunt positæ, ne illa vasa comprimerentur, si tale vas rumpatur, liquidum cadet in cerebri cava, unde ille humor effusus totam cerebri molem

N 7

com-

comprimit; *Boyle Gallus Medicus* optime descripsit hujus Apoplexiæ causam, dicit enim esse acrimoniam atrabiliariam vasis ruptis inter cerebri ventriculos ortam, cerebrum comprimentem. hoc sœpe verum est, sed non semper, ut ex prioribus appositis exemplis patet hinc in eo curavit, quod omnem Apoplexiæ ab hac acrimonia oriri voluerit, sumvit enim unam causam pro omnibus. *Drelincourtius* plexum cho-roideum ruptum se vidisse testatur.

Atrabiliaria. Hoc vidi *Hippocrates* in sua Præxi, nam illa rupta sursum materies eredit vasa cerebri, hinc sanguis effunditur, unde videmus sœpe homines Maniacos, qui in initio furebant, postea mori Apoplecticos.

5. Si Crocus in loco calido clauso detur, reddit hominem Apoplecticum solo odore, sed an non hæc medicamenta inspissando, comprimendo, rumpendo, an vi sua in pulmones agant, dubito, hinc in dubio sum, quonam hæc referre debeam, censendum tamen eadem notare posse primo potius pulmonibus quam cerebro, nam pulmo à venenis stricte contrahitur, ut nil sanguinis à dextro ad sinistrum convenire possit; hinc multa venena in pulmonibus agunt eos ita corrugando, ut sint inhabiles explicationi, vel humores pulmonum inspissando, vel vasa constringendo, ut non transmittant; est antrum in Italia supra quod si vivi canes suspendantur, moriuntur, sed si statim postea supra aquam frigidam suspendantur, reviviscunt, & quidem ideo, quia sanguis versus cor determinatur. Videtur, quod in hoc casu pulmo spasmodice contrahatur, sit enim per hoc antrum idem, quod per Sulphur exhalans vel accensum. Quando mustum

ma-

magna copia in dolio vehementer effervescit, si quis tum nares admovereat foraminis & vaporem tum inhauriat, Apoplecticus statim cadit, idem qui versatur in loco, ubi multum musti est repositum in Parapoplegiam incidit. Causæ sequentes Apoplexiæ producere etiam possunt, nempe tumor cranii externo sanato, consueta narium hæmorrhagia suppressa, Venus nimia præsertim in senibus; nimius oculi ictus, indeque valida capitis & cerebri concussio; causa etiam aliquando est, si quis ex fenestra, vel à teatro, vel ab alta turri in terram cecidit, ut cranium depresso sit, & subiectum cerebrum premat.

§. 1003. Hæc omnia inveniuntur apud omnes inspectores cadaverum, optime apud Bonetum in Sepulchreto Anatomico, Carolum Pisonem in Tractatu de morbis colluvie serosa ortis, ibi patet semper in Apoplexia adfuisse has causas, dein observatio historica antecedentium, concomitantium & consequentium Apoplexiæ multum lucis attulit, eademque confirmavit, vix aliorum scripta in curatione Apoplexiæ aliquid præstant, quia semper universalis cura præscribitur, quæ impossibilis est, sed pro quinque classibus diversarum causarum diversum quid præstari debet; hinc omnia, quæ hic dixi de causis Apoplexiæ, firmari possunt exemplis; causa proxima Apoplexiæ est impeditus trajectus spirituum cerebri, sed causæ remotæ sunt infinitæ quæ tamen omnes ad has quinque reduci possint; si caput alicui percutiatur, vertigine laborabit, vomituribit & Apoplecticus fiet in cranio post mortem aperto invenitur sanguis effusus; sed aliquando larga venæ sectio-

ne.

ne instituta & strictissima diæta adhibita, adhuc curatur æger.

§. 1004. Medici olim putarunt, quod omnis Apoplexia à frigore & ab inertia oriatur, unde senibus adscribebatur, posteriores dixerunt, quod à plethora, postea quoque viderunt, quod à vino quoque oriatur, hinc vel pituitosa, vel inflammatoria, sed præterea ferosa & atrabiliaria, imo ex ipso tumore craniij urgente versus cerebrum oritur.

§. 1005. In omni Apoplexiæ violentior est cerebelli tonus, quoniam motus cordis & motus respirationis non minuantur, sed augetur in ipso malo; bos, qui cuneo percutitur, primo humi cadet, & jacet humi Apoplecticus, educta postea sanguinis copia, ut sensorium commune liberaretur, Apoplexiæ solvitur, animal se iterum movere incipit tandem educto sanguine Apoplecticus cum summo stertore mortitur.

Parapoplexia est, si aliquid in sensorio communi supersit, in Apoplexiæ totum sensorium commune afficitur, quod est omne in cerebro, ubi post corticem medulla sit, hinc ibi concipi mus totam corticem vel medullam ita esse compressam, ut nil transire possit; in Parapoplexiæ non integre sed valde læditur sensorium commune, tunc cerebrum nondum totum est clausum, sed fere, quædam actio sensus & motus est superstes cum magna difficultate, ut in dormientibus, sed si per arterias nil transeat, totum perfectum erit affectum, unde cerebrum prius illæsum tandem etiam obruitur.

§. 1006. *Destructis*. Quia hæ duas functiones exercentur per nervos non à cerebro, sed cerebello ortos, at hoc durius ac nullis cavitatis bus

bus est donatum, hinc difficilis efficitur; motus animales oriuntur à cerebro, vitales à cerebello.

Decrescent. Arteriæ ad cerebrum vadunt maijores quam ad cerebellum, adeo ut cerebrum triplo plus sanguinis accipiat quam cerebellum, jam si sanguis per cerebrum non transeat, tanto major copia per vasa vicina fluit, hinc plus derivabit & fluit per vicina & nervos cerebelli, hinc respiratio, stertor, pulsus major, & non peior est in Apoplexia signum, quam si æger profundissime & magna vi respiret & pulsum habeat fortissimum, nam signat totum cerebrum obstructum & omnes spiritus fluere per cerebellum, hinc cerebrum hanc vim non diu fert, quin atteratur; in Apoplexia respiratio est aliquando adeo fortis, ut ad duas vel tres ædes saepe audiatur: quo homo morbo propior, eo fortior respirat, & hoc in solo hoc morbo obtinet.

§. 1007. Magnitudo hujus morbi colligitur ex ætate, robusti non tam facile afficiuntur, temperies aquatica, atrabiliaria pessima, sanguinea optima, fabrica nempe caput majus, collium breve &c. pessimum; respiratio & pulsus fortis, violentissimus stertor & reliqua pessima; quibus spuma ante os vix unquam resurgunt, quia ex respiratione valida, sensuque abolito sequitur necessario magnus pulmonis attritus, detritus humoris investientis, & quia non sentit id tantum regurgitat, cerebellum solum agit; spuma viscida damnatur ab Hippocrate & habetur pro pessimo signo, quoniam est spuma ex contrito & derafo pulmone; sudor tenuis, frigidiusculus, pessimus, si morbus ortus sit à prægressa Parapoplexia ægrum

nunc.

nunquam surrexisse vidi, si ex levi, gravis itidem pessima; (nam Parapoplexia vocatur Apoplexia, in qua æger vix magni excitari potest, quamvis iterum obdormiat) si ab Epilepsia oritur est lethalis, non enim vidi exinde hominem exsurrexisse, nam denotat cerebrum jam modo per Epilepsiam esse destrutum,

§. 1008. Si æger non stertat, tum sensus motusque non plane sunt aboliti, si spuma non adsit, tum causa est valde levis.

§. 1009 Vix alia Apoplexiæ, nisi per resolutionem est sanatio, nam suppuratio vel gangrena hic lethalis; hæc sequentia habentur in vera historiarum observatione, Apoplexia leñior abit sœpe sudore molli, leni calido, aut resolvitur urina copiosa, crassa, magna, alvi fluxu cum levamine non à deliquio spirituum; hæc sunt fere remedia, quorum aliquot vel multa simul peccant, nisi Apoplexia naturæ beneficio supereretur. Si febris magna adsit in initio, & non, quando Apoplexia oritur ab inanitione, sed ab infarcta materia bonum est, Hippocrates ipse dicit, superveniens febris magna, id est, acuta in initio Apoplexiæ solvit morbum, si sit à lentore, sed non ab inopia spirituum. Medici putant quod tum nares sunt stimulandi odoriferis, crines evellendi sunt, qui præscribunt vomitoria in Apoplexia ex arteria rupta, male agunt, nam sunt exempla ex vomitorio dato arteriam fuisse ruptam. Quando legimus libros recentiorum facilis videtur cura, sed an exercuerunt, summopere dubito, sed sœpe pro Apoplexia habetur, quod Apoplexia non est, contingit, ut homo à temulentia Apoplecticus videatur, accedit urinæ fluxus, sudor &c. curatur, sed tum non est Apoplexia,

v6-

verum tantum vasorum compressio, quæ sanguine missione illico curatur.

§. 1010. Ex centum Apoplecticis, qui sanantur, vix unus evadit à Paralyssi aut unius partis aut lateris uuius, parte cerebri ab uno latere obstructa, vel omnium partium sub capite solo capite libero, dum materia ex ventriculis abit per ventriculum quartum in medullæ oblongatae membranam, hanc premens, haec ens intra thecam vertebrarum, decem paria nervorum libera sunt; hinc Apoplexia semper aliquid relinquit vitii, & plerumque quædam ex his malis manent, sic in Duce belli summo & audacissimo Apoplexiā factam vidi ex itineribus & aëris injuriis, postquam resurrexit, fiebat instar pueri, vidi viros doctos ante jam Apoplexiā perpresso plane pusillanimos.

§. 1011. Attrito cerebro nihilominus tamen arteriæ carotides vertebrales sanguinem afferrunt, qui non per cerebrum, sed fere omnis per cerebellum trajicitur, illudque tunc violentiori motu atteritur, quod mortem infert, neque enim homo prius moritur ab Apoplexia, quam destruōtio jam cerebello, homo in Hemiplegiam cadens, primum sensum sinistri lateris amittit, postea & alterius, homo tamen mente constat, malum hic pergit, & cadit in Paraplegiam, tandem in Apoplexiā, ac ultimo in ipsam mortem, sanguis enim comprimit dirnidiam cerebri partem, tunc totum cerebrum, ac tandem cerebellum. Periculosis admodum hic morbus est, quarto die plerumque necans, imo perfecta Apoplexia rariissime sanatur, in senibus tamen longe pejor est quam in junioribus; si in Apoplexia iteritor adsit, suffocatio est in propinquo, sic si Apoplexia fortis,

tis, quæ totum prohibet spiritus commeatum; cito mors venit; si febris enim progreso morbo superveniat, est pessimum signum, ut docuit *Hippocrates*. Apoplexia lethalis est, si respiratio præclusa est, quæ necessaria est vitæ nostræ, ægri suffocatio. Hic generaliter est annotandum, quod omnis Apoplexia sit morbus acutissimus, periculosissimus & difficultatibus plenus; fortis admodum exiguam de salute spem relinquit & vix ullam; levis tamen aliquam spem reliquam facit secundum *Hippocratem* dicentem: *solvere Apoplexiā vehementē quidem impossibile: debilem vero non facile.* Quos subito & inopinato invadit, nihilque de vehementia remittit, illorum vitam brevi terminari idem ipse observavit, quum ait; *Quibus sanis dolores derepente fiunt in capite & statim muti fiunt; ac stertunt, in septem diebus pereunt, nisi febris apprehenderit.* Hic multi seducuntur, putantes, febrem Apoplexiæ supervenientem bonam esse, sed longe opinio illos fallit, & ad avos deducit, nam si quid boni aliquo in casu ex contingenti proveniat, minime pro regula habendum atque usurpan- dum est, quum ferme semper fit pessima, ut idem ipse *Hippocrates* ait: *Apoplexiā repente oborta solubilis, aveniente lenta febre mortifera est.* Respirationem maxime laboriosam in forti Apoplexia cum inæquali & intermittente pulsu præsentissimum periculum præfigire docet idem Auctor, respiratio enim inter omnes animales functiones quum maxime necessaria reputetur, ita ut vita auferatur, ubi illa penitus ablata fuerit, sane periculo carere haud potest. Apoplexiæ ergo, præsertim fortissimæ, ne cuiam facilem temerario ausu jactet Medicus, nee etiam

etiam statim desperet, sed interim ægrum
haud plane negligat, omniaque tentet, quæ
hostem irruentem arcere & jam in ipsa pene-
tralia prolapsum repellere valent. Obesis &
pinguis, si Apoplexia contingat, raro sanan-
tur. Apoplexia senibus familiaris & ætati con-
veniens est, Apoplectici autem fiunt, maxime
ætate ab anno quadragesimo usque ad sexagesi-
num. Ut & illis, qui frequenter gravi ob-
ruuntur sopore cum capitis gravitate, languo-
re insolito, oculisque turgentibus, & quibus
frequentes tenebræ oculis offunduntur, & qui
angustam habent cervicem. Sudor frigidus in
fronte pessima, imo lethale, & si sudor à spi-
ritus angustia prorumpat. Arteriis carotidi-
bus aut cervicalibus exorta Apoplexia incurabi-
lis est; eadem est ratio, si spinalis medulla
abscissa fuerit sternutamentis fortiter provocan-
tibus adhibitis, si æger non sternuet, neque
impressionem sentiat, vulgo pro mortali habe-
tur signo. Qui ex Apoplectis paulo graviori-
bus, superata causa periculum mortis effugiunt,
illi in diuturnum plerumque morbum incident,
Paralyxin nempe unius vel alterius lateris, unde
Heiniplegia, subinde etiam totius corporis, unde
Paraplegia, sœpe idem illi memorie tantam
jacturam faciunt, ut ne minimorum recordari
valeant, unde soporosi, hebetes, tremuli, ver-
tiginosi & pusillanimes remanent & vere repue-
rascunt, nec sane mirum, scimus enim cor-
pus nostrum ab objectis sensilibus, ut in no-
bis fiat sensus, accipere mutationem in super-
ficie nervorum per attactum moti objecti ex-
citatam, ubi requiritur, ut ea mutatio libero
nervo propagetur usque ad aliquem in cerebri
medulla locum, à singulo quoque nervo in

fin-

singularum medullæ cerebrosæ plagam, ut pro varietate objecti, pro diversitate nervi affecti, pro discrimine fabricati organi sensus, pro variatione loci in cerebri medulla, unde ille nervus; pro variо gradu motus, quo applicatur objecti actio, oriatur in intellectu sentiente idea percepta varia.

§. 1012. 1. Si caput magnum, collum breve cordi proprius cerebrum ergo validissimæ sanguinis impetui expositum magis corpus obesum, pectus ita formatum, ut sanguis plerumque ad caput feratur.

2. Ex plethorica, cacoehymia, atrabiliaria; hydropica, pituitosa materia prædicitur Apoplexia; hinc si videam hominem perfecte plethoricum in Æstate æstuante debacchari, tum prædicere possum, eum fore Apoplecticum.

3. Si plethorico accedit æstus, oritur rarefactio humorum, cerebri ergo compressio, etiam si cacoehymico frigus, si atrabiliario motus sanguinis prædicitur Apoplexia.

4. *Scotomia.* Id est, tenebricosa caligo capitis.

Naribus compressis. Hoc signum evidentissime videtis, quando homo diathesin habet ad Apoplexiā, cum naribus compressis respirare incipit, tum brevi erit Apoplecticus.

Incubus. Est terribilis compressio ad respirationem, quasi ab homine præfocarentur, quando æger non assuetus hoc morbo laborare incipit, indicatur, quod circa cerebri ventriculos sit materia vasa comprimens, sensus gravitivus in pectore est à compressione cerebelli.

§. 1013. Ingens saepe apud ægros inter Medicos oritur disceptatio, quidam dicunt esse Apoplexiā, quidam non, prout sensus & motus super sunt, hinc veri Medici distinguunt inter Apoplexiā exquisitam & non perfectam,
quas

quas ambas diversitates diximus & paulo ante in Parapoplexia explicavimus; legantur modo, quæ scripsit Carolus Piso in Libro de Colluvie serosa.

1014. Curatio autem, ut variæ sunt causæ, vario modo est restituenda & generalis id circa dari nequit, sed illa pro diversitate causæ distincta est proponenda.

Varia. Ad vas sanguineum in homine ruptum, nulla est cura (si Apoplexia succedat) aut cranium effet aperiendum & sanguis ex cerebri ventriculis educendus, non nego, quod vulnera ad ventriculos cerebri aliquando sunt curata, sed nemo hoc facere audebit, si Apoplexia à pituitosa materia sic infarcente corticem oriatur tum illa materia est dissolvenda, sed si serum sit inflammatorium, alia resolutionis via indicatur, ergo generalem methodum adhibere non possum, nam talis causa, talia requirit remedia.

§. 1015. Si ab aquoso & pituitoso humore oriatur Apoplexia, tum tentandum est, primo ut pessimo glutinosi à capite omni vi removeatur, secundo, ut lensor in cerebro & in toto corpore attenuetur, nam humores sunt lentissimi, frigidissimi, ut non transfluant per cerebrum, nec segregentur spiritus, si hæc materia etiam ad cerebellum veniat, actum est de vita, hinc mihi est annitendum, ne in vasorum angustias prematur, sed ut avertatur.

§. 1016. Primo derivatione, secundo evacuatione, hinc patet non semper curari corpus senile, iners, frigidum, vix enim patitur has evacuationes, hinc non curatur, & ex centum talibus vix unus resurgit; evacuatio universalis in frigida constitutione raro convenit, hinc vide tis, quam raro prodeesse possumus.

§. 1017.

§. 1017. Patet ex hac paraphrago, unde integer liber conscribi potest, quod materia mucosa in capitis vasculis hæreat, quæ nec tolli nec propelli potest, ergo pressionem avertere curremus; si æger maneat in somno per tres quartuorve dies, tum curabo si possim, ne materia prematur, quæ stagnans levissime putrescit, tum si abducatur, non nocebit, hoc sit vapore, si æger toto corpore involvatur excepto capite intra stragula humida, si superne imminuantur, inferne aggregatur materies, hinc fatus & balnea similia inferne adhibemus; suctions & epipastica ad inferiora, vesicatorium ex pulvere Cantharidum, Euphorbio, Castoreo, Camphora fermento acerrimo, aceto Rutaceo &c. frictiones in plantis pedum cum Muria acri aut loco hujus cum sale & aceto sunt optimæ. Fiant leves ligaturæ ad venas artuum superiores, sic venæ tumebunt, arteriæ sanguinem pellent, sanguis ibi accumulabitur, pressio ad caput minueretur, quod est magnum areanum quorundam medicorum.

Valent. Dum derivant ad partes oppositas, ut à capite morbus avertatur, videtis, quod in omnibus his, ne unicam missionem sanguinis commendem, sed saltem derivationem, nam missio sanguinis tollet quidem pressionem, sed mucosum gluten auget.

Masticatoria. Quando Veteres videbant hominem in frigida Apoplexia, sumebant Pyrethum, inde faciebant pastillas, quas dabant masticandas, jubebant, ut exspuerent & sic deribabant. Sternutatoria ex sequentibus parata sunt optima.

R. Sal.

℥. Sal. Vitriol. ʒj
 Aq. Majoran. ʒj
 Spirit. Lilior. Conval. ʒj
 M.

Detur naribus attrahendum. Vel sequens pulvis calamo exceptus naribus infletur. v. g.

℥. Fol Nicotian. ʒj
 Semin. Nigellæ
 — Piper. albi ana gr. xv.
 Hellebori albi
 Castorei ana ʒβ
 M. F. Pulvis.

Suppositoria quoque ad hostem hunc debelandum & profligandum parari possunt ex trochiscis Alhandal, speciebus Hieræ Picræ & Melle q. s. ad debitam consistentiam cocto. Nec non ex felle Tauri inspissato, succo Rutæ cum sufficiente quantitate Mellis Anthosati. Nunquam Cantharides plus juvant qnam hic, nam resolvunt mucum.

§. 1018. De vomitoriis cum aliis laudis encomio dignis viris quid sentiam, paucis sic accipito ; quum videam duas acies , suasores nempe & dissuasores ad latus utrumque meum conflictantes , medium ut teneam iter ratio postulat, observatum enim illud est , aliquando à conatu vomendi nimium concutitur caput , unde materia altius impingitur, aliquando autem discutitur, igitur Scyllam evitantes , ne in Charybdim incidamus , attendendum puto ad sequentia signa : si nimirum Apoplexia sit à plethora, sed adsit nimius sanguinis motus , quod ex pulsu dignosci potest, si sit sanguine

Tem. IV.

O

ex-

extravasato, aliisque læsionibus capitis à vomitorio esse abstinendum, si vero à pravo victu & sanguine viscidiore vel levior Apoplexiæ gradus sit, vel patiens non sit nimium adultus, tum commode adhiberi potest, modo virium ratio semper habeatur; si enim æger satis validus sit, valida etiam danda, nam: *durus nodus, durum requirit cuneum*; si contra æger sit valde debilitatus; cavendum est præsertim, ne recidiva oriatur; extra paroxysmum vomitorium utilissimum erit, idem censeo, appetitus prostratur, aliaque signa ventriculi læsi Apoplexiæ paroxysmum præcesserunt, tum quum morbi fomes in ventriculo sit, utique Emeticum est exhibendum. Emeticum vero in ipso paroxysmo adhiberi solitum est; Mercurii vitæ grana ij imponantur linguæ, ut cum saliva descendat, aut sensim deglutiatur; extra paroxysmum vero Tartarus Emeticus, aut vinum Emeticum exhibere utile erit; vel.

R. Syr. Emetic. 3vj

Aq. Cinnamon. 3j

M. F. Vomitorium.

Detur pro una vice. Credo, quod nulla corporis actio sanguinem in cerebrum premat & cerebrum proinde distendas, quam vomitorium, ratio est, quia musculi abdominales & diaphragma contenta abdominalia validissime stringunt, tum aorta ascendens est compressa, hinc cor non potens eo momento sanguinem per aortam distribuere, sanguinem ad caput ferre cogitur, hinc facile oculi &c. sanguine turgent, si nunc hic pituitosa materia sit, tum vomitoria sunt optima; quæ sunt duplia;

alia

alia lenientia, alia commoventia; lenientia tanto adhiberi possunt, quia leniter pituitam educunt, commoventia vero pulsum immirraunt, ac respirationem difficilem reddunt, ad primas vias evacuandas propinentur statim medicamenta initiora scilicet ex aqua tepida, aqua Hordei tepida, butyro, oleo simplici, syrupo Acerosæ, Oxyuelle simplici atque Scillitico, semine Raphani Rusticani, & succo ejus & quædam alia.

§. 1019. Lentor est dissolvendus diluentibus vel attenuantibus vel circulationem augentibus, sed si lentiora dissolventia adhibeas, tum simul danda sunt talia, quæ ad inferiora determinant, aliter materia attenuata versus cerebrum vergit.

§. 1020. Licet nunquam talem Apoplexiæ legerim curatam, ne æger videatur neglectus, tentanda tamen, quæ si ulla alia juvare possint, hæc instituenda sunt, statim instituatur venæ sectio, hæc non necat, vel sanat, Cantharides, Spiritus Salis Ammoniaci naribus applicentur, hæc vero nocent vel prossunt, saltem stimulant, clysmata juvant Frictiones cum pannis asperis, birudines, cucurbitæ ad inferiora applicatae sunt optimæ, simulque capillis derafis cataplasma antiphlogisticum capiti apponitur est hocce.

P. Flor. recent. Absynth.

— Alliar.

— Rutæ

— Abrotani

— Scordii

— Salviae ana Man.

O 2

M.

M. Coq. cum Vino Rhenano vel acet.
q. s. vase clauso sub finem adde

Nitri puri ʒj

Farinæ Lini q. s.
ut fiat Cataplasma.

Colatura, omissa farina Lini, pro fomento hic bono capiti applicando haberi potest, dein, hoc clyisma acre illico ingerendum est, vel simile.

Fol. Tabac. ʒij

Pulp. Colocynthb. ʒj

Decoque in Aquæ pulviæ ʒvij

Sub finem coctionis adde

Nitri puri ʒj

F. Clyisma.

Vesicatoria ad nucham & post aures ponantur, convenient optime Cantharides, tinctura Castorei vel Vini Alcohol, in quo Camphora soluta, temporibus aliisque capitum partibus affricetur. Pulvis sternutatorius ex Helleboro, foliis Tabaci &c. in nares infletur, vel seta hæ irritentur, ut sternutationes cieantur, & Spiritus Salis Ammoniaci iis admoveatur, in ætophagum injiciatur Sal Volatile Oleosum, tincturæ Castorei, Spiritus Cornu Cervi, fuliginis. Ad capitum roborationem etiam fieri possunt facculi in forma pilei ex herbis cephalicis, Salvia, nempe, Roremarino, Majorana, Ruta, ex floribus Lavendulæ; Lilio. Convallium, Stæchados Arabicæ, ex Caryophyllis aromaticis.

§. 1021.

§. 1021. Ante omnia incumbendum est Medico, ut rite pensitatis signis naturam praeuentem sequatur ducem, & ubi necessitas exegerit molientem, sed inertem adjuvare, ut si æger sit plethoricus, obesus, pinguis, optimo cum corporis habitu, nullis prægressis morbis conflictatus, attritus & debilitatus, illico venam pertundere imperet, nam ut ex observatis constat, & ut una fidelia duos dealbare possumus parietes, sæpe una venæ sectione totus debellatur morbus, imprimis si tempestive Medicus advocatus fuerit; at scrupulum forte mihi injicet *Cornelius Celsus* cum dicat, *si omnia membra vehementer sint resoluta, sanguinis detractio vel liberat vel occidit*; sed pace magni illius viri, vix ut ei hac in parte assentiar, inducor, quum Apoplexia è medio sublata, an venæ sectionis neglectus, vel adhibita venæ sectio necaverit, ignorem; nam si certissima signa in hoc morbo venæ sectionem imperarunt, prudenti manu & tempestive adhibitam, tamen morte peremptus abiit, vix auderem asserere, quod neglecta venæ sectione vita superstes mansisset, è contra si in altero signa prohibent & negligitur, quod adhibita venæ sectio à morte vindicasset; ubi tamen (ut opinor) laudatus Auctor suo illo dicto inculcare vult, sanguinis in Apoplexia missionem non debere fieri regulam generalē, ita ut sive suadeant, sive dissuadeant signa, ad eam tanquam ad sacram anchoram confugere debere, sed prius tentatis tentandis, tandem satius esse anceps (secundum eundem) quam nullum experiri remedium. De hac venæ sectione in Apoplexia adhiberi debita, multæ inter medicorum filios exortæ sunt quæstiones, quarum præcipuæ hæ sunt 1. an in omni

Apoplexia debeat institui? 2. an statim antequam aliud quid agatur; 3. an contra post clysteres injecto? 4. an venæ sectio debeat esse larga? 5. an venæ jugulares secandæ? an brachiorum? an pedum? Ad quæ omnia sigillatim respondere quum supervacaneum esse putem, quod experientia ac auctoritate celeberrimorum medicorum exploratum est, generaliter paucis sic accipito. Si Apoplexia sit sanguinea, venæ sectio omnibus aliis remedii preferenda, eaque (habita tamen ætatis & virium ratione) sati larga; si vero pituitosa fuerit, non semper quidem, saepè tamen utilis videtur, imo necessaria; si enim Apoplexia bene fano adveniat, vix dubium videtur, an venæ sectio prohiberi possit, imo ut larga sit, oportet; in cacozyticis vero, somnolentis, languidis, & qui diu cum mala valetudine conflictati sunt, aut est omittenda, aut avara manu erit instituenda. Simile quid de iis quoque censeo, quibus jam prævaluit morbus, morsque præ foribus adstat; nota deinde si Apoplexia à vulnere capitis, depressione cranii, ebrietate, casu ab alto oboriatur, utique venæ sectioem necessariam & utilem esse.

§. 1022. Si vero Apoplexia oriatur vel à nimo motu vel sanguinis rarefactione. Si morbus mortem portendat per Phænomena & signa, quidni mittatur sanguis? si corpus ante sanum, penitus plethoricum, temperie calida præditum, cibis potibusque calidis usum, valde motum, valde ab illo motu rarefactum & calefactum non pulsu validissimo & recens sit malum, tum venæ sectio est instituenda è brachio vel alio loco, sive ex majoribus venis, imo jugularibus, quæ venæ sectio pro re nata repetitur: post hanc enim, si homo sanus evadat, statim

statim levamen oriri solet, larga manus sanguis est mittendus, hoc enim animadverti debet, utilius ac tutius esse, non una vice mitti debe-re, sed per vices, intra tamen paucarum hora- rum spatum. Sæpe oritur Apoplexia plethorica nullo vase rupto, si sanguis ita implet caput, ut cerebrum & canales medullosi sint compres- si, hinc sanguine misso minuitur cerebri com- pressio statimque æger resurget.

2. Parata venæ sectione purgans antiphlo- gisticum propinetur ægro & si opus fuerit re- petitis vicibus, dosi aucta adhibendum, ut al- vus servetur libera, materiaque derivetur ad inferiora: hoc autem optime procedet, præ- fertim in Apoplexia pituitosa, ubi nec nimia sanguinis copia, nec nimius motus adest, in hunc finem optime sunt Agaricus albus, folia Sennæ, Rhabarbarum, Tamarindorum pulpa, pa, Manna, Cassia, radices Mechoacannæ, Jalappæ, & multa alia purgantia, sic ex his formulæ præparantur scilicet.

R. Fol. Sennæ Mund.

Tamarind. ana 3j

Agaric.

Rhabarb. ana 3j

M.

Macera in aqua pluviali spatio $\frac{1}{2}$ horæ
dein lenis fiat ebullitio spatio $\frac{1}{2}$ horæ,
tum colaturæ 3vij admisce Nimi 3j
dosis 3j aliquoties de die sumenda, ut
alvus per aliquot dies bene laxa sit.

Vel

R. Agaric. albi 3j

Tamarindi 3j

O 4

Rhei

- Rhei elect. 3ij
 Sal, Polychrest. 3ijj
 Rob. Sambuci 3j β
 Syrup. Cichorei cum Rheo q. s.
 M. F. Conditum.

Capiat unciam unam omni hora, donec purgetur satis fortiter. Si autem hæc purgantia, non satis cito operentur, clysteres acres fortisque injiciantur ter quaterve de die, quæ præparentur ex foliis Origani, Hyssopi, Calaminthi, Lavendulæ, Rutæ, Tabaci, Centauri minoris, Majoranæ, Serpilli, Salviæ, Asari, vel ex pulpa Colocynthidis, Hellebori nigri, Rorismarini; Origani, ex floribus Stæchados Arabicæ, Lilium Convallium, radicibus Aristolochiæ rotundæ, Imperatoriæ, Pyrethri, & seminibus Carthami. His ipsis clysteribus commode etiam addi possunt Salia Volatilia, ut penetrant, & exfuscent ægros, inter quæ salia eminent, Sal Gemmæ. Sal Ammoniacum, Sal Nitri, Sal Volatile Succini. Exempli gratia.

F. Fol Calaminth.

- Tabaci
 — Rutæ ana M. j
 Pulp Colocynth 3j
 Coq. in f. q. Aquæ puræ ad
 Collaturam unciarum x.
 Admisce Sal. Gemmæ 3 β
 Mel 3ij
 F. Clyster.

Deinde maxime est cavendum, ne nimia corporis impletio, nec appulsus ad caput magnus fiat, nam vasa semel nimium dilatata, facilime, ad saguinis appulsum paulo majorum

rem, in eundem statum morbosum reducuntur: æger porro caveat in posterum illos errores, quos sibi tam male cessisse jam expertus est & similes alias.

3. Ingens præjudicium est, quod in Apoplexia medicamenta acria requirantur, contrarium obtinet in hoc, ubi refrigerantia & motus sedantia principem obtinent locum, quam male faciunt illi, qui Principibus balsamos Apoplecticos dant & Castorea, utpote qui ut plurimum Apoplectici fiunt à potationibus.

4. Ut sunt balnea perpetua, epispaistica ex Galbano, Allio & Cæpis.

5. Viætus sit tenuissimus ex diluentibus & emollientibus, ut juseculis carnium, insulsis, avenaceis, imo Pullorum, Columbarum, Gallinarum, Caponum, Turdorum atque ex omnibus generibus avicularum, nam in Principio Apoplexiæ diæta tenuissima est imperanda; quia morbus est acutissimus, potus sit vinum acidulus dilutum vel ex decoctis Sassafras vel viisci Quercini, vel Vinum, cui radix Chinæ est injecta; abstineat æger à Vino forti, imprimis à spiritu Vini, item ab aqua frigida nullis herbis medicata & ab omnibus Opiatis.

6. Stimulantia fugienda sunt &c. Locus in quo commoratur æger, sit modice calidus atque frigidus; cubiculum, in quo æger degere consuevit, non depresso sit, nec angustum, nec humescens, sed pervium & perflatum, temporibus humidis, nebulosis, frigidisque alterari interdum poterit aër herbis calefacientibus, odoratisque cubiculi pavimento stratis, ut Lavendula, Majorana, Salvia, Roremarina, Serpillo, Thymo, corporis exercitatio moderata esse debet, & quotidie quantum fieri potest,

G 5 con-

continuari. Somnus & vigilia nimis protracta magnum incommodum afferre solent; ut enim somno mediocri reficiuntur vires, ita largiore torpescit corpus, præcipue vero cerebrum, nimia vero vigilia corpus marcessit, spiritus absumit, somnus sit longus, is tamen metuendus pro consuetudine, vulgo septem horis determinatur in junioribus, in lenibus vero octo horis; a Venere nimia abstinentia atque ab animi pathematibus sive quæ ad tristitiam nimiam sive gaudium disponunt; decubitus in lecto sit maxime declivis & supinus, nam si in ullo morbo positura juvat, est certe in hoc morbo; sic saepius tales ægros curavi, ut eorum functiones integre restitutæ sint.

§. 1023. Hic multum promittere non possumus.

§. 1024. Nunquam despero de hac re, hæc mea credulitas multis ridiculo videtur, sed quia vidi integras libras sanguinis effusas resorptas, hic quoque desperare non possum, sed non dico me certe sanaturum, v. g. homo est affuetus omni verno tempore habere evacuationes per nares, pone nunc eum caruisse, pone in Apoplexiā incidere sine ulla causa, nonne credibile, quod ille sanguis ruperit arteriam in cavitatibus cerebri; homo inde moritur, sed an nil spei supereft? si fiat ingens evacuatio, cur non rapi possit in venas hærentes in mirabili spongiola puta plexum choroidæum, ergo instituatur ingens venæ sectio, non enim hoc occidit hominem, qui fato est destinatus.

§. 1025. Hæc est Apoplexia, quam saepè vidi abiisse, rediisse, tandem necasse, hinc plerumque illi ægri extinguntur; si semel hanc observavimus, cogitemus aquam in cava ventri.

triculorum esse extravasatam, hinc aquosa vi-
tanda, quia augent; Hydragoga danda, uti
resina Jalappæ addito Scammonio. Vesicato-
ria plerumque lympham evacuant, setacea,
fonticuli verbo dixerim, quidquid lympham mi-
nuit, tollit malum. Quia hæc Apoplexia est
frequentissima, quidam Auctores putarunt om-
nem Apoplexiæ ab hac causa oriri, in quibus
est *Egregius Piso*, quia vidit sæpiissime ortam a
Colluvie Serosa, dixit semper inde oriri, sed
hoc non verum est.

§. 1026. Remedia huic malo non inventa
sunt, aliter tot curationes quot causæ variæ.



Catalepsis.

§. 1027. Post Apoplexiæ sequentes morbi
facile intelliguntur, Catalepsis vox similem in-
sultum notat, ut lictores furem subito, nec
opinanter comprehendunt vel latrones viato-
rem. Catalepsis est, si quis subito omni sensu
privatur, & dein pertinacissime retinet eum
corporis statum, quem habebat eo momento,
quo morbus accedebat, e. g. si ambulet, per-
git ambulare; si sedeat, manet sedens &c. hinc
non est absoluta quies, sed omnia manent, ut
in initio invasionis, omnes musculi in eodem
statu manent.

§. 1028. Ergo nervosi spiritus sic incident in
musculos, & in sensorio communis manet eadem
determinatio, hinc intelligitur tota ratio Catalep-
sis, ut si vellem quid arripere & ordinate fieret
reprehensio, me invito. Omnes Medici hunc
morbum posuerunt maxime inexplicabilem, &
revera ejus intellectus non facilis est.

§. 1029. Tantum involuntariis muscularis, omnes functiones cerebri laeduntur, omnesque quæ inde pendent actiones, nam Cataleptico omnes sensus & motus corporis pereunt, soli musculi manent tensi, ut in initio, sola respiratione & pulsus supersunt, sed plerumque leves.

§. 1030. Hoc saepe oritur post febrim Intermittentem Melancholicis & Mathematicis, qui saepe in exstases inciderunt ex summis meditationibus, sic de *Francisco Vieta, Cardane, Isaaco Barrovio* scribitur, quod saepe fuerint immobiles nec excitandi, si ambularent, pergebant, si federent manebant, ut optime ex *Homero* descripsit *Virgilius*.

*Obstupui, steteruntque comæ vix faucibus
hæsit.*

Subita trepidatio, & diurna meditatio, febres validæ in sanguinolentis saepe producunt hunc morbum, sed tum aliquando morbus non advertitur, saepe jacent jam Cataleptici, quod cognoscitur; si adspiciant oculis immotis & ad interrogata non respondent.

§. 1031. Aeger apparet sanus; in cadaveribus hoc morbo defunctis invenitur sanguis impactus in vasa cerebri.

§. 1032. Optime curatur, si sanguis è naribus largiter fluat.

§. 1033. Homines diu Cataleptici, saepe tandem epileptici dementes, convulsi & Atrophici fiunt, vidi semel talem, quem opinabar vix tale esse malum, ei erat summa Melancholia, loquebatur, eram cum eo in convivio, bono animo erat, sed cum abiturus in limine stabat optima positura, valedicturus cum vellem

lem colloqui, vocarem, pungerem, truderem, stabat, dicebant adstantes ei id s^epe fieri post $\frac{1}{4}$ horæ, redibant motus, & malum abibat, ille postea miserrime Atrophicus & labefactatus est mortuus.

§. 1034. Curo causam, symptomata aggredior variis stimulis, ut excitem Hæmorrhagiam narium, excito acria sternutatoria, ut Saccharum candidum cum Euphorbio, Pipere &c. balnea, hirudines, pediluvia, cucurbita & similia profundunt, vomitoria, sternutatoria, juvant, quatenus mutationem in cerebro producunt, sic & vesicatoria, fonticuli setacei agunt, humida diluunt, sed s^epe est tanta causa, ut superari nequeat, s^epe causa sublata curarur v.g. expurgata Melancholia sponte cessabit, unde orta Catalepsis.

Carus.

§. 1035. *K^apa* est, quo *Hippocrates* indigitavit caput, hinc Carus notat simpliciter m^{or}būm capitis. Verum Carus differt ab Apoplexia parum, definitur hoc modo, quo paulo minor sit Apoplexia, sed Lethargo major, atque ipsum initium est Apoplexiæ: nam somnus est profundus, oculi fere semper clausi, quamvis excitentur, vix respondent, nec tamen perit sensus, qui sentiant, si purgentur vel vellificantur, atque respiratio fere adhuc semper est integra.

§. 1036. Curatio prima est, nempe adhibenda sunt discutientia, diluentia, situs corporis sit erectus cum victu tenuissimo,

§. 1037. Differt Coma ab Apoplexia, & dicitur
O 7

citur duplex esse, Coma scilicet ἀγρυπνίας Græcis vocatum, sive vigil, & coma κωματῶδας sive somnolentum. Coma vigil definitur, quod sit morbus in quo ægri clausis oculis decumbunt, attamen vix dormire possunt & levi tactu oculos aperiunt, iterum in insomnia cadunt, quia multas imagines credunt se videre, ita ut vigilare cogantur, delirium accidit cum immani capitis gravedine, Galenus hunc affectionem medium constituit inter Lethargum & Phrenitidem, & Typhomaniam appellat, ex his patet, quod coma vigil sit tantum levis inclinatio in somnum. Coma somnolentum vero vocatur ac definitur morbus, in quo ægri somnum profundum habent, sine febre, in quo quamdiu excitantur, oculos aperiunt, vel ad interrogata respondent, mox iterum in eundem somnum delabuntur, quia illorum membra deorsum concidunt, mortuis similiores, quam vivis decumbunt. Coma vigil oritur, si una pars cerebri sit compressa, & per alteram tanto violentior oritur circulatio.

§. 1038. Lethargus derivatur à λήθη oblivio & απεγκατάστασι otiosus; hinc Lethargus est proprius morbus otiosus, in quo æger omnia obliviscitur; hinc est somnolentia perpetua cum obliuione sine febre à causa frigida, hi ægri rogati respondent, dein oblitiscuntur, ergo est somnus profundior quam in Comate vigili; sed minor quam in Comate somnolento sine febre, cum delirio & obliuione omnium rerum.

Finis Quartæ Partis.

I. N.

INDEX

RERUM & VERBORUM.

A.

- A**ngina Aquosa, cathar-
 — rosa tenuis. 42
 — Sedes, ibidem
 — Causa, ibidem
 — Effectus 44
 — Cura ibid.
 Angina Convulsiva, Pa-
 ralytica, Suffocativa, 82
 — Causa, ibidem
 — Quibus contingat &
 curetur, ibid.
 Angina Inflammatoria 48
 — Causa ibid.
 — Effectus varius pro
 varietate partis 57
 — Prognosis generalis 64
 — Exitus 68
 — Cura ibid.
 Angina Suppuratoria 79
 — Gangrenosa 80
 — Scirrhosa 47
 — Cancrofa 81
 Angina Prognosis ex Hip-
 pocrate 84
 Aphtha 268
 — Quid sint ibid.
 — Causa ibid.
 — Locus 269
 — Quibus familiares &
 quando ibid.
 — Causa antecedentes ib.
 — Diagnosis 270
 — Symptoma 270
 — Effectus 271
- Indicatio. Cura 272
 — Quasita 277
 — Rugula Prognostica 278
 Apoplexia 291
 — Ejus definitio 293
 — Futura quomodo pra-
 videatur 310
 — Quomodo præsens co-
 gnoscatur ibid.
 — Causa proxima 293
 — Remota 294
 — Harum cognitio un-
 de 303
 — Morbi divisio 304
 — Locus ibid.
 — Quasita ibid.
 — Magnitudo unde co-
 gnoscitur 305
 — Indicatio. Cura 311
 Apoplexia levitas & fana-
 bilitas unde decernatur
 306
 — Quomodo salvatur
 ope naturæ ibid.
 — Paulus gravioris ef-
 fectus & exitus 307
 — Exquisita Prognosis
 ibid.

C.

- C**arus quid? Causa. Dia-
 gnosis 325
 Curatio Artificialis unde
 petenda ibid.
 Catalepsis quid? varia e-
 jus

I N D E X

- | | | | |
|-----------------------------------|--------------|--------------------------------------|--------------|
| <i>jus nomina</i> | 323 | <i>bos.</i> <i>Horumque effectus</i> | |
| <i>Catalepsis Causa proxima</i> | | <i>Quæsita</i> | <i>ibid.</i> |
| <i>ibid.</i> | | <i>Hepatitis sive Hepatis in-</i> | |
| <i>— Hujus proxima</i> | 324 | <i>flammatio</i> | 208 |
| <i>— Causa antecedentes</i> | | <i>Sedes</i> | 210 |
| <i>ibid.</i> | | <i>— Causa antecedentes</i> | |
| <i>— Exitus in alios moro-</i> | | <i>ibid.</i> | |
| <i>bos</i> | <i>ibid.</i> | <i>Effectus</i> | 215 |
| <i>— Anatomia quid de-</i> | | <i>Exitus in sanitatem</i> | |
| <i>monstret</i> | <i>ibid.</i> | <i>ope Naturæ</i> | 217 |
| <i>— Sanatio ope naturæ</i> | | <i>Artis</i> | 223 |
| <i>ibid.</i> | | <i>Signa perfecta Sana-</i> | |
| <i>— Ope artis</i> | <i>ibid.</i> | <i>tionis</i> | 224 |
| <i>Coma vigil quid</i> | 326 | <i>In aliud morbum</i> | |
| <i>— Somnolentum quid</i> | | <i>puta suppurationem</i> | <i>ibid.</i> |
| <i>ibid.</i> | | <i>Signa hujus futura</i> | |
| D. | | | |
| D yserteria blanda, sub- | | <i>Facta</i> | <i>ibid.</i> |
| cruenta, biliosa cui | | <i>Effectus.</i> <i>Prognosis</i> | |
| bonæ | 354 | <i>ibid.</i> | |
| <i>Dyserteria purulenta. Cau-</i> | | <i>Cura</i> | 230 |
| <i>sæ. Effectus</i> | 258 | <i>Scirrum ejusque Ef-</i> | |
| <i>— Cura</i> | <i>ibid.</i> | <i>fectus</i> | 232 |
| <i>Dyserteria fatida Cine-</i> | | <i>— Prognosis</i> | 233 |
| ricea. Ichorosa. Livida | | <i>Calculum Hepatis</i> | 234 |
| <i>&c. Quid indicet? Quid</i> | | <i>In mortem</i> | 235 |
| <i>presagiat?</i> | 260 | <i>Prognostica</i> | 236 |
| <i>Dyserteria siccioris causa</i> | | I. | |
| <i>261</i> | | <i>Eterus multiplex</i> | 208 |
| <i>— Acerrime assidue cau-</i> | | <i>Prima speciei beni-</i> | |
| <i>sæ. Effectus</i> | 262 | <i>gnæ dictæ origo</i> | 205 |
| <i>— Prognosis</i> | <i>ibid.</i> | <i>Cura</i> | 217 |
| F. | | <i>Secunda paulo gra-</i> | |
| F latus dolentes unde | 251 | <i>vioris cura</i> | 223 |
| H. | | <i>Tertia pejoris causa</i> | |
| H epatis usus. Humor | | <i>216</i> | |
| Situs | 236 | <i>— Prognosis</i> | 227 |
| <i>— Circa ejusdem mor-</i> | | <i>Quarta nulla arte</i> | |
| | | <i>sanabilis causa</i> | <i>ibid.</i> |
| | | <i>188-</i> | |

RERUM & VERBORUM.

<i>I</i>	<i>Queritum</i>	264
<i>esterus Quinta valde peri-</i>		
<i>culosa Diagnosis</i>	228	
<i>Sexta cito lethalis</i>		
<i>conditio</i>	229	
<i>Cura. Si que</i>	230	
<i>Septima, perpetua</i>		
<i>producta</i>	232	
<i>Palliatio</i>	233	
<i>Octava subita & in-</i>		
<i>gentis meta</i>	235	
<i>Prognostica circa I-</i>		
<i>sterum</i>	236	
<i>Ilei causa. Diagnosis. Pro-</i>		
<i>gnosis</i>	253	
<i>Intestinorum inflammatio-</i>		
<i>nis cause</i>	249	
<i>Diagnos: Effectus. Prognosis</i>	251	
<i>Exodus in absces-</i>		
<i>sum Signa. Effectus</i>	258	
<i>Cura</i>	ibid.	
<i>in Gangrenam</i>		
	259	
<i>Hujus futura Si-</i>		
<i>gna</i>	260	
<i>Præsentis Signa</i>		
	ib.	
<i>Prognosis</i>	ibid.	
<i>Cura</i>	ibid.	
<i>In Scirrum ib.</i>		
<i>Hujus diagnosis</i>		
	361	
<i>Effectus</i>	ibid.	
<i>Prognosis</i>	262	
<i>Cura</i>	ibid.	
<i>In Cancrum.</i>		
<i>Quomodo</i>	263	
<i>Hujus Palliatio</i>		
	ibid.	
<i>L</i>	<i>aryngis inflammatio</i>	
<i>descripta</i>	60	
<i>Cura.</i>	68	
<i>Lethargus quid</i>	326	
<i>Cognitio. Curatio uno</i>		
<i>de petenda</i>	ibid.	
<i>Lienis affecti Historia un-</i>		
<i>de petenda?</i>	248	
<i>M</i>		
<i>Musculorum ossi Hyoidi</i>		
& Laryngi elevan-		
<i>dis servientium inflam-</i>		
<i>mationis signa</i>	61	
<i>Cura</i>	74	
<i>N</i>		
<i>Nephritis quid! Ejus</i>		
<i>Diagnosis</i>	279	
<i>Cause</i>	280	
<i>Effectus</i>	281	
<i>Cura bonitate Na-</i>		
<i>tura</i>	282	
<i>Artis</i>	283	
<i>Exodus in suppura-</i>		
<i>tionem</i>	286	
<i>Hujus futura præsen-</i>		
<i>tis signa cura</i>	ibid.	
<i>Effectus</i>	288	
<i>In Scirrum ib.</i>		
<i>Calculum renalem</i>		
	ibid.	
<i>Gangrenam</i>	289	
<i>O</i>		
<i>Omenti affecti historia</i>		
<i>unde haurienda?</i>	248	
<i>P</i>		
<i>Pancreatis affecti histo-</i>		
<i>ria? Unde haurienda?</i>	ib.	
	Pa.	

INDEX

<u>Paraphrenitis quid?</u>	204	<u>Jam jam instantes</u>	
— <u>Diagnosis</u>	205	— <u>Facta</u>	115
— <u>Prognosis</u>	207	— <u>Effectus</u>	116
— <u>Cura</u>	ibid.	— <u>Cura</u>	117
<u>Paraplegia quid? Unde</u>	307	— <u>In abscessus ad alia</u>	142
— <u>Prognosis</u>	308	— <u>loca</u>	119
<u>Parapoplexia effectus</u>	305	— <u>Horum futurorum</u>	
— <u>Paraphrosyne quid?</u>	3	— <u>circa pulmones signa</u>	117
— <u>Causa proxima</u>	18	— <u>Cura</u>	146
— <u>Causa antecedentes</u>	4	— <u>Diagnosis vergentii.</u>	
— <u>Cura</u>	30	— <u>um ad crura</u>	121
<u>Peripneumonia vera quid?</u>		— <u>Ad aures</u>	ibid.
— <u>Sedes</u>	85	— <u>Prognosis</u>	122
— <u>Causa proxima</u>	85	— <u>Cura</u>	150
— <u>Remota</u>	87	— <u>Ad Hepar</u>	122
— <u>Effectus</u>	89	— <u>Cura</u>	150
— <u>Prognosis</u>	87. 106. ♂	— <u>In tumorem scirrho-</u>	
	125	— <u>sum callosum</u>	123
— <u>Exitus</u>	108	— <u>Cura</u>	150
— <u>In sanitatem resolu-</u>		— <u>In gangrenam</u>	124
— <u>tione benigna</u>	ibid.	— <u>Prognosis</u>	151
— <u>Hanc juvantia</u>	130	— <u>In mortem</u>	126
— <u>Sputi evacuatione</u>	108	<u>Peripneumonia Notha in-</u>	
— <u>Hanc promoventia</u>		— <u>vasionis tempus. Causa.</u>	
	132	— <u>Prognosis</u>	153
— <u>Impedientia</u>	151	— <u>Diagnosis</u>	156
— <u>Hinc effectus qui</u>	152	— <u>Quibus familiaris;</u>	
— <u>Cura</u>	ibid.	— <u>quibus minus</u>	ibid.
— <u>Alvi excretione</u>	111	— <u>Cura salutaris</u>	157
— <u>Huic proficiu</u>	134	— <u>Minus salutaris</u>	155
— <u>Urina emissione</u>	121	— <u>Pharyngis inflamma- si-</u>	
— <u>Hanceffentia</u>	135	— <u>gna. Effectus. Prognosis</u>	
— <u>In aliud morbum</u>		— <u>57. ♂ 80</u>	
	112	— <u>Cura</u>	68
— <u>Puta in suppuratio-</u>		— <u>Phrenitis vera quid?</u>	3
— <u>nem</u>	113	— <u>Causa proxima</u>	18
— <u>Diagnosis hujus su-</u>		— <u>Remota</u>	ibid.
— <u>tura</u>	114	— <u>Antecedentes</u>	4
		— <u>phre-</u>	

RERUM & VERBORUM.

<i>Phrenitis Diagnosis</i>	9	<i>Cura</i>	ibid.
— <i>Prognosis</i>	11	— <i>In scirrhum. Callum,</i>	
— <i>Quid Anatomia de- monstret?</i>	18	<i>Hujus Diagnosis Effectus</i>	ibid.
— <i>Curatio ope Natura</i>	21	— <i>Cura</i>	ibid.
— <i>Artis</i>	22	— <i>In Gangrenam</i>	ibid.
<i>Phrenitis Symptomatica vi- de παραφροσύνη</i>		— <i>Hujus causa</i>	ibid.
<i>Pleuritis quid?</i>	161	— <i>Hujus instantis si- gna</i>	201
— <i>Humida; qua sicca</i>	164	— <i>Presentis signa. Ef- fectus. In mortem</i>	203
— <i>Utriusque sedes</i>	ibid.	<i>Pleuritidis sicca causa. Ef- fectus</i>	204
— <i>Qua vera; qua spu- ria? utriusque locus</i>	197	— <i>Cura</i>	202
— <i>Quae Idiopathica? quo et quando infestet?</i>	168		
	204	T.	
— <i>Quae Symptomatica</i>	170	<i>Tabes Renalis unde?</i>	288
— <i>Causa proxima</i>	175	— <i>Lenta in crure</i>	
— <i>Antecedentes</i>	170	<i>unde.</i>	ibid.
— <i>Effectus</i>	175	<i>Tonsillarum inflammata- rum Signa. Effectus. Pro- gnosis</i>	62
— <i>Prognosis</i>	202	— <i>Cura</i>	76
— <i>Exitus in sanitatem axilio Natura</i>	180	<i>Tormina cum Borborygmis unde?</i>	251
— <i>Artis</i>	188		
— <i>In alios morbos puta in suppurationem</i>	197	V.	
— <i>Signa hujus future</i>		<i>Ventriculi inflammati Causa. Signa. Ef- fectus</i>	242
	ibid.	— <i>Prognosis</i>	243
— <i>Presentis</i>	ibid.	— <i>Cura</i>	244
— <i>In Abscessum. Hu- jus Diagnosis. Effectus</i>		— <i>Suppurati Diagnosis. Effectus. Cura</i>	245
	198	— <i>Scirrhosi vel Cancrofi- fortis signa. Effectus</i>	246
— <i>Cura</i>	199	— <i>Cura</i>	247
— <i>In Empyema</i>	200	<i>Volvuli unde</i>	251

Finis Partis Quarta.